

國

心

上海图书馆藏书



A541 212 0024 1447B

者看 北京教育部爲精神教育之通咨

教育部昨分咨各省略謂知恥乃能近勇多難足以興邦吾國自海通以來迭遭失意之事從前狃於爲尊者諱之積習遂謬託於民不使知之故甚至境過情遷久焉輒置今者政體殊異上下休戚既已相關斯利害得失誼當共曉昔日本甲午與吾國交涉一役以俄之抗議退還遼東引爲大恥至編入小學校教科書中普敗於法乃以其事日詔國人厥後戰勝論者咸歸功於國民教育卽微之吾國載籍若勾踐置膽之行毋忘會稽之語皆成績具在前例可師是其造端雖微而收效實大惟事關精神教育申做務在平心既無取過事鋪張又不得空言激烈云云照錄六月十四日申報

者看 北京商會國恥痛心通電

日本利用歐洲戰事乘我新造國家提出吞併朝鮮同一之條件而我承認五月七日竟以武力爲最後之要求四十八鐘內倘不承認立即進兵以五千萬同種同文之人忍加刀於我四萬萬人之頸強奪我之生命財產以滅我國家而供其貪慾嗚呼痛矣乃我國家初創人民屢遭離亂元氣未復政府內顧民力不能不委曲求全讓步媾和權利喪失國幾不國嗚呼痛矣嗟我國民受此奇辱尙有何面目以自存於社會夫我中國素稱強大甲午以後外患因以紛來聯軍之役日俄之役青島之役屢受侮辱東南屏藩爲之盡撤今且深入我濟南之腹地竟以亡國條件相要挾矣我國民苟尙欲自立於人類五月七日之恥此生此世我子我孫誓不一刻相忘今請自本年五月七日始我四萬萬人立此大誓共奮全力以助國家時日無盡奮發有期此身可滅此志不死永存此志無

目錄

◎警畫

中日新條約調印時之真相 臥薪嘗膽 國恥紀念血書三種

日人以朝鮮爲中華代名詞之手書 一髮千鈞 救國應儲

之種種 上海五月九日馬路各舖家爭懸救國儲金團大旗之

寫真 天性感格畫一 天性感格畫二 國恥紀念大會

◎序例

社序 戈序 凡例

上冊

◎國恥之起點

▲中日協約之隱隱約約初象

中日協約之風傳 北京電 日文上海日報之載 中日協約



傳疑錄 中日議定書之內容 大阪每日之社論 京師人士

之憤激 亞細亞報之紀載 國民公報之社論 各種方面之

質問 日文報紙之解釋 警廳對於日支議定書之申解 大

陸報北京通信 順天時報所述

▲山東人民先嘗之痛苦

大陸報所載 又載非通信員所發函 上海法文報所載 英

人某自山東函致北京所述 北京某報所載山東傷斃人口表

英文京報煙台通信所述 大陸報高橋村通信所述 附錄參

政院第十五次常會 提出山東事件即外兵蹂躪山東事之議

案 參政院山東事件質問書

◎日本官民共謀之內容

▲日本蹂躪我國人之蓄念

東京電之述 北京電之述 東京電十六通之述 日本對支

研究會之意見書之述 東京電二十一通之述 北京電之述

◎日本海陸軍無故示威

目

錄

一



北京電三通 東京電 大阪每日新聞所述 岡山電 下關電 鳥取電 舞鶴電 東京民報所述 大阪每日新聞所述 廣島電 姫路電 大阪每日新聞所述 大陸報所述 吉長日報所述 粵報之載 京津太晤士報北京通信

●會議專載

自第一次起至第二十六次止依次分別錄載

●全國輿情

▲紛紛電爭

浙江電爭 安徽電爭 湖北公民電爭 閩桂文電爭 福建旅滬同鄉會電爭 江蘇王豐鎬等電爭 江西商務總會電爭 滬人士電爭 湘省教育總會電爭 吳承忠電爭 何海鳴來電 旅美華僑電爭 湖南商會電爭 前清名將劉永福電爭 大阪中華商會電爭 吳承忠致黎段二公電 浙民電爭 上海張園開會後電爭 上海國民對日同志會電爭 外交後援會電爭 四川公民電爭 陸渠等致外交部電

▲亟亟上書

留東學生代表上書 致外交部函 南昌曾誠明等上書 前參議葉景偉上書 留學生請再寬黨禁 進步黨內函達主議

▲激昂慷慨之民氣觀

從戎敵愾之雄心 請開國會之主張 傾家報効之熱忱 焚毀已購之洋貨 華僑愛國預告助餉之約數 華僑粵人盧肇三 滬民之主張 留日學生代表之來滬 國民對日同志會之發起 張園之國民大會 西報所紀之國民大會 (附錄 戈朋雲政大陸報函) 提倡軍國民教育

●政府告誡及各省官廳之舉

止

▲政府告誡

大總統申令 慎重國交之諭飭 中央訓誡軍隊之電令 教育部訓誡留日學生 外交部電 政事堂電 統率處電 內務部電 教育部電

▲各省官廳之舉止

(北京) 朱選接之來電 各參政之奔忙 京報紀黎副總統
 電文之傳疑 總統府之會議 副總統之主張 (奉天) 官場
 之防範 中日交涉中之言論界 軍事界 (吉林) 外交界
 飭警廳文 警廳詳外交署文 (山東) 中日交涉中之賞
 花會 (湖南) 中央之來電 湘政府之維持 (徐州) 張
 巡閱使之血性 (廣東) 許世英電粵請力爭福建主權 電
 告留日學生情形 官紳討論禦侮計畫 禁止演說 取締報
 館 閩粵通電 增築砲台 閩使電告 五省大吏請禦侮
 之電文 (上海) 楊道尹之勸導 日領事之訪問 政事堂
 之電令 交涉使之示文 中央電之大略 發傳單之處罰
 當道電致中央之大概 淞滬警廳之文告 楊道尹一再佈告
 政府致電當道 彼此均應勸誠 勸勿開會之電話 禁止
 扯毀仁丹廣告 發傳單罰洋一元 詢問派艦之虛實 中央
 來電之太旨 官廳公函之勸誠 張貼交涉員告示 軍界保
 護日商 探捕搜索印刷品 拘留三星期 當道之維護 馮

上將軍之通飭 中央政府之注意 解決中日交涉之電音

◎日人對我之論調

大阪每日新聞之載 大阪每日新聞社論 東京每日新聞之
 載 日文新支那報之社論 大阪朝日新聞之論 大陸報之
 載 讀賣報之載 中央報之載 報知報之載 國民新聞之
 載 朝日報之載 日人致神州日報狂妄之函 附錄日人笑
 我傳單 日人侮我之言論

◎世界之公論

論日本之侵略中國政策 (大陸報) 論華人對日方法 (宇林報)
 英人指摘大隈伯之宣言 (宇林報) 美人希望
 華人對日之政策 (北京英文報) 論日本之要求 (大陸
 報) 推論日本之失策 (宇林報) 京津太晤士報忠告日
 本 中日交涉之借箸談 (大陸報) 日本式之門羅主義
 (大陸報) 儆戒日本之言 (宇林報) 英人眼光中之中日交
 涉 (香港英文報) 英國對於日本要求輿論 (宇林報)

國

恥

法報述日人之互相牽引政策 論大隈內閣之於中國 (大

陸報) 外報論日內閣手段之誤 (大陸報) 加藤氏之外交

政策 (華德日報) 字林報希望戰局可免 論履行條約即

為中外兩利策 (李作白) 美報對於日本行動之研究 中日交

涉與美國之關係 英報望我保有領事裁判權 英人以思想

自衛昂我 (英文北京日報) 中國地位果無望乎 (大陸報)

京津太晤士報之不平聲 遠東之戰雲 (大陸報) 英報

述中國不亡理由 中日間之懸案何在 (李作白) 論對付哀

的美敦書之究竟 (李作白) 英報論日本得不償失 自署

中國摯友之忠告 英報述日本之帝國夢 李作白論日本之

致哀的美敦書 美國茂持之對日意見如此 中日談判之光

景 新約到東後之交涉因果談 公論西報主筆被控之全案

下冊

◎日本要求條件全文

初時要求之二十一條件 未幾修改之二十四條件 附錄日

使與我政府來往函二通 政府事後宣布之條件 中日互換

公文 (十三件) 附錄外交部報告參政院之附件

◎日本之最後通牒

▲哀的美頓書之全文

附錄答覆公文 附錄哀的美頓提出前一日之北京觀 附錄

哀的美頓提出之經過 附錄答復日本通牒之經過

◎五月九日後之全國輿情

軍界一分子之痛言 (北京) 商界之奮發 (北京) 伶人

之憤激 (北京) 學界發起國恥會 (北京) 伶界發起義

務戲 (北京) 國難聲中之傷心人 (北京) (馬麟) 李

陳兩志士之痛言 (北京) 軍官學生何光烈之痛憤 (保

定) 譚兆槐留書服毒自盡 (澳門) 嗚呼湘人之血與生命

(血書七紙楊渭明周全仁投水二人) 女學生發起國恥紀

念 (粵垣) 川豫人憤激之文電 教育之痛定思痛 (江

蘇教育會函) 血書之警贈 (李佩陰) 上海國民大會紀

第二次會 中日交涉解決後之湘訊 上海續開國民大

事未成 九畝地國民會續誌 廣東學界開國恥紀念大會

湘省之民氣激昂 請鑾 退學 (留日學生) 斷指 (十二

人) 墮城 (楊紹) 知恥 (羣智校同學國恥會) 湘學

界之以身殉國者 (彭文超) 小學校長自戕 (嘉禾錢芝

瑞) 組織軍國民教育會 (鄂師範校) 倡設勸用國貨同

志會 (鄂農業校) 陸軍學生血濺講席 (鄂省施修和)

京商會痛心國恥之急電 陸軍步兵少尉裘奮事略 岳陽胡

泰寅之投江 名伶高福安在南滿車中與日警之鬪端 黃遠

生君答日本新聞記者之轉徵意見 青島秦立均之自戕 哈

爾濱之自戕者張晉泰 鄂中近事紀 誌審方黃因傳單牽涉

全案 我人目錄齊集於彼邦之動作 華民輿情之遞 響

津埠又開中日聯情會

◎五月九日後之政府告誡及

各省官廳之舉止

▲五月九日後之政府告誡

內務部電 梁士詒電告交涉情形 外交部電 統率處電

大總統申令

▲五月九日後之各省官廳之舉止

張少軒電 許世英電 李巡按請懲棄職京官電 許世英以

去就爭新約電 電賀交涉成功者誰耶 北京電 中日交涉

失敗後之軍人態度 馮國璋電 也是園茶話會紀事 解散

開會後之禁造謠言 張許兩使同電料彈曹汝霖 附錄陸曹

自請罷職電 公堂傳詢救國急進會各團聯合會之宗旨如何

不認責備外交大員之通電 上海縣知事署致報館函 軍

人難行國恥紀念

◎五月九日後之日人輿情

日本外交收功後之對華言論 日本尙各交涉之失敗 日人

又將藉電發難矣 日人調查中國富力 日本歸還青島說之

反響 日人之經濟侵略 日人眼中之津浦路權 日人之對

華聯合大會 日人眼中之華人排貨熱 日人真以朝鮮視我

矣 到華進口之日貨大減

◎五月九日後之世界公論

西報對於中日交涉解決後之論調 (大陸報) 英報之憤言

俄國排日之傾向 交涉結束後之英報評論 日果不再用

經濟侵略乎 (英報) 遠東問題之新局面 (京津太晤士報)

英報力斥日本之無禮 日使無理干涉公論 (京津太晤士報)

英報關顧天時報之謬論 俄報論日俄密約與遠東時局

天主教司鐸警告教徒

◎救國儲金

馬佐臣君之隱名投函 挽救中國危局之實際辦法 討論救

國與愛國之名稱 定名為中華救國儲金團總事務所 中華

救國儲金團暫行簡章之表決 臨時幹事之公啓 附演說之

追記 儲金團聲明加賦說之電文 附張謇對於救國儲金之

感言 附王鴻猷主張以儲金辦銀行

◎朝鮮慘史借鑑

▲朝鮮亡國史略

外交上之經過

第一期 朝鮮為中日兩國之朝鮮 第二期 朝鮮為俄日兩

國之朝鮮 第三期 朝鮮為日本之朝鮮 (一)預備時代

(二)實行時代

◎此後救亡之方略

肅政史救亡宜急之全文 吳劍豐條陳救國五事 肅政史之

建言 華僑之最近上政府書 救國之唯一方法 (尙志)孫

武之改變民團條陳 戈朋雲之救亡見解

◎詩歌諧談

軍歌二十四首 (黃公度) 從軍決絕辭七首 (惜誓)愛國

勵志詩 (王壽樾) 尙武詞十四首 (王壽樾) 感時詩四

首 (翁病秋) 貓戲鼠 (某謬議) 中日交涉書憤四首 (


樵隱) 時事雜感六首 (燕青) 愛國頌 (薛振新)

國恥紀念歌 (靜叟) 愛國歌 (朱素貞) 口占 (朋雲)

聯語 (屏之友某) 新孟子 (諧文) (鑄禹) 地獄

(短篇小說) (馮半江) 相鴉 (爾語) (耦一)

五月二十一日中日新約調印之時真相 嗚呼



(上) 高尾書記 (中) 日置公使 (下) 小幡書記

(上) 曹汝霖 (中) 陸徵祥 (下) 施書記

卧
薪
膏
膽

此
不
能
舍

九
百
萬



國 恥 紀 念

紫陽後人



杲士血書


湖 南 湯 猛 夫 君 血 書

江 西 章 祺 慶 君 血 書



看看日人手工筆

支那朝鮮同一運命之說久爲日人士之口頭禪吾國人耳之已熟自此次要求提出後吾國一再讓步彼日人遂愈夷我於朝鮮甚有直以朝鮮爲我之代名詞者此非予故爲是語以激



此係日本國內寄來我國之函件信封上不書中華民國而寫朝鮮奇哉我親愛同胞觀之能不痛心乎務望上下一心毋爲朝鮮之續也
 湖北省外國語專門學校學生

我國人也實緣湖北甲種商業學校最近發現一可驚可駭之書函是函寄自日本東京神田區巖松堂書店於大正四年四月十五日付郵其封面標題曰朝鮮湖北省立甲種商業學校該校長閱之至爲心恫當以傳觀全校生亟懸壁上以自警嗚呼噫嘻彼日人意中已無復支那二字之存在矣夫書店之通函純屬營業性質無政治意味




吾信其無挑撥感情侮辱鄰邦之必要然且有此怪現狀足徵彼日人一致之觀念固已併合支那朝鮮爲一物而無所區別也吾國人睹此當作如何感想乎 (錄四月初三日新聞報)

一髮千鈞
(星)




農
商

救國應儲之三種



上海救國儲金團五月九日之寫真



天性之感五格畫



平江周祥繪

看看我這兩個
小兒女。真是可
愛。咳。想到國
事弄到這個地
步。我這可愛的
小兒女不知將
來被他族怎樣
糟蹋。啊。我想
轉來了。國事是
要人去做的。我
要快快救國。不
然。祖宗骸骨也
難安。祖宗魂靈
也向我哭。不獨
我對不住這小
兒女就了呢。

天 性 感 格 畫 二



你 總 要 教 我 孫 兒 來 好 做 人 呀 爹 爹

國駐紀念大會

毋忘五月九日



社序

本社是書之編。以民國四年五月九日國恥紀念之後四日爲開始。值此時也。外交失敗。痛定思痛。國內志士奔走呼號。羣謀救吾垂危之國而保自身。以及夫子子孫孫以脫免於奴隸牛馬也。然而亦知徒立空言之無濟。徒思對外之無益。於是悉趨乎根本上之進行矣。如保持商貨利益而改良製造也。肇畫貧民生計而興辦實業也。圖國威之復振而提倡軍國民也。期學識之普及而討論強迫教育也。此俱事之至要。而須時日以觀其效者。至如目前之勸認救國儲金也。喚起國恥紀念也。乃蓬蓬勃勃之民氣。大有一日千里之概。地無論京垣巨埠。窮鄉僻村。人無分老稚強弱貴賤新舊。或解囊以樂輸。或揮健筆運苦口以貢長策。而街談巷議。人人相與切齒髮指。莫不同爲敵愾同仇。更有熱度過高之流。憤不欲生。絕粒也。服毒也。投江也。自刎也。已屢聞不鮮。至若斷指血書。更難勝計。無非皆因欲警悟羣衆以行此劇烈。規之以正道。雖未敢謂當。而其情之可憫。其志之可敬。孰得而謂吾人民無愛國心哉。然而外侮之來。不始自今日。曾受之者已多。惟損我權利。

之大。遺我後患之深。且取之於我。竟若是其易。從未有今日若者。此而可以境過情遷。忘若無事。誠亡無日矣。深願今日血淚斑斑之言論。蓬蓬勃勃之民氣。必其持久有爲。毋再貽外邦虎頭蛇尾之誚。嗚呼。時不我待。若真僅僅五分鐘之熱度。則吾儕永墮於奴隸地獄。世世子孫。決無自由之日。言念及此。欲哭無淚矣。本社編輯是書。彙集名言。字字血淚。句句痛心。俾人人手置一編。作座右銘。觀嗟呼。風雨飄搖之日。正吾儕痛心疾首之時。哀聲誦讀。效夫差之三呼。庶五月九日之國恥。終得一雪。所謂物恥足以振之。國恥足以興之。同胞。同胞。勿餒爾志。今日之所歷。甯知非蒼蒼者之強迫吾人有爲乎。

中華民國四年六月知恥社序

戈序

曰。國果可救乎。國果不亡乎。曰。國可救。國必可救。國不亡。國必不亡。如何而決國必可救也。古人十年生聚。十年教訓。終得雪恥。要在人心堅誓。勿忘其恥。豈僅國之可救已哉。如何而決國必不亡也。試觀今日之人。尚似往時之怕死否。不怕。不怕。死已不怕矣。人能亡命。是卽不亡國也。予以是先告讀者。得使氣魄一壯。爭爲我祖國圖生存而起也。昔之德也。俄也。其弱且過於我矣。今則竟爲列強中之尤強者。可知弱亦他國所嘗有者。但在振之可耳。我疆域之廣。產蓄之盛。人智之敏。姑悉勿論。但就丁口言之。有此五萬萬之衆。卽欲把此地球鑿破一角。亦能爲之。具有此力。尙慮何事不勝爲。赫德返英。語其國人曰。中國而果強也。其餘力尙足爲他國之佐助。信哉。我國非終久不得振者。轟轟烈烈與列強齊驅並駕。固有其時日也。乃彼日本利我。今日尙在未強時代。乘機圖我。迫以酷毒條件。威以野蠻兵力。幾令我不國。我不雪其辱。尙得謂爲人乎。是役按以春秋之義。予自不得謂國內當任責備之無其人也。於彼邦除痛憤外。予亦未嘗不爲之惋惜。蓋一旦將我同

恥

國

洲同種同文唇齒相關之宿誼斬絕。而結此終天惡感。未必係其善策耳。本書之刊。由於知恥社之熱心諸君子。藉之警悟同胞。共圖強國。以予之爲人。剛正素聞。遂激請爲編輯之主裁。予亦義不容辭。頃者書已完竣。予擬以其社內分勞編輯諸君之大名悉列序中。言之再再。不可。非其拘於謙讓。蓋志在慕世之無名之英雄也。讀者將爲破涕之笑乎。暴鄰既來無理之要求。我邦忽產無名之英雄。惟期無名之英雄產之無盡。必有於無形中鏟滅此無理要求之一日。予以本書算作無綫電預報讀者諸君。讀者諸君。願相與共籌其亟亟與與。

中華民國四年六月戈朋雲序

凡例

一國恥紀念日有作五月七日者以係最後通牒之日也有作五月九日者以最後通牒中限我政府與以滿足答覆之日也本社從九日者從多數人意耳

一本書材料大抵皆選自中外各大報而題目亦大抵一仍其舊

一報中之論說爲本書所選者僅有西報而華報付之闕如其故有二一因西論爲局外之公論彼之非議日人較我在事之人自行非議之尤有力亦尤爲人所樂閱也一因中國全國論說佳篇繁多本書之地位已擁擠異常如欲選之非再增一大冊不可殊有爲難之處遂亦姑置之他日或有另行彙刊之機緣未可知也

一偶有傳聞前後兩岐之事而曾刊諸報章者吾人若莫能究其底蘊姑兩錄之由閱者自行意判
一編輯是書事忙時促其間疏忽之處定所不免且編之者傷心已甚雖求無疎忽其如何可願讀者諒之

一萬一要件有所遺漏得荷閱者指告當於再版時補入其厚意當深感深感

一維持國貨係爲挽救漏卮起見此舉之爲公衆重視已有四五年之久茲以國貨調查表附於書末者俾便於檢閱耳

讀者之種種須知

是書宜正襟危坐而讀之庶可鐫刻於心永矢不忘勿讀似尋常書類

是書宜人手一編讀後置於近便書案籍資逐日流覽以增進吾儕之愛

國熱度

讀者莫妙於將書內警句時時講與家人婦女兒童及鄰伴等聽之俾知

共和國民人人應任救國之責

讀此書而不痛恨者非吾國民也若一味痛恨而不思圖強者亦非完全

之國民也

讀後自省有依賴之劣根性否吾國素欲憑諸國之互相牽制而自得倖

免今也亦可以悟其計之左矣故讀者不欲以依賴而致不國宜先自

痛戒之

國恥之起點

或以今日中國所受之禍患乃青島波及也。換言之。即歐戰間接所致也。吾特劈頭糾正之曰。非歐戰波及。實由乎亞洲。素稱與我同文同種之國人。圖我久久。今思成其初志耳。大隈昔送伊藤之行也。謂之曰。君今爲朝鮮統監矣。他日之任中國統監者。徵我誰歟。自茲以還。其人當無日不在統監中國之夢想中。今值大隈領袖內閣。其國人意可知。又值歐洲戰禍互結。不遑東顧。而中國黨見尙未全平。人民團體已被摧折幾盡。彼人獲此千古不再之大好時機。遂有發難之決心矣。夫青島之攻也。日藉口爲其聯盟之英以損德。但此一小小之遠東租借地。處於中立國之內。無論其不當。即攻而下之。究於英有如何關繫乎。日本中央公論。嘗謂自膠灣起至山東一帶。於軍事經濟。均有重大價值。爲天下所公認。又謂山東入強國之手。可有制支那大陸死命之勢力。觀此可知日軍所以攻青島而破壞我中立強力在龍口借道登

國恥之起點

陸之用意。已極明瞭。況日軍借道龍口係九月三日。而先於八月二十一日。大阪朝日新聞已披露中日議定書內容。即其政府今日要求於我國諸條件之張本。然則日之攻青島。借道龍口。一儘其能若何狡辯。尙得謂其初無對我陰謀耶。嗚呼。日之處心積慮。乃至此極。曩之滅琉球也。與我甲午之役也。併朝鮮也。其間接直接之辱我亦嘗多矣。非自今時始也。茲姑就時以論事。此次二十四條件。喪害我國權國利之國恥。當以日軍破壞我中立。強力借道我龍口。爲國恥之起點。故本篇略於日之攻青島。而重於日之蹂躪龍口等處也。

中日協約之隱隱約約初象

中日議定書之初時風傳也。彼外交當局。力辯其妄。謂係報紙捏造。而以局外國人公道之觀念。亦頗信所傳之不實。蓋文明時代。斷無狡刻陰毒之可駭國人。至於此極也。孰謂青島之戰爭終。而向之所謂虛妄者。悉成事實。且可駭之事件。竟有更逾於向之傳聞者。於是日人攻青島之初志。不在青

島而在。大肆其野心於我國爲全。世界所共察矣。國恥。國恥。恥固爲我中國人。第議定書初傳時。日人偏不承認。喜作鬼鬼蜮蜮之狀。豈自恃威信者之威信所當然。此則我中國人實爲之恥也。

●中日協約之風傳(八月三十日時事新報) 中日協約之說。首見於二十一日朝日新聞之所謂日支新議定書。據云日置駐華公使十四日出發之際。帶有日支新議定書。向北京赴任之途次。更會見寺內總督。關東都督。有所協議。公使既抵北京。蒞任後。即將與支邦官吏爲新議定書之調印交換。目前極爲秘密。該議定書之內容。大略如左。大日本帝國支那共和國爲保持兩國間恆久不易之親交。確立東洋平和。乃協定左之條款。(一)大日本帝國政府。確實保障支那共和國之獨立及領土保全事。(二)因第三國之侵害。危及支那共和國之安甯。或領土保全時。大日本帝國。應速爲臨機必要之處置事。(三)支那共和國政府。不妨礙以上大日本帝國政府之行動。與以相當之便宜事。(四)大日本帝國政府爲達前項之目的。得臨

機。取用軍路上必要之地點事。(一)兩國政府不經相互承認。不得與第三國締結違反本協約趣旨之協約事。(二)與本協約關聯之未盡細目。由兩國代表者。隨時協定事。此項傳說之議定書。蓋全脫胎於日俄戰時之日韓密約。當時本報記者。以爲我政府即無人。亦何至以朝鮮自甘。因遂擯而不錄。旋此信傳至京中。京中人士大譁。外交團亦爲駭愕。尙作傳聲機器之約法會議參政院。亦有提出質問之說。於是外部乃照會日使。質問此說有無根據。經日使確實聲明。此說確係謠傳。絕無根據。外部已令京報更正。並電駐日陸使確切聲辯。則此事爲日人一方面之理想。已可確實證明。

●北京電昨(八月二十八) 參院開會。有人要求外交總長出席質問。外間所傳日支議定書事。曹次長答稱。現尙未發生此項交涉。本日新支那著論。謂協約內容。若如世間所傳。有滋紛擾。吾人雖不贊成。但因時勢必要。必須有一種協約云。京中有人發起國民救亡團。宗旨爲日人若實行其野心。同人願以死對待。遍發傳單。各報未敢登載。

●日文上海日報 八月三十一日北京電中國新聞記者對於朝日新聞所發表之中日議定書評論過激已被逮至十餘人之多

按該報又一則云日本政府對德宣戰之結果其對於中國政府亦必有一協定之重大案件故決意有一議定書經中國駐日陸公使電達後乃乘日使日置氏之赴任俾早調印交換焉自朝日新聞發現以來北京輕躁之流唱言反對議論過激北京政府乃逮捕至十餘人云云並復載朝日所將協約原件於下方本報按今我外部之所聲明協約事或將有之條文則決不如彼然則方在磋商中容有正當之條文發表者也就彼協約為反對此自國民之天良政府逮捕之舉究竟何因亦未詳悉但日報紙則認此協約為確定評此反對為輕躁幸此逮捕為得計此豈國民與國民之所以相見者耶

●中日協約傳疑錄(九月二日時事新報) 據北京電信謂中國新聞記者對於朝日新聞所發表之中日議定書評論過

國恥之起點

激已被捕至十餘人之多夫所謂中日議定書或者不過流言之一種吾報紙見有其流言之不甚穩當從而轉錄之評論之此亦國民之愛國忱夫何過者而今竟致逮捕報館記者自塞其喉舌此在政府必自有說吾儕小民則滋益懼矣乃溯其緣起以告國人

●中日議定書之內容(略因與前篇同故不重錄) 此種議定書或者未必遂為事實即非事實而日人對我之心理則已彰彰明甚心理唯何即欲朝鮮我而已越日而有大阪每日新聞之社論

▲大阪每日之社論 每日措詞特為婉約不如朝日之直捷即不舉議定書之內容而唯列舉其類似之先例然其所謂先例固亦與朝日所舉之內容無異也略謂日本將與中國結如何之協約雖非吾輩所知試徵之於類似之前例(本社按所謂類似之前例者其如何比較我雖不明語人亦自明矣)可得而述之如左

第一日清戰役當時二十七年八月二十日大島駐韓公

使與韓國金外相所定之日韓暫定合同條款其要領如左
 (一)為辦理七月二十三日漢城兩國兵隊偶爾衝突事件並
 以鞏固將來韓國自由獨立具獎勵彼此貿易之發達茲為
 圖謀兩國親交暫定合同條款如下(一)改革內政(二)敷
 設京釜京仁間鐵道(三)存留京釜京仁間軍用電線(四)
 開放全羅道之一港(五)衝突事件置諸不問(六)為鞏固
 韓國之獨立自主義定兩國合同(七)撤退保護王宮之日
 本兵以上各款之內有宜永遠遵守者日後再當改訂條約
 第二 同年八月二十六日同當局者所締結之日韓同盟
 條約計三條其條文如左

第一條本條約以增進日韓兩方之利益為目的使清國兵
 隊撤退於韓國境外第二條(前略)日兵之進退及糧食準
 備韓國宜盡力為圖便宜第三條俟對清和約成立後本條
 約即廢棄

第三 日俄戰爭當時三十七年二月二十三日駐韓林使
 與韓國李外相所締結之日韓議定書計六條其內容如左

(一)為圖謀日韓恆久不易之親交及維持東洋和平韓國
 確信日本而容納改良施政之忠言(二)保障韓皇室之安
 全康寧(三)保障韓國之獨立及領土之保全(四)有第三
 國之侵害或有內亂於大韓帝國皇室之安寧或領土之保
 全上有危險之時大日本帝國政府宜急速執行臨時應變
 之措置而韓國政府宜與以便宜使日本政府易於行動大
 日本帝國政府為欲達前項之目的得臨機收用軍略上必
 要之地點(五)兩國政府非經相互之承認不得與第三國
 訂立違反本約主意之條約(六)所有本條約未盡之細目
 與日本政府代表臨時協定之

至三十七年八月二十二日所訂日韓協約尚有將韓國財政
 外交兩權收歸我有之事

以日支兩國關係而論除南滿洲以外固不能與當年之日韓
 國關係同視雖然中國不能維持其完全中立又不能掃盡德
 國作戰之根據地其所處之地位與日法戰爭時之韓國日俄
 戰爭時之韓國清國及現在歐洲之比利時荷蘭瑞西諸國實

類似其關係亦甚複雜我國日本政府究使日置公使與中國結締如何之協約雖不可知必也顧全此等複雜關係使中國對於日本及與德國以外列國締結適當相宜之條件而此條約所含之條款不問其是否為一種暫定的條約或有永遠繼續的性質要之其內當有將滿洲警察權鑿託我國之事此徵之於近在鄭家屯口中兵隊衝突事件可察知也其他條項當係發揮中國信賴日本之誠意而以表示同種提携大加進步之實至日置公使之手腕能否使帝國希望滿足雖不能無疑而日置氏亦係好運之人今偶然立於順風揚帆之位置雖屬凡庸或獵能十分奏效也

閱者試以兩報之說一相比附即可知朝日所載之中日議定書全本脫胎於明治三十七年二月十三日之韓議定書每日以此為前例則每日之意可知矣

●京師人士之憤激 此項消息以八月二十六日轉載於北京各報人心大震國民公報首於二十七日著文評論謂吾人甯死解而亡車裂而死豈忍見此亡國之事各報亦力關其說

國恥之起點

而亞細亞報二十八日之記載二十九日國民公報之社論尤定為此中冠冕而旅京人士更有討論救亡之舉為節錄其文詞如下

亞細亞報之記載 題曰日本新聞之暴論略謂日昨大阪朝日新聞載有日新公使來京携有日支新議定書六條其內容若日本得任意占據我國領土等等侵害我國主權之言詞不一而足我國報紙均曾據譯登載上下見之莫不憤慨填胸聞日昨外交部中人見此報章曾探詢新來日置公使此來是否有提議此種議定書之意據答稱此種風說純屬報紙謠言日政府決無此種意思云云（本社按日使既作此答嗣竟直有其事此日人之所以為日人正所以自示其狡猾耳鄙見當局既有所聞宜急自密籌不宜往詢使彼知我驚懼也）據此朝日新聞之放肆至此其輕侮我國可謂甚矣我國在今日兵力雖稍後於人然以世界大勢種種關係尚有舍彼就此自由與奪之餘地決非可由某一國所得自由處置寄語世界各愛其國之新聞家其亦稍加檢束

國恥之起點

其詞鋒可乎。

國民公報之社論。題曰日本之所仰指天而俯畫地者。意在此耶。略謂近日報所傳中日議定書者。直與明治三十七年二月二十三日之日韓議定書無絲毫之異。今不問其真偽如何。但吾人可以宣言於此。自吾國海通以來。所受地球上各國人之屈辱的擬議者。以此為最。即以此為第一次。且吾人亦不必求國之必不亡。但吾人與其魚肉而亡。瓦解而亡。寧糜爛而亡。轟轟烈烈而亡。斯亦足矣。報載據當局有責任者之聲明。此說實為訛傳。究令訛傳而此指目而擬議之。將欲處置我中國。至於如此之屈辱。吾人亦既敬承教矣。況夫此決非無根據之風說也。以吾所知。除朝日新聞登載此等議定書之外。若每日新聞則著論謂中日必須協訂條約。此條約有三先例所指。皆日韓間之先例也。新支那二十六日東京通信謂其閣議將議締此等協約之說盛行。但陸軍派與非陸軍派之主張頗有程度之異。其他日本內地各報論調多同。然則所主張者雖有程度之不同。要其所以仰指

六

天而俯畫地者。惟燈匣劍意可知也。以吾人論之。中國今日任與何國無復有締結協約之必要。亦決人有任與何國締結協約之權利。至於此種亡國的協約。更無論矣。蓋吾人今日內國之安甯秩序完全無缺。固無待他無之保障。外人亦無干涉吾國內部之權利。其所與第三國締結之協約。任令如何云云。決不對於吾國合生有何種之負擔。此所謂無結約必要之說也。又今日吾國既因自衛生存嚴守中立。則任與何國締結普通協約。皆為違反中立義務。中國即不能不准備加入交戰團體。今世界有一國家因自衛故。因愛和平。故本於其國家最高權意思之發動。宣告中立。任令有何等強權之國。固無得有強迫其加入戰爭者。況惟日孳孳以愛好中國之安甯秩序為言之。日本其願出此乎。此吾人本之公義及正道而願確盡其中立之義務。不願與任一國締結協約之理由之說也。或曰子之說或是矣。但如今日世界有強權而無公理。則吾請告我愛國之國民曰。吾人與其附強權而生。毋甯殉公理而死。

討論救亡之公啓 消息傳布後隨有陳慎蕃等發起中華
 民國救亡團定八月三十日開會集議其所標唯一宗旨謂
 設日人實行其野心本團同人願以死對待我死一人亦當
 與敵人一命其憤激可想後爲警廳所阻不果開會而旅京
 閩人亦徧發急啓定以三十日討論救亡略謂果有此種事
 實是直以我中華民國爲其屬國也是欲朝鮮我也我國民
 須知亡國之慘甚於殺身奴隸之酷同於宰割台灣覆轍良
 足怵心朝鮮已事斯爲殷鑒我閩密邇東鄰災尤切近對待
 之法允宜羣起急籌茲訂於本月三十日(星期日)下午三
 時至五時在閩學堂開集旅京同鄉全體大會公同討論救
 亡政策云云亦可見京師人士憤激之一般矣

●各種方面之質問 二十六日之夜總統飭外交部往詢日
 置氏此來是否有提議此項議定書之意日置力辯其說之無
 根政府乃一面令北京華字報紙更正於是而二十七日之北
 京日報首揭更正紀事一面又電駐日陸使向日報聲明此係
 謠傳然各報疑終不解

國恥之起點

又開議定書發表之至政界某君往訪日置益公使詢及此節
 日置益公使力辯其妄謂日本政府自與德國失和之來屢次
 指天誓日以保全東亞和平爲職志若果如此是無異自食其
 言該報紙信口雌黃殊爲不值一噓且中國情形當然不能與
 朝鮮視同一例蓋一則中國係完全獨立國主權並無欠缺二
 則列強在東亞均勢之局已成若一國如此待遇亦斷非他國
 所能容許由此著眼觀察則外間無稽之言不攻自破云
 又報界某君曾以電詢之朝日記者(原稿係念一朝日新聞
 所載)某君據此君所答謂詢之日置新公使此爲絕對訛言
 又八月二十八日參政院第八次常會於開秘密會時曾質諸
 政府以訂立中日協約事外交次長曹汝霖答稱並無此舉復
 有議員某起而質問略謂此等協約究將訂立與否致政府對
 日方針究竟如何云云旋亦經曹次長答覆惟其辭秘不宣布

●日文報紙之解釋 京師日文報凡兩種一爲順天時報一
 爲新支那報其聲調頗有似乎解紛釋疑者節錄如左

新支那報 該報二十八日論說題目論中日協約略謂近

日以來世上所喧傳之日支協約以目下時局推移之傾向而推攷之不能謂之不當也蓋歐陸戰爭波及東亞日本與中國爲東洋和平起見而以手段維持之（本社按實非歐戰波及而保日人有圖於滿洲自起釁端反謂之維持和平耶）固屬當然之事至其內容是否如世上之所傳則又大費研究日本與中國之關係由歷史觀察與他國既不相同由地理觀察更有不可離之關係日本與英國同盟近因歐洲之禍亂奮然投袂而起不外以保全中國領土爲主眼中國之安危日本在在關切微之日俄之戰可以知之矣統過去現在將來之事實而觀日本必不可不爲中國盡直接間接之利益而以維持東亞之大局慨然自任中國對於日本當然有充分之厚意由精神的締結此固中國與日本自然之希望也中國對於日本懷充分滿意更結日支協約謀一致之進退亦屬必要之條件至如世上所傳協約之內容吾人深滋遺憾且恐日本之真意爲之湮沒不惟施之當事國毫無意義即令第三國聞之亦不免懷疑其寔如該協約之

內容兩國政府固均不之信也上紛紛之風說皆好事之徒之偏見而已矣

順天時報該報二十九日論說題目可敬哉同業諸君之盡職略謂朝日新聞之記載支離怪誕達於極點姑無論日本政府決不至抱此野心卽就該報所載議定書內容觀之一切條文均由從前日韓議定書抄襲而來中國既非朝鮮豈容有此版印文字且日置益公使二十日始到北京該報登載新聞之時（即二十一日）尙未呈遞國書覲見總統倘有此等重大交涉又豈能預先宣布於外使天下皆知是則此項新聞純爲該報所捏造實無疑義幸中國報界諸君雖措詞互有同異而於朝日新聞之記載則一律認爲該報所捏造一律斷爲無稽之風傳絕無一人信爲實有其事因而疑及日本之行動慮及中日之邦交當此戰亂縱橫神經過敏之時同業諸君竟能保冷靜之頭腦具遠大之眼光確信鄰邦深明大局毫不爲此謠言所動其愛國之舉見理之明能不令人欽佩也哉

吾人觀於前述種種則朝日所傳之日支議定書殆可斷定爲絕非事實然吾人亦不敢以中日議定書之無可證實遂謂中日間即無何等重大交涉特其交涉至何種程度吾人無從確知之耳 京師報紙有謂中日兩國間近數日內絕無交涉者或亦未免矯枉過正據二十六日新支那所載東京通訊謂現今內地(指日本)以爲對於全歐禍亂第一件維持中國之安寧秩序固無論已第二件爲確保東亞和平之故我帝國(日本)雖盡一切之犧牲不可不爲中國盡其友誼故現內閣(指大隈內閣)將締結一種協約之說盛行於時此其動機蓋由青島問題發生後所鼓盪而出者也但其所謂協約之程度陸軍派與非陸軍派之意見雖有多少差異大約其內容如左(該報自注共二十行特削去之)則日內閣之必欲要我締結協約可知又據二十九日德文報電謂昨日開內閣會議由袁總統主席所討論者即政府對於日使日置益氏提議各節究將作何答覆云云則日使確已對我有提議可知又據外交部聲稱協約容或有之特決不如外間所傳則無論其爲被

動自動恐早晚必有商訂中日協約之舉又可知果其如是則吾人亦不敢創爲憤激悲惋之談以難我政府亦唯援用國民公報之說曰吾國於今日無論對於任何一國殊無締結協約之必要亦無締結協約之權利而已

●警廳對於日支議定書之申解 日本朝日新聞登載日支新議定書之後我國羣情激憤惟聞此項議定書確係該報捏造非必日政府果有此事京師警察廳恐有誤會特致報界同志會亟申用此意其原文如下

逕啓者自日本大阪朝日新聞登載日支新議定書一則一時風聲所播幾致信以爲真一般人民相與驚駭而激烈者甚有散布傳單開會討論種種舉動雖出自民氣之激昂設有過舉究與國交不無妨礙業經本廳查禁在案須知日本親仁善鄰素以維持東亞和平爲宗旨與我國國交敦篤朝日新聞所載自以無根據之誤傳近日報紙於各方面調查已多證其決非事實而羣情岌岌仍不免有誤會之處報紙爲輿論先導尤宜著爲論說明白解釋俾祛疑惑而重邦交斯固報紙之天職抑

亦本廳所厚望也。爲此函達貴會，即希轉知各報館查照。或將此函登載之報端，足紉公誼。此致報界同志會、京師警察廳啓。
八月三十一日。

大陸報八月三十日北京通信云：自中日定議書宣布之後，華人對於日本之用心，頗極猜疑。且多昌言其將不利於已，而絕不稍存隱諱。其實中國各派中，向來嫉視日本者，數本不少。故此次欲以中華爲其被保護國之議，定書要決，不能得多數之歡迎，固可以預料者也。以本通信員觀之外間論，無有若何擬議。然日本將乘此加入戰事之時，機以增進中日兩國之友誼，而決不肯顯然欺凌此中華民國。日本當道固已一再有此宣言，而東京政府之與倫敦政府意見，又極爲融洽。况日人聞英國評論家謂其加入戰事，實別有所圖（本社按日之別有所圖，已早被評論家窺破，且窺破而能言之者，非誰即其同盟國人也。日乎日乎，不亦可以已乎。尙不知有以自返乎）遂乃悻然作色，不勝憤慨。是知後此數閱月間，日本必將於舉動之間，力求自白，俾世人自悔其猜疑之無據也。此所以致中國對

已之善意，而亦即以增進其在中國之勢力，自不待言。使日本因此而遂獲實利，則天下固不得而非之。此要在日人能悉心體會，知已國若展拓其活動力於太平洋，則大局之糾紛將因而益甚耳。蓋日人若佔據麥利亞尼島，與雷特羅島，或佔據德屬之新奇尼亞，則美英兩國政府皆將以此而陷於極困難之地位。蓋麥雷二島在斐列濱羣島之東，他日可用以隔絕斐列濱，使不得與美國相接耳。而新奇尼亞則與英國屬地所在之澳洲，又相距至近也。
三九五

●順天時報（日人所開之華字報）稱調查中日議定書之由來，實爲駐日德使館將日德議定書改換面目，秘密傳播，意圖離間中日邦交之卑劣手段。朝日新聞冒昧登載，其愚誠不可及云。
三九十二日

●山東人民先嘗之痛苦

吾國未允日軍借道龍口之前，日軍即強力在龍口登陸，更向他地進發，已屬無理。其經過之地，竟據車站、電局，且殺掠

姦淫無所不至。山東居民受其損害。感其痛苦。蒙其恥辱。非人類所能堪。欲呼天而不應。嗚呼。我山東之人民。果有何罪。耶。此種殘暴行爲。對諸敵國之民。尚不可況。非其敵者而可對之。如是。哉。名謂攻青島。是青島尙未見兵端。而我已先受其慘禍。此可見其心之叵測矣。主持公道之西報所言。錄之以示信。而有徵。

●大陸報九月十日 萊州通訊云。日軍於四日前抵此者。計馬軍四百名。子彈及巨砲約二百餘車。步軍五千餘名。浩浩蕩蕩。經萊州而去。今日復有兵士數千。經此有日船三四十艘。泊於龍口及石尾寨(譯音)兵士之已登陸者。約可其半。據其地避難人民稱。龍口一帶各村鎮。聞皆已布滿日兵。予(通訊員自謂)此函不識其能。否抵滬。然予仍當冒險爲之。其能達與否。所不計也。東魯郵政已爲日兵摧殘。無餘據郵局某君言。有信差之信袋。在某處爲日兵劫去。將其信件一一拆視。隨讀隨棄。電報亦落於日人掌中。已不能發電。與外間通消息。魯人所受之慘狀。已日甚一日。日兵三五成羣。闖入民家。逐其

居民而佔之。見財帛則取之。見食物則食之。凡雞豚狗彘之屬。皆宰而食之。當日兵之至也。天適大雨。衣履盡濕。既佔民房。即於室中熾火焙之。薪盡則毀其器具。几榻之屬。代之聞日兵沿途皆如此。故民間什具。已十毀八九矣。日兵至此。初意其稍駐。即行詎知。連日陰雨不霽。道途沮洳。軍隊不能進。乃逗留是間。然兵士無所事事。於是散爲若干小隊。每隊約百餘人。至二百人不等。四出劫掠。民聞食物。人民見其至。已驚惶無措。紛紛四竄。不能自衛。且無衛之之人。情亦大可憐矣。萊州本爲中立地。日人固無遣兵至此之權。而日將軍之戰事。布告則已於昨日。發見於城中。(其布告文見九月二十日本報青島風雲欄)日前復有日軍三千餘人。冒雨抵此。自南門及西門入城。即佔據人民巨宅。城中婦女。見其至。紛紛四竄。鵠立道中。或匿於隴畝。雨復終夜不息。婦女處此狂風驟雨之中。其苦萬狀。然得逸出者。已屬萬幸。其爲日兵所攔阻。而閉於室內者。尙求此而不可得焉。日兵既虐其婦女。復恫駭其男子。以恐之。華人果大恐。不敢與校。日兵既破戶入民家。即迫脅華人爲之汲水。熾火並

爲種種賤役。即名門望族富商巨賈亦一律迫其爲之。無所軒輊。日內大雨如注。晝夜不息。房屋多有傾覆者。日兵衣服爲雨所濕。乃毀器具熾火以烘之。其他之類此者尙不遑枚舉也。予今將舉當日晚間之一事以告讀者。予等之華語教習蔡某爲人和藹可親。學問深邃。嘗之君子人也。當時有日兵五人破門而入。迫蔡某爲之汲水烹飪。先於室中熾火爲之烘濕。衣蔡之夫人及女。公子將奪門出。日人阻之。搜之入蔡。向日人哀求請其免之。日兵怒目相向。揮拳將毆之。蔡懼不敢復言。乃躡足而出。亟冒雨狂奔。跋涉泥濘中可三英里。至九時許抵予家。倩予爲之向日兵。緩頰。然予知此舉必不能成。乃緩言却之。蔡遂號哭去。復返至家。則見其門已緊閉。推之不開。知已加扃鍵矣。蔡知其妻女必已無倖。惶急欲狂旋。見其女穴牆而出。蔡遂偕之俱遁。得免於難。日兵則仍居其室中高歌歡呼。據日兵自稱爲紅十字會會員。云予所述者爲此間人民所受慘狀之一。然尙有不堪記載之事。予亦不忍復述。讀者以此類推可知之矣。

萊州城中及其鄰近各地皆處於恐怖之中。商店已盡閉歇。雖欲購衣服食品亦不可得。鄉民亦不敢復攜其菜蔬及鷄豚之屬入城求售。至數粒而餐之。民則箠瓢已空。米價又飛漲。已無處得食。城中各街道間但見往來躑躅之人。不計其數。而商品則無一問津者。日兵復向街道間縱槍。昨日予聞發槍三聲。以日兵勒索華警察之時表不遂。日兵用武華警遁。乃發槍擊之。至日兵之槍果向警察而發。抑向上而發。則不得而知矣。有鄰人某家貧與予相識。今日造予。廬述其被虐事。予聞而惻然。其言曰。予有騾二車。一爲日兵劫去。且挾予同行。並命予驅車。至離此十八里之海廟河（譯音）該處有糧船多艘。滿載糧食。迫予助其運糧至戰地。予不願行。遂竊遁。至此讀者諸君聞其人之勒索民物而不名一文。想亦必怒髮上指也。昨日有日兵數名至教士某君園中爭採葡萄。及他種菓品。教士禁之。命其行。日兵不願復有一兵出槍向之。教士無如之何。一笑置之。旋復有日兵二名至內室。其舉動多不循理。法一人向華醫學生索火柴。學生以無之對。日兵怒而毆之。西醫阻之。

日兵卽揮拳相向其蠻橫如此閱數小時始去云城中婦女見日兵至多遁匿村中有婦人某見日兵破戶入亟投於井噫慘矣

日政府欲進兵青島久矣是則預備其兵之糧食及一切應用器具亦綽有餘暇今則日兵既無營帳及一切文明國兵士應用之物是可知日政府實欲使其強佔民房劫奪民食故缺其營帳食品也然向使日兵能償華人以所失則亦不至陷於恐怖之中而至暗無天日也日兵言日之出兵乃欲以道義膺懲德國冀保全遠東之和平云云然以其行爲觀之日人在萊州一帶吾未見其能保全和平也且青島並未使遠東起有何種慘亂而今則此間之紛擾轉爲革命以來之所未觀況今日特其發軔而已乎向使日兵數千名居於魯省數月而仍如今日之所爲則其禍未知伊於胡底也此間謠言蜂起謂日人已與各國磋商妥洽將瓜分山東甚且將瓜分全國其言雖莫須有要非中國之福也

又十二日函云非通信員所發此處外人現均力避與日人接

國恥之起點

觸惟貴社通信員昨因不得已事故入城既入卽爲衛兵所拘不令歸我人雖竭力申辯且示以種種之證據而日兵終不信遂被拘至司令部當由該處中國譯員證明予等並非德人始得釋放城中一切現均由日人管轄中國官吏似已退處無權矣我人曾得報謂有運送船一艘滿載軍火於萊州海濱遇險沉沒舟中各物全數失去日本有砲多尊運過此地步兵數百名則於今晨過此並聞俄英軍隊亦將取道於此據日人報告謂孫逸仙黃興在後且到此實此恫嚇華人真僞殊未可必也現在芝罘及他處之貨均不可得日人已將此處商務機關悉數破壞間有數船擬載乘客及商貨抵此均被日人阻止半道駛回現在各種食物如油糖米及外來貨各貨價值大增且所存不多得之殊艱所謂商務與治安蓋已無可言矣至將來之若何結果我人雖不能預言然我人實不能無凜凜於此多數之日軍駐紮於山東東部而騷擾村落虐待居民至數月之久也我人立論力持公平故於上文所述不敢有一偏私之語蓋我人固深望此後情形之得以逐漸進步也然在今日則猶未

足以語此耳。

本埠法文報云左列報告係由某當道處得來本報素主張公道特披露之報告中所叙之事實或不免有耳聞之誤然某當道吾人素所信仰且報告翔實如此殊可深信日軍此類行動吾人深望其速即矯正日政府素關心本國軍隊名譽吾人知其必竭力挽救不使此項情事復行發生報告係日記體錄之如左

(一) 龍口方面

九月初二日晨九時日軍二千餘人在龍口登岸日軍官立往商會勸誡中國商民不必驚懼日軍即建設無線電站估據中國電報局不許中國商民發電日軍復強迫商會代其召集苦力數百人任築橋運糧等事更在龍口四周駐兵斷絕人民交通

初三日日軍三千餘人在龍口登岸遂即佔據龍口強迫地方供應車輛一千乘復出示宣告謂吾曹係來攻打德人保全中國領土之完全商民等宜盡其能力供給日軍應用諸要品若

有違犯即應拘獲而嚴懲之

初四日日軍調查戶口

初五日日軍致察中國郵政局

初六日日軍在海上海警察署前樹立日本國旗龍口商店概行閉門日軍強買食物強佔人民住屋任意毀損田中穀類

初七日日軍向西進發強佔沿路住屋搶掠貨物鎗擊脚夫奸淫婦女

十三日日軍行抵距龍口三里之王家莊(譯音)向鄰民王世倫(譯音)索取馬匹未遂槍斃之日軍之來龍口有多數日本苦力相隨該苦力等乘機向人民搶掠貨物

十四日日軍二十餘人重蒞黃縣估據中國電報局阻止中國商民發電龍口稅捐局局長被日軍逐出日軍估據該局

(二) 濰縣方面

九月初六日日軍馬隊不動聲息經過濰縣

初八日有毫無紀律之日軍步隊一千餘人強佔人民住屋放鎗示威志在搶掠

十三日多數日軍經過濰縣。應待居民鋪戶不得已閉市。
十五日多數日軍經過濰縣。居民損失不貲。

(三)平度方面

九月初六日日軍馬隊三十餘人行抵平度州北之回里浦。
(譯音)

十一日至十四日有日軍一師團行抵平度。強佔城中房屋。商店貨物盡被日軍掠去。各店不得已閉市。

十三日多數日軍行抵平度。遂將縣知事署圍住。日軍參謀長以嚴詞語平度知事曰：爾速豫備牛一千頭、雞二千頭、豚一千頭、米麥燃料百萬斤、車輛千五百乘。限五日內繳出。過期定以軍法從事。後迫知事簽約而去。

十九日日軍在平度搶掠燃料鎗斃居民王永祺、楊爛敬(均譯音)等。鎗傷張得安(譯音)等。

(四)膠州方面

九月十七日晨八時日軍毀壞鐵道斷電線。膠州車站由日軍守衛。中國警察被逐。一切服裝等均被日軍奪去。擊傷中國

郵差一名。將所有郵件盡行毀棄。復用最後之野蠻行為。奸淫婦女。

譯者按：右列法文報報告與日來我國報紙所載者相同。願我國報紙所載日人愾言之為誣。曠今日本協約國之法國報紙亦有此項記載。日人又將何詞以數萬如虎如狼之軍隊肆虐於我山東。而美其名曰維持遠東和平。保全中國領土。嗚呼！吾民雅不願聞維持保全之言。况其所謂維持保全者。乃如是乎。

●英人某自山東函京述萊州一帶人民所受日兵之影響之大致如左。

九月六日有日本馬隊五百名開至萊州。即在該處西偏佔駐。是日夜間知事曉諭城內居民儘早遷避。預防該軍駐紮。人民聞之異常忿怒。乃越數日該兵果移駐城內。人民莫不為其騷擾。是晚該軍擬將知事劫擒。未果。次日該兵竟向地方巡警開鎗。巡警均經逃散。旋由該兵將各城門一體把守。該兵中有要求以某教堂傳某之公館充住所者。傳某不從。遂被毆打。其在

國

萊州城內四鄰居民逃避幾空此時該兵全在城內安置安住據平度消息該處受困最烈該軍隊濫向縣知事要索住房倉物無法供給其後縣知事聞已避去該軍隊遂行移入民房其有閉戶之家勒令開門接受人民驚惶情形於斯可見多有逃避他處以求安穩甚至婦女寧願自行投井不欲落於該軍之手以上所言雖難證其是否無誤但以所報者出自目觀之人而言似屬可靠云云

●右所記者尙有空言夾雜閱北京某報就其所知之山東傷斃人口列成一表錄之於左其詳細明瞭似非捏造者所能殆即日文報所指之小交涉事件乎

恥

人名	地名	月日	原因
班士良	黃縣 甲格莊	九月十二日	因日兵索驛伊以驢代被日兵刺傷右脅身死
張洪舉	掖縣 平里店	九月十六日	因日兵強姦婦女將伊鎗斃
張雲敬	同上	同上	同上
劉廷桂	掖縣 海廟後	九月十七日	因爲日軍搬運軍需將伊刀傷
等四人			

張庚	掖縣 黃山村	九月十七日	因日兵強姦婦女將伊鎗斃
張守林	同上	同上	同上
張官清	同上	同上	因日兵強姦婦女將伊毆傷
王永祺	平度縣	九月廿一日	因日兵搶取柴草將伊鎗斃
與仲興	同上	同上	因日軍迫運秣糧將伊鎗斃
張得安	同上	同上	因日軍迫運秣糧將伊致傷

聞山東旅京同鄉會以此次日軍經過各處人民受害情形不堪言狀擬於廿七日即星期日開同鄉會討論一切一面將該同鄉會所調查之實在情形報告政府一面並妥籌賑濟難民辦法又據山東旅京同鄉會接煙台同鄉會來電謂日軍過境騷擾情形雖到處均不能免而尤以掖縣受害爲最甚其在京之同鄉擬即將此情形據實稟報政府請求速與日使交涉云云夫此等之事關係人道非山東一省利害如果屬實日人當自行舉發何待吾國交涉若必俟交涉則國力問題生矣吾人

敢決其交涉必能有效耶

●十月二日英文京報載十月一號烟台通信謂予(通信員自稱)現因患病自即墨來此當日兵到即墨之時即佔奪各電報機并求檢查郵政局之權因是該處郵政司停送郵件日本前鋒隊多人宿於華人家中往往有強奸婦女之舉動日本前鋒隊於九月十四日佔據德國耶穌教堂先是該教堂房屋經該縣知事出示保護此時在教堂內之德國教士均為日兵所囚疊次盤詰甚嚴至夜半時尤有慘酷之拷問該德人等在日日本前鋒隊之手受種種不堪之侮辱但該隊來時並無官長統率亦未隨帶繙譯也該隊到時無論男女均不准獨居戶內并阻止華僕不得供其平常家宅內之職役違者即行痛打至搜查房屋時亦無日軍官在內維時予正困頓病榻之上亦遭搜檢雖經再三與之爭辯聲明予為英人而日兵仍置之不理

此種所遭際之侮辱不得不歸罪於日本憲兵隊長其他日本軍官亦較謹慎紅十字會醫生診治予疾及教士施谷爾家屬

國恥之起點

之病甚為出力經日兵屢次盤詰後施谷爾家屬及其賓客德人波德君蒲威士君均由日人飭令前來煙台予(通信員自稱)亦遂偕至焉

濰縣消息謂九月二十五日有日兵在即墨境內宋家莊調戲民婦鄰民攔阻為其刀傷四人二十六日在園子欲索婦女件宿未遂復槍斃一人以上二則均經鄰民奪有日軍衣帽為證(按此事已見本報專電但不如右記之詳故更錄之)

龍口消息中和公司水手逢學祥因傷斃命事日昨已經曾知事親蒞龍口檢驗屍身確係因傷斃命當即着其親屬殮屍掩埋俟後再向日軍交涉

昌邑消息日兵於二十四日由平度城分支隊西行經過閻莊古裝之間及其邑之大章流河等村晚宿石埠村購買物品皆用軍用鈔票亦未佔居民房種種舉動不似在平度時之景象揆其原因實由該縣紳董防患未然事前略有布置故得幸免於難二十五日該軍隊即由石埠分道前進一支由於渠渡濰河赴濰縣之坊子一支南行經過金台下灣諸村以赴昨山車

站云

●英文京報十月二十日芝罘通訊魯省戰區內人民已同陷於水深火熱之中。雖倒懸亦不足喻其困也。自日人橫行魯省後。華人以種種罪惡盡歸諸日人。於是日兵奸淫殺戮之詞。洋洋盈耳。所在皆是矣。予自即墨返後。回憶日人所為。猶歷歷在目。遂舉所聞見為拉雜書之。以告讀者。

當日軍未抵即墨前。有各處避難華人。遁至即墨。謂日軍在其所經各地內。盡將人民驅逐出屋。以居日兵及其馬匹。當時聞者。猶將信將疑。迨日馬軍至。後則見其果不攜有營帳。皆爭入民房。佔而居之。至日大兵所佔民房。共計若干。則予亦不得而知。惟即墨城中。亦有日兵蹤跡。予每以此事詢之上等社會之華人。則異口同聲。謂日軍皆不携營帳。是可知其居於民家之說。非虛矣。日軍強佔民房。固非華人所好。而日兵復為種種之暴動。如昔日歐洲軍士之所為者。予聞日兵入民家後。即將其男子驅出。而閉其婦女於室中。以供其蹂躪。雖然。此固軍士之常態。無古今無中外。皆出一轍者也。

予聞華人每向人伸訴。謂其農產及物糧食等。皆為日軍盜竊。殆盡。有時雖給以值當不及物價之十一。然此則猶其幸焉者。其不幸者。則不得一文焉。農人以畏日兵之蹂躪。故相戒不敢其農產入市求售。故即墨城中五日為市之風。習至此亦中止。城中各商店亦盡閉戶歇業。蕭索之態。為前所未觀。雖然。日軍官亦未嘗不欲對於華人自固其信用。無如騷擾已甚。人民已望風而靡。如日軍前欲驟二百匹車。二百輛。乃與即墨曹知事商之。並要求其代為籌辦等事。是也。

日軍在魯。屢有勒索劫掠等舉。予聞有一老人。有騾一匹。日人以錢一千五百購之。老人不與。日人怒痛鞭之。而強取其騾。以去。村人所善鷄鴨。則盡為此饑如豺狼之日兵。取出供其一餐。即有酬以值者。亦任意給價。其所給者。則皆紙幣也。日兵復魚肉華人。猶學校兒童中長者之凌其幼。予僕屢為日兵所毆。予前命其致書日軍官某。而竟被日兵。飽以老拳甚矣。日兵之以勢凌人也。

華人對於其個人所受之痛苦。似尚不根齒切骨。惟以魯省之

大部作日人戰場至辱及中國則多怒髮上指目為奇辱即墨華官毫無權力日人玩之掌上當日兵抵該處時曹知事擬劃沿城十里為中立地要求日人不得於十里內駐兵冀於戰事區域內有一片干淨土可為人民避難地無如日軍一至即居於城中其後日兵續續而至任意入居城中而縣知事署反為日軍所監守焉不寧維是電報局等亦為日佔據並要求檢查郵信郵政局華人遂停止辦事不遞郵件魯省有受高等教育之華人爭咎袁總統之懦弱無能見日軍勢力稍盛遂一一允之彼等皆大聲言戰毫無懼色雖然華人亦易反其本而一計其國之國力乎

●大陸報十月十五日即墨北八十里之高橋村(譯音)通訊云華人之自南部戰區來者述其地日軍橫行事甚詳據云日軍已盡夷自即墨至青島間之村落並築路直達青島刻日軍以即墨為其總司令處其他各村雖亦駐有日軍實非其總兵處也現各村華婦女咸已他去男子亦有與之同行者故南部各地已成荒涼之區日軍前已行至距青島十二里之四方及

國恥之起點

相鉅三十里之滄口德軍在其地與之激戰予於各處得有消息聞即墨東南之滙涇村(譯音)已為日軍焚殺無餘先是日軍在該村偷鷄及各什物復為種種不法事華人憤獲日軍一人殺之日軍大怒先發砲夷其地復縱火焚之人民之得逸出者盡為其殺死日軍已自鯊山衛築輕便鐵道達即墨然至今尙未有攻城巨砲運抵其地外間稱日人依舊搶劫民物凡米麥柴炭之屬皆予取予求不給一文迨日軍抵即墨城則禁止華人離城村各地並不准移去一物日軍於各布店及紙店中爭強奪其布疋紙張而去置諸街中以為臥具迨寒風砭骨遂焚之以取燠其所以蹂躪華

人者皆此類人日軍復雇華人一千餘人編為軍隊聞每人皆許以巨資而誘之戰日軍復以朝鮮人雜其中驅之作先鋒以當德軍砲火而日人則在後迫之使前數日前德馬步兩軍自四方衝出斃日軍一千餘人而大半則為華人(本社按可見人不可怕死求一時之安而俯首於強者此怕死者終逃不去死迨至強者逼

令衝鋒爲其替死鬼便不由你怕死而死之於此時真至賤而
 不值得矣。日軍死者寥寥且若輩之死大都爲觸地雷而死
 者也德軍先誘導敵軍至地雷所在而後藥發日軍化灰燼德
 軍之爲日軍擒獲者計五十餘人日人以屢觸地雷乃驅牛數
 百頭使之前驅俾其觸地雷而知其所在焉凡華人之受傷者
 日軍皆善遇之爲之治療惟死者即速掩埋日軍死屍千數百
 具則置華人住宅中備將運之返國外聞稱日軍損失極巨合
 前後計之已有一萬餘人而以觸地雷死者爲尤多云有某君
 於三星期前方出青島是人在青島六年頗老於其地情形且
 設藥肆於彼途經卽墨時爲日軍所禁命其代爲治療傷兵據
 稱日軍之強迫華人作戰者其待遇之苛殆不如狗而所允之
 餉銀亦僅口頭一言耳(本社按國人聽此記此)刻青島尙有
 華苦力甚衆每日可得工資四角且給以飯食復命商人守城
 門有出城者卽不能復入城外有紅十字會員在其地救療傷
 人惟城中則無其蹤跡青島鄰近並無俄英兩國軍隊聞卽墨
 隣近有英軍數百人勸日人善遇華人且稍存惻隱之心而

日人竟充耳不聞該處數英哩外之鷄犬皆爲日軍食盡矣

●附錄參政院第十五次常會提出山東

事件卽外兵蹂躪山東事之議案

十月二日參政院代行立法院開第十五次會議下午二時
 五十分黎議長主席謂現已足法定人數開議今日議事日
 程嗎啡治罪條例請求追認案審查報告請審查員說明理
 由

十五號梁啓超謂本席根據約法第三十一條立法院之職
 權第八項提出關於政治上之疑義要求大總統答覆云云
 本院現在既代行立法院之職權當然可以提出政治上之
 疑義要求大總統答覆現在外交上日本英國在山東種種
 行爲關係重大故本席對於此事擬提出質問書要求政府
 答覆擬請議長變更議事日程先議此事

附議者在五人以上
 議長謂梁參政提議變更議事日程贊成者請舉手衆舉手
 十七號王家襄謂應請梁參政發表意見

十五號梁啓超謂自歐洲戰事發生我國外交上經過情形大總統會召集本院同人到府報告一次當時對於大總統所報告固尙有不甚滿意之處而以中國現在之地位之時局政府措施若此已覺不易故同人對於大總統所報告亦認爲相對的同意日來據各方面經過情形與前大異覺從前所報告皆無確實之保證來日方長距前二十日情事已一變若此則未來者尙復何堪設想至政府外交方面固有種種秘密不能全分宣布而本院既代立法院即爲代表國民現在全國人民對於此次事變既已非常憤激本院即不總代表國民有所懷疑之點及希望政府進行情形提出疑義於政府請求大總統答復據本席觀之應質問之點甚多茲擇其最要者畧說明之從前外交部最初通告將戰爭區域劃定外交部通告有三次最初宣布完全中立及日德宣戰仍不能不宣告局部中立已而日兵登陸不得已而展長戰線指定龍口萊州當時外交部通告各交戰國人文書不能不稍爲含混其範圍但究竟有無憑據想外交部於畫

國恥之起點

定區域之後決不能無文書或口頭之報告於交戰國也現日兵在山東種種溢出範圍舉動前數日日兵已將濰縣火車站佔據徵之中文文字之記載如順天時報濟南特電日本在濟南僑民因第八聯隊將佔膠濟鐵路預備歡迎又北京英文日報所載日使以私人資格告我外交部表示其將佔領膠濟鐵路此等雖爲新聞之言而順天時報是何處之機關報恐盡人皆知北京英文報亦是外人所辦所載料非全屬子虛再據各方面報告日兵向西行不止試問濰縣以西無一德兵日本不向目的地之膠州進行乃向濰縣以西究係何理以地理上觀之自萊州龍口登岸越平度而至膠州地勢甚順並無德兵防阻日兵何不出此先時外交之通告只准日兵在萊州龍口行動實不得已之辦法現日兵溢出版圍之舉動我外部亦曾聞見否耶日兵若斯舉動其注意決非只膠州一地蓋將以山東全省爲其軍隊根據地爲第二之東三省也此等心理洵屬路人共見政府已通告於先日本竟有此等舉動亦曾與之交涉否耶再此次山東方

國恥之起點

面○日○本○兵○隊○固○居○多○數○然○日○本○與○英○為○同○盟○國○故○日○本○對○於○
 膠○州○舉○動○事○前○與○英○國○商○酌○而○後○進○行○則○日○本○現○在○在○山○東○
 種○種○之○行○動○英○國○當○然○不○能○不○分○擔○責○任○因○其○有○連○帶○之○關○
 係○也○况○英○國○對○於○歐○洲○戰○事○所○以○加○入○戰○團○者○實○係○為○尊○重○
 比○利○時○之○中○立○且○據○英○國○首○相○在○議○會○演○說○該○國○此○次○加○入○
 戰○團○並○無○他○意○實○係○為○尊○重○公○法○尊○重○人○道○尊○重○世○界○文○明○
 起○見○我○輩○向○來○對○於○英○人○此○種○主○義○即○甚○崇○拜○此○次○尤○加○欽○
 佩○乃○不○意○該○國○在○歐○洲○則○行○此○主○義○在○東○方○則○以○聯○軍○在○我○
 山○東○作○種○種○破○壞○我○中○立○舉○動○與○其○在○歐○洲○行○為○適○相○反○對○
 究○竟○係○何○道○理○我○政○府○辦○理○交○涉○除○對○日○本○抗○議○外○對○於○英○
 國○一○面○是○否○亦○曾○一○問○訊○耶○現○在○日○本○在○山○東○地○方○種○種○不○
 法○行○為○雖○據○該○省○一○方○面○人○民○具○有○公○呈○惟○因○日○本○向○來○以○
 文○明○國○自○命○我○輩○對○其○此○種○情○形○固○不○敢○遽○信○然○現○在○具○公○
 呈○人○民○國○之○籍○貫○姓○名○及○被○害○地○方○情○形○言○之○鑿○鑿○我○政○府○
 究○竟○已○有○聞○見○否○耶○此○種○哀○哀○之○呈○訴○政○府○已○曾○見○之○否○耶○
 雖○云○在○戰○爭○地○面○之○人○民○稍○受○損○失○固○屬○小○事○但○不○可○不○注○

意○者○為○此○種○舉○動○實○為○不○認○我○為○國○家○如○果○以○平○等○國○相○待○
 斷○不○出○此○而○日○英○聯○軍○竟○有○此○種○舉○動○究○竟○是○何○居○心○耶○猶○
 憶○去○歲○南○京○我○國○因○平○定○內○亂○用○兵○之○時○日○人○闖○入○戰○線○被○
 我○軍○誤○傷○日○本○遂○要○求○將○該○管○軍○統○免○職○並○使○我○素○有○名○譽○
 之○軍○隊○向○彼○謝○罪○此○並○非○重○提○舊○怨○誠○以○日○本○果○稍○有○尊○重○
 中○國○國○家○之○心○即○不○應○有○如○此○舉○動○我○政○府○果○知○有○保○護○人○
 民○之○責○對○於○此○種○舉○動○即○不○能○坐○視○故○必○須○質○問○政○府○究○竟○
 會○知○此○事○與○否○會○想○有○辦○法○與○否○又○聞○日○本○在○山○東○曾○發○許○
 多○軍○用○票○按○各○國○在○交○戰○時○代○對○於○其○暫○時○佔○領○之○地○可○將○
 本○國○種○種○強○制○力○施○行○用○臨○時○貨○幣○今○我○對○日○本○在○山○東○不○
 過○因○情○勢○之○不○得○已○暫○行○假○道○與○彼○究○竟○彼○有○何○權○利○將○此○
 種○紙○幣○強○制○發○行○究○竟○此○種○紙○幣○將○來○有○無○兌○現○之○時○回○想○
 從○前○日○俄○戰○爭○時○日○本○在○奉○天○發○行○軍○用○鈔○票○五○千○餘○萬○後○
 雖○換○成○正○正○金○銀○行○兌○換○券○實○則○一○文○不○能○兌○換○日○本○此○種○
 舉○動○實○不○費○一○錢○使○我○中○國○物○價○騰○貴○生○計○恐○憐○問○我○國○民○
 尙○有○知○覺○能○否○承○認○政○府○又○能○否○袖○手○旁○觀○本○席○對○於○此○種○

種非常懷疑且此種種懷疑恐不只本席個人想國民全體亦當同此懷疑同此憤激若謂任人蹂躪無法抵抗在他人可作此言在政府當局諸人絕不能作此言以卸責本席意見一面質問政府請其將懷疑之點明白答覆一面由本院斟酌建議催促政府進行且此次事情與日本交涉固爲要重而對於英國之舉動懷疑尤甚該國何以對於比利時之中立如彼對於中國中立如此政府對於日本實有抗議何以對於英國無之故一面質問政府一面將本院之主張請政府從速進行以表示中國國家機關對於此事非常願負責任此次但得政府肯負責任本院代表民意機關無論如何必與政府一致倘政府辦事冷淡則專靠代表民意機關恐斷不能作事本席意見如此倘本院同人皆以爲然則應如何質問如何建議之處尙請大家討論(衆鼓掌)議長謂諸君對於梁參政提議有無討論二十四號鄧錫謂本席對於梁參政之動議極爲贊成惟質問範圍適間梁參政所主張甚爲正當惟本席尙有意見即以膠濟鐵路原係中德兩

國恥之起點

國商辦非德國國家鐵路可比且並不妨害戰事日本即無佔據之理由此亦可以向政府聲明至梁參政之提議照本院組織法有十人以上之連署即可提出但若以全院名義行之更爲鄭重應請議長指定起草員起草表決再行咨送政府較普通質問尤覺鄭重也二十二號黎淵謂本席贊成鄧參政之說二十六號朱文劭謂適間梁參政所提議不特本同人均表同情即全國人民當亦同意似無何等討論應請議長即指定起草員起草表以便從速咨送政府附議者在五人以上議長謂朱參政提議贊成者請舉手衆舉手議長謂現由本席指定梁啓超君陳國祥君熊希齡君王家襄君寶熙君五人爲起草員議長謂現在休息三十分鐘時下午三點二十五分也下午四時十五日繼續開會議議長謂請現請起草員報告十五號梁啓超君請陳國祥君代爲報告二十四號陳國祥謂現諮詢書業經起草朗讀一遍陳參政國祥朗讀諮詢書畢議長謂諸君對於諮詢書有無討論三十一號蔡鏗謂諮詢書全體係簡直對於政府外交上之

國恥之起點

質問要知國家外交純以軍軍爲後盾若無軍實則外交手段無論如何均歸無效此人人所知但此次青島之役日本所持之態度亦盡人所知其無非欲施行其近二十年之大陸政策蓋日本原爲島國非在大陸活動實難以展其野心所謂其大陸政策非在大陸上活動不可質而言之即併吞我中國之政策也故第一次甲午之後即占我台灣至於遼東半島雖已退出其實係法德合力從其口中取出忍氣吞聲至於今日第一次則侵略南滿現南滿雖仍爲中國所有實與日本之領土無異現則爲其施行大陸政策第三次之機會其因在東三省不能大爲活動故趁此好機藉青島問題與德開釁佔領膠濟鐵路其目的所在無非思於媾和條件中提出取得津浦北段鐵路之權其目前雖視其兵力所到之區爲中國本土將來施行大陸政策之結果恐以山東爲第二之南滿此第一層可慮者第一層歐洲戰事非一二年所能了德如破法必轉戈以相向所以日本趕於一年以內竭其全力從事於東方而爲所欲爲以施行其二三十年

來所抱定大陸政策苟日本有此兩種情事對於中國試問我政府將何以自處我中國向來立國方針以及外交當局所持以爲交隣之手段莫非苟延殘喘或聯甲國以制乙國或聯乙國以制甲國使其互相牽掣及今歐洲戰事發生均勢之局已破全不能致力於東方致東方舞台爲日本人所獨占現稍有餘力者惟美國一國而已美國海軍雖素稱精勝強較於日然當日美戰爭時曾有某軍官列表比較謂美之海軍實數倍於日美軍百萬日軍不過五十餘萬但美國雖有如是之海軍必須以若干數駐於墨西哥以若干數留備本國之保護即將來能到東方者約七八十餘萬且須於東方取得有軍港否則不易於從事但美國在東方本有菲律賓領地可以集合其實該處地無甚良好之軍港日本若乘其勢力未達東方之前以三十萬兵來集中國亦已足矣即令全來美之軍力達到東方而主客異形勢師襲遠不戰而疲且美國爲合衆國不若日本之統一其人種雜糅有所謂拉丁人種及紅色人種等故其愛國心亦不若日本之

強海軍。究能勝於日本。不敢操券。中國今日所希望者。惟美
 一國而美國在現時。實不能爲我中國外交上之援助。況羅
 斯福既退職。而威爾遜繼任。從前政策。概更變。專講保守。主
 義。絕不敢輕舉而來助中國。處此時代。較庚子甲午及光復
 之際。尤加十倍危險。如論今日之中國。欲謀國家之保存。外
 交。既不可恃。惟有全仗一國。現所提之諮詢書。自是毫無疑
 義。至於軍事財政。究竟如何籌備。萬一日本以山東爲第二
 之南滿。實施行其大陸政策。政府究竟如何對付。當此國家
 存亡危急之秋。非合全國之力。以謀之。不可必須上下一心
 或者政府對於現諮詢之處。已有辦法。實亦本院所樂聞。至
 本員所提及各意見。能否合併。質問諸君討論。
 二十三號徐紹楨。謂本席對於蔡參政之說。極爲贊成。但此次
 本院所提之質問書。內容種種。想政府必早有一定之見解。本
 院如有所知。亦當輔助政府。共救危亡。第二次自無不可以提
 出也。四十二號趙惟熙。謂此種質問書。本席贊成。不過外交以
 兵力民氣爲後盾。以現在中國兵力而論。誠不敢自詡。然所恃

國恥之起點

者。卽是民氣。從前中國與外國交戰。每多失敗。全因無愛國心
 現在中國人愛國心。日形發達。何以徵之。即徵之於此次公債
 票。當政府初發表公債政策之時。在一般不達事情者。皆以爲
 此公債。必不能推行。本席當時曾說過。此次公債。票必可推行。
 無阻。果然。不出一月。卽募集逾額。此就中國方面言之也。再就
 日本方面言之。日本一小國耳。區區三島。二十年中。用兵三次。
 中國古語有云。兵猶火也。不戢將自焚。夫以法國拿破崙雄才
 大略。屢戰屢勝。然窮兵黷武。終敗於滑鐵盧。一役可見。兵若常
 用。終不可靠。日本於甲午一役。尙有中國之賠款。以爲補助。日
 俄一役。元氣大傷。其勢已成。強弩之末。且其兵氣甚驕。驕則必
 敗。中國現在既有如此愛國心。若與日本相較。安見無有把握。
 適間蔡參政。謂中國要貴自立。本席甚贊成。不過自立。要有自
 立之法。本席一介書生。未習兵事。然於兵事。亦稍知一二。自立
 之法。卽不敢惜命。是也。政府若萬一外交決裂。本席不才。願犧牲
 一身。想吾等愛國心。盛決無愛惜生命者。此次諮詢書。送
 後。大家可以詳細討論。進行辦法。庶中國有振興之一日。中國

人。民。十。倍。於。日。本。但。使。人。民。有。愛。國。心。不。願。為。奴。隸。犬。馬。焉。見。堂。堂。大。國。不。足。以。自。立。如。其。甘。受。辱。於。日。本。誠。生。不。如。死。矣。一。衆。鼓。掌。三。十。四。號。王。揖。唐。謂。蔡。參。政。意。思。甚。善。本。院。所。質。問。者。在。外。交。但。外。交。以。軍。事。為。後。盾。應。當。一。次。質。問。或。兩。次。質。問。皆。應。詳。細。討。論。據。趙。參。政。之。言。慷。慨。激。昂。令。人。驚。心。動。魄。本。席。以。為。先。將。此。次。諮。詢。書。咨。送。政。府。不。必。將。他。話。加。入。俟。政。府。答。復。後。再。討。論。進。行。方。法。二。十。七。號。王。印。川。謂。梁。參。政。所。提。出。之。質。問。案。固。極。重。要。但。蔡。參。政。所。提。議。者。關。係。更。屬。重。大。蓋。以。軍。事。財。政。為。外。交。之。後。盾。如。軍。事。上。財。政。上。不。為。準。備。則。對。外。交。涉。仍。然。不。免。失。敗。失。敗。後。前。途。實。不。堪。設。想。現。在。日。本。軍。已。佔。領。膠。濟。鐵。路。該。鐵。路。純。係。屬。中。立。範。圍。之。內。乃。日。本。竟。自。認。為。戰。利。品。試。問。在。中。立。範。圍。內。者。何。一。不。可。認。為。戰。利。品。凡。國。家。立。於。地。球。上。必。須。從。根。本。上。計。畫。在。今。日。我。國。家。根。本。計。畫。及。永。久。計。畫。皆。緩。不。濟。急。就。日。前。而。論。救。急。辦。法。萬。不。能。不。早。為。之。備。蔡。參。政。所。提。議。者。第。一。是。軍。事。問。題。第。二。是。財。政。問。題。均。屬。趕。要。事。件。亟。須。研。究。準。備。方。法。或。我。國。之。兵。力。雖。云。不。及。外。

國。然。而。強。鄰。逼。處。與。其。坐。以。待。斃。不。如。背。城。借。一。戰。亦。亡。不。戰。亦。亡。戰。而。後。亡。亦。有。名。譽。存。在。世。間。但。是。必。先。有。此。預。備。而。後。可。言。背。城。借。一。戰。為。玉。碎。不。為。瓦。全。勢。必。先。有。玉。之。資。格。而。後。可。言。玉。碎。對。於。軍。事。上。為。最。要。之。預。備。而。預。備。軍。事。非。財。政。不。可。所。以。軍。事。財。政。二。者。非。大。加。籌。畫。不。可。而。最。大。之。困。難。須。人。人。有。責。任。心。國。勢。始。能。維。持。現。當。危。急。之。時。非。利。用。人。民。愛。國。心。不。可。據。適。閣。蔡。參。政。提。議。軍。事。上。財。政。上。之。計。畫。應。從。速。向。政。府。質。問。本。席。極。表。贊。成。但。我。國。國。家。當。此。危。急。存。亡。之。秋。非。上。下。一。心。努。力。維。持。萬。不。足。以。救。此。危。亡。耳。二。十。號。汪。有。齡。謂。本。席。意。思。可。先。將。此。咨。文。付。表。決。至。政。府。於。軍。事。財。政。如。何。計。畫。俟。明。日。開。一。大。會。詳。細。討。論。再。行。質。問。衆。呼。贊。成。議。長。謂。諮。詢。書。已。由。起。草。員。朗。讀。贊。成。者。請。舉。手。衆。舉。手。議。長。因。報。告。全。體。又。謂。本。日。議。事。日。程。嗎。啡。治。罪。條。例。請。求。追。認。案。尚。須。報。告。否。二。十。三。號。陳。國。祥。謂。本。日。提。議。之。案。至。為。重。要。故。得。變。更。議。事。日。程。至。於。此。案。應。請。緩。議。議。長。謂。現。在。是。否。即。開。秘。密。會。議。衆。請。付。表。決。議。長。謂。贊。成。即。秘。密。會。議。者。請。舉。手。衆。舉。手。議。

長謂全體現在即開秘密會議請旁聽人退席時下午四時五十分也

▲參政院山東事件質問書


參政院對於山東事件議向政府提出質問已見前報茲將其質問書節錄如下(上略)據近旬日來山東方面之情形有令同人等不得不深滋驚訝者其一聞日本軍隊已佔據濰縣車站且向西進行查外交部通告戰區僅限於龍口萊州及接近膠州灣附近各地方確實為各交戰國軍隊必須行用至少之地點等因濰縣距膠州四百餘里非軍隊必須行用之地點其為完全中立之地甚明今日軍忽有此舉究竟我國前次通告聞已經日本公使回文承認此次佔濰縣以後我政府會否向日政府提出抗議日政府作何答覆若彼不答復或答復而不能使我國民意滿或答覆後而不實行我政府作何籌畫對待應請說明以釋民惑其二據某日順天時報所載濟南特電言該地日本僑民因第八聯隊將至預備歡迎又前日英文北京日報有日使已向我外交部表示欲佔領膠濟鐵路之意此等

國恥之起點

事是否屬實交戰目的地在青島何故日兵紛紛西嚮入濟青一帶我政府究竟有無聞見曾否向彼詰責膠濟鐵路我國商股甚多安能視為戰利品就令完全認為德國國家產業試問日本能否佔據中國領土內之德國所有租界及已卸武裝之軍艦已經扣留之軍用品乎如其能之則英俄法德奧比各國何一一不可在中國領土內自由行動此等舉措究為尊重中立抑為破壞中立我政府會否問日政府得有確實保證保此後決無此等行動若其有之政府何以待之其三英國此次與德宣戰聲明為扶助比利時中立起見故不惜犧牲全國金錢性命以赴之今青島之役明明為英日聯軍與德交戰日本當局亦向會議宣明曾經與英國協商始行宣戰則一切舉動英國自不容不負連帶責任甚明何以在歐洲則極力尊重公法在中國則與日本同為此破壞中立之舉我政府會否持此義與英政府抗議其經過交涉若何其四日軍所至往往有慘殺良民姦淫婦女之事本院同人夙仰日本為文明國原不肯輕信訛言乃據各該人民公稟則被害人之姓名年歲籍貫及

國恥之起點

被○害○事○由○皆○詳○載○擊○擊○我○政○府○曾○否○調○查○實○情○曾○否○執○言○伸○理○
 若○謂○軍○隊○偶○爾○不○慎○無○庸○苛○責○則○吾○儕○猶○記○去○年○我○國○南○京○平○
 亂○時○日○本○商○民○闖○入○戰○線○誤○被○傷○戕○者○日○人○嘗○責○我○履○行○極○難○
 堪○之○義○務○今○我○為○顧○全○大○局○計○萬○分○遷○就○許○以○假○道○可○謂○仁○至○
 義○盡○日○軍○果○有○此○等○舉○動○我○政○府○曾○否○與○之○嚴○正○交○涉○懲○前○毖○
 後○使○我○軍○民○之○氣○稍○得○平○息○其○五○聞○日○軍○所○至○發○行○多○數○軍○用○
 鈔○票○日○本○究○據○何○權○利○在○我○國○境○內○強○制○行○使○此○種○無○定○值○之○
 貨○幣○若○云○有○現○可○兌○究○竟○現○銀○在○何○處○兌○換○在○何○時○猶○記○當○日○
 俄○之○戰○彼○時○日○人○在○奉○天○發○行○此○項○鈔○票○後○此○以○正○金○銀○行○兌○
 換○券○易○之○然○至○今○正○金○券○在○東○省○者○數○千○萬○何○嘗○有○一○文○直○接○
 兌○現○實○則○布○不○換○紙○幣○於○我○境○使○我○物○價○騰○踊○生○計○恐○惶○創○鉅○
 痛○深○於○今○為○烈○此○次○山○東○復○有○此○舉○事○前○曾○否○通○告○我○政○府○發○
 出○之○後○我○政○府○曾○否○過○問○本○院○同○人○之○意○謂○宜○與○之○嚴○重○交○涉○
 今○軍○隊○採○買○物○品○皆○用○現○銀○若○彼○藉○口○於○運○送○不○便○則○其○所○發○
 軍○用○票○亦○須○指○定○數○目○先○將○同○額○之○現○金○交○與○我○政○府○以○為○將○
 來○兌○現○之○保○證○乃○得○發○行○(下略)



日本官民共謀之內容

其官與民一心謀我已久初時我莫從探悉其底蘊彼亦慎守秘密此篇所載乃其近時公然爲之之手續而冠以幼蓮君之譯文至尙有類乎是之足供參考者可於國恥起點篇中見之此篇可見其官與其民頗形聯結官亦樂得其民之助以壯聲威而收功效今以我國之情形與彼國之情形作對照則何如我之異於人者若此安得而不失敗

日本蹂躪我國人之蓄念 譯者於本年十月赴南洋旅遊偶見同船日人携有中井錦城著南洋談一書中載數則揭揚吾國人之醜無所不至閱之令人裂眦髮指悲憤填胸是書出版於歐洲未啓蒙之前彼日人之目無吾華早已躍躍紙上不待今日之侵害山東中立始也然人必自侮而後人侮之國必自亡而後人亡之使我無可侮可亡之機彼日人且舉揚交歡之不暇何譏誚蹂躪之能云乃歐洲戰爭波及亞東竟以吾國莊嚴之土地爲兩強

日本官民共謀之內容

決勝之博場東魯同胞慘遭刦厄顛天搶地聞之心傷秉政者方擢用官僚捕殺亂黨以敷衍之外交及強壓之內治爲保全若輩權利不二之方針一般人民尤復沓沓泄泄蹈彼日人所謂好利及服從強敵修飭外觀諸劣點上下如斯不亡何待譯者痛先烈締造之艱難悲同胞麻木而不振爰譯此藉以當疾呼冀醒大夢則他山之石亦攻錯之一助歟譯者附識

拂曉余舟破黃波溯行揚子江口更自吳淞左折而入黃浦江唯見兩岸楊柳如烟白堊之農家點綴其間牛馬嬉戲於綠茵之上宛然一幅南宗之畫余竊惜如斯勝地竟爲支那人之所生息聚居船着申城巍然靈列五層六階之煉瓦屋視此繁華令余依稀迴想革命當時之所遊然此非支那之地實各國之居留地也上陸入美租界之日本旅館豐陽館此爲前年革命之際所宿泊者昨午南洋漫遊之時偶有友人止宿見余談及支那政體變革而其國民性依然不變者今又有與余同船赴新加坡二客尙未週知上海之地余爲僱雇馬車使徧覽市中余則獨留旅館薄暮二客歸告余曰今日所見之事物悉可證支那人之金錢萬能主

義余因是乃與二客痛談支那人之國民性

支那人之國民性第一在於好利支那人之好利遠發於三千年

前三代之世常周之末上下交征利無倡義者一代之弊根全在

於好利孟子看破之故其書之首章即有義利之辯凌夷至於

清代以文字鎮壓人心由科舉而採用官吏苟有才能之士皆厭

蠶漁之業而委身於商賈於是遺此好利之國民性乃益發揮闡

國之民好利乃過於酒色是以清朝之滅亡無一人殉節者即好

利國民性痛苦風教之原因也支那人好利事例不遑枚舉茲僅

舉其二事餘可推察在漢口有日本人一日出獵郊外銃丸誤中

一支那人傷其面立仆日本人大驚昇入附近人家急探囊中銀

貨三十餘弗與之并低頭折腰而謝過支那人聞之忽昂然舉頭

於紅血發面之中含笑受取其銀貨且擲之板上驗其真假又奉

天有一囚人受死刑之宣告將赴斷頭場正低頭步行間瞥見路

傍遺棄十錢之銀貨急拾而欲懷之爲監者所叱責支那人尙利

尤重於生命故愛一身則過於一家愛一家則過於一鄉愛一鄉

則過於一國支那因之國家的感想從而無愛國心不足怪也

支那人之國民性第二在於對弱者則殘酷如日本人（武夫知

憐物）之美德萬不能發見於支那人讀支那之歷史如剖比干

之心脯鄂侯醢子路烹鄒食其等殘酷事例更僕難數中華民國

之成立國民精神在理似當同行改革然今日各省都會之地猶

見有曝首於獄門者記支那人之殘酷如揚州十日記者或尙有

所未盡此書記明亡時清軍十日間揚州屠城之事中記當時揚

州一儒生數日絕飲食潛匿屋隅目擊妊娠之妻爲敵兵所凌辱

實畫出阿鼻叫喚大地獄之筆者也書中有云各家之井以尸填

滿又以裸體婦人之屍直貫串於車上之棍稱爲風車而旋轉之

支那人之心理竟視殺戮如尋常茶飯之事有如此者

支那人國民性第三在於對強者則從順法國之碩學德遮爾基

安氏云支那人非同情的乃平和的然對弱敵則極殘酷對強敵

則極從順支那自唐虞以來即被東戎西夷南蠻北狄所壓迫其

住支那本土漢人種能征服四境者未之曾見純然爲被征服的

人種從舜征苗族戰死於蒼梧之野爲始支那之歷史乃四千年

間之外夷壓迫史以秦始皇之雄略尙築萬里長城以禦胡以漢

高祖之大業其作漢詩最稱意氣壯大有大風起兮雲飛揚威加海內兮歸故鄉之句然尙恐怖匈奴讀其末句之安得猛士兮守四方可以知彼心理矣迨五胡之亂支那人種族之血脈遂亂矣唐安祿山卽亞歷山大之景教宣教師混入宮廷釀成殺楊貴妃逐玄宗於蜀之大亂降至元清以夷代夏遂爲支那全部之帝王此足見漢人種之如何對於強敵爲服從人種矣

支那人之國民性第四在於不潔詩經云雞既鳴矣朝既盈矣匪雞則鳴蒼蠅之聲此蓋以蠅之聲誤爲雞鳴周孔子之時代猶如此不潔則蠅之多可知矣支那人極乏公德心於其門外不憚委棄各種不潔之物余當去年革命時由上海赴南京順道偶遊蘇州雜沓街衢之敷石常有濕痕心竊美之不意此乃各家無處排除之糞尿布之宅前通路者也行抵鎮江散步郊外見鄉村之人有與鷄豚同棲者歸上海一日曳杖城內有三五娼婦集於污穢之水溜用以擦顏塗粉幾令見者欲嘔

支那人之國民性第五在於修飾外觀曾點云暮春者春服既成簡子云千羊之皮不如一狐之腋支那人上古以來如何經意週

日本官民共謀之內容

身之衣服卽可知矣革命之亂余在上海見有腕附赤十字章意氣揚揚徘徊市中之青年於蘇州漸多鎮江益夥想其赤十字社員之數當不止幾百幾千彼輩皆稱其目的在於看護攻擊南京城革命軍之負傷者其實不過以旆章誇示小兒婦人觀於革命軍之從戰者僅有十三人負傷之少數可以知矣余當時又於蘇州停車場過民團兵之行列見其中均顏色蒼白并有帶金邊眼鏡者數十人蓋中部支那都會之青年卽鬻賣田宅亦欲帶金邊之眼鏡及掛金練之時錶乘馭官轎車携帶寫真機其修飾外觀全與朝鮮人相似而吸鴉片一舉尤較朝鮮人爲劣也如上述之支那國民性以好利及殘酷弱敵服從強敵內則不潔外則修飾爲特點此等國民焉能圖國家之隆盛余一言以蔽之支那人乃最適於買辦之人民依外國人之政治始得享有其福祉二客聞之唯唯而已

▲東京電 日本地方長官會議業於今日開會大隈首相蒞會演說訓諭諒謂諒聞之期已過今秋爲我天皇舉行即位大典之期凡我國民對於大禮均當講求適當之處置表其忠誠之至情

日本官民共謀之內容

諸君亦當仰體此意十分盡力至歐洲之戰爭甚願聯合軍之勝利早日克復平和又我日本帝國之國是爲確保東洋永遠之平和現正交涉之中日間諸案件業已着着進解決之步政府甚望早日解決以增兩國之親善又自歐戰暴發以來外國貿易頗受影響幸我國民之能自給並政府之維持一般商况已有恢復之象他若產業之振興海外商業之發展政府自當極力增其促進之度諸君亦宜十分注意加以監督云云(四月十四日)

▲北京電 日本黑龍會本係對待黑龍江問題者茲發表對支解決意見共十項內多與要求中之第五號相符凡軍事教育財政均委之日本至謂訂結條約須得日同意

▲東京電 日本內閣會議對中國問題業已決定日本政府遂於今日上午十時電諭日置公使其內容即以至今日止討議所得明悉中國之意見與日本帝國不動之決心作成新案提出要求諾否之回答其形式雖非最後通牒然或中國拒絕則其所生之事態如何變動亦未可知至此新案所異者爲就蒙古漢治萍問題稍加中國之意見其要求第五號之鐵路則由日英中三國

四

協商決定而省卻具體的記載要之此新案爲中國可以承諾穩健之案云 (二十日)

▲東京電 日本對支同志會憤慨中日交涉之現狀開始運動喚起輿論 (二十日)

▲東京電 日本政界今日關於中國交涉之事往來頻煩陸軍大臣中將岡氏午前往訪山縣公爵阿野農相則於午後往訪松方侯爵 (二十一日)

▲東京電 大隈首相今日入宮謁見日皇將關於中日交涉政府所取之態度詳細奏明 (二十一日)

▲東京電 加藤外相今日特詣椿山莊謁見山縣公爵報告關於中日交涉詳情其他諸元老聞亦分別報告 (二十一日)

▲東京電 日本國民議會本日開相談會以對中國談判事極重要必嚴督勵政府使勿退讓一步業已決定覺書提出政府矣
▲東京電 各政黨及朝野之有志者並諸新聞之論調皆以中國若不容許日本之要求則日本之目的遂不能達此非大隈首相與加藤外相之失敗實日本帝國之失敗亦維持平和之失敗

故欲維持中國於東洋基礎之安全不得不出於斷然之處置此與論之一致也 (二十二日)

▲東京電 日本外務省今晨接到日置公使長電加藤外相遂與大隈首相協議一切 (二十二日)

▲東京電 北京電云日置公使本日又奉加藤外相長文訓電據日本方面半官之消息云日置公使曾向外交陸總長重要勸告 (二十二日)

▲東京電 日本國民外交同盟會昨在本部特開大會其決議如左

中國拒絕我國提案之緊要條項吾人是已無用以議論折衝

蓋多事議論徒傷我之威信而已故甚期望速出斷然之處置

▲東京電 日本內閣今晨特開緊急會議加藤外相於會議半

途入宮覲見將如前電之處置外無他辦法情形詳細奏上當蒙

裁可遂將其旨電諭北京日置公使一俟內容電達即由日置公

使正式照會北京政府 (二十二日)

▲東京電 日本內閣會議至下午三時尙未解散討論之內容

日本官民共謀之內容

爲處置今後發生事態之重要問題蓋講求中國如仍拒絕或有不明之行動其時應取如何手段也

日本爲支持穩健適當之態度講求可以立處最強硬之策一般與論爲前此未有之緊張各新聞均以尊嚴言論稱贊政府處置之得當 (二十二日)

▲東京電 日本政府斷無爲要求之貫徹遽爾訴諸暴力之事惟如交涉決裂之後不得不有意外之發展現日本國民之注意專注於中國之態度 (二十二日)

▲東京電 國民外交同盟會爲支持政府之政策起爲強硬運動 (二十二日)

▲東京電 各元老均集山縣公邸隨時聽候閣議議定之報告

▲東京電 濟南電云駐濟南日本林領事今日設筵招待將

軍蔡巡按使及山東鐵道管理部長藤田氏等 (二十二日)

▲日本對支研究會之意見書 據某京報載稱統率辦事處近

得有日本對支研究會所發布之意見書頗足使我國民驚心動

魄者略謂中國與日本同居東亞大陸利害密切非他國可比而

國

恥

一切警政財政軍政教育農商實業在在有相互之關係日本既爲東亞之先進國自不能不予以提携加之啓迪故現在日本第一政策即在處置中國歐洲各國之勢利權力對於中國又有機會均等開放門戶主義訂明於先將來歐洲戰局告終必有共同議商以處置中國爲一大問題者日本於此時豈可伸手而攫奪之乎故先發制人乘機以起又爲日本迫不及待之舉第日本現雖提出要求向中國交涉而中國政府非常強硬恐非口舌之間可以奏功究其極必有用武力之一日武力既張則中國政府恐時之後或有承認我要求之望也又云中國既被日本處置之後則日本當用何法以施其改革之方法第一須變更國體共和兩字斷不宜於中國之現情以中國人非壓抑不能服從非服從不能統一也前事不遠昭昭可見然君主問題既經提出擁護何人切宜審慎清宣統帝既無復辟之理而現總統又無卽真之意於斯時也日本當於民黨中擇一聲望素著之人立爲君主更由日本派員加之監督爲之輔翼則中國當可勃興而中日間之親善自必更進一層云云查對支研究會之設置專爲研究對付中國

之方法與手段故其會員多後進之政客其意見書已於前日上諸大隈首相矣

▲東京電 對支外交同盟會昨夜在日比谷公園松本樓開大懇親會決定之宣言如左

我國對支提案如果退讓姑息解決國民斷不承認吾人甚望當局斷然貫徹當初之要求如誤一步卽失帝國威信於中外貽禍根於將來政府當知負有重大之責任云(二十八日)

▲東京電 國民議會今日在新富座開對支問題大會國民外交同盟會則於昨夜開懇親會席間議決之案已呈外務省當局者今後各團體亦將相續開始運動此等團體之運動皆以支持外交政策爲目的云 (二十八日)

▲東京電 政友會本部於開大會之際議決中日交涉日本當初要求之提案認爲毫無讓步之餘地 (二十九日)

▲東京電 在野志士之領袖頭山滿翁因關中日交涉問題定於明日會見大隈首相 (二十九日)

▲東京電 北京最後報告仍傳中國政府拒絕日本要求之第

五條惟日本政府決不承諾其拒絕現在國民鞭撻政府之氣勢已漸高云

▲東京電 大隈首相今晨入覲天皇詳奏中日交涉之經過及他重要事件

▲東京電 在野黨及他之有志者頻開會議關於中日交涉問題有迫政府作最後解決之勢

▲東京電 日本全國佛教徒對於日本向中國要求中之布教權問題期其貫徹此項要求特開大會並發表宣言書

▲東京電 國際電社聞今日內閣議決中國覆文不能滿意日本應下哀的美敦書此層辦法應請日皇及各元老核准預料日皇勅諭即將發表 關東半島已宣布戒嚴令

▲東京電 今日下午元老會議歷四小時之久於六點鐘延會俾由內閣各員會議現信內閣正在草擬致中國之哀的美敦書國際電社代表探得日本地位之確實大概情形據通告國際電社之人聲稱目下之時局實由前星期中國提出之對案釀成中國所要求者大致如下(一)議定書應載明日本必還青島與中

日本官民其謀之內容

國之質言日本曾謂願意交還青島但不能載於議定書內因須俟歐戰以後解決也(二)日本應承認賠償華人在戰事中所受之損失並將此節載於議定書內(三)日本承認中國為他日議和會中之一份子 日使問此項要求是否為最後之辦法中代表答曰然聞中國將其對於第五號要求前所確稱之意見載於紀錄者取銷不認查第五號要求日本不欲載於議定書內但不過請中國載入紀錄以視為日本所願者此號要求包括聘用顧問或教練官購買軍械或合辦兵工廠及日本參與發達福建之事業日本且撤銷傳教及建設學校醫院之要求中國在談判中甚至不肯將此上各節載入紀錄日人視此為中國不友愛執拗態度之表示 (四日下午八時)

▲東京電 外相加藤男爵與首相大隈伯會商後午前十一時即將東京交涉情形奏知日皇 (四日正午十二時五分)

▲東京電 今日午後元老院開會研究致哀的美敦書於中國一事日本各報咸以此事乃早已料定之結果並登載關於第一步行動之預料及忠告中國覆文之內容已由非官場方面傳出

爲衆所知衆視中國覆文爲純粹的迂緩今內閣之決議大爲國民所贊成內閣決定如續有談判或令中國續有讓步則與日本威嚴不合聞昨日政府已照會駐日各國公使

▲東京電 日本元老會議於本日午後二時開會至午後七時始散會本會議既決定贊成內閣議定辦法後即開緊急閣議討論諸般之手續目下正在審議之中正式之發表或俟明朝因命北京日置公使準備回國等尙需時也

日本對於中國拒絕後之處置已甚周密

▲東京電 日本國民既見元老會議接連內閣緊急會議輿論之調已達極高各新聞社刊發號外刻刻報告事態之重大會議之中心爲首相官邸及外務省參謀本部陸軍省等新聞記者及市民等奔走擁擠混雜非常

▲東京電 關東州南滿洲鐵道沿途決定發戒嚴令將於五日以勅令發布

▲東京電 日本內閣昨夜(三日)會議立請各元老集會山縣公爵松方侯爵大山公爵等即允諾與會均於今日入京惟

井上侯爵以函通知因病不能到會旋於今日午後二時開元老會議報告一切俟決定後再請天皇裁可大約今日可發通告同時並將日本新取之行動通告列國

▲東京電 加藤外相於本日午前十時入覲天皇奏報中日交涉廟議之結果

▲東京電 日本參謀本部開會討論中日談判決裂時準備之事

▲東京電 日本赤十字會於今日午前十時在日比谷公園開會

▲東京電 日本第三驅逐艦隊二日駛至佐世保軍港經新編制後即奉派充重要任務

▲東京電 陸軍省昨發重大訓令分致滿洲及中國各地之駐屯軍

▲北京電 日本居留北京人民因時局之形勢切迫故均着手準備避難他適

日本海陸軍無故示威

國

恥

外交固恃兵力爲後盾然亦必達最後之時期始行作戰之準

備斷無交涉方經開議毫無決裂之象而遽以兵威相脅迫者

示威之舉動是無異欲劫人財物出武器以相示謂之曰爾不

余界將殺汝不徒非文明國家所宜出此且與保持東亞和平

之意志更絕對不相容也

編者識

▲北京電 據三月六日大阪每日新聞載稱日本海軍一分隊

不日將由國內開往中國北方(九日)云云

▲北京電 東京電第二艦隊訂二十二日前齊集馬關口外即

駛赴中國近海警備

▲北京電 濟南昨到日兵一大隊約六七百名又有陸砲八尊

尙有多數軍隊陸續輸送關東都督府派武員多人赴各處察看

戰備地點現到奉天車站軍隊一旅軍用品甚多又由大連登岸

亦甚多

▲北京電 昨又有日軍步砲機關槍各隊續到濟約計步兵已

日本海陸軍無故示威

有一聯隊以上砲兵二中隊機關槍二中隊

▲東京電 二十三日日本鄉中將當由岡山出發道經朝鮮再向

滿洲

▲岡山野砲兵二十三聯隊本部一大隊昨日開向宇野港今晨

已至大連

▲十七師團之先發隊野砲兵工兵昨日由門司出發今晨已至

大連

▲在舞鶴之第二艦隊三笠周防昨日補充乘員今日開向根據

地茂木整隊之後將開始一新行動

▲大阪每日新聞 東京電話云加藤第一艦隊司令官於十

二日午前九時半赴海軍與八代海相島村海軍軍令部長密議

重要條件又岩村青島要港部司令官亦同時赴省與八代海相

島村軍令部長等密議

▲又岡山電 第十七師團擬自十五日依次赴滿目下準備一

切而師團司令部擬於十八日出發同日午前八時本鄉師團長

隨募僚宇赴野港自該地與步兵第五十四聯隊之一部乘船以

恥

國

向大連他之一隊於十五日由岡山出發當夜泊於迫川十六日當自宇野港乘船出發而本聯隊先發隊則於十二日出發又騎兵第二十一聯隊之先發隊熱田大尉以下將校下士卒約五十名於十一日午後五時二十六分出發要之今次之赴滿與平時之交代大異一般士氣極形旺盛而出發期日對於下士卒等不稍與以休暇各隊幾難與父兄晤面上田參謀長語人曰今次之赴滿雖不攜帶一切戰用品爲平時編製之出發而抵滿後或接命令或遇突起之事件於何時亦得取戰時之行動無稍阻碍云

▲又下關電云第十七師團之滿洲駐屯先發隊騎兵第二十一聯隊之熱田大尉以下下士卒十九名於十一日夜抵下關當乘十三日出口之哈爾賓丸以向大連云

▲又鳥取電云鳥取步兵第四十聯隊因青島守備之事豫定於二十五日頃出發

▲又舞鶴電云福知山工兵第十大隊自接青島備守之命令派遣第一中隊豫定十三日出發至宇品乘船又對於舞鶴重砲兵隊亦有下令之說又碓泊舞鶴軍港之第二艦隊旗艦香取肥前

三笠三艘急行兵員之補充交代且蓄積炭水及食料品多種豫定十六日開向根據地位世保云云

▲東京民報云目下駐屯中國北部及中部之日本兵力北部約一大隊(第二師團派遣)中部約一大隊(第六師團派遣)今屆瓜代之期決增派至庚子事變後列國定數之極度自岡山師團中抽成之混成旅團一部即開向中國北部於十五日開始輸送又自第十師團步兵第十聯隊及第四十聯隊與砲騎各二中隊中抽成之混成旅團受先發之命十五日自宇品乘船出發當於青島上陸目下駐屯青島之日軍兵力有步兵十二大隊及鐵道聯隊之一部加入其他之特科隊則有一旅團以上之兵力再向前記混成旅團則其兵力當達於一師團以上云

▲大阪每日新聞云邇來因對華交涉之停滯頻傳出兵之說雖當局對此預期中國之出於冷靜之態度而當今次交代期之中國駐屯軍及朝鮮守備隊不行交代反行增兵者蓋使平和之保障更加確實耳而現在之朝鮮駐屯軍爲第九師團及臨時派遣隊之混成一旅團又滿洲駐屯軍爲第十三師團之一師團及獨

守備隊之一旅團青島守備軍爲混成八大隊北支駐屯軍爲混成二大隊中支派遣隊爲混成二大隊今青島當自第四第五第十師團中大增員數而滿洲則自新第十七師團全部北支則自第四師團中朝鮮則自第一第十一第十二師團中當各增員數各部隊俱擬不日出發云

▲又廣島電云第五師團司令部於九日午前接到陸軍省數通之密電卽由大谷師團長招步兵第七十一聯隊長足達大佐有所訓示又十日雖屬陸軍紀念日而廣瀨高級副官以下俱在司令部辦公極形忙碌云

▲姫路電云第十師團司令部亦於九日接到陸軍省之急電羣然色喜據師團某幕僚之所語謂非係動員令僅爲守備交代耳又其出發期雖尙無何等之命令要不出數日外云

▲又云岡陸相及長谷川參謀總長於十日午前六時五十五分赴東京驛發葉山進謁天皇奏陳關於軍事上之重要事項午後方歸云

▲大阪每日新聞云今次赴滿之第十七師團長本鄉中將前隨

日本海陸軍無故示威

副官鶴靜大尉一名赴京于十二日午後抵神戶驛旋由快車出發中將會於車中語記者云

師團司令部將於十八日出發期限雖迫以必須與陸軍當局預議特行東上然後歸任此次第十七師團之赴滿雖非動員之比而抵滿後大命一下卽有活動之準備出發順序已載諸十二日貴報父老竭誠相送士氣亦極旺盛若真開戰者又將若何耶中國雖好弄理窟屈服之事固在意中特如昨今之狀態華兵或發生熱狂之事亦未可知若開戰者最先將見各省獨立紙幣暴落國家銀行以提款之結果將至停止發給兵士之俸給想中政府之所最憂慮者當在此點中國之常備軍實數不多中國陸軍高級武官亦多相識其中尉大尉多有日本留學生而爲余在士官學校教官時代之學生萬一開戰則先生與生徒對壘豈非趣事耶

第十七師團爲新設師團無實地戰爭之結驗而福山之步兵四十一聯隊及濱田之步兵二十一聯隊嘗有日俄戰爭之經驗其將校亦多爲實具戰爭之經驗者余在日俄戰役爲第五

日本海陸軍無故示威

師隊之聯隊長參加於第一軍及今十年又有赴滿之事余信師團之將士體力多強健而敏給其平日之鍛鍊當爲首選云

▲大陸報三月二十七日牛莊訪函云大連滿州日報乃南滿鐵路之官報二十五日論工商業事題曰大連市場戰事恐慌之影響其文如下 此間傳說謂中日交涉將釀成變端此雖爲好事者之所捏造並非實事然大連商品出產交易社之營業已受此謠言之影響矣平時每日貨車駛行者自五百輛至一千輛不等近來每日貨車僅不足二百輛生意減色未始不由於上海抵制日貨所致南方抵此之華商皆縮手不購貨物昨日華人中遍傳戰雲已散之消息市貨遂略漲價焉云云按大連市場受戰事恐慌之影響商務已異常蕭索甚至完全停滯此乃無可置辯之事實但若謂中日交涉將釀成事變之傳言全屬捏造則稍有知識者聞之莫不嗤之以鼻今現象已如此而猶作欺人之言徒見其無意耳日本刻方在大連輸兵運砲而滿洲日報猶謂種種傳說乃僞造之謠言其誰信之然該報爲政府機關報固無怪其有此言也大連事無可掩飾其所發生者皆爲衆所共知若

上海客有附南滿鐵路定期郵船於二十五日抵大連者苟不緊閉其目而行則必見一新至之日船方在南滿鐵路碼頭起卸許多野戰砲並見成羣結隊短小悍精穿灰色軍服之日兵在碼頭附近也余(訪員自稱)於數日前曾與大連日人晤談日人公認自認各事悉已佈置妥善且謂大連旅順新到日兵二萬五千人新兵來者絡繹不已未聞有舊兵撤回之消息故日本瓜代戍軍之宣言不過爲官樣文章而已新兵既來舊兵又不去日人固明目張膽不欲掩藏其目的與其計畫也牛莊除車站有若干兵外未有日兵亦無華兵但距此半旬鐘火車路程之大石橋駐有日兵數千人皆秣馬厲兵準備一切中國之京奉鐵路與南滿鐵路同一軌道設中日一旦有事則部東齊備之日兵將於數日內乘車直驅入北京矣牛莊美領署已奉命撤銷美領漢森氏已往大連將至上海赴汕頭新任此後牛莊美人利益由奉天美領兼管相隔五小時火車路對於辦公上不無妨碍且時局吃緊正需領事保護之時美國遽於此時裁撤領署故牛莊美人頗爲快快也

▲日兵添註南滿線 吉長日報云自中日交涉吃緊以來日人

在南滿沿線卽有種種軍事上之佈置所有第十三師團本擬俟該團第十七師團來滿駐紮後卽開回本國詎第十七師團全隊業已開到而第十三師團不但未曾開回且有砲兵兩旅團復由安奉線於前日夜間開來駐紮遼陽大概非俟交涉解決後不能照常瓜代也

天津方面日兵亦多至兩千人商民因之異常驚駭朱將軍於此策勵警士加派衛兵一面與日領事再三接洽防止意外一面則勸告商民禁遏暴動而於抵制日貨一事尤爲注意故近來天津一帶日兵雖日漸增多而市肆尙如常安甯總統對此深爲嘉許乃於前日面飭機要局以總統名義致電慰留中有外患日迫國事方殷尙望該處按以國爲重營葬一事俟中日交涉解決後再行回藉等語朱氏近已復電總統列陳感激知遇之忱力圖報稱不再亟亟於回藉營葬矣

▲日艦之遊弋 粵報載稱駐汕交涉員昨有急電來省略以汕頭汕尾一帶連日有龍田軍田兩日艦各載海軍六百餘名在此遊弋

日本海陸軍無故示威

▲日兵在魯之現狀 京津太晤士報北京通信云記者（該報記者）得濟南府確實可靠消息不憚厭煩述之於下其中所言已足證日本軍官之輕舉妄動一若戰事之急於眉睫而使鷄犬不能安寧於朝夕嗚呼此誰之罪歟三十一號得濟南報告云日本軍隊紛紛開掘壕溝並有他種軍事行動一若環攻圍困之在瞬息間者人民驚惶無已復加轉輾遷徙者成羣結隊昨日一日之中幾有前隊出馬之概而鐵路人員不允乘車以致全城更爲鼎沸蔡巡按使已智窮力盡亦無法足以使其人民安然不動前因欲示民以無足驚惶起見特邀集日本將領大開宴會杯酒言歡非不美矣然而日兵之舉動如故也戰信之傳播又如故也是以宴會之效力誠微乎其微而人民不靖之狀未嘗稍減總之可以使人之驚惶而足以惹起騷擾暴動之舉者日本軍隊靡所不爲蓋人民一騷動而卽可以藉口動兵較之直接撲擊中國之軍營不更得意乎綜觀上述各事以見日本人之欲破壞中國政府之約束已無微不至故將來如有不測之事發現其爲之完全負責者舍日本當無他屬夫日本人者非前茲世人所視爲莫武

日本海陸軍無故示威

不屈之強敵乎其於戰爭時之能守文明條例又非世人嘖嘖稱善者乎願今日者首先佔據人之疆土而後出種種不法之行爲以騷擾其人民此極野蠻而可痛恨之事也日本既如此之肆橫矣然我於此有一疑問也彼世界各國對此肆橫之日本固任其侵奪中國而不一問乎彼自命爲世界最公道之一國嘗以鋤強扶弱爲職志者對此肆橫之日本亦聽其佔據中國領土殘殺中國人民而不問乎此又疑問之疑問也彼立國於世界上已數千年於茲矣政治文化燦然可觀豈至於今日而一日漸滅不復乎嗚呼是奇矣

國 恥



會議專載

日人無故憑空以二十餘條件要求於我其輕慢無禮已達極點我國應立將原文退還誠無會議之可言乃竟與之會議矣嗚呼此何如哉吾固不欲聞有此項會議者今已成其事實不得不爲錄載之第未開會議以前之手續須略述於此（一月十八日日本日置益公使謁袁大總統開始提出要求二十一條件十九日外交部曹汝霖次長往晤日置益公使詢問提出要求案之意見並詰問直接提出於大總統之不當二十日日置益公使赴外交部晤孫寶琦總長正式提出要求案二十七日袁大總統特任陸徵祥爲外交總長調任孫寶琦爲審計院長）此後即爲會議之開幕依次編列於左

第一次會議 乃二月二日

▲北京電（二月四日到申） 二日外部會議日使首問陸總長此次談判是否完全有責抑須請命總統態度間非常強硬認定

會議專載

爲解決懸案並言滿蒙問題及旅大租借期日屢經提議足爲懸案之證議無結果

▲字林報三日北京電 中日協議事件仍未宣布聞昨日第一次會議歷四小時始散日人要求中國全數依從並須每日會議一次但中國僅允每星期會議兩次

▲新聞報載正式開議概況 日本此次對我提出各種侵害主權之要求本無開議之餘地以正當辦法而論政府惟有以文書拒絕其要求之一法聞外交部於二月二日在迎賓館與日本公使正式開議我國當談判之衝者爲外交總次長此外尚有秘書繙譯數員隨同入座日本則日置公使外尚有參贊及書記官數員談判時間自昨日下午一時開始至晚七時始散其會議內容秘不得聞又聞中國承認山東問題第一款（德國權利移讓問題）並加條件要求交還膠澳並加入德日會議

第二次會議 乃二月五日

▲北京電（二月五日到申） 今日一時外部與日使開二次談判
▲又北京電（二月八日到申） 日要求最要條件即南滿治理

權東蒙行政權在魯德人權利之移轉閩省鐵路皖贛鄂路鑛等項二次會議陸總長不能堅拒已提出若干條爲具體討論除爭主權外利益上條件均予商量餘地

▲某外人云二次會議外部已承認閩路贛烟灘鐵路由中日合辦旅運租期南滿路贖期均延長九十九年

附註此次會議之後日本公使直接到該國政府來電態度又爲一變外交部陸總長自六日止二十日之間間日往返與日公使會見疏通開議各事故會議有停頓也

第二次會議 乃二月二十一日

▲日本上海日報北京通信 (上略) 中國政府對於日本當初提出之二十一條件謂終不能概括承認全部因就日本原案特立一新案欲就此談判日本方面另加一二條件亦即允許而此新案之成立則在二月二十一日乃(日使署)小幡書記官與曹次長會見後之結果二十三日乃繼續談判(下略)

按閱此即可知第三第四兩次會議同一問題不過此爲先造

就其胚胎耳

第四次會議 乃二月二十三日

▲北京電(二月二十三日) 昨下午外部確開四次會議兩方爭執至日夕方散日使態度雖稍和平語仍強硬我外交當局取誠信主義宣稱酌量退讓以睦邦交如有關主權高難委曲周旋日使仍堅索承認并云此星期內再開五次會議外部答以緩一二日兩方再行協定此次會議仍無何等結果散議後外部齊集諸要人討論此案至晚十時始散據某要人云此次會議外部對日要求在南滿東蒙方面已示退讓而日使猶謂未足總統會語外部除南滿東蒙福建可以酌量承認餘如山東權利移轉非俟歐戰終了不可

▲字林報二十三日北京電 昨日會議日使初欲中國爲大體的協議嗣以華官不允乃改令磋商中政府所有已討論意思之各條件而此外各條則俟其日然以華官仍不允許故後所協議者止爲關於山東省之要求未有結果至中國自行提出之交換條件則已全爲日官所拒故又須展期數日再議云

第五次會議 乃二月二十五日

▲字林報二十六日北京電 中日交涉昨開五次會議當由中

國代表聲稱政府已預備開放山東省某某數處爲通商口岸此與近來政策相合試觀直隸山東及由蒙古開放七埠之事即已可見云云又關於山東省條下另有要求三款則須改期再議據某某數方面消息謂日本已知此種要求宜俟歐戰了結後再議至中國所提出之交換條件欲日本照原議交還青島並撤去輕便鐵道臨時電線軍隊及鐵路衛隊等以復山東原狀則日皆拒絕日使又敦促中國及早承認日本在南滿洲東蒙古之特別地位但本期會議仍一無結果云

▲此次會議專討論山東方面日要求除德權利移轉及煙灘龍口路權外並有開放龍口等商埠

第六次會議 乃三月三日

▲北京電(三月三日) 今日開六次會議關係滿蒙問題
▲六次會議聞山一方面烟灘龍口兩路日使力主租借並索期九十九年外部主張中日合辦相持未決外部立意能達合辦目的最佳否則租借契約按安奉等例十五年爲期

第七次會議 乃三月四日

▲據外人消息七次會議旅大租期延長九十九年外部已允吉長安奉路租期尚在爭持南滿移民居住經商問題外部亦有允意惟警察權仍在爭議定今日續議

▲四號在外交部迎賓館開第七次會議當日談判情形仍不得知惟聞所討論者仍爲山東問題實即關於龍口濰縣之開埠及嚴禁租借山東一帶等問題此等問題聞已計議三次尙未完全解決故特於第七次會議廣續討論據又一方面消息謂第七次會議已及於滿蒙問題其大致謂內有某某數款吾國當局似願承認此外凡與各國利益相衝突者則會一概拒絕以有條約的關係不能任日本一國壟斷也至滿洲地方日本大約可冀得某種讓與權此實因日本在該處有根據之勢力所致吾國當局之意思苟其條款無害於中國之主權亦甚願讓步 又聞是日日使館某參贊(或云卽小幡氏)又往外交部謁曹潤田次長以個人名義彼此討論爲時約兩小時兩方面態度極融洽並聞某參贊宣稱此次中日交涉中國人大半誤會致反對者極多實則中

國苟能承認日本此次之要求其所蒙利益決不在少現在兩方面談判漸次接近深望中國政府將此交涉早日了結等語

第八次會議 乃三月六日

▲北京電(三月七日到申) 昨八次會議二時起七時散南滿條件均經解決移民購地經商各條外部予以附條件之承認至設警權日已讓步又閩路權現入討論範圍日主租借我主中日合辦閩省行政實業各借款儘先權我已拒絕

▲八次會議時日使提出揚子江條件我將一八九九年中英條約揚子江各省不得租借割讓與他國一節抄示日使

▲德文報七日北京電 中日兩國報告昨日所議關於滿洲問題已經議結者(一)關東半島租借期限長九十九年(二)南滿鐵路安奉鐵路讓與權展長期限但吉長鐵路不在內關於山東問題已經議定者(一)增開通商口岸五處即墨亦在內(二)德人在山東所享權利一律移歸日本一節已定草約(三)該省軍事要塞及山東諸島不得讓與他強國(四)烟濰鐵路及通至龍口之枝路用日本資本建築並商下次會議之期訂於星期二星

期四及星期六日以便討論內蒙古福建之詳細問題又聞袁總統堅持前有之政策凡關中國主權及土地安全問題概不稍讓

▲字林報七日北京電 中日兩國代表於星期六日會議時中國代表已允將南滿租借權展長九十九年至於南滿鐵道一節尚未磋商就緒日代表逼中國速將其餘各款議結但中國代表以爲無須過急云

第九次會議 乃三月九日

▲北京電(三月九日到申) 今日開九次會議聞膠濟路日護兵允撤去龍口駐兵日交涉結後再撤

▲聞九次會議仍議南滿問題我多讓步據外人消息日要求三四星期可了唯日野心未壓節外生枝或有新要求發生

▲九次會議日又要求安奉吉長兩路添設日警及南滿警兵須聘日人爲警官外部堅持未允魯閩沿海各島日使要索甚力我亦堅拒

▲日使館接東京電對於九次會議異常注意謂中國外交當局向堅拒之數款今竟承認預料中政府對日要求必能事事使日

滿意但不可視為即可解決因有許多懸案尙待討論

第十次會議 乃三月十一日

▲北京電 (三月十一日到申) 今日開第十次會議開議滿蒙別種條件

▲聞十次會議南滿條件日使宣言南滿本日勢力圍自由行動中亦無如何今會議多次未獲結果如再遷延決計停止會議外部爲其屈服除警權外其他築路開礦借債已允日以選擇權凡該省南部所有鑛山許予視察視察後允一部分即歸日開採至昨日十一次會議先議南滿未決案日使態度強硬多方恫嚇我讓步日使又謂滿蒙連帶東蒙條件亦須速決我尙堅持定明日再議

▲十一日下午二時起在迎賓館開第十次會議至八時始散關於交涉裏面外交當局仍守秘密惟聞南滿條件日使要求迄未絲毫放鬆前兩次會議時日使曾宣言除警權外其他條件實無商量之餘地經外交當局一再磋商乃日使愈扶愈醉至前日忽宣稱中國對於日本既無一點誠意此種遷延之談判於交涉

前途並無利益不願再作無謂之討論我外交當局再三申說日使復提出安奉鐵路之租借期須自一九一五年起延長九十九年聞亦經我當局予以承認矣 一說日使宣言曾接本國政府訓令所有日本對於南滿條件不論中國承認與否日本將自由行動聞設置警權亦在要挾之列 一說日使又要求外交當局須仍以二十一條要求條件爲討論之根據謂從前以十一條討論者原望中國政府予以速決現在一再遷延足徵中國對日並無誠信故加重條件並謂此項加重條件已通告各強國均已贊同 一說山東問題現雖暫時擱置然尙不爲完全解決將來提須仍出討論中國所提緩議之理由日使並未完全承認目前之緩議尙非交涉之解決外間相傳山東問題已有解決之結果殊非事實也

第十一次會議 乃三月十三日

▲北京三月十三日德文報電 今日中日代表會議時並未議及南滿土地所有權及其他難問題此等難題擬暫行擱起以免衝突並雙方議定現先討論諸凡不侵害中國獨立及土地完全

之條件但據華人消息日本曾正式照會中國趕速解決此事如兩星期內不能了結則中國將受其累

▲北京電(三月二十日到中) 中日談判日使屢允屢翻十一次會議外部要求嗣後每次散會時間雙方簽押議事錄不可翻議惟日使不允乘此停會之時先定此項手續

▲十一次會議南滿陸軍財政警察各機關遭時機之必要我已允酌聘日人爲顧問或教練鳴綠江伐木及撫順煤礦我已允照安奉路例延長九十九年

第十二次會議 時乃三月十六日

▲今日開十二次會議日使現又要求在東蒙增開商埠又東蒙礦產歸中日合辦我尙未允

▲十二次會議即此安奉路確定自一九一五年起延長九十九年

▲十二次會議日要求東蒙開放二十三商埠我但允南滿十七處日尙未足外部允日在南滿有土地所有權惟須歸我裁判日使要求領事裁判權小幡氏主張兩星期將條件全決再一星期

討論大體日提出附件(一)膠州灣內日得繼續行使其主權但不讓渡他國我軍艦商船往來照彼船舶章程辦理(二)期限內我欲贖回該灣應償其用款並以相當地域更換我堅持未允

附註此次會議之後日本日置益公使於十八日墮馬受傷因而停議嗣於二十二日日外相電慰日使並允會議暫由小幡書記官代理遂定於次日接續開議而議場則改在日使館矣

第十三次會議 乃三月二十三日

▲北京電(三月二十三日到中) 今日正式會議因日使傷足即在日使館內討論東蒙南滿福建重要問題

▲十三次會議日要求南滿土地所有權我已允惟須向我納稅日猶不允又提出東蒙條件與南滿一律外部力爭

▲字林報二十四日北京電 昨晚日使館開臨床談判時頗有重要之進步中國外交總長以日使受傷後不能離榻故欣然從命自往就之也日本所提出之東三省要求五款中國照允其目如下(一)政治經濟軍事巡警四部請日人爲顧問及教員按此項日員之人數及權限似尙未定以故本讓與權之關係若何胥

視將來之解釋(即對於本讓與權意義之解釋)爲伸縮(一)中國須借外款以造路時許日本有優先權(二)中國如借外款以充本省之用而以地方捐稅爲抵質時許日本有自由去取之權(即願借與否悉聽其便)(四)中國允將吉長鐵路管理權移歸日本(五)中國所提出之交換條件即謂中日關於滿洲事宜之現行條約與本協議無涉者應一概繼續有效云云業經兩方議定照辦按本條頗有關係因一九零五年與一九零九年兩次條約日本均承認中國在滿之主權今日本既允則是益形核實也日使日置益起坐於病榻中而行其談判足徵異常親睦日人對於會議之進行自有種種滿意之理由然而大隊日軍則方入山東與滿洲而天津漢口二處不日亦尙有繼至之兵此則不能不令華人不爲恐慌而外人亦極形不滿也

第十四次會議 乃三月二十五日

▲北京電(三月廿六日到申) 昨日使館十四次會議日使態度愈硬毫無進步

▲中日昨會議已及福建漢冶萍問題日要求漢冶萍借款結清

後須中日合辦外部答云向農部調集該公司檔案查閱再議

▲字林報廿五日北京電 今日中日會議仍在日使臥室舉行中國已允日本在南滿洲有挑選及開採九礦區之權惟不得損及業已讓於他國之鑛權日本既得此特別權利實與壟斷南滿鑛產權無異惟各項已許之權利中迄未提及蒙古此爲可注意之事實日使蓋欲留此以待後來分別討論也滿洲居留問題本極棘手討論雖多迄無成議漢冶萍問題亦未議結中國致語氣和平之照會於日使謂日兵紛紛來華以至民心大起恐慌請爲解釋理由云云日使代其政府答復謂日兵之來本以釐代滿期之駐兵惟被代之兵目前暫不撤回以俟談判之終結中國隨即駁詰謂日本鐵路衛隊爲數甚寡何以來代之兵竟有三千名砲兵兩大隊機關槍多尊深入二百哩而至濟南及其鄰近一帶云

第十五次會議 乃三月二十七日

▲今日仍在日使館開十五次會議

▲路透電 昨日會議日本開採鑛產權一條已書第一字關於滿洲之要求已議決六條尙有地籍居權及貿易權兩條未決

中國自己加入一條擬開放滿洲若干城以供外人貿易日使已允惟仍要求中國承認前兩條聞中國已允日人在滿雜居置地凡關係外人之事務及刑事案件均歸領事官辦理惟外人刑事案件牽涉華人者必由華員會同辦理外人民事案牽涉華人者必由中國法庭裁判日使未允漢洽萍要求亦經討論中國允改爲中日合辦日使亦未允

附註日置公使已傷愈本定於下次至外交部會議嗣後不知如何仍在日使館議

第十六次會議 乃三月三十日

▲北京電 中日代表今日開會四小時毫無進步中國關於滿洲雜居權及置地權一事主張罷議日本治外法權或設立混合裁判所日使日置易不允仍力逼中國無條件承認日本要求漢洽萍公司問題彼此會交換意見惟因牽涉英國權利無所解決

▲字林報北京電 昨日中日會議討論各難題歷時甚久無結果而散日使於南滿雜居權問題堅持日本應有治外法權原議至中國要求日人服從警權繳納捐稅二層日使謂須先將警章

稅則交由日本核准始可依允中國允以治外法權予日惟南滿之行政權則不許日本干預漢洽萍產業縱已押與日人仍未便失其管理權且此次漢洽萍要求措詞含混若經許讓將來可作揚子江流域鑛產專利權之解中國之拒絕極合理也日人如是破壞均等機會主義之舉動僅令外人心中起極大之厭惡耳日本且力迫中國承認關於傳播佛教及設立佛寺學校醫院兩條件中國力拒之蓋恐日僧以治外法權爲護符盤踞中國各處必醞釀以成政治勢力之焦點沿海之地或島嶼不得割讓第三國一條亦經議及中國以與一國訂此條約損毀其獨立國之威嚴故亦拒絕之(三十一日)

第十七次會議 乃四月一日

▲東京一日電 中日交涉本日仍在日本公使館開第十七次會議其所磋商仍係滿洲居住權問題

▲北京二日電 昨仍開會議惟日使意本即欲以星期二爲最後會議態度堅決當日困難前所未有日使直謂日政府現欲要求中國將原提出之條件概行承認不必繼續開議堅稱會議已

多次何必再開現在惟有承認與決裂二法經當局爭執始允於昨再開一次日意非中國大體承認則昨會亦無效果然大勢日內顯將解決據一外交家言雖未詳悉經過內容但其結果必係於正款略加體面上之條件於覺書則承認十之六

▲大陸報北京電 昨日十七次會議漢冶萍問題未討論中國已承認日本得在南滿自由居住購置土地另加附件凡雜居內地之日人得如通商口岸享有領事裁判權惟關於土地之訟案應歸華員審判南滿中國之行政權概照舊制日使日置易致電東京請示日政府對於附件如無異議則星期六日在日使署開會時即將簽字解決會議時日置易謂日本現行之軍械畫一制中國急應仿行故請陸總長承認日本要求嗣後中國所用軍械應由日本供給一半中國當局者視此為日本圖以中國陸軍置其肘腋下之狡謀且為侮辱中國之舉動如中國軍械訂明條約應由日本供給半數則中國以尚武主義自保不為日本保護國之唯一希望將全行斷送衆信此必為繼滿洲要求最難解決諸問題之一青島問題已定俟歐戰結局後再議惟取消山東戰區

會議專載

一事將於下屆會議討論按中政府去年宣言畫定山東戰區及今年宣言取消皆出於政治顧問有賀長雄博士之主見致引起日本之要求而該博士今仍在東京居間調停此事大堪玩味青島稅關爭端不日當有切實之解決昨日所會議者內容極為秘密聞外交界人談及中日交涉均不免憂形於色謂昨日會議消息殊屬不佳至如何不佳亦不得而知大約日置使又有脅我當局限時解決之情形或外交當局為所威脅而有所承認均意中事也

第十八次會議 乃四月三日

▲北京三日電本日會議極重要日使意即以此為最後傳說可展兩星期恐不確星期一會議紛傳決裂當局云談判時詞氣重輕外交常事故星期四會議即稍和緩前日消息滿洲路線外之推廣區域聘日人為警察顧問已確定惟覺書中條項尚未議及

▲北京電 昨日會議專議滿洲雜居之細則無可注意日使日置易前跌斷歷骨今已漸愈下屆擬至外交部會議

▲大陸報北京電 星期六日中日代表會議專議滿洲雜居權

及置地權要求日使於詳則字句甚爲較量似圖擴張上次會議中國已許之要求日本於耕種一條要求包括畜牧其志欲得滿洲廣野之管理權且要求永遠租用田地中國不允謂置地權一事已於上次會議簽定日本不得曲加解釋中國極願將條文直截讀之雙方辯論未決即散會日使曾言彼對於談判殊不滿意中國初以爲日本已承認上次會議之條件今見日本出此行爲殊爲惶惑

附註會議自下次起日置公使確赴迎賓館討論矣

第十九次會議 乃四月六日

▲北京六日電 中日代表今日在外交部會議供給軍械傳佈佛教問題日本要求中國所用軍械應向日本購買半數並准日本在中國設立佛教寺院

- ▲北京電 麻日會議關係以下六款(一)全國警察中日合辦
- (二)全國兵工廠中日合辦
- (三)政府應聘日人爲有力之顧問
- (四)福建全省各種工商利益及借款日本有優先權
- (五)許日人入內地傳布佛教
- (六)許日人到處設立醫院學校是日散會

甚晚惟無甚結果

▲字林報北京電 中日代表昨日會議討論滿洲雜居權漢冶萍公司及購辦軍械問題又福建問題雖經中國拒絕討論亦經日使日置易提及該使謂中國對於日本所真欲得者諸多誤解日本之態度今仍強硬

▲大陸報北京電 昨日中日會議未有結果是日討論滿洲雜居權之詳則極形縝密日本之態度大異於前前嘗圖將各款不事討論忽遽解決今則字斟句酌不厭煩縟致令中國不能知其目的所在

第二十次會議 乃四月八日

▲北京九日電 昨日中日會議簡直又無進步聞關於南滿置地耕種權之細則中國稍有讓步並催早了南滿問題但日本態度顯與前異並不亟亟於早日解決數方面之輿論謂日本不願早了滿洲問題蓋欲以此爲操縱他項要求之具日使又提出福建省路礦海港工程如須借用外資先須商諸日本之要求但中國對於要求第五項內各條皆不肯討論因其妨礙中國主權與

獨立故也

中日會議中之南滿與福建

▲南滿 八日會議曾繼續談判日人在南滿自由居住問題我國方面提出兩種意見一日人既雜居我領域之內脫有民刑訴訟發生當受我國法庭之審判一日人雜居我國應與我國人民一律完納租稅否則此項要求不能承認日使亦提出兩條一謂中國法律未臻妥善司法尚不能獨立斷不足保護外國人民日人現下實不能寄居中國之野蠻法律之下應俟五年之後視中國法制之進步何如如果能與各國法律並駕齊驅則雜居中國之日人自當受中國法庭之審判一謂在此五年之內日人有違法行為縱不能完全歸日官審理亦應仿照上海辦法於該地設置會審公堂由中日兩方會審云云兩方爭執移時尙未知下文若何是日討論滿蒙問題時日代表小幡氏申言如中國允他國人民在南滿或東蒙欲借款建築鐵道並以該二處租稅爲抵押品時須得日本之承諾我外交當局對此頗爲躊躇蓋日本不啻以韓國視我當力主取消無如日代表強硬異常並謂上

會議專載

項條件係正約貴國無却下之理由應即行解決大約星期二仍須討論其實此事係出乎日本通告列強之外者也

京津太晤士報北京九號通信云昨日之會議因日人欲於分外討生活致無何等緊要之結果僅僅爲南滿自由居住及購地一題而盤旋往來反覆推敲至於兩小時之久即耕種二字日本代表竟欲強中國人當作農業解釋不知日人於此兩字上究將欲做出何等好文章實不可貿貿然斷定此二字之結果將伊於何底也以現在日人之斷斷字義而言不特欲強異爲同抑且於字義上有另闢疆土之概故說者謂中國人若預於會議之前能請日人先以日本意義所注成之中英字典見示則不特談判時可以省却多少口舌即日本人亦可自明其要求者究爲何物而更可以使中國人知其意中所欲要求之目的究係何在乃不於當時綢繆及此而至今日日人目睜睜時欲於大字典上去抱佛脚不亦太晚最近三次會議均將千金一刻之光陰盡拋棄於推敲字句之中而其所得結果則日人之字義注釋仍與平常字典中相背馳而已關於購地置產一事中國方面本主張凡案件

之屬於土地涉訟者均須歸中國法庭以中國法律裁判之而日本方面則不以此說爲可仍欲中國允其有完全領事裁判權而關於土地涉訟各事亦須移交會審法庭辦理中國人非不知利害故對於此說甚不滿意此事雖研究多時然亦未產生一定之結果也

▲福建 日使對於提出福建條件之旨趣大概以中國於某國在該處經營之事業毫不顧問將來或有不測之事發生其危及台灣不言自喻且謂海岸綫及島嶼不能割讓或租借於第三國一欸尤爲緊要日使發言時之態度口吻均含有一絲不苟之神氣惟陸總長以獨立國萬無訂立不能自主條件之理由故竭力拒絕外間傳說謂日本人對於福建提出之條件尙有要求租借虎島一部分之事查福建海疆以閩江口爲中樞而虎島尤爲閩江口門戶簡言之虎島爲福建海疆之保障也故頗願此說不確京津太晤士報九號通信略云此次會議後半齣好戲係關於福建問題即要求條件中第五宗之一欸也日使對於此事意既堅決詞鋒亦銳然而其強硬之態度究亦不能使中國人即允予

所請而此事仍係於明日(十日)重行談判今日世人不難知日本之要求福建雖使列強各國亦不能立足於將來而主要之目的則在排斥美國也試觀其答復美國之覺書一則曰美國商家於三都澳設船塢築港口不遺餘力再則曰將來日本如與某國開戰則該地即可藉以爲攻擊台灣之根據地其心目中所謂某國換言之即美國無疑也至答復中尙有所言與大隈伯新近之談話同一口吻此亦足以表見日本人於今日尙欲以石灰塞沒美國人之兩目使其不能見日人之真相於萬一讀者若不憚厭煩則可以檢出舊報將從前所載之條件原文與今日所述日本宣言一一推敲兩兩比較而可以知日本今日之欲以一手掩盡天下耳目以逞其暗中盜竊之手段實無微不至也云云

第二十一大會議 乃四月十日

▲北京十一日電 昨日會議討論中國應向日本購買其所需軍械半數或日本在中國設立一合辦之兵工廠之要求及關於日本在福建省專獨權利與建築鐵路由武昌經九江而至南昌並由南昌而達潮州又由武昌而通杭州之要求雙方互換意見

但無進行聞日使施行外交重大之壓力迫令中國討論第五項七款中國不允當討論之際中國曾謂上述鐵路權要求與他國條約權利實相牴觸日使答稱彼亦知之惟仍欲開議今信中國對於第五項所載條件決守堅毅之態度

▲十日會議情形 十日之中日會議所討論者爲關於福建及鐵路建築軍器專賣等問題均經中國嚴詞拒絕故此一會議仍全無結果也第一關於福建問題中國以此要求外之有妨他國之權利內之有損中國之主權故此問題實無討論之餘地第二鐵路建築問題中國以日本所要求之路線其附近已有他國經營之鐵道中國若許其建築則利害所關必致衝突且此要求亦與中國主權有礙故亦認爲毋須討論但日本務欲中國承認其要求故復以甘言誘之謂此等要求但須中國承認苟以與他國有關慮其出而干涉則日本自能與之交涉毋須中國過慮云云中國代表始終未爲所動而此問題亦遂擱置第三軍器專賣問題日本代表謂日本製造軍器實在他國之上而日本式之軍器尤適合中國之用並以種種誘脅之言迫令中國承認其要求中

國代表答稱此係商業交易性質苟日本軍械精良果如所言則中國於需用軍械之時自向日本定購若現時則中國政府決不能以此等條件自縛故此問題亦毋庸再爲討論蓋是日所議均屬於日本要求之第五號且均經中國政府之拒絕者也並聞是日會議中中國曾謂日本將南滿問題早日解決而日本仍持遲延態度

第二十二次會議 乃四月十三日

▲北京十四日電 昨日會議又無進行關於南滿問題之無關重大事件曾經討論此後日使遂提出鐵路要求中代表指明此項要求與英人利益有關聞日使謂中國以利益給予英國而不給予日本日人爲之歎望又謂中國不妨承認此項要求事後當與英國商議調停之法中代表答稱中國不能應允此種辦法日本可先與英國商議調停之法後再向中國討論云

▲第五號問題之駁拒 昨日(十三日)迎賓館之會議仍以三時爲始聞陸總長以條件既繁討論之點亦多每一會議必致暮色蒼茫而散擬請提早改以一時半爲始聞日使已允准於下次

實行昨日之會議於第五號內七項問題幾乎無不述及實爲會議以來提議事件最多之日然而忽東忽西五分鐘及此五分鐘及彼致無何等結果日使提出要求謂關於某地警政須歸中日合辦陸總長謂獨立國無與他國訂立條約合辦警政之前例此項條件實無討論之必要小幡氏再三申說謂此事純爲促進中國警政起見係善意的而非惡意的中國人千萬不可誤會陸曹總次長相繼答辯後其結果則允於某地聘用警政顧問時當以日人儘先充任惟有聘用之必要與否中國完全有自主之權日本不能干預聞日使對此尙不滿意(按此說恐未必確)聘用顧問一事(指全國而言)陸總長謂中國如有機會必須聘請外國顧問時則日本人民或爲之聘用亦未可知惟無訂立專約之必要日使略謂日本與中國民情風俗均相彷彿充任顧問自不若西洋人之隔膜爲中國計又何樂不爲陸總長又謂此等事件均須隨時斟酌並無一定之可言故此項問題亦懸而不決傳播佛教問題陸總長前謂須俟他國有要求傳教時再行合併討論日使於昨日會議時謂此項條件儘可於此次解決何必再行懸

宕陸總長謂此事之緊要不若他事故不如先將他事解決然後及此福建問題日使於昨日會議復申稱日本此次提出要求已得某國同意故該國國務卿迄無何等之抗議中國對於此事如能允洽即允洽之可也勿必以某國權利抵觸數字爲推却之藉口惟陸總長始終不以爲然聞星期日之會議日使擬再提議此事至沿海口岸島嶼不得割讓與他國一條我外交當局請求取消幾致唇敝舌焦蓋沿海口岸一經照約允許則奉直魯蘇浙閩粵七省土地不啻割讓而東南之門戶不保且與各國條約抵觸甚多亦斷非中國可以承認如英法二國先後均以吳淞廣州不得割讓與他國爲約一八九九年伊大利亦提議請勿割讓三門灣與他國事雖未行要亦日本之障礙物若日本堅執成見竊恐引起列強干涉聞日使亦明知此種要求無充分理由且於會議之程序不合不過得步進步以覘我外交當局之意態耳又聞前日(十二)會議之要點即購買軍器彈藥問題合辦武器工廠問題前者我外交當局堅不承認並引證各種理由日代表亦深知此中利害並不十分強硬祇云此問題關係重大非本代

表可以專權應電致本國政府請示辦法是以此案遂懸而未決

第二十二次會議 乃四月十五日

▲北京十六日電 昨日會議無所解決會議歷四小時之久專討論東內蒙問題中國不允將東內蒙問題與南滿問題同行討論兩方面皆謂彼等今僅表明個人之意見尙須俟本國政府之訓令始能作決聞日使日置易君謂東內蒙若不准日人照南滿辦法住居貿易則日本與情必爲譁然大隈伯政府之地位恐將不穩云云衆信中國必守堅毅之態度第五號之要求迄未開議

▲似議非議之第五號各款 昨日(十五日)迎賓館中日代表之會議以一時半爲始散會時較早於前此次會議口舌至多而結果毫無日使堅持第五號條件要求中國承認我外交當局則非惟不承認並且不允討論其時日使種種設法強我承認揚子江流域路權我外交當局切實聲明此款之中國萬難有通融之餘地以日本所要求者與英國所已得之各種特別權利相衝突也乃日使獨以爲不然堅謂吾國以此項路權給與英國何獨

厚於英國豈未嘗將日本在遠東之地位深長思耶遂要求外交當局將此項路權給與日本俟讓日本以後再與英國協定此間題似此非分要求吾國自然拒絕日使知英國關於揚子江鐵路已得某種特別之權利并知中國曾經允許英國凡以後在揚子江流域如建築鐵路英國有投資之特權遂堅欲中國與英國破約而與日本訂約俾日本有權可以反對英國之履行前此與中國所訂之規約其談判時日使態度甚堅決我外交當局一再答辯謂中國之不允以此項權利授之日人非惟爲免去將來中英之交涉起見亦所以使英日兩國可以永持盟約言歸於好小幡氏則云中國允洽之後英日間自有永持盟約自相調和之法又據某方面消息揚子路權問題提議後某使館與某國政府往來之電甚多其國民亦有上書條陳意見之事故預料某國政府對於此事必將有何等之宣言以理想度之其宣言當在下星期議院開議後發表也又問是日日使對於五號中之購買軍火及福建權利兩事仍非常注意要求特別提出討論我外交當局以五號各項問題中國皆認爲無開議之餘地並不專指某事可以開

國

恥

議某事不可開議故不允其特別討論至聘用日人爲顧問一節我外交當局僅允南滿方面如因政良政治與革幣制得聘用日人爲顧問前一星期外間喧稱已得口頭之解決乃日本近又反覆要求依照原有條件簽字以致此問題又起波折前日會議時日使又復要求我外交當局以第十條與第十五條不無牴觸即使討論亦應併議蓋第十條之聘顧問係指滿蒙方面而言不過與日本協商而已若第十五條則指中國全部而言且日本所謂雇用有勢力之日本人爲顧問一語範圍太廣在中國今日之地位實不能承認云云

▲似結未結之南滿雜居附件 一星期來中日會議每會必相驚以第五號行將開議臨時經我一番拒絕無不以南滿雜居問題爲退步因此之故第五號諸問題在似擱議非擱議之間而南滿雜居附件談判遂大有眉目綜各方面所得消息歷會所爭持者爲與內地居住及土地所有權相隸屬之課稅問題及警察權問題日本雖承認吾國之警察權且承諾繳納地方稅但警察規則及稅則必得日本之同意方能施行此等附件因欲稍稍限制

雜居日人之故而遂犧牲警察規則及稅則之一部制定權也至領事裁判權一層日本固執不肯拋棄且主張日本人對於地方自治行政有發言權我外交當局主張領事裁判若日本必不肯拋棄則關乎田地之訴訟應於中國法庭審判之關乎自治之發言權則峻拒之最近兩會又經多少讓步現在我國方面傳出消息雖謂俟日使接得政府訓令方能解決一若尙在磋商之中者然窺日本方面之意思則大都以爲必如上議解決無可讓步不過借請訓本國政府爲名遷延時日爲他種更重要問題談判間之騰挪地耳蓋第五號諸問題是否已算正式開議日本代表尙閃爍不定也

第二十四次會議 乃四月十七日

▲字林報北京電 昨日會議復討論關於南滿雜居權之警察稅則問題未有結果日使復申前議謂日本在南滿所享之特權應推行於東內蒙中國答稱東內蒙之地尙未大發達故不能照允惟允於指定地點開商埠數處日使繼乃表述中國不設法妥爲解決此事之憾意其言微露日政府有續迫中國承認之志漢

洽洋要求亦經提及無所進行中國豫備承認日本得享諸鑛管理權之一部分惟申明中政府不能強逼公司股東逆意行事日使又告中國揚子江流域鐵路要求彼已致電政府請示辦法俟接覆電再行照會中國何時開會今暫停會議並無特別關係惟衆皆引領以待後事之發展

▲交涉遷延狀況 昨日(十七)下午一時半開始在迎賓館開正式會議至五時後即散聞是日會議解決者絕少據某要人言中日交涉初時日本方面意在速決近忽宗旨一變百般遷延且自前星期來之會議日使無一次不以第五號相要脅及我外交當局予以辯論後又再三爭執動輒數小時卒無一正當之解決故簡言之此三星期內之會議直可謂勞而無功在日本方面之意無非欲消磨中國之意氣以俟機會云聞是日會議中日使對於各項要求雖未嘗表示讓步之意然較諸前數次會議已屬十分有禮對於外交上之慣例儀文亦均肯恪守此亦一可注意之事也

▲會議之近訊 十七日之中日會議昨報已述概略茲得續函

較詳爰再錄之是日會議爲時甚短不過歷一小時有奇此爲雙方開議以來未有如是之匆遽者也但窺日使之意似尙不願有切實之解決現在外間衆口一詞以爲日人所躊躇而未決者必欲觀英國議院提出質問之態度如何而後始與中國斷結蓋因英國議院質問其政府正在轟轟烈烈之秋日人知所質問者靡不與中日交涉相關故亟欲觀英國政府日於此質問之態度如何而後再定行止是日會議日使要求將來中日交涉解決雙方簽約後南滿所應實行之警察及徵稅等條例應先交日人認可我外交當局以此事有碍吾國之行政權仍嚴詞拒絕之此外又討論東內蒙問題日人要求畀以與南滿相同之權利如路權礦權置地權是也外交當局聲明此事中國萬難應允中國所能通融者即在東內蒙地方酌開商埠數處及關係較輕之權利若欲完全承認中國實有所不能副又討論漢洽洋問題外交當局又聲明縱使政府或願中日合辦但此事係公司爲主體合辦與否政府均不能強制公司故此項問題以後實不能再行提出討論云云日使又折入第五號內之第二款此即關於日本得置地建

築醫院及學校之一條亦經外交當局拒絕最後討論揚子江流域鐵路問題外交當局為顧全國際信義起見絲毫未曾讓步日使無奈乃謂此事已電達該國政府非俟奉到覆電伊實無力再行通融是日日使態度甚為堅決議至某點特表示該國政府尚不滿意於吾國之態度並謂苟非翻然改變恐不免猶有糾葛云云但日使是日尙未十分壓迫是可知該國正在觀望時勢也

附註此次會議後稍停日使自謂此暫停係因須候請示其政府之故而中外人皆以為因英議院日內提出中日交涉之詰問而日人之停議係欲觀其究竟也不謂英議院之詰問竟無甚結果此或係在英之日人於外交上有秘與巧猾手段之設施未可知也此次之後日本即修改其二十一條件為二十四條件

第二十五次會議 乃四月二十六日

▲北京二十七日電 昨自三時至四時又續開議余聞日使接到新訓令將揚子江路權之要求撤回另提新要求而一說謂已將第五號改頭換面詳情再探但據昨日日文報已暗示一種改

頭換面消息京津泰晤士報論謂有研究遠東各問題熟悉日本政治者數人謂日本將來必不減輕其條件且必強迫中國承認▲又電 中日代表昨日會議歷一小時十五分鐘之久日使以所接東京之訓令告知中國且交出修正條件請中國承認惟未限定日期聞日使有願於一星期內得獲之意日人各界皆謂日本對於要求之可修改者皆已修改中政府之意見並消除狀似違背他國權利之各節修正要求已將原有之二十一條件改為二十四條件因東內蒙古要求與南滿問題已分為兩起中國各要埠聘用日本之警察顧問一條業已取消日本今僅欲中國在滿洲聘用日員為警察顧問聞武昌九江南昌杭州及南昌潮州之鐵路建築權仍未取消惟更易字句請中國先允以此項權利給予日本事後日本當與英國商確此事中國於日英討論未決時不得以該境之路權給予第三國漢冶萍要求字句亦有更改兩條併合為一聞日本請中國承認中日合辦之主旨及協助勸諭公司承認此節並請中國允於目前不更改該公司之現狀他項要求稍有修改惟第五號內第四條關於供給軍械第五條關

於福建省之要求仍加力逼日本建議中政府派一委員駐東京
中國使署會同日員購辦軍械

▲大陸報北京電 日使日置易及參贊小幡昨與中國外交總
次長在外交部會議提出修正要求共二十四條雖已略有修改
然實際上轉較原有者更酷滿洲山東兩項均未更改惟滿洲項
下所附之蒙古要求已另作一項照滿洲辦法分鐵路礦產耕種
借款四條漢冶萍要求刪去第二條而加重第一條又於揚子江
鐵路讓與權一節要求許日本與有關係之國磋商最後辦法惟
當磋商時無論何國不得獲取該區域內之鐵路權利第五項內
合辦警政一條已改為聘用日員為警察顧問福建要求範圍較
前更廣日使提出修正文之狀態簡直乃同提出哀的美敦書中
國代表欲有所詢問日使謂彼未接討論要求之訓令中國必須
明白答覆或曰(可)或曰(非)日使又謂修正要求已無減讓之
餘地陸總長以不主可否之狀態接受之並未言及何日答覆日
使亦未限定日期雖日使似有希望於星期四日答覆之意然衆
信中國當熟籌一星期之久今可豫決者中國如不承認則日本

必以哀的美敦書繼其後也

第二十六次會議 乃五月一日

▲北京五月二日電 昨日中日代表會議日使責中國不以誠
意辦理交涉陸總長答稱中國已盡其力之所能至以求早了交
涉且有時出乎尋常方法之外至交涉之延久實由日本暫停談
判所致陸總長於是乃以中國覆文交與日使日使接閱後詢問
覆文所開各節是否為中國預備承認之極度若然則日本政府
必不能滿意云陸總長答稱覆文實屬極度中政府所已承認者
已逾乎情理之外若再讓步全國必不能容此事刻惟有聽令日
本如何處置耳中國謂他日談判青島事件時如許中國與議則
日本與德國議定之合同中國可以許可日使於此遂謂中國既
不承認日本修正之要求則日本必須撤回退還青島之辦法不
能續有討論 中國關於南滿事件續有退讓凡關於田地之認
案允日領事或日代表至中國法庭觀審日使要求田地認案應
由混合裁判所辦理但中代表謂中國不能承認日員之會審中
國覆文中承認日人得在東內蒙享土地所有權供給開墾借款

國

恥

並允開關商埠數處至礦產權利之要求已先由日本取消 中日合辦漢冶萍一條中國承認其大體且允不從事沒收該公司之產業或將該公司改爲中政府之營業或爲該公司向日本以外之外國籌募借款或資本中國承認第四號要求（即中國不得以中國沿海海港或島嶼割讓或租借與第三國）中國不承認第五號內揚子鐵路問題及軍械與顧問要求至於福建問題中國謂並無借外資以築福建海港船塢等之意 傳教一節俟日後再議 日使謂將以中國覆文報告日政府聽其決斷云

▲北京電 日人各界皆謂中國覆文如不能令日政府滿意則日本將於星期一提出哀的美敦書限中國於二十四小時內更改覆文中國如不於星期二日照行則日使即擬於是日回國

▲大陸報北京電 星期六日（即五月一日）中日代表在外交部會議時中國交出覆文二件一載中國願承認之各條件一載談判之要略略附以解釋第一文凡以前會議時署定或議妥之各條件均未列入故含有對案之性質山東要求中國可以照允惟須日本承認以下三事（一）歐戰了時處置山東事件之會議

中國得派代表與議（二）賠償中國於日德戰時所受之損失（三）恢復山東之舊狀 中國已承認滿洲項下各要求惟仍力爭凡關田地之訟案應由中國法庭審判日本領事可代表日人到庭觀審日本新條件內則要求關於田地及各項訟案應由中日混合裁判所審判 蒙古問題日本所要求之四條中國已承認其三即（一）日本有鐵路及借款之優先權（二）開關商埠（三）不以蒙古地方稅抵債 漢冶萍問題中國於實際上已承認日本之要求即（一）允改公司爲中日商辦事業之大體（二）不借外資償還日本借款（三）不收公司爲國有（四）公司與政府所訂之合同載明公司如有違背合同情事政府可以沒收其產業此後政府不得藉端行此 第五號關於福建一條中國雖稍加修改以示中國有遷就承認之意然中國已允非經日本同意不以海濱權利讓與任何外國不募外債不訂合同第五號其餘各條中國概不承認 日使詢問中國易爲拒絕揚子江鐵路要求陸總長答稱中國已與他國有約在先未便失信故不能討論日使謂彼於提出修正條件時曾口頭允許中國如完全承認



廿四條件則日本可以交還青島今觀中國覆文無承認之意故前言應即取消第二文謂日本責中國延宕交涉不以誠摯友好之態度對日本云云殊可詫異中國今不得不否認此說及有所聲明凡會議之停擱中止延長無不出於日本之意有時或因日使接有東京訓令希圖修改上次會議已經議定之各節或因日使誤讀錯譯東京之訓令以致談判不能迅速進行陸總長又謂中國對於第五號要求自始即不肯開議乃日本竟將彼於會議時所發之言論作爲中國不能承認第五號要求之理由彼之言論甚爲明白俾日使得知不能以此爲談判基礎日使匪特不知此旨且改竄其詞作爲修正條件要求張本誠屬離奇日使詢問中國覆文是否爲讓步之極度陸曰然日使又問此項覆文可否報告東京政府陸曰可日使乃表示失望之意蓋恐中國所覆各節不能令日政府意滿也華人因政府若是讓步漸現不滿意之象以爲政府已墜日本術中承認損害中國行政及土地完全之要求此種缺望蔓延各處則政府縱竭力防範恐民間仍將羣起作難國人既知所已讓步之範圍時必痛詆政府之懦弱無能也

以上所載悉係會議此後之非會議而亦當記者略述於五月六日曹汝霖次長以私人資格赴日使館宛商九日日本日置公使赴迎賓館面交用日文繕成之最後通牒即哀的美敦書限於九日下午六時完全承認答覆八日總統府開特別會議議定後即於當夜陸曹總長同赴日使館面送覆文承認日本之要求十日日置公使赴外交部答謝迨此兩方爲修正條約中文字時有晤商二十五日陸總長與日置公使在迎賓館簽字計正文二份換文十三件六月八日中日新約調印互換此皆關於會議後之結局故亦附載之

國

恥

會議專載



全國輿情

紛紛電爭

▲浙江

北京大總統政事堂外交部鈞鑒中日交涉中西

報紙喧騰已久經旬以來消息日迫據西報所傳消息條件酷烈罕有倫匹果如所言國權舉喪國且不完民何以立各界士民自聞此信紛紛傳語不勝憂疑竊謂如此這人太甚情有難堪甯同玉碎不圖瓦全國民等亦知外交貴守秘密願存亡所繫利害至切何忍聽大總統宵旰憂勤獨任其難况衆情惶惑如斯將何以鎮定人心維持大局究竟中日交涉內容若何擬懇擇要宣示以釋羣疑如其這人太甚望速決定大計國民等忘身憂國毀家紓難義所當然理無倖避泣血陳辭伏候明示浙江紳民朱福誥徐定超楊晨王詠寬虞和德徐光溥姚福同朱謙林內修田世澤張世楨等叩

▲安徽

北京政事堂外交部轉大總統鈞鑒外患風雲存

亡危急條件秘密不宜輟章嚴禁洩漏竊竇孔多杞憂難釋竊思

天下興亡匹夫有責外交後盾民氣爲先請速宣示要素各件以

便羣籌對付之方一髮千鈞刻不容緩象離待罪海濱自首尙未

邀赦冒昧上瀆甘犯不韙然竊爲政府之罪人不願爲亡國之奴

絲苟利於國萬死奚辭區區此心伏希垂鑒前安徽省議會議員

楊象離叩

▲湖北公民

代表李齊民等致政府電云日本要挾伏

乞嚴詞拒絕勿稍讓步待遇黨人化除政見挑選精兵防衛京畿

宣布條件舉國同謀以禦強鄰而保國脈公民等甯蹈東海而不

帝秦甯爲比利時不爲朝鮮湖北公民代表李齊民等叩

▲閩桂文電

廣西公民電云北京大總統政事堂外交

部參政院鈞鑒商會轉報界公會暨各團體鑒日人此種無理要

求絕無磋商餘地東亞本屬平和惟彼日人實擾亂之凡茲事實

皆直在我曲在彼國可滅民可亡公理不可屈應請政府代表民

意拒絕惟嚴并徧烈列邦以待執義之伸判尤望大總統堅執最

後主義勿負全國人民所委託舉其要求條件宣示國人同謀對

付但求國家主權不稍屈辱卽至舉全國人民與之糜爛雖死猶生雖亡亦榮或苟且遷就允許其條件之一共和國民決不承認謹電立候宣示廣西公民林繹梁應時陳太龍暨全體叩

▲福建旅滬同鄉會

北京政事堂諸公鈞鑒聞日本

要求條件甚酷中並有關係福建者閩人痛大局之危交相警告國民應盡之義當協力以佐政府外交諸公主持至計必能熟權利害以決從違稍涉遷就禍不旋踵慮亡圖存在且夕間矣無任盼禱旅滬福建同鄉會

▲江蘇王豐鎬等致電外交部

云北京外交

部子與潤田鄉老均嗾日人要求過甚磋商得失全在二公寧可辱不可讓卽兵臨城下萬弗簽押將來尙有公斷之日諒屬桑梓用敢忠告王豐鎬趙錫恩蔡種齡沈悅祥周靜涵黃汝崑瞿佐庭等同上

▲江西商務總會

近以日本要求二十一條有關主

權且交涉內容若何外間無從知悉或云已稍和平可望轉機或云景象不佳日仍強硬究竟奚似我商民不能不懸懸於心特於

前日致電中央請將條件宣示並嚴行拒絕其原電錄下 北京外交部轉呈大總統鈞鑒日爲不道橫肆要求攘我國權制我死命商等同屬國民義難隱忍萬望明白宣示逐條拒駁徧告友邦關係存亡視此一舉臨電悲泣咽不成聲南昌商務總會江印

▲贛省進步黨支部

昨開秘密會議以日人乘

機要挾條件苛刻直等我於朝鮮稍涉遷就列強詰責援約均瀆猶其餘事爰決定於三月二日電請北京本部轉呈大總統嚴行拒絕以維大勢並懇宣布條件徵求民意

▲暹羅廣肇商帮

昨致公電於龍將軍謂日人無理

要求華僑憤甚咸望國家以武力解決以禦外侮如我國能下動員計畫籌辦軍需時商等能立籌五十萬元報効國家仍擔任陸續籌餉又商等公議四年內國公債是否卽爲軍需之用如果屬實願購買十萬元代募十萬元用表愛國之忱等語將軍准此旋卽復電謂四年內債係爲接充國用而設非以作軍需之用者惟利率甚高擔保極穩該商愛國心殷儘可盡力購募所陳報效軍需一節俟待用時再行電飭解回云云

▲滬人士之呼籲

公民潘祖仁陳東山等上大副總統國務卿外交總次長電云日人無理要求普天同憤近日中西

報載嚴酷條件大半承認如果屬實必蹈朝鮮覆轍竊料當局諸公決不忍置國土主權於不顧惟公民等聞此消息寢饋難安人心未死事有可為雖犧牲生命亦所不辭務祈堅持到底民國幸甚公民潘祖仁等公叩

▲湘省教育總會

對於中日交涉事異常憤激特電

致中央云國務卿轉呈大總統鈞鑒日本提出滅國條件萬無可忍務懇據理力爭嚴詞拒絕湘人抵死誓為後援以盡國民一部份之服務湘教育會叩 又商務總會亦有電致中央云大總統政事堂外交部參政院均鑒東隣要挾蔑視我邦湘省商民同深憤恨務乞拒絕國權所在萬勿遷就人民幸甚湖南商務總會

▲吳承忠電

北京外交總次長偉鑒讀鈞函為國盡瘁

一語國民感頌無量報載麻日會議六款未敢違信惟日人要求自由傳教貿易居住置地及合辦軍警財稅教育各條主權藉與插足遷就絲毫後患叢生亡國有餘夙仰我公久膺使命操縱自

有權衡第念國步維艱來日大難迫於積困敢瀆政聽詳察全國商民義憤日熾永足為外交軍備後盾愈危愈堅諒達洞鑒忠隻身苦口奔走兩月毀家衛國誓忠靡他披瀝痛陳伏乞鈞鑒吳承忠叩

▲何海鳴來電

北京亞細亞國民公報轉國內各報鑒

曩者海鳴不敢違國民公意致有癸丑九月之役債事喪師未得從諸烈士於地下猥以後死之身流徙東瀛眷念宗邦回天無計詎意國政不綱果招外侮海鳴身在仇國聞見尤為切近其痛苦自應劇於內地人民盡歸祖國聊以盡君子不適仇國之義歸後聞諸道路並讀他同志辯白之文知吾黨中竟有一二人步李完用之後塵者夫害羣之馬何地無之日暮途窮倒逆難免但一二人之行為於吾黨名譽何傷於大局安危何與政府何得藉詞諉過國人又何必相驚伯有海鳴竊謂革命初衷原視國民公意之趨嚮為轉移今日同仇敵愾海鳴又何敢別出奇舉以違夙志苟政府不諒加海鳴以不利海鳴且以得正首邱於祖國為安苟外患日逼干戈相見海鳴且從國人之後一死以報祖國尤為榮幸

國

之事若目下狀況政府以穩健誠國人國人以大任託政府如何折衝非所敢知且疏遠愚昧之言亦不敢請將來究至如何境地自有國民公意之贊否非政府所能私非少數國人所提倡要之國人救國自有天職取借不至放棄祖國以畏權禍海鳴現亦深自稽晦靜待後圖邦人父老其共鑒之

▲旅美華僑公電

(一)美國中華公所鄭蕙雲等二

次電云大總統鈞鑒日本要求條件如何懇迅宣示原文僑民願毀家報國主戰圖存(二)舊金山中華會館電云外交部轉袁大總統黎副總統鑒有電悉乞將要挾條款及對外方針明白公佈俾國民知所從違並懇開國會和黨界以振民氣為國後援

▲湖南商會

三月二十一日致北京電大總統政事堂

外交部參政院鈞鑒東隣要挾蔑視我邦湘省商民同深憤恨務乞拒絕國權所在萬勿遷就人民幸甚湖南商務總會叩

▲欽州前清歸田名將劉永福三月二十

一日致北京電

云大總統鈞鑒近聞中日交涉條

件日本恃強要求公然內侵實礙我國領土完全抵觸各國條約

欺凌強橫莫此為甚海內軍民皆為髮指務請與當軸諸公竭力維持保全國體幸勿曲從以副民望倘彼橫施壓力永福雖老倘可號召健兒大張捷伐感憤血誠乞為明鑒劉永福叩簡

▲大阪中華商會致外交部電

大總統暨外

交部鑒公使陸轉鈞電敬悉中日交涉勢轉險惡彼復威嚇增兵輕我無備若屈讓求全他日定啓各國教尤後悔無及當此危瀕累卵責亦在民僑商誓捐個人權利實施對付以為政府後盾人心未死衆志可恃乘我民氣足制強暴萬一不幸破裂甯為玉碎毋為瓦全大阪中華商會上

▲吳承忠致電黎段二公

北京副總統段總長

鈞鑒報載中日交涉揚前會議中外騰笑一失主權五族淪亡詳察商民心力甘為政府援助毀家紓難協力救國萬乞政府遠鑒歐洲之競存俯視韓臺之覆轍統籌全局嚴正拒絕一息尚存最後忠告謹代達國民心理披瀝泣陳恭乞鑒吳承忠叩

▲浙民公電政府

北京大總統鈞鑒外禍日迫國民

誓死為外交後盾請勿稍存退讓浙民妥禎詳湯執中等五百人

同叩

▲上海張園開會後之公電

北京政事堂呈大

總統鈞鑒日人無理要求增師威脅一敵得志均勢破裂列強復起何以爲謀國家存亡在此一舉十八日開會張園至者三萬人願毀家捐軀以紓國難繼中止談判宣示條件籌備武事釐天民等公叩

▲上海國民對日同志會公電

北京政事堂

呈大總統鈞鑒日人無故要求本應置之不理復以兵威迫脅交涉當然中廢民等寧爲戰敗忠魂不作亡國奴隸務乞速作戰備捍衛國家人民誓死以赴國難國民對日同志會方夢超黃毅等公叩

▲張巡閱使電覆對日同志會

國民對日同

志會日昨已聯絡各團體開國民大會於張園會發電中央及各省已誌昨報茲聞該會已得張巡閱使覆電云（上海西藏路國民對日同志會諸君公鑒函電均悉熱忱毅力至堪佩仰此事最好仍由貴會上書中央代表人民公意想中央亦當有辦法不致

辜負吾民也特復勸囑）云云聞該會同志已草擬陳情書不日即呈遞中央矣

▲外交後援會上袁總統電

北京政事堂呈大

總統鈞鑒此次交涉領土主權喪失已極今日本復發最後通牒逼人太甚民等咸願毀家捐軀隨政府後如稍退讓死不承認請速備戰以張捷伐外交後援會叩

▲四川公民公電

北京政事堂代呈大總統鈞鑒

報傳外交緊急凡有血氣誓不獨生重要條件雖不甚悉應請始終堅持和平磋商俟歐戰了息再予確答竊以外交不振固由武力微弱而實由財政困難時迫勢棘毀家紓難民等曷辭請速籌巨款徵民兵劃一軍械擴充交通併飭即召國會清費用途以示大公訓練期以十年生機庶啓一線毋任籲懇之至四川公民周翔吳嘉謨廖治樊起鴻李昶陳希曾黃雲鵬饒應銘孔慶餘蹇國楨秦鴻恩等二百三十餘人叩

▲陸渠朱祥跋顯鏡清戴思恭黃申錫顧文濬唐人傑沈朱賦致電北京外交部陸總長曹次長云中日交涉折衝樽俎責在兩公

關係存亡萬勿遷就全國之幸同鄉之榮

亟亟上書

留東學生代表上書政府

自日本政府提出

要求留日學生異常憤激至倡全體回國之議茲聞學生代表劉文島萬鈞等到京上書政府有所主張原文云竊閱報載日本乘歐戰之機青島陷落以後向我政府提出條件嚴重交涉外交秘密莫得其詳道路傳聞大約不外侵略我土地剝奪我主權將欲以高壓待我而已曩者甲午一役台灣既割益復索我重費庚子之受聯軍直入乃又爲彼前驅狼貪虎佞甘爲未厭但惟利視不恤邦交顧其時清政不綱羣貴用事後焉思啓動爲所愚事後追思猶有餘痛今乃乘我國基甫定庶務待康盜匪未靖之時醜儀粹臻之會因遣一介肆其要求怵之以危詞迫之以畫諾固知我大總統智珠在握神算獨操應變有方當機立斷必不使人民坐受其蹂躪國權有損於毫末特以興亡之事匹夫有責社稷之衛童子勿殫此學生等僑居彼國倦懷故都愴風雨之飄搖臨河山

而幾慨所爲寢輿失度形神欲飛者也爰於二月十一在神田美士代町東京基督教青年教開會開中國留學生總會激會者五千餘人當時演說日本之如何無理要求中國應如何相機對待我大總統如何焦思竭慮我邦人士如何戮力同心無不言者拊膺聽者扼腕椎心泣血怒髮裂眦皆蓋張儀誑楚之計行而屈原沉湘之志決垣衍帝秦之說起而魯連蹈海之念萌情非過激意實難平僉以爲我本不欲上人若坐聽其魚肉刀俎無勇也人方協以謀我若猶忍與梟雁往來無恥也無勇無恥何以國爲最終決議全體罷學整裝歸國以示不食彼粟之意不與共戴之心既念子弟不稟命於父兄是謂不率志業不要原於終始是謂自戕因議先舉劉文島萬鈞等爲全體代表馳赴首都上書請謁陳述罷學之旨表示歸國之誠蓋學生等之翻然來思非貿貿出此也實見日本崛起純由歐化而來我之不賦西征願言東渡委因省費豈曰同文綜計留學官費歲約自餘萬自費幾倍之以云求學終爲間接以云親睦轉求侮辱徒以虛糜國家之金錢供彼社會之活動藉遂齷盜亦何樂而爲此謂莫如以留東學實一欸卽在本國

另組學校延聘西人充當教習因其相需以待來者在政府既爲
 惠而不費在學生亦非窮無所之是則不必過慮輟學而已得選
 地之益不俟別謀位置而絕無失所之虞此學生等所延頸企踵
 異口同聲以待命於我政府者也願或謂當年日本頒布取締規
 則學生倡議全體罷歸厥後創辦公學因之釀成革命覆轍匪遙
 殷鑒不遠不知爾時處一姓專制之下誠多激烈思逞之徒藉彼
 風潮滋其簧鼓今則國體變更非前清可比我大總統英斷爲衆
 望所歸而一般學生自非喪心病狂孰肯因風縱火爲外交之障
 礙著內亂之隱謀要當諒其不得已之忱不必蹈以不樂居之地
 許其歸國勉副衆情此日奉袂報歸如嬰兒之依戀慈母異時請
 纓繫頸誓感激以報効國家所有顯懇准予歸國各緣由理合具
 稟國務卿轉呈大總統訓示飭遵日本留學生代表劉文萬萬鈞
 謹稟

▲致外交部函

外交部諸執事台鑒二月念六日由

公使陸轉到鈞電莊誦再三欣知我諸執事以國民之心爲心也
 海國征鴻易勝欽感惟是近日風雲勢又轉惡彼進我退殆有一

萬千里之勢我諸執事果以國民之心爲心似不必以強鄰之威
 嚇增兵而自餒且當利國民之氣勢運用外交今日日本要求不
 過爲大隈伯平日野心之實現大隈伯嘗言曰對支外交只用武
 力可以予取予求云云時勢忽轉歐陸騰兵適逢其會大隈當國
 所謂門戶偶失宵小橫行啓釁東魯藉爲口實欲乘機攫我巨利
 攬我全權要求不糜則威嚇弄兵增師東北我若自餒屈服正好
 墮其術中雖然大隈強壓野心抱持固久而今日時局諒彼決不
 敢妄開釁端沾受衆怨擾亂東亞已成之局也惟其今日增師
 厥因有二大隈內閣承諸山本山本繼桂桂繼西園寺二三年來
 前仆後繼難久持也是實軍人跋扈力主增師內閣被脅民意不
 洽朝野兩黨時起爭執政府苦無策術緩和此次解散議會主因
 亦基於此而目下選舉日近內閣之命運未明正好利用此構藉
 口加防海外則國內補充自必增設師團數年格格不下難題自
 然融化而內閣地位或幸免乎動搖此今日所以增師我東北者
 一也甲午而後我國勢日頹列強要求諾諾不敢或抗日本逼近
 知我病尤稔而此次山東假道實誘致其吞噬之心乘此孤立形

國

恥

勢以爲更必易與詎此次交涉殊出意料之外衝折數旬難盈貧勢勢成騎虎轉而示武我疆隅然彼理財正困士民無圖志也且彼驅德東魯也曰保全東亞和平曰維持與國商業更伸力於南洋盡驅德勢極東海上不無賴以小康今欲自滿私慾用兵我中原各國商場必受其影響出乎反乎前矛後盾將來歐洲戰局告終爲衆矢之的而自陷於獨孤故彼今日只以交代駐屯爲名暗示威嚇不敢公然曰略地攻城也此今日所以增師我東北者二也我不啓聲整旅以待則彼威嚇无功自然斂手我國縱弱土地猶在國家猶在民衆猶在一等不幸昔城借一或可圖存隱忍任割無異自滅且也彼之財政悉恃稅源而工商之盛全賴我國日俄一役對於我國貿易尙少影響然猶民窮財盡十年來僅稍復元今爲我敵正若自扼其喉不三五月內自慌亂證之現在彼國輿論顯然不可掩最近國民黨首領犬養毅氏非難曰我國民對於支那外交不可一任內閣主張更希望各地商會議所等機關就此問題注意研究云云(見三月十九日大阪每日新聞)更探彼一般工商界現狀皆帶恐慌之色鳩議善後愈知彼之決不敢

與我破裂決不願與我破裂也我國今日宜政府民衆一致進行斷不可再生衝突政府爲國民代表堅持不屈國民爲政府後盾對抗示威同意主張無異一體願我工商貿易期事業之繁隆方爲本心安肯棄其所業無論妄作然思國之不在民將焉附子女玉帛更若儻來所以各願捐棄個人權利共圖自存竊意與我諸執事之高見必不齟齬也然近傳某地有壓抑排日者等事是或顧慮外交當局不得已之苦心或海外遙懸電報傳聞之誤論理彼辱我抑我我安得不斥而絕之論勢彼恃有武器可以威嚇我尙有國民可以報復彼近狀對於我工商界大有顧慮胡爲乎不摘其弱點而懲之要之此次彼之要求各件互守秘密我國民雖無明條可據而徵諸中外各報喧傳已足喪主權失國體若委曲求全屈辱受其禍斷不止此將來歐局大定各國捲土重來按例索求噬臍無及有生機而不取是自葬也知絕地而趨之是投羅也今日作俑只一日本我若最後抵抗或得競存使再鑄成大錯則病入膏肓雖有和緩不能救也西望長天憂憤填胸民國國民抵死同心深願我諸執事努力圖之謹冒昧以陳敬請公安

▲南昌函云

近有會誠明李威亞胡宗舜葉叔康王耀

齋劉兼才葉榮孫李瑞炳等爲中日交涉事會聯名上書李昌武張定武兩將軍原書略謂共和肇造慘淡經營乃諸雄跋扈禍起蕭牆於事先異族遭亡賣國求榮於事後兵家利事知已知人竟致強敵憑陵破壞中立我大總統謂今日危難不止一端持以公理自然解決人雖謀我焉能亡我徐國務卿忍辱負重此皆老成持重之見碩畫遠謀之志未嘗不是無如野心勃勃默察近日狀況實有不忍筆述難以言表者總之今日交涉皆是有強權而無公理有勝敗而無是非古號野蠻不過強欺弱至滅人國爲止今稱文明亦不過強欺弱至滅人國爲止越南朝鮮此彰彰較著者我國休養生息之會非對外進取之時而競爭生存當以漢唐能戰之和爲和晉宋忘戰之和爲戒事之至理惟仁人不忍言兵亦惟仁人不忍不言兵古今中外好戰者必亡諱戰者亦必亡彼處雖屬邊陲五族共同治主唇亡齒冷華夏豈忍攸分耶我先生經文緯武劍膽琴心當不河漢斯言務望聯合各省將軍一再請願誠等讀書學劍一事未成既不能秣馬勵兵以靖萑苻又不克六

奇上軼宏濟艱難感大局爲重之言慷慨夫有責之義五中負疚慚愧滋深今山河變色鐵錯成痛心黃祖泣不出聲竊願鼓舞下乘効力馳驅頭顱可擲何虞鑿指裂膚性命不知詎計鎗林彈雨如蒙挑入軍門量材器使則竹頭木屑不敢自珍馬勃牛溲或呈小用異日竹帛沙塵誠等必居其一矣云云

前參議院議員葉景僖近連上政府書請力拒日本要求並籌對待方法雖其言不能盡行然頗能代表一般國民之心理其書甚長茲節錄如下 泣啓者近閱中外各報載日本要求各條件非常嚴酷慾壑難填承認其一已辱國體若兼而日之亡無日矣度日本之意亦以爲吾國地廣人稠驟難威服故乘歐戰未平之會多方要挾以償其欲又自知言之無理今吾政府秘而勿宣冀得盡諾一時功成不朽噫何其心之勞而謀之拙也日本果有功於吾國吾國果受惠於日本則報酬之事自爲各國公法所承認何不昌言於衆宣告中外以示大公乃故欲取之反欲秘之其意何居可謂司馬昭之心路人皆知矣竊謂乘人之危而蹂躪人民不仁冒大不韙而藉以要挾不智列強紛爭而暗用陰謀不勇素

國

恥

稱唇齒而忽圖反噬無禮本吾族類而見利妄爲無義此等事稍知謀國者不爲日本自稱文明之邦乃亦悍然不顧若此耶天下者乃吾中國四萬萬人民之天下凡軍國大計外交要圖當與人民共謀之日人曰秘之秘之而政府即從而秘之是吾國無主權而一切惟日本之命是聽矣國既不國民將焉附他日將欲朝鮮我而亦無可如何也豈不痛哉國勢雖弱民心未死日本必欲以軍旅相見則數十萬已練之軍人二十二省崛起之義士必能攘臂奮呼出而爲國家効死力景億懦弱膏生亦當招集義兵敵愾同仇雖肝腦塗地而不悔願我政府毅然決然拒絕非理之要求預籌對待之方法天下幸甚民國幸甚

再啓者日本秘密要求奪吾國獨立之主權傷各國公共之利益揆之衆怒難犯專欲難成之古訓在日本先自處於孤注地位已不成交涉問題第彼既以虛聲恫喝我不得不上告政府下告國人善負爲謀以備不虞謹獻芻蕘哀祈電鑒天下無難事在人自爲之惟日人要求之原因未始非懼德人之報復而欲借吾權力以抵抗之是彼之妄想於時勢上萬難實行何則民國政體主權

全在國人未經國會通過國人死不承認且事之有礙於均勢者非得各國公認要挾不生效力欲得各國公認利益必須均沾四分五裂之中原勢必併歸歐土三島一隅之舊族焉能獨立亞東此皆不成問題之交涉公法具在惟視我政府國人如何處之耳處得其道強弱無形得失其道悔將何及彼畏懦者曰却其大者許其小者以全邦交似無不可不知事無大小全憑公理非理要一介不與許其小卽有其大許其一卽有其二凡事如是何獨外交外交一失各國效尤瓜分之禍卽在眉睫(中路)爲今之計首請政府勿聽日人愚弄徒守秘密空名致啓同胞惡感周厲弭謗有識同悲度理揆情前車可鑒懇祈速將要求各條件一一宣告中外示天下以大公無我之心俾利害相關之中外人民得親真相互相聯絡一致進行各各預備對待方法以爲外交後盾勸國民消除黨見協力同心與其作亡國之奴隸孰若爲保國之英雄與其亡國後受無窮之痛苦孰若未亡國前建不世之奇勳有國家然後有個人之生命財產國之不存民將焉附民之不存命將焉附此不待智者而知也(下略)

▲留學生請再寬黨禁

到京留日學生代表萬鈞

劉文島等稟請總統重頒寬赦黨人禁令其文云同舟被風有胡越相救之勢闔門禦寇非姑婦勃谿之時此言雖小可以喻大國家新建風雨飄搖上下一心尤虞不濟間以猜忌幾何能淑往者贛寧院粵川湘之亂已創元氣而恫人心凡其倡和之徒非獨公私共憤固且有椎泣自悔者矣及茲中日交涉事起傳聞要素焚酷予我不堪舉國憤慨期與同盡而海外僑人關心尤切日本留學生總會於時奮興至爲彼邦注目雖所籌折衝禦侮之策不敢謂悉中要會有補危急要其萬人共瞻爲國不顧身之誠實可矢諸天日就中挂籍亂黨名捕亡命之人實繁有徒都無二致斯固國民敵愾同有良知亦足見前此鷓鴣張多非本志學生共處異域聞言頗真以爲亂黨固猶是人民穢莠誠不能一概彼其處心積慮快意尋仇以假吳覆楚爲得計爲漆室齋婦所不容者固亦有人實居少數自餘者佳入作賊非無詳誤鄉校議政時有異同謂其識深機則當謂其志覆宗國則稍寬無如既名亂黨遂并一譚萬目等視苦難自別斯實彼輩之所痛心或亦觀過者所宜憫

也大總統曲鑒及此本會從罔治之義篤哀矜勿喜之情實於民

國三年五月三日頒布赦令開以新機仁心廣度異途同感迄今依例自投之人固已日月見告然而猶未盡其僑類悉反編戶者非政府之誠心或不見信亦非亡人之意氣尙有未服殆由赦令雖頒猶有條例相格有司奉行過謹畏難者即不免次且反覆何以爲心抱贖時尤難堪澳忍用是心雖廁於國民迹尙擬於醜類致使元惡已獨猶擁多助之虛聲而妖虎相嚇且指爲無窮之鬼內則鬪牆禦侮力以兩用而紛外則索土責牢聲以乘釁而惡當夫鄰氛實逼之際正容掃境並命之時緣斯細節殊非小梗學生等之愚竊以爲大總統爲國去害本非與匹夫爲仇懲之於不得已既無成心則貸之有可矜固無吝意然則此條例者存之無益去之無害而令誠心內嚮之徒得以坦然來歸復其本性於悔禍者混一夫不獲一憾於怙亂者滅籌狐惑衆之質於外交之際尤足以人和增後盾之力則乘時一舉非猶三善學生等力非學細推知大國此次匍匐過師非但爲速逃請命凡諸拙慮心存大名苟有微明不敢不盡以分大總統宵旰憂勞於萬一用敢披瀝

還請俯察愚計重頒赦令將特赦以來倡亂黨首罪在不赦者列名宣布仍飭所在拿案嚴懲此外不在列名之數一律赦免准予還鄉其悔罪條例一切細節悉予豁免以廣納歸向之誠而收輯和民志之效國家幸甚國民幸甚

▲進步黨對於中日交涉之主張 進步黨頃

接該黨上海交通處來函略云日使日置氏謁總統提出要求多款國民驚心怵目若亡國之禍之迫於眉睫而四億方里之土地四億兆炎黃之子孫皆將步武朝鮮受日本之宰制我總統暨我大夫力任其艱難不分其責於我國民誠為國民所深感而以匹夫有責之義又甚願我總統暨我大夫宣布日本要求各款與我國民共籌對付之機宜而深以代守秘密為不免外視我國民同人則謂外交故事往往於未經解決之前不能為國民全體所聞知而第由當局者獨肩其責若夫關係重要必須徵集國民之公意則在當國會開會時由當局者出席說明以待國會之議決在國會閉會時則召集臨時會議議既畢又往往以院內之言論勿漏言於院外相要約徵諸法治之先進國雖其例頗夥未遑枚舉

要之事實彰彰不可掩飾同人雅、欲循常人之見以代守秘密為我總統暨我大夫各第自憾國會之無端消滅而已願獨拳拳致厚望於我總統暨我大夫謂、能洞鑒國民之心理熟察世界將來之趨勢不聽日本一國兼并坐大以其得志於朝鮮者又得志於中華民國乃據最近中西文報紙所披露有謂日本要求都二十一條政府全允得、條半允得六條者有謂日本要求十七條經政府承認者傳聞異詞雖未可據為典要之我總統暨我大夫於我國民現在之心理世界將來之趨勢皆審然未得其真而免為日本高壓手段之所動則似若可信夫日本所要求者究幾何政府所承認者又究幾何同人不啻聳、絕少真知第就報紙共通之消息為論斷之根據又於其間擇其重者則財政交通教育三部之允設日本顧問是也同人願我總統暨我大夫不唯當知承認之斷未可且當知討論之亦未可惟有按照日本所以拒絕我撤兵之要求者亦嚴詞拒絕之而已我總統暨我大夫如患拒絕之無以善其詞則同人嘗就報紙披露之各條反覆研究之其間有關係於美國者如福建船政及全國石油鑛權是

也有關係於英國者如揚子江諸實業權是也有關係於德國者如山東之繼承權利是也有關係於俄國者如東蒙之勢力範圍是也凡此數國目前雖或以近患迫切或以獨力難支相率熟視日本之所爲未加干涉一旦歐洲戰罷馬首復東甯能真聽日本一國兼并坐大以其得志於朝鮮者又得志於我中華民國我總統暨我大夫苟在此時懾於日本之強權未敢有所齟齬則他時首承其敵者必在我國不然則在日本何去何從我大總統暨我大夫宜早自決矣夫準中華民國約法所規定主權屬諸全國之人民我總統暨我大夫苟患已與日本討論於前不能進行拒絕於後則目前內之雖無國會外之雖無地方議會而若商會若教育會若其他之團體固未嘗非全國國民公意之所在也我總統及我大夫宜早以日本要求各款明白宣示令其詳細議復如皆謂可屈從則同人亦甘爲亡國之人民而無辭耳若皆謂當拒絕則我總統及大夫卽可以全體國民之意思通告日本而明反汗之非自我總統及我大夫苟患日本以我之拒絕故遂將命將遣師星馳內犯則我國民至此實願爲比利時而斷不願爲朝鮮我

各省大吏亦寧爲斷頭將軍而不當爲降將軍也同人又準中華民國約法大總統對於國民全體負責任擬此關係國家存亡之大計若非預經國民全體之承諾我總統及我大夫漫予認可恐我國民必有起而謀其責者則是外患未紓內憂復作尤同人所引爲大戚者矣諸公愛國心長救亡志切敬祈將同人原書轉陳總統及外交總長聊備土壤細流之助臨楮惓惓不盡所懷

激昂慷慨之民氣觀

▲從戎敵愾之雄心 黃子敬投函公會云敬啓者昨閱報章始悉倭人以橫無天理之條件逼我爲朝鮮埃及印度追原禍始皆由自招其故在於吾民向無國家思想外交無能政府專意媚外欺壓平民箝制言論之所致故屢受外人侮辱每有交涉事情發生卽受人愚弄慣用和平了結之美名日示退讓以起外人之野心今日割東明日割西嗟乎慾壑難填河山有淨盡之日其能日示退讓希望和平了結者乎吾恐錦繡山河不久將爲他人所有矣捫心自問何以對祖宗何以爲人今者既往不咎來者猶可追宜上下一心共籌對待之策寧爲玉碎勿爲瓦全嗚

呼國家有難匹夫有責弟亦國民一份子赴湯蹈火粉身碎骨義不容辭伏乞登諸報端為幸即請台安惠陽黃子敬

▲請開國會之主張

報界公會先生鑒鳳城路潤

芬女士上肅啓者比年以求日人野心蓬蓬勃勃久有吞併東亞之蓄謀其絲痕馬跡早流露于世界而吞併中國尤片刻而未能忘者也無如中國均勢之局未破歐洲互戰之局未開蕞爾三島之國何敢首先發難嗟夫昊天不弔祖國岌危彼日人果乘歐洲戰酣之際圍攻青島藉口維持東亞和平又曰歸還青島於中國者也乃今者青島陷落所謂歸還青島者固已聲銷响滅而吾人早知其計如項莊舞劍志在沛公故俟青島布置停妥即提出二十一條件之要求此二十一條件最驚心動魄而為亡中國之導線也差幸人心未泯乍聞條件提出後吾國民如風起水湧誓死力爭大有不斬樓蘭誓不還之慨雖然吾國民皆知日人要索之無理也亦知要索條件之足以亡國也故近日救亡拒日之聲貫激耳鼓奔騰道途是以口有道道救亡耳有聽聽救亡而詢以救亡之策則從無所對也呵呵口頭上之救國論調其果有濟也耶

夫國破家亡其理至顯人雖至愚莫不愛其家者因愛其家而推及于愛國此人之至情也然須知救國之道非口舌所能爭國民本身之地位須幹何事方為得當乎無已其唯請願速開臨時國會及實行徵兵制度也夫共和國家三權分立是國會一事萬不能或缺況國會上為國家立法下為代表國民今日國家處此危急存亡之秋雖國家元首有宣戰媾和之權而此等重大問題不可不付交代議機關以為取決乃符共和政體且戰費為國家臨時之支出為預算中之一種夫預算非經國會取決不克動用為文明國之公例增加預算強人民以重大之負擔尤非出自民意斷難咄嗟立辦也此吾所謂速開國會以解決外交問題者此也外此如徵兵制度各國每有行之皆有利而無弊也(下略)

▲傾家報効之熱誠

報界公會執事先生大鑒敬

啓者近閱各報載倭人強硬提出無理要求迫我政府承認然我政府甘為人傀儡極守秘密他日條件成立必致國破家亡同胞須舉國一致力謀對待弟亦國民一份子情愿將園分份下旱田二十五畝值時銀二千五百兩儘數報捐軍費仍誓捐軀報國請

轉登各報俾衆週知季賢幸甚專此並候公安香山谷鎮古季賢
上言現寓澳門

▲焚燬已購之洋貨

報界公會執事諸公偉鑒日

人無理要求肆意苛索欲逞其陰謀狡譎以亡我國使我爲朝鮮
第二儂輩雖屬女流亦國家之一份子天下興亡男女有責人生
不幸莫甚于爲牛爲馬爲奴隸任人驅策儂輩組織之振興土貨
會現已成立所有已購之洋貨概行焚燬以爲花界倡特修函貴
公會乞轉登各報是爲至盼願頌道安東堤晚蓉樓小娟長安樓
金帶等鞠躬

▲華僑愛國預告助餉之約數

本埠華僑聯

合會近得各埠華僑函電均願輸餉祖國以救國危並報告力能
捐餉者之人數如至必要時立即踴躍輸將其人數約誌於下香
港三十萬人南洋諸島一百五十萬人新嘉坡三十萬人暹羅一
百四十萬人馬來半島五十萬人英屬印度各埠一百九十萬人
法屬緬甸各埠一百七十萬人濠州一百四十萬人新錫蘭五千
人美國坎拿大墨四哥等處約十萬餘人秘魯四萬五千八爪哇

二萬五千人西伯利亞五十萬人南非洲一萬二千人其他各埠
五十萬人共約一千萬餘人每人納銀二元已得二千餘萬元此
外豪富僑商尙不在內云

▲華僑粵人虛壁三

(譯音)登報宣言謂某國無

理要求萬一決裂自願將值二十萬金孔龍坡(譯音)地方之錫
礦捐助國家以充軍需又粵人吳安裕(譯音)亦願捐助田一百
畝其餘踴躍輸餉者甚多(香港十六日卯刻專電)

▲滇民之主張

日前滇聲報曾在滇發起組織國民

大會以穩健文明爲唯一宗旨其稍涉暴動野蠻者一律排斥至
執行機關擬設執行評議兩部草章共六條並擬於四月十一號
就三迤會館開一國民大會警察廳恐釀成意外先於十號即加
取締飭令停止開會至十一號滇人未知已經取締者尙有數千
人前赴三迤會館與會足見滇省之民氣矣

▲留日學生代表之來滬

留東中國學生近在

東京開會各省舉定代表一人回國組織國民大會以爲政府外
交後盾昨午日本春日丸進口計有十三省代表十三人到滬現

均假寓三洋涇橋鴻發棧閣已與西藏路一號國民對日同志會發起諸君聯合一致進行準備就上海先行開會云

▲國民對日同志會之發起

自日人要求事件

發生吾國人民以政府尙未宣布實情深滋疑惑舊歷年中已有方夢超潘夢民黃毅等就滬上發起國民對日同志會業已成立現正籌備方法以爲政府後盾云

▲張園之國民大會

日昨(十八號)本埠紳商學

界因中日交涉事特在張園安壇第開國民大會事爲捕房所悉恐人衆或有意外乃在張園門首懸掛一牌上書(工部局諭今日禁止開會)數字午後一時紳商學各界前往赴會者絡繹不絕靜安寺道上途爲之塞羣衆既抵張園見工部局牌示亦不以爲意惟相戒力守秩序免召外人干涉羣衆入安壇第後即就座靜俟開會此時會場有人分發一種印刷品其文如下(一)演說諸君請先向速記處報名依次發言(二)專論外交請勿牽涉內政(三)平氣討論請勿激烈憤事(四)到會諸君須整齊秩序請勿擁擠喧嘩貽笑外人開會後演說者依次上樓登台演說正開

會間捕房已派西捕頭一員西探一員華捕一人趕到在安壇第門首大呼(今日不准開會)羣衆不願仍演說如故西捕等因禁止無效乃登樓勸阻演說者不必發言無奈會揚人衆此落彼起勸既不勝勸阻又不勝阻此時安壇第樓上下到有二三千人後來者尙絡繹不絕西捕等因勸阻無效即散往門外惟演說者因捕房干涉亦未能暢所欲言末後有人登台簡單發言略謂中日交涉事件國民久不了了於心今日亦不必多所討論今日開會忽有他種阻力發生時間不必延長過久吾曹即可散會演說畢羣衆快快而出此昨日首次開會之情形也

會衆自安壇第散會後咸以今日會場未能詳細討論心至不快羣竝立園內草地中不去此時捕房復派有西捕及印度捕多人在園門前看守僅許人出不許人進園門外赴會者人山人海羣欲入園頃刻間赴會者愈聚愈衆自張園門首直達靜安寺路會衆均鵠立道旁以待西捕等見聚人過衆乃暫將園門關閉在園門外之會衆因不能入內即在露天中演說分發傳單統計傳單不下七八種詞意不外泣告全國同胞一心一德共圖救亡之策

國

恥

俄頃麥總巡忽乘汽車至圍門大啓衆遂乘機一闕而入霎時門復閉計門外會衆得乘時入圍者不下數百人相持更二十餘分鐘忽人叢中有人直前強欲入內西捕阻之不得乃以掌擊其首血流滿面此時圍門已半啓衆遂一擁而前魚貫入圍於是第二次大會乃得開幕是時西捕等已散去赴會者尙絡繹不絕安禮第會場樓上下不能容衆乃鵠立愈前靜聆演說統計與會者不下三四萬人演說者依次登台發表意見慷慨陳詞有至痛哭流涕者演說者不下百餘人以湘鄂粵諸省之音爲多有兩女士亦登台發言會場秩序絕佳絕無絲毫喧嘩之聲最後有人提出辦法六條(一)通電政府請維持國家體面力保利權(二)組織中華民國國民請願會共圖救亡方法(三)通電各省組織國民請願分會(四)抵制日貨(五)組織民團募集經費以備不測(六)創辦一種白話報紙作爲鼓吹機關會場演說均係平情討論措詞雖激昂然絕不激烈其範圍不外救亡二字我國歷來開會大半均係一闕過眼即忘此次開會之結果雖不可知然觀會場之情形默察赴會者之心理不可謂非我國國民愛國心之表示也

(所發公電文已見前章)

昨日會場情形複雜爲歷來未有之盛會記者奔走內外採聽一切於會場各人之演說未能詳爲紀錄頃友人以所紀之演說詞見說茲錄之如次日事急迫疊經各報登載留東學界公舉代表十七人歸國組織國民大會爲政府外交後援日昨午後一時各代表與中華國民請願會對日同志會進步黨及上海紳商學界開大會於張園蒞會者先後約四萬衆首由主席詹天氏報告開會宗旨次由蕭君汝霖(留學生代表)演說歷數日本對吾國種種野心匪伊朝夕此次乘歐人不暇東顧之時突然提出條件交涉正在進行海陸軍忽下動員令毋論其爲威脅與否總之利我之亡以爲其利而已吾政府所以隱忍與商者乃恐民氣之不足恃也苟吾民億兆一心以爲政府後援即不幸國交破裂以吾四萬萬人民之衆與二十數省土地之大出最後之決心爭最後之國運決不至亡於五千萬島民之手也(鼓掌)此後則掌聲不絕幾不辨演說者之聲僅記蕭君最後之言曰吾國民爲最有秩序的國民當整齊嚴肅剛毅穩健以謀進行云云時工部局來巡捕

國

恥

數人干涉閉關門令後來者不得入街衢填塞不下萬人也時方二時三十五分蒞會者以受干涉故慷慨異常不肯散去然復一律恪守秩序嗣後某女士出席演說大旨勸同胞須善用愛國心不可爲過激之行動亦不可事過輒忘應知此次日本所提出二十一條要求係欲與中國以致命之打擊我同胞務宜知已知彼彼爲鞏固之結合提倡國貨以求東鄰國民之返省使兩國樽俎折衝無傷友誼共享通商之利益如該國野心不死威嚇我政府侮辱我國民侵害我主權則我國民當一同加入戎行以爭祖國最後之存亡云女士演說聲調淒愴激越舉座淚下已而商界某君又用上海話演說大旨勸國人購用國貨因斷指血書（謹勸同胞購用國貨）等字於新聞紙上鮮血淋漓全體感動後復有王梅卿亦破指血書抵制日貨王梅卿個人書此十一字演說竟復有數人繼續出席演說大旨言中國人當以朝鮮爲鑑極力援助政府抗彼國無理之要求若袖手旁觀置國事於不顧則政府勢窮力屈冒昧簽約而異日歐洲各國復援利益均佔之說肆其要求則分割之禍至我同胞死無葬地矣云云全場決議六項一

電致中央及各省二設辦事處三派人往各省發起分會四提倡國貨五辦白話報六設公民捐輸處以助政府時已逾五鐘衆始陸續退出併有多人解囊助費以供打電政府及各省并刊登廣告之用心

（接電稿已列前章不重錄）錄三月十九日時事新報

△西報所紀之國民大會

大陸報云昨日張國

開國民大會其結果決議排斥日貨要求政府宣布要求條款全文組織一國恥會當開會之始秩序頗亂且與巡捕衝突後卒無事先是星期三日夜間有人發出通告召集此會謂外交險惡國本動搖凡我國人安忍坐視務希貴臨討論云云昨日晨間巡捕房聞知此事派出英印巡捕一團駐守張園之進路處正午後到會之人絡繹不絕每輛電車無不人滿其中以小店商人爲多間有學界中人而上流華人絕鮮著名之人則絕無僅有（譯者按此爲吾國之進步乎抑退步乎吾必曰進步也）衆既到園爲捕所阻不得入則皆聚門外路上不肯行憤巡捕干涉其勢洶洶如是者約半小時當時情形甚惡旁觀者以衆情之憤激謂爲衝突

能免有一少年疾奔而出向警吏質問干涉之理由被擊中顛血流如注衆情益憤無何麥總巡到場准許開會但不得擾亂秩序衆乃整隊而入俄頃間安愷第已無容足地不得入者則壅於廳外或攀登窻間以窺內中情狀少選演說者出現於樓上憑欄講述大旨謂中國將爲朝鮮第二欲救危亡惟有團結之一法一人大聲疾呼謂諸君須謹記欲奴隸汝之仇敵永鑄於心頭演說者不下二十餘人中有女士四五人演說間聽衆掌聲不絕閉會之前決議上述之數條件並助款若干作發電中央及各省之費用致政府電中有請停止談判國民願毀家舒難之語有演說者二人嚙破指頭血書勸全國同胞抵禦仇敵又有數人願變賣家財以充此項運動之經費云

▲附錄戈朋雲致大陸報函

大陸報主筆先生台鑒閱今日新聞報譯貴報所載華人張園開會對日之事中有謂（赴會者大都爲開小店之人居多雜以少數學生而上流社會之華人極少到會者之中無一著名人物）此語殊爲失實且大似出自故意輕譏我華人者鄙人

是日於一點鐘之前到場所見大都俱係上流體面華人此亦爲先來之西捕頭西探目所同見渠等亦具有明眼能辨之也其間雖有少數服短衣者而其愛國熱忱與體面之人同一不異亦豈容稍加矚視貴報果以主持公道爲務而無故意輕譏華人之心請立行更正則感激不僅鄙人已也戈朋雲鞠躬三月二十日

▲提倡軍國民教育

日昨廣東體育會請由教育

科長召集學界諸君在高等師範學校會議私塾體操事宜到者甚衆公推吳在民君主席何劍吾君宣佈議決辦法凡省城河南學校學塾有缺體操一科者爲之擔任教授先行徵求義務教員選擇會操地點咸以此舉爲軍國民教育之基礎極表同情即時簽名願盡義務者十餘人其義務期限係由本年四月至暑假止會操地點亦經認定多處矣

選自由之談談自由

行止坐臥勿忘國。

商人當以國家爲重。財產爲輕。日人論我商人謂今日得利。明日亡國。亦願爲之。嗚呼。我商界諸父老兄弟。願雪此言。

我同胞。作事宜勇往直前。歷久不懈。勿使外人笑我。五分鐘之熱度也。

吾國人士於愛之一字。每多誤用。愛賭。愛嫖。愛觀劇。愛聽書。愛吸洋煙。愛穿華服。此其所愛。悉以有限之資財。供無限之欲。以有用之精神。營無用之事。徒有損而無益。吾甚爲吾國人士所不取也。曷勿移其所愛。而一歸之於愛國。人人愛國。個個愛國。吾中華民國。而猶慮不能存在於世界。吾不信矣。

政府告誡

▲大總統申令

中國與日本地處唇齒素敦友睦近有協議案件外交部與駐京日使掬誠磋商可望和平解決乃商民不悉內容多生誤會聞有排斥日貨及與僑寓日人偶生齟齬之事殊爲可憫又有亂黨包藏禍心乘隙煽惑尤堪痛恨查通商貿易及保護外人均載在約章凡我國民共應遵守值此歐洲多事商務蕭條詎堪再生枝節小則累及商家大則牽動全局明哲士庶當見及此各將軍巡按使等有地方之責務宜隨時考查剴切諭禁認真防範倘有亂徒假託名目擾亂治安着即嚴拿懲辦用維大局而奠民生此令

▲慎重國交之諭飭

自中日交涉發生全國譁然大有攘臂請纓之概亦可見國民愛國之熱忱茲聞本埠軍政各界接奉馮上將軍齊巡按使密飭略謂准政事堂電傳奉大總統諭日來國民對於中日交涉紛紛電詢愛國熱誠於此可見惟天下事自有公理無論如何艱難之問題持以公理自能解決本大

總統受國民託負之重惟有鞠躬盡瘁死而後已對於國家存亡關係詎敢忽略立國於此風雲變態無常之世界必具有一種自立不挫之精神有自立不挫之精神人雖謀我焉能亡我但天下之大患防不勝防往往防之於此而漏之於彼要惟同心一德合力進行而保護外人尤宜謹慎我盡東道之誼斯無罅隙之生誤會漸消國交鞏固自能和平解決仰各共體此意傳諭知之云云聞各機關奉此電諭非常鄭重當即密飭週知云

▲中央訓誡軍隊之電令

爲預防中日軍隊互

生衝突起見特擬定誡誡軍隊共同遵守之辦法四條(一)中國軍隊無重要之事件不可進至交戰地內(二)注重軍器之管理不可惹起外兵之誤會(三)對待外兵外人不可出以強橫(四)軍隊實地練習宜暫停止聞已由魯省新將軍轉飭各軍遵照矣

▲教育部訓誡留日學生

留日各學生因中日

交涉事紛紛回國并派代表至部請示刻經教育部電飭留學生監督查察禁止並由湯總長通告各生反復誥誡其文云閱報載留東各生以中日交涉困難深懼國體主權有所損失開會討論

國

恥

並聞有預備全體回國之議諸生愛國熱忱有激於中爲此萬不得已之計畫邦人君子何忍加以刻責惟是國家大計有非諸生一時之感情所能濟事者明知無濟而號呼奔走廢時失學無益於國而又累之本總長不能不爲諸生惜此舉也自歐戰開始以來所有近世紀國際競爭之各大問題畢舉而訴之於鐵血主義之下而此項國際問題之起原其旁薄醞釀於人類生存之歷史者迥非一朝一夕之故與一手一足之烈職是之故凡解決世界競爭之各大問題與其由國際戰爭之結果求之毋甯由人類歷史上之精神智識求之其事則世界學術之競爭是也吾國現勢之不競其根本積弱往往由數百年之人物歷史遞嬗而來而學術之靡敝實爲主因無可諱言爲國家前途計方冀諸生發奮求學兼程並進以吸輸世界學術之新潮爲全國人精神智識根本刷新之計凡今日父老昆弟之所忍受而無可如何者其最後之希望畢集於諸生之身而待甦於諸生之腦與諸生之腕爲諸生計當堅持其力學救國之決心以蘄貫澈真正愛國之血誠而一致保持其沈摯遠到忍辱負重之態度凡現時國際上之種種

激刺均爲諸生精神智職上之良師摯友諸生當厚拜其賜而益自淬礪奮勉外以應夫世界學術競爭之趨勢內爲國家濟變圖強之用是乃諸生全體之重責不可不發奮而猛省者不此之圖而乃感於一時國家之多故失其自覺之力致自儕於幼稚國民之行動書空太息相約爲輟學內渡之舉信如報紙所傳則是舉吾國他日之人物學術所恃以爲競爭生存之準備者由諸生先自毀棄之甚非全國父老昆弟之所望於諸生者也且諸生之所計議豈不曰國亡將安用學而不知國之亡學實爲之求學之與愛國並非二事惟力學乃可以救亡諸生須知今日之國際上苟有容留諸生越國求學之地位者卽足爲吾國不亡之保證惟其事機已屬不可多得斯其時間尤當寶貴倘不能忍之須臾而擾攘於一閩之頃舉精神智職上生存之要素而墮棄之是曰自殺其負國也實甚曾何愛國之可言抑本總長尤有不能不爲諸生告者諸生旅食異國凡有舉動均爲友邦士夫所注意近之爲國體所關遠之爲國民根性所伏視國者方且由諸生之行動卜吾國之前途而因以爲對待之方法願諸生共懷國步之艱難貶

損青年之意氣因心衡慮深自斂抑競於所學舍此別無救國之法惟諸生圖之在昔羅馬中衰得加富爾瑪志尼諸人而成意大利之獨立德創於法而其國學者畢力於學術之競爭其後卒以致強即東鄰維新之前歐釁迭起外侮洊至亦賴伊藤故相及其同志由歐美留學返國一新庶政以致今日之盛友邦先哲師導匪遙國事可為惟諸生力學自愛至交涉雖極困難政府實負完全責任即有萬一亦必求措諸生於安全之地海外傳聞每多失實望勿以一時之激刺輒自紛擾致干曠學之咎除飭留日學生監督查察禁止並妥切誥誡外特此通告

▲外交部

本部因中日交涉須暫守絕對秘密主義故于東支廣灰等日連次會議均禁止旁聽計本部除部長司長數員日官除日使及參贊數員之外並無他員在座並經雙方承認均守秘密是以各次議案外間無從查悉即英日各報紙所載概屬懸擬之詞請勿輕信至此次交涉案日使確已讓步大總統主張穩健將來交涉如何本部允負完全責任如有拋擲國權甘心讓外等舉動則神人共殛統觀現時交涉情形全案之公布為期

至近請即通諭所屬留心內政外交為要

▲政事堂

中日交涉經迭次會議日使已有退讓所有重要條款可望和平解決現已議定於元日(即十二)特開會議解決問題(即十五)再與日使開會磋商一切排日舉動務應力為諭止現在交涉未了民氣不宜囂張特將大概情形先行電佈

▲統率處

上月日本以重要條件要我同意內有侵損內政主張國體各案任意迫脅恫嚇備至經政府堅持不為之動兼以多方運動近日頗有轉機可望不致侵損特先告慰惟目前仍宜慎防亂人為虎作倀煽惑生事務使內亂不作以免強鄰藉口另生枝節是為至要

▲內務部

人民結社集會雖法律上許之自由惟仍應受內務官廳之監督查邇來各省人民多因中日交涉憤激之餘籌擬對待其個人心理作用未表現於外部之舉動者官廳礙難禁止至演成集會結社之事誠恐有碍於邦交故東冬等日迭據魯使電稱魯省留東學生紛紛歸國並在濟南等處昌言拒日定

期在文廟大集會議共籌對付方法除由本使即行禁止外合電查照等語即由本部電復魯使認真防止外深恐各省人民亦不無此種叫囂舉動務請貴使仿照魯省成案一體禁止以免惹起鄰封責言為盼

▲教育部

中日交涉各省均應靜候中央辦理惟訪聞

各省學校生徒憤激備至集會電爭叫囂終日誠恐其行為過於急激致碍邦交查學生當修業時期不得干預國家政事及為非關於學術研究上之集會載在校章夫豈未聞要之校外一切之事自有父兄代為主持此時努力潛修以備他日之致用即所以報國也務請貴使嚴行防範並飭各校遵照

各省官廳之舉止

北京

▲朱巡按之來電

外省將軍來電請求政府嚴行拒

絕者如馮國璋張勳朱瑞段芝貴等措詞皆甚激昂昨日公府又

接直隸朱巡按由易州道中來電中有日本要挾條件實猶太我朝鮮我我國民既抵死不願為猶太朝鮮之國民我政府自甯死勿作猶太朝鮮之政府又云家寶任事疆圉職兼戎闔此次奉命巡視各屬與父老共言國家阨危情形類多憂憤形於顏色甚有聞日本之要索而痛哭流涕者足徵民心未死民氣可用望政府以外交為前驅以民氣為後盾云云

▲各參政之奔忙

自中日交涉發生後參政院外交

軍事兩派參政奉總統諭會到公府商議要政故近日如聯方李盛鐸李兆珍蔭昌蔡鏗蔣尊簋王揖唐徐紹楨姚錫光等參政每日上午皆進公府敬候傳見諮詢要件參政院現雖未開議外交然外交之參政為國奔忙實較從前為甚也

▲京報紀黎副總統電文之傳疑

日前京報

載黎副總統因中日交涉事曾有密電致各省巡按使將軍一事茲某京報又補錄其全文惟聞黎氏不承認有此是否有人利用尙難斷定姑照錄之以待研究 電云民國肇基於今四載回思締造艱難犧牲性命陶鑄共和拋擲頭顱推翻帝制其時元洪與

諸君奔走國事二十年辛苦恢復我疆土方期舉手定之山河
 爲長治久安之計不謂邦基未固內亂頻仍黨見紛爭日無旰食
 致頻年政策專務對內立心絕少遠謀可視撫念時局能不悲傷
 究之冰霜雨露皆大造之玉成弱食鯨吞本天演之公例當茲外
 患紛起之時合四萬萬衆爲一心猶恐其未濟豈容禍兆蕭牆操
 戈一室桑榆補救纒力國家此則元洪所望諸君者此次交涉事
 起凡我軍人靡不奮臂疾呼願作背城借一愛國熱心非不甚善
 但平日武備未修急猝言戰不啻以國家爲孤注危亡之患且見
 於崇朝然激烈固足以憤事而游移亦足以取亡事過境遷便思
 然置之猶是上下因循文恬武嬉視國事之輕重若秦越之不相
 關則中國不亡於今日亦必亡於將來此最爲國民心理之通病
 自今以往務宜掃除積習發憤圖強以弱國滅種莫大之沉痛引
 爲我軍人臥薪嘗膽之憂以訓練教養尋常之軍務引爲我軍人
 秣馬勵兵之策則天心警悟於我國家者亦未始非自強之一機
 會也(中略)我軍人處於今日當知無絕對堅忍刻苦之性質不
 足以圖自強無極端鎮靜沉摯之態度亦不足以圖自強善處屈

各省官廳之舉止

者不絕人必當考察其政治參觀其得失然後毅力苦心以圖進
 取歷百年如一日天時必因星紀而改觀人事每藉自強以進步
 此又元洪所太息流涕以望我軍人者唯諸君等切實圖之云云
 政府近發通電一件係飭令各省長官辦理禁止排斥日貨一事
 以勸導爲前提如實有願購用國貨者亦不可過於抑止總之不
 可操切從事致地方上有許多不利云云又前日會議日使嘗提
 及上海抵制日貨一事爲非正式之質問陸總長當即答以中國
 政府已於昨日二十五號頒令禁止矣並云此等事實之發生全
 在人民感情作用如新近舊金山日僑亦發生同等之舉動想亦
 由感情作用所致又據政界要人云政府以滬上對於排斥日貨
 頗滋風潮誠恐有奸人亂黨從中播弄希圖擾亂邦交又恐日商
 藉端架誣冀於交涉上另生枝節業已飭令外交內務兩部各派
 明議員司赴滬調查情形并與楊道尹相商善後辦法

▲總統府之會議

確聞總統自接得日本最後通牒
 後即傳知國務卿左右丞外交總次長各部總長並選派黎元洪
 熊希齡趙爾巽李盛鐸聯芳楊度嚴復施愚等八參政於今日午

前八時入府開特別會議決定對待此項最後通牒之方針惟晚間公府又以電話通知諸人改於午後二時入府會議又聞外部總次長近日以常在總統府磋商交涉要事未能按日入值故部中大小事項多出政務司司長獨任其勞而外交條約成案調用較繁未能稍行延緩該司人員查檢極爲忙碌亦有日不暇給之勢

▲副總統之主張

黎副總統以中日交涉吃緊一

力主戰嘗語其舊友某君曰今日歐陸戰事完全爲一種科學的戰爭中國科學尙未發達即軍械製造亦不如日本之精利似中國對於日本萬無開戰之理但中國兵力縱不能攻豈不能守使日本果向中國提出良的美敦書亦惟有預備戰爭一決勝負蓋日本國稅極重國民實已不堪負擔若與中國開戰每兵每日軍用四元（除軍械費用不計）以二十萬日兵計之每月軍費已須日幣二千四百萬元之鉅中國軍隊若能支持月餘日本將不戰自退即或戰敗亦不過亡與其將要求條件承認而亡不如一戰而亡也語次嘆息不已然黎副總統於平日功課如讀春秋左

傳作字數百仍無間斷足證其態度之鎮靜刻下政府已不主戰矣據京電副總統討論至無可如何且痛哭向衆發憤激語其意蓋可思也

奉天

▲官場之防範

軍署消息鎮安張將軍昨據某省鎮

守使來電略謂近查海外潛匿各黨人因查防嚴密無策可施近又假中日交涉回國潛跡各省擬藉口煽惑人心破壞治安應嚴防云云張將軍昨即轉知陸防各軍務嚴加查察張貞午按使亦以近來謠諑繁興人心浮動中日交涉雖可望和平解決流言飛語行即消滅但黨人每伺隙而動焉知無參與其間是以於吳興權鎮使來省時面囑加意防範并通飭各屬及咨請張將軍行署一體防守

張巡按使昨准政事堂急電謂中日交涉政府已完全負責必須達到和平圓滿目的邇來留日學生徒以一時熱誠紛紛退學返國分赴各省聯合各界共圖挽救惟恐於事無補反惹外人口實

致碍交涉舉行仰即勸止干涉云云故張使已飭留心查察矣

軍民兩長日昨特出示禁止謠言略謂日軍之瓜代則誤會進兵

日商之賣現則妄疑返國此等無稽之談殊屬有惑人心刻下中

日邦交異常親密決無他虞除出示禁止外並飭軍警一體查防

再敢故違定加嚴懲不貸云

▲中日交涉中之言論界

本月一號田交涉員

伏侯以中日交涉正在進行兩國交誼夙稱親密一般人民如有

誤會端賴報紙言論爲之救正特在大西門內松鶴軒敦請中日

各新聞記者宴會座中申述其意略謂中日交涉政府極力辦理

將來必能達到和平結果中日諸君主持言論諸多慎重夙所欽

佩所冀此後始終貫徹此的以維中日友睦而作邦人之指針是

所切囑等語一時觥籌交錯賓主盡歡而散氣象似極親睦

▲軍事界

中日交涉發生後謠言紛起東三省地處兩

強軍事防務尤關重要吉黑兩省大吏已先後來京會商一切故

政府電令奉省派遣專員晉京以便查詢張將軍當派二十師吳

光新師長赴京與政府及陸參兩部會議昨已回奉即謁見張將

各省官廳之舉止

軍稟陳一切因事關軍務秘密外間難以偵悉惟聞內有關係京

奉路防務一事政府會諭以現在謠言紛起亂黨四伏應由上將

軍督飭各軍嚴密防護云云並聞吳師長此次回奉携有陸軍總

長段祺瑞誥誡軍人通告一道大致言中日交涉雖屬困難然大

總統與日政府素敦友誼邦交親密雙方均抱和平主義決不致

演成武裝之解決軍人以服從爲天職務宜鎮靜自處聽候政府

之命令毋得意氣用事輕舉妄動云云張將軍已頒諭各軍隊一

體凜遵矣

聞兩公署昨接中央專電以中日交涉正相見以誠進行磋商諒

不致決裂日本刻運兵於南滿及山東係戍兵瓜代並與交涉無

關仰即剴諭軍民人等切毋妄生誤會爲要云云旋又接第二次

專電謂日本因更換戍兵故運兵來滿惟刻下謠言紛起仰即嚴

束軍隊均毋與日兵衝突以免釁自我起倘彼出以強迫亦惟有

忍受之以待將來訴之萬國公會裁判云云中央又電飭軍巡兩

使詳查近日東省日兵情形報告政府濼聞日本雖稱瓜代戍兵

運來新軍然舊兵尙無開拔回國之舉動所駐日兵以遼陽鐵嶺

各省官廳之舉止

爲最多

十四五等日軍暑會議軍務故各師旅長及鎮守使巡防統領等皆晉省會議事畢後又多在省守候祝賀張將軍壽當經將軍固辭催令迅速各回防次以免在省日久致誤軍務並諭以時局不靖謠言四起除將所部軍隊嚴加約束防務妥爲布置外非有軍令切不可擅自離防以昭慎重昨日鎮安上將軍派軍府參謀長張鉞覲見總統面陳日前所議軍事防務各要政以及鎮定人心辦法並所擬對於外交各意見以備採納

日來因謠言日本增兵行將開仗以致人心不安銀根奇緊市面窒滯現貨外運百物昂貴幸官家事鎮定除設法安慰人心外並曉諭商民毋得妄信謠言致干咎戾

吉林

吉林省城吉長日報載云中日交涉各地人民以爲日本要求過甚蔑視我國主權憤而開會與言抵制日貨時或有之獨吉地商民秉性忠厚且處處以優禮待人故對待日人仍如故常即有極愛國家之同胞亦惟提倡國貨而止此種苦心當爲日

人所共見特當道仍恐一二急激之人鼓倡於前釀成他端枝節特由外交署飭知省會警察廳防範是我政府之對外亦可謂仁至義盡矣茲寬得原文錄下

▲外交署飭警察廳文

爲緊急飭知事案查民國四

年三月二十五日奉大總統申令云云等因奉此凡我地方有司自應切實遵行以重國交而弭隱患日前駐省日領館員來署面告吉垣近日漸有排斥日貨之舉務速禁阻等語當以傳聞之詞未足徵信極力辯解了事乃昨據本署調查員報告始知確有其事並送到傳單一紙題曰抵制日貨救亡先著其中措語處處足以挑動惡感淆惑商情爲此檢同傳單飭行該廳仰速會縣督警設法偵拿一體銷燬並傳諭城廂內外商民毋得聽信傳布致違命令

▲警廳詳外交署文

詳爲本廳查禁抵制日貨傳

單早經實行謹將辦理情形報請鑒核事民國四年四月二十一日奉鈞廳以調查員送到傳單一紙題曰抵制日貨救亡先著飭由本廳督警偵拿銷燬並傳諭城廂內外商民毋得聽信傳布併

將遵辦情形尅日報奪等因查排斥日貨之風說本廳早有所聞會於四月四日依奉三月二十五日大總統申令示諭商民不得惑於排日邪說致生事端並咨行吉林商工總會暨飭行各區警察署一體查禁旋於四月十六日據第一區警察署詳送愛國對日同志會泣告全國同胞書八紙抵制日貨救亡先著白話傳單八紙四月十七日復據第一區署詳送愛國對日同志會泣告全國同胞書九紙抵制日貨救亡先著白話傳單十一紙四月十九日復據第三區警察署詳送抵制日貨傳單一紙文內事理與第一區署詳送之件大致相同惟將泣告全國同胞書譯成白話改題曰哀我國民當經先後批飭各該署仍行切實查禁並連同原件詳報巡按使公署各在案奉飭前因除飭各署隊仍嚴加查禁偵拿外理合將本廳先後辦理查禁抵制日貨傳單情形具文詳報鑒核謹詳

山東

▲中日交涉中之賞花會

日本新近增兵到濟

情形迭誌各報茲據山東日報載稱自日軍蒞濟以來經楊警察

各省官廳之舉止

廳長與之聯絡接洽悉泯猜疑現當柳綠桃紅天清氣朗大好韶光足助清興（實則此大好韶光在在足增人悲感）而我馬旅長子貞王參謀長純甫徐旅長鴈三楊警察長韶九諸公爰於本月二十八日假商埠公園之盛景作中日賞花之雅集是日到會者日賓爲林領事貴志中佐金澤少佐山本少佐島居少佐暨各日軍官長等中賓爲濟南道陳道尹政務廳鄧廳長津浦路趙局長並司令部參謀處警察廳各人員計賓主五十餘席歡聚一堂威儀肅肅樽傾北海滿園之花柳增輝集仿西園一座之歡聲無賴足徵兩國邦交之敦篤也筵散後全體攝影以爲紀念並參觀陳列館散步園林極一時娛目騁懷之樂直至日影西斜始各盡歡而散 按當此軍馬倥傯之際而有此閒情逸致大開賞花會殆欲化干戈爲玉帛也茲附錄賞花會小啓於後

歷下古稱名勝之區春宵豔說千金之價此地更際此時良辰實兼美景吾人無以點轅而消受之得毋令湖山笑人昨見公園內羣花爭豔含葩欲吐笑顏取憐信似解語所謂陽春招我以烟景大塊假我以文章者非耶謹擬於三月二十八日午前十一時備

斗酒巨觥其中邀諸君子共浮大白其惠然肯來成此韻事專啓
卽頌時社并祈示復馬良王學彥徐鴻賓楊慶堃拜訂賓主限軍
裝或軍服

湖南

▲中央之來電

湘省人民近因中日交涉關係我國存
亡顧思設法抵制力謀進行日前湘政府迭接中央來電意在保
全邦交其政事堂電云中日交涉經迭次會議日使已有退步所
有重要條款可望和平解決現擬再與日使開會磋商一切排日
舉動務應力爲論止現在交涉未了民氣不宜囂張特將大概情
形先行電達貴使請即轉布爲要又統率辦事處電云自日本以
重要條件要我同意內有侵損內政主權國體各案任意迫脅備
嚇備至經政府堅持不爲之動兼以多方運用近日頗有轉機可
望不至侵損特先告慰惟目前仍宜慎防亂人爲虎作倀煽惑生
事務使內亂不爲之動兼以多方運用近日頗有轉機可
電云中日交涉各省均應靜候中央辦理惟訪聞各省學校學生
憤激備至恐有電爭叫囂終日誠恐其行爲過於急激致碍邦交

特電請貴使嚴行防範並飭各校遵照云云

▲湘政府之維持

劉巡按使除將各電會同湯將軍

分別通飭遵照外並查湘省民情漸形憤激對於抵制日貨等事
業已發現爰於三月三十日召集政務廳長令江道尹警察廳長
財政廳長高等審檢兩廳長外交部特派交涉員暨署內各重要
人員在公署大開會議預籌維持方法旋經議決先由巡按使會
同靖武將軍出示曉諭最近之中日交涉實在情形剴切宣布
務使人民咸知此中真象不至輕舉妄動並一面飭知商務總會
轉知各商民對於日貨日幣仍照常交易不得稍有停滯暨飭各
道尹轉飭各知事力持鎮靜妥爲防範如人民有故意反抗情事
一經查拿卽行送交法院或該管地方官按照妨害國交條例科
罪並開劉巡按面諭警察廳長督飭各署長警嚴行偵查遇有聚
衆開會等事務須隨時勸阻倘有故意反抗卽當拿辦云云

徐州

▲徐州張巡閱使之血性

長江巡閱使張勳昨有

加急密電一道分致各省將軍巡按使大致謂中日交涉迄未了

國

結經屢電政府詰問均未蒙明示近查日人已南省一帶水陸進兵藉詞游弋實則有意侵犯昔宋人議論未定兵已渡河可為殷鑒若再忍辱退讓以求旦夕之安彼必以為中國無人獲寸進尺理勢固然似此既蒙大辱復失主權何以立國則世受國恩屢欲圖報現在已忍無可忍經電請大總統准予聯絡各省軍民速謀自救藉資防禦總之勛頭可斷肉可食誓不以土地寸草讓人泣涕陳情伏乞邦人君子其匡翼諸

長江巡閱使張勳對於中日交涉前日又有第二次電陳總統略稱日本無理要求萬難稍予遷就總統受清室之禪讓國民之擁戴尤望堅忍拒絕早定大計勿失海內嗚呼之望等語總統閱電後以張將軍忠勇愛國極堪嘉尚特飭機要局發電告慰并告以中日交涉現正推誠磋商不難和平了結云云又甯波商會上總統政事堂外交部參政院等處電云日人要求據西報所傳條件嚴酷絕無磋商餘地果如所言國家存亡關係甚鉅凡有血氣同深憤恨應請政府代表民意堅持最後主義嚴厲拒絕並懇大總統將要求條件擇要宣示以釋羣疑而安人心大局幸甚

各省官廳之舉止

廣東

▲許世英請力爭福建主權電

福建巡按使

許世英昨有電致粵當道大致謂日使現要求福建南滿條件甚力昨經電京力爭在案查閩粵為唇齒之省唇亡齒寒自當引為車鑒應請會電力爭精收效果蓋此次交涉不但國人關心大局即各國均極注意將來解決如能獲勝匪特於國有光并可杜絕第二國野心貪念英現鼓勵國民籌辦自治振興國貨以為後盾決不使我華麗之民國斷送於人如蒙賜教請時惠德音不勝銘感之至云云

▲電告留日學生情形

李按使昨電復教育部略

謂據虞電稱近日留東學生多因中日交涉事宜紛紛歸國其由中央派往學生除由本部電致駐日公使禁止啓程外其餘由各省政府公費派往之生徒則請由各省按使電日一律勸止以免益啓中日邦交之疎疑等情查此事本使經於東支等日兩電致東京留學生經理處勸廣東派往各生徒須隱忍求學勿得事前叫囂孟浪歸國致將求學問之心付之一擲旋據該處電復以各

省學生之歸國者以閩魯奉三省爲最多現學生則已聯結團體預備行裝當國交未決裂之前仍忍辱留居東土如至和平無希望之日即全體下船回國 効命等語縱觀留日學生對於國家自身二者均能兼顧殊堪嘉尙除電復該處外合併電達貴部查照

▲官紳討論禦侮計畫

龍將軍昨日中午邀集巡

按使李政務處長鄭營務處長鄭水陸警廳長暨運使鎮守使及總商會紳董八人共十餘人在公廳開大會議由龍將軍提出議案兩條(一)中日交涉應如何設法對待(二)粵省軍費不敷甚鉅難以應變現在欲籌鉅餉擬准商人承辦香攤立繳鉅款以資儲備討論至四點餘鐘茶會而散至所議詳情刻下尙未宣示又聞龍將軍昨集僚屬會議後旋即傳見海軍中級將官二十餘員籌商國防計畫九時許始散 又一訪函云昨二十二日龍將軍巡按使東邀省中紳商易蘭池梁小山譚亦章黎亮夫梁伯尹黎澤民葉舜琴謝銘三岑伯著陳鑑池等到署茶會是日與會者水陸警廳粵海道尹財政廳長等聞中間談論有關於粵事者有關

於時局者先論治盜問題次言近日粵民因某國要求振興土貨之聲傳佈殆遍此殆出自人民熱誠然現時所議者爲南滿洲東蒙古問題事關秘密其中真相人民或未深知所傳消息須辨明從某處傳來庶不至爲外間謠言所惑寄語商民須守文明態度慎勿過事張皇釀成無意識之舉動則交涉前途不至更形棘手云云 龍將軍署參謀長呂嵩壽昨奉部電詢問對待日本方針聞呂與龍將軍談話謂我國對日之失計在日本進兵青島破壞中立之時此時若再容忍即使交涉可以圓融了結將來之禍實不堪言云云

▲禁止演說

自中日交涉發生以來警信迭傳粵爲瀕

海之區人心奮激而抵制貨物之說尤屬衆口一詞甚者各江輪渡江湖賣藥之徒到處演說其不至惹起外交亦云幸矣月之二十四日午後日本正副領事謁見龍將軍及李巡按談話兩小時旋派兵士數人送回聞所商頗關秘密自晤商而後巡按即飭行水陸警廳云昨據探報以各江輪渡及省洋各地近有多人演說藉名賣藥妄談時事挑動人民惡感跡其用心雖出自愛國熱誠

惟粵省民情浮動誠恐無知附和激生他變不特妨害治安抑且有傷交誼仰即飭屬切實查禁云云

▲取締報館

日前龍上將軍巡按使會商以近日關於

外交及軍事等秘密公文甫經發出各報館紛紛登載於進行大有妨碍顯係有人抄送非嚴懲一二不足以昭慎重而儆其餘特通飭各道尹及各知事對於機要事件一律遵守慎密防範倘有洩漏惟承辦員是問一面責成警廳取締廣州各報館無論軍事外交以及行政公文凡內有秘密字樣者禁止登載若不凜遵即勒交訪員盡法懲辦萬一不能交出訪員定拘主筆嚴究月之二十七日復由警廳行文以嚴厲之詞傳報館主筆到廳問話計被傳者共有六家各主筆以其聲勢洶洶只有婉詞謝之避而不往而已

▲閩粵通電

粵閩唇齒相依此次中日交涉發生後迭

電往來聲氣互通李許兩使又有往返電文一通照錄如下(李致閩省電)電示備悉敵省輿情深知愛國對於中日交涉始甚激昂嗣經出示勸諭已鎮靜不至發生意外政府屢矢言願全國

各省官廳之舉止

體不損主權交涉前途當不至十分失敗主持政策如何仍希隨時惠教(許使復粵省電)我國交涉每斷送之秘密之中良堪浩歎此次中日交涉發生敵省以條約關係屢電力爭迄無切實電復近據所聞於敵省消息頗惡世英蒿目時艱愛莫能助深自愧憤敵省旅京同鄉會已聯向政府質問濟否仍未敢決惟民情洶洶有地方之責者亦殊可慮也云云

▲增築砲台

現在中日交涉未了所有海防最關緊要

昨龍將軍以潮汕河道居甲子淡水上游且與閩海交界最得沿海形勢因恐防範稍疏大碍國防查該處有馬嶼山壁立千仞極為險峻頃擬在該山兩面築造堅固台壘二座以便防禦并派員會同工程師前往查勘其應用經費准予作正開支頃已先將設砲置防情形詳報海軍部核辦矣

▲閩使電告

昨將軍署巡按署同日接到福建許巡按

使電稱日前日艦駛入福州承電詢查足見關心大局感佩殊甚查日艦福田永固兩艦於養日駛進福州海口人心異常憤激經卅英用正式書詰問理由據稱實因游弋起見并無別故復經正

領事亦林氏面述情形請轉飭所屬軍民勿庸驚疑等語茲細查該艦尙無別種違法情事深恐外間以訛傳訛致使亂黨乘機煽惑事關大局合急電知希轉致各界一體知之爲要福建巡按使許世英鈞印

▲五省大吏聯禦外侮之電文

粵省將軍巡

按使 日會同閩桂蘇贛四省將軍巡按使聯電大總統暨各部長大致謂某人妄肆要求屢經開議抗不謙讓某等受國大恩存亡與俱又安敢不權輕重妄論是非至貽他人口實致泰西外交政策往往藉保全土地之名而收其利益之實又其甚者朝言保全夕則奪之西儒有言兩平等相遇公法即權力兩不平等相遇權力即公法某等每誦其言而悲之公法誠不可恃恃公法乃適爲強大者之藉口我國兵力既單財力又弱何足與某國抗衡今不敢與抗則惟有事事仰承其意旨似此中國雖大但日割一地焉有不亡之理爲今之計一面急宜開會按據法理與爭並聲言如能退讓當保全其在華之應得權利不使稍有損失仍主持近交遠攻政見以敦邦誼一面急宜通電各省實力編練海陸軍以

爲最後之預備事關民國存亡用敢不揣冒昧涕泣陳情伏乞我大總統採擇施行無任盼感

上海

▲楊道尹之勸導

滬海道尹兼特派交涉員楊小

川君以中日交涉發生後愛國之士奔走呼號恐有游手好閒之輩無端出事故特示禁止昨(念六)日午後二時楊君又在署邀集滬上各幫公所會館紳商各界領袖傳諭分別開導辦法各代表到者甚衆楊君在客廳宣言謂各國所辦交涉於未解決之前均守秘密以目前而論大總統負完全責任凡我國民應當各安營業靜候和平解決其間利害鄙人已剴切布告尤恐未能家喻戶曉特煩諸君廣爲開導以謀公安而維大局是所厚望云云各代表散後遵於今日各在公所開會廣爲傳佈至四時而散

▲日領事之訪問

聞駐滬日總領事有吉明君與滬

上各官紳感情素篤日昨特至道尹公署訪晤楊小川君楊君延入客廳就座後有君以近日排貨問題要求楊君設法取締楊君言中日隣邦輔車相依深望兩國政府對於此次交涉和平解決

庶中日商民無由發生誤會則感情仍歸融洽末又謂當以官方所能及者設法勸導以敦睦誼云云若譚良久始握手而別

▲政事堂之電令

中日交涉發生後商民開會籌議

抵制滬上行政警察各機關聞之曾電詢中央如何應付茲奉政事堂電令大旨謂地方行政警政均關重要須照常辦理如遇國民之熱心舉動尤宜勸導和平對付切勿妄生激烈致動交涉等因徐警廳長奉電後已轉知各屬遵照和平保守勸導若遇流氓奸徒藉端生事則應嚴查拘究不稍寬貸

▲交涉使之示文

滬海道尹兼特派交涉員楊小川

君昨日出示曉諭云照得人生在世睦族善鄰不容忽視國於天下本同此理輔車唇齒交鄰之道在近益親我大總統受任於存亡危急之秋四年於茲次第就理內政外交籌之已熟即就國家關係而論以一人首當其衝自較凡民更切歐戰發生以來震撼危疑維持中立全國七粵賴以不驚紳商士民諒所共見現因日本交涉條件暫難宣布道路傳訛倡言抵制日貨開會集議發播傳單夫外交秘密乃世界各國通例非僅中日兩國爲然夫民氣

各省官廳之舉止

所在固屬國家後盾然稍有倒行逆施適足礙事即如甲辰乙巳

之間日本因俄國戰事結束和議國民狃於戰勝國之奢望不憚議和條款叫囂奔走舉國騷然究之徒於國內自招損失每晤日本明達士夫談及此事至今猶爲慨然商學各界其有動於愛國熱忱激爲無謂之意氣者經此一番解說自可無滋擾至若遊手好閒蓄志非爲之輩藉端生事卽爲法斷不容非從嚴查辦不足以儆效尤除飭公共租界法租界兩公堂切商捕房隨時拿禁並行各縣警一律查究外爲此示仰商民人等一體知悉自示之後其各懷遵毋違此示

▲中央電之大略

聞滬海道尹楊小川君昨奉中央

來電略以中日交涉現正在和平協商主權所在詎能稍有忽略頃聞滬上有開會情事殊碍邦交宜切實宣導云云刻楊君已分飭一體遵照矣

▲發傳單之處罪

公共租界黃浦路某洋行出店覘

慶又南京路某店學徒沈長林因於前日午後在福州路南京路等熱鬧之處分發抵制日貨傳單被老開捕房四十號西探查見

以傳單上語多激烈有碍租界治安特將倪沈二人帶入捕房昨解公共公堂請究即經該西探稟明前情並將傳單呈案請察聶襄謙商之美畢副領事判倪罰洋二元沈罰洋一元一併充

▲當道電致中央之大概

聞本埠當道昨日電

致中央大致謂滬人對於中日交涉初甚憤激經某等會同曉以大義已一致鎮靜決無滋擾情事乃聞日人藉以保護僑民有遣派艦隊來華之說當此全國一致人心憤激萬一因此激動人民將將誰屬乞即質問拒絕至保護外人地方官自負完全責任云

▲淞滬警廳之文告

淞滬警察廳長徐輔洲君昨

日出示云爲剴切示禁事近聞本埠愚民在租界地方有散布傳單抵制日貨情事更有分投各處見有日商招貼擅行扯毀者種種行爲殊無意識且恐匪棍流氓藉端生事於公衆治安尤有妨礙本廳長有保衛地方維持秩序之責自應嚴行防止以保公安除通飭各警署隨時禁阻外爲此示仰地方人民一體遵照以後務各安分營業勿得有此等舉動倘有橫暴行動集衆生事以及

土棍流氓從中搆煽釀生事端者定即從嚴究懲決不寬貸其各遵照勿違切切此示

▲楊道尹一再佈告

滬海道尹兼特派交涉員楊

小川君爲中日交涉問題會出示解說已錄二十六日各報昨日楊君又出佈告並送刊各報其文與前相同惟中間略有裁節爲再照錄如下 照得人生在世睦族善隣不容忽視國於天下本同此理輔車唇齒交鄰之道在近益親我大總統受任於存亡之秋四年於茲次第就理內政外交籌之已熟即就國家關係而論以一人首當其衝自較凡民更切歐戰發生以來震撼危疑維持中立全國七嚮賴以不驚紳商士民諒所共見現因日本交涉條件暫難宣布道路傳訛倡言抵制日貨開會集議發播傳單夫外交秘密乃世界各國之通例非僅中日兩國爲然夫民氣所在固屬國家後盾然倒行逆施適足憤事商學各界其有動於愛國熱忱激爲無謂之意氣者經此一番解說自可無滋擾至若游手好閒善志非爲之輩藉抵制日貨之謬妄行爲肆言恫嚇騷擾不顧國際交誼爲法所不容非從嚴查辦不足以儆效尤除會商領

補領事飭公共公麻切商捕房隨時拿禁並通飭各縣警一律查究外爲此示仰商民人等一體知悉自示之後其各凜遵毋違特示

▲政府致電當道

自中日交涉發生各界人士因政

府嚴守秘密互相疑慮紛紛電陳政府要求宣布並願犧牲一切爲外交後盾現聞政府因查滬上發現種種私人團體深恐稍一不慎阻礙外交昨特致電當道大致謂私立團體迭奉大總統命令禁止解散政府對外方針尤較國民爲切近聞有人利用亂徒鼓惑人民激起疑忌輿情雖不可拂詭謀亟應嚴防稍一不慎反增外交阻力合電遵照如有不正當團體名目即便妥慎解散隨時查禁云云

▲彼此均應勸誡

滬海道尹兼特別交涉員楊小川

君以中日交涉兩國政府正在和平協商深恐兩國人民互相疑忌故已面諭滬滬警察廳長上海縣知事分投勸諭如有無意識之舉動即行查究並請日領勸諭日商對於華人亦應互相友愛勿稍仇視在案昨因市上發現日人謾罵華人之揭貼故又特派

各省官廳之舉止

交際科科長陳震東前往日總領事署聲言彼此切誠中日商人勿生疑忌聞日領頗以爲然云

▲勸勿開會之電話

上海縣知事沈寶昌君昨接

楊道尹電話以訪聞有人爲中日交涉事擬於二十九日午後二時在北四川路丁興里續開第二次國民大會飭即妥爲勸導設法解散等因沈知事除轉報滬滬警察廳查禁外特派地方警察事務所探役馳往該里勸導解散俾免肇事

▲禁止扯毀仁丹廣告

滬滬警廳徐廳長昨日

通飭各區署云案查前奉道尹飭知查禁扯毀電桿上日本仁丹廣告當經傳飭各區遵辦在案惟區域廣大崗位較稀稽察或有未周致被無知愚民乘間扯毀爲此再行傳飭該署長員嚴飭各該崗警加意保護如有前項情事立即禁止倘敢不服仰即拘究

▲發傳單罰洋一元

法捕房石總巡前以法租界

內日商所開之店舖不下數十家深恐有人至各店吵鬧故諭各探捕如查見聚集多人在日商店舖門首胡鬧及在途分發傳單者須好言勸散如有不服許即拘究及至昨日果有俞湘庭談士

喜兩人在法租界分送傳單並捕向阻不允帶至法公堂請示前等同供此項租界並非我等自印係在囹圄得來是實中西官判各罰洋一元充公了事

▲詢問派艦之虛實

江甯馮上將軍以排斥日貨

一事係在上海租界稍有齟齬不能發生問題至其他僑商各該地方官警均照約切實保護可無他慮乃聞外間有日人遣派艦隊藉以保護日僑之說昨特電致楊交涉員飭即查復核辦楊君當即往晤駐滬日總領事有君詢問有無此說據有君答稱並未奉到該國政府明文說有此說亦屬保護日僑楊君謂保護僑商自有地方官擔負責任儘可無虞說有此事高一激動人民公憤反多不妥務望轉達貴國政府等語昨彼此竭誠商議頗為契洽楊君返署後即將以上情形呈報將軍及巡按使請為察照云

▲中央來電之大旨

聞滬上當道近又接到中央

來電謂昨聞福州又有人拋擲石子擊毀日本商店此等舉動在我人民雖係出於愛國熱誠然利害所關固不容髮(中略)務希查照前電切實告戒商民暨諸色人等一體知悉慎勿徒逞一朝

之忿授以口實並希轉飭所屬隨時加意防範等因現淞滬警廳徐廳長已遵照飭知所屬各區署隊一體防範矣

▲官廳公函之勸誡

南商會總協理近接官廳公

函略云有人在滬倡議抵制日貨並有無知頑童毀及電桿木上之日商招貼曾經出示曉諭禁止在案因恐日來仍有此等舉動飭即轉知商界務須和平勸導不宜逞忿激烈致生交涉至日人要求一事應聽政府主持是為至要云云聞該會接函後已定於日內開會邀集各業領袖會商勸導之法云

▲淞滬警察廳長徐輔洲君因中日交涉風雲緊急本埠人民有創議抵制日貨者已經出示勸諭並飭崗警隨時查禁惟查浦東洋涇鎮一帶多有日人所設之貨棧而該處附近其昌棧等處素多盜匪恐有借端滋擾情事昨特諭飭該管第三區署長督同所轄各分署各派出所實力巡查妥為保護

▲上海縣沈知事查得本邑各鄉鎮暨火車路線經過之處皆有日本藥房所製之仁丹牙粉等物木牌廣告恐有好事之徒潛行搗毀致滋口實故已分飭四鄉地方警察各區員一體查禁如有

人民發生排斥日貨開會集議之舉並着切實開導勸令解散云

▲浙滬警廳徐廳長昨日飭知所屬各區署及各分署云照得前
有無知愚民散布傳單宣言抵制日貨業經通飭查禁在案乃近
查各處仍有將前項傳單私行張貼以鐵片刻成字樣於牆壁之
上隨處刷印成字者殊屬不成事體若不嚴行禁止實足貽人口
實除分行外為此飭仰該署長員遵照即便嚴飭商警認真查察
如遇有前項情事應即先時妥為禁阻不服則將為首之人拘案
酌罰以示懲儆如係無知頑童應即傳其父母或行使親權之人
酌予處分令其領回管束惟各長警等務各和平從事不得操切
滋生事端是為至要所有境內各處已貼之傳單及刷印之字跡
並即飭警逐處查視立即扯去塗毀毋再留存切切此飭
▲徐廳長又飭各區署云照得前因電杆上日本仁丹廣告有被
無知愚民扯毀者迭經通飭禁止在案茲查此項廣告以一二區
境內扯毀為最多該警官等防範不力已可概見應將該署長員
等先行申斥以示懲儆將來如因此事發生交涉問題仍當另予
以相當之處分也除分行外此飭仰該署員即便遵照認真防範

各省官廳之舉止

勿再稍涉疏忽是為至要切切此飭

▲張斯交涉員告示

自中日交涉發生後一般愛

國熱心過度者刊發傳單抵制日貨或將日商所釘廣告商標及
該商店門前玻璃等擊毀經該商等稟請駐滬日領會同捕房親
往履勘預備向華官交涉嗣由明白事理之華人剴切勸告駐滬
特派交涉員楊小川君亦恐惹起國際交涉立即出示勸諭此項
示諭早經宣佈惟未移行公共租界張貼故前日由楊交涉員將
此項示諭送請領袖領事簽字後於昨日送到總巡捕房業經麥
總巡分飭各捕房捕頭派捕携往各熱鬧處所糊褻張掛俾眾週
知

▲軍界保護日商

步兵第七旅旅長於前晚為始

每夜飭派步兵二連一連自晚間七時起至十二時止一連自半
夜起至天明止在南市及城內各街道荷鎗梭巡遇有毀壞日人
招牌廣告及其他舉動者即行拿辦以盡保護之責

▲探捕搜索印刷品

英美捕房麥總巡查悉近有

由他處來滬形似留學生者甚多分寓租界各旅館內恐有刊發

各省官廳之舉止

語言激烈之傳單並聞有蕭某等多人寄寓江西路附近鴻發棧內當於前日派令中西包探前往調查適蕭等有事他出經該探等搜出印刷品多張帶回捕房俾資研究

▲拘留三星期

皖人王光浦因被日商馬魯馬大依

蓋哈大那蓋馬拉希泥馬拉等指爲在四馬路料衆嚇阻華人至伊等店內購物並擊毀商標等情業經捕房將王解送公共公廨諭着押候訊究在案前日午後由聶襄謙會同日副領事西田君研訊明晰判王押三禮拜滿釋放

▲當道之維護

當道爲保持公安起見業與領事團

協商凡有散播傳單擾害行爲一致從嚴查禁並表示上海方面爲萬國通商口岸決無意外問題發生其實力維護情形大致如下 (一)通飭各屬凡外人在中國領土生命財產地方官負完全責任照約實力保護 (二)租界內外如有違犯警章造謠煽惑認爲有礙公安由各該管警捕隨時嚴查拘辦 (三)中日商民彼此互相友愛各安生業由中日長官各自誠勉 (四)租界內日商由各該管捕房查照工部局警章一致保護如有發生齟

齟應向最近之捕房或巡街中西印捕報告分別調查滋事之人核辦聞以上情形已由當道呈報中央並於會商領事團時竭誠表示矣

▲馮上將軍之通飭

上海軍警行政各機關昨奉

宣武上將軍通飭大致謂統率辦事處電開接山東奉天電稱日人借換防爲名濰陽新到兵四千人濟南一千餘人並砲兵一中隊各等語奉諭已由外交部嚴重交涉因恐遠道傳聞或有失實特電達續准電開交涉正在進行恐有不逞之徒藉端造謠希圖煽惑希通飭各屬慎密防範嚴拿究辦等因到署合亟通飭遵辦云云

▲中央政府之注意

中央政府以滬上有人刊登

傳單抵制日貨雖經電令楊交涉員與駐滬各國領事出示勸阻業已平靜仍恐尚有熱心過度者繼起煽動因復電致楊交涉員照請外交團轉飭捕房一體留心偵察以免發生意外交涉云

▲解決中日交涉之電音

上海鎮守使署於昨

晚九時通函滬土各報館云頃接北京內務部庚(八日)電日本

國

恥

交涉案已於本日正式答復和平解決茲特函達希即登入貴報以定人心云云


松滬當道於昨日未得內務部通電之前曾電達上峯及中央政府聞其內容有軍人同仇敵愾之心已達極點若甘爲退讓恐軍心不可遏制所部軍士均因此奮勇請纓願尅日派赴前敵効力疆場除力持鎮靜勸令靜候後命外特電飛告云云

上海軍政各界轉奉統率辦事處蒸電謂中日交涉條文尙待解釋審慎簽訂將來自可宣布以釋羣疑惟海外黨人素抱破壞主義當此人心憤激之餘難保不藉口外交失敗造作謠言希圖煽惑務須嚴防云云

本埠軍界昨又接到北京政界來電謂中日交涉確已和平解決現中政府所承認者係南滿蒙鐵路及鑛產懇田森林等款由中日兩國合辦所有日本要求由日政府派委日員教練中國軍隊及中國政界各機關聘請日本顧問官暨中國軍用槍械須向日本購辦各條業已作爲罷論中日政府皆已認可實與我國主權並無損失惟恐各省人民或有誤會情事故除於昨日通電各省

各省官廳之舉止


將軍巡按使迅將中日解決辦法飭屬佈告以定人心外特再電聞云云



國 恥



各省官廳之舉止



●日人對我之論調

子興氏有言。人必自侮。而後人侮之。國必自伐。而後人伐之。他人敢以侮蔑之言論。加諸我。必我先有容此侮蔑之言論之餘隙。而侮蔑之言論始相乘。今彼邦輿論。悉已造成事實。我同胞當深維。致此侮蔑之由。而痛自警覺。急圖振作。使他日不容再有此種侮蔑之言論。加諸我。是乃編輯茲篇之意也。 編者識

大阪每日新聞載東京消息云。日本外交家。測度中國承諾要求新案與否之見解。共分兩派。一說謂中國政府必承認其說。謂中國政府前曾以哀懇之態度。求日本緩和條件。今忽有強硬不穩之態度。蓋以爲日本政府向來眷戀平和。必不用最後手段。故飾

爲強硬之態。以便鎮壓國內之反抗。一方猶冀日本稍可減輕。至日本政府有鞏固之決心。袁總統決無不知之理。且中國表面雖云安靜。然袁政府之力。尙未及於南方。如使日本執最後手段。則袁總統之位置。亦不能安。惟袁總統前於各將軍。按主張強硬時。曾聲明事關主權。決不讓步。若全部承認日本要求。則國內必有大起反對之虞。故躊躇不決。今新要求案。多少斟酌中國之主張。更改其形式。則袁總統之面子。亦可稍全。且袁總統及中國當局者。雖屢言主權。然並未明言某條侵犯中國主權。實則日本要求中。並無一條侵犯中國主權者。袁總統與日本協定後。宣示國民時。卽令稍有異議。儘有辯解之理由。若強拒要求。既危國家。且危自身。袁總統之策。當不如是之拙。故必承認也。又一說謂中國將拒絕新案。其理由略謂中國方面。今尙誤解日本之決心。以爲新案中尙有許多磋商之餘地。如更遷延交涉。陷日本於窮境。則條件仍何可望減輕。且今若允日本要求。則發許多犧牲。收攬之民心。將有復失之慮。袁政府之地位必危。卽令拒絕無效。或施利用第三國之手段。亦必不遵承認。卽令結局承認。亦俟日本明示

國

恥

其最後之手段及決心然後決定如是可使國民真知其為不得已之結果以便防止反抗心且於將來對抗日本上可利用第三國之感情中國政府之謬見如是若果用此策必致非常危機結局且累及中國之國家及袁總統自無待論然觀中國當局者之態度恐將出此危險之途也以上兩說極端相反然逆料中國必巧為辭令以冀日本減輕條件則兩派之說一致也

又大阪每日新聞社論亦謂中國終必承認其所引理由四端（一）要求正當（二）日本之決意不可動（三）四圍之形勢不利於中國（四）袁總統富於計算其全文則獨重第四端歷舉袁總統一生事蹟謂善於機變有避禍之卓識今中國政府大計皆決於總統一人但使總統不失其卓越之識決不至出無謀之舉動而拒絕要求故必承認且謂袁總統若已失此柔性之能力則是袁氏老耄之証中國亦可謂已無經國濟民之人實中國之不幸也

東京每日新聞載日本某樞要人譚話云交涉勢急國論沸騰亦向來照例之事發堂堂正正之國論固為外交有力之後援然

中國外交之特色以遷延時日發見遁途為能且時用以夷制夷之策故今日宜稍放緩喧囂躁急殊非大國民之態度對華要求條件如何今雖不能明言要皆從前懸案遠者為日清戰後之結果次則日俄戰果最近則日德戰果日本認為不能不解決者中國若能知日本向來保全中國之誠意必不拒絕况袁總統之一身表而雖安靜而排袁黨宗社黨革命黨徧伏國內以袁氏之狡獪果能擲國運及自己之運命為孤注以與日本抗乎或謂袁氏祇望英美干涉苟稍知兩國現狀即能斷定此說不值一顧近日頗有人謂外交時機已去唯研究衝突期之如何而發激烈之論者其愛國之精神誠可諒然實際日本外交發揮大威力即在此數日并未至稱兵之時機始終當用平和手段一步不讓迫其承認若此等手段彼尙冥頑不悟日本自有方法然此乃局面全翻以後之處置今日國民宜沈着自重念中日兩國之將來靜俟談笑之中解決此事勿因形勢急轉遂大言壯語使西人以好戰國民咎我也

該報又載熟于中國情形者之某氏談話云在野政客論對華外

交者。有國民義會。及國民外交同盟會兩團體。前者擬任現內閣解決此事。後者則於此頗懷疑。然刻下時機緊迫。二十年以來之宿題於此解決。本社按蓄志已久。實國家之大問題。不能因立脚地位不同。遂加以私意。兩方皆須鞭撻政府。喚起輿論。以期貫徹今日之事。非一加藤一日置之體面手段問題。日本爲東洋盟主。鼎之輕重實決於此。際。本社按其志甚大。日清日俄日德三戰之效果。將於此舉其緒乎。抑最後忽頓挫乎。實判於今日。故要求承認與否。與其云利害問題。不如言威信問題。若山東滿洲派兵已數師團。苟尙有讓步。削除之事。則卽僅一項。將來日本對華之威嚴。亦必將掃地。世人或謂若彼能容滿蒙問題。餘事互讓可也。然事至今日。實非研究條項輕重之時。只有概括一舉。問其諾否。不然則他日中日合辦。及中日共同之事。必招彼等輕侮。其弊不可勝言。局面變轉。固有可悲之事。然解決甚速。余上月曾遊山東及滿洲。知中國軍隊到底無能。爲前日本交替兵到彼上岸時。聞中國濟南之兵。陸續欲遁。逃。頗費管理。彼苦力之傭兵。不知忠君愛國。爲何事。果能何爲乎。

日文新支那報之社論云。中國對於日本之修正要求案。果將如何答復。諾乎否乎。抑設詞以圖延宕乎。若果故意遷延。則吾人竊望日本當局早出斷決之態度。反覆論辯。已經八十餘日。日本當局之忍耐寬容。亦可謂異常。推其意。無非欲使中國當局開發誠意。十分解識。日本要求之真精神耳。如要求各條件。當初提出時。曾經慎重審議。爲彼此雙方福利及東洋永遠平和計。到底終不得已。專爲貫徹激目的計。實無討議至今之必要。然日本之意。務欲使中國當局開誠布公。對於兩國前途。及東洋將來。與日本抱同一見解。此其所以遷延至今也。(譯者按。此直謂容我討論。已爲過分。夫國際間兩國相處。斷無有不經磋商而定約者。若此文所言。何得名爲交涉。惟命令庶幾如是耳。此次交涉。中國非戰敗國。強迫要求。已嫌有傷睦誼。况不容討論乎。以此名爲忍耐寬容。作者撫心自問。當亦自笑其強詞奪理也。)而觀中國之態度。實不能不引爲憾事。然日本當局於忍耐之上。更加忍耐。就中國之希望與主張。凡可斟酌者。皆已修正。期其承諾。在中國宜十分感謝。迅速承諾。而竟五日猶未見回答。若更不得要領。安在其有誠意。

表示耶。中國報紙所論承認要求亦亡。不承認亦亡。固屬一片陳言。妄議重大時局。然若能以誠意對日本。知其不可。猛然一戰。爲中國計。亦未嘗不可。卽不幸戰敗。亦可激發愛國熱誠。爲他日強國之資。若能悟及日本要求。終不得不承認。則宜早速解決。使東方重現光明。不惟得策。且功德亦甚偉大也。而竟遷延八十餘日。或喧呼開戰。或煽動排貨。日本此際。十分忍耐。而中國則破壞彼此交情。使東方形勢危迫。使世界列國增其疑惑。(本社按是誰爲之)一方面之誠意。竟似不能稍有感動。若此後更加忍耐。則已過忍耐之度。寧可謂之屈辱。日本之威信斷不可損也。中國若能翻然改計。東洋之福。莫過於此矣。

大阪朝日新聞論中日關係與世界政策云。交涉今惟待中國回答。若中國峻拒。結果如何。則不可知。或者一時拒絕。對於最後通牒。則無拒絕之意。亦未可定。如是則中國對於列強之運動。全歸無效。袁總統必以爲列強因戰爭之故。無暇及此。列強今日誠然無暇。然謂列強僅因此事。遂承認日本對華政策。則實大謬。自實際言之。列強向來於日本對華政策。或直接或通結中國。常思阻

其實現。若此態度。係出於彼等一貫之世界政策。則卽令今日無如日本何。而爲後日保留權利計。亦必不得不有所爲。然彼等今日於日本對華政策。除消極承認外。毫無所爲。蓋日本對華政策。根本上與列強之政策無妨礙也。雖日本對於中國處特殊之地位。列強實有不平之感。故彼等動輒輕視此事。欲於事實上加以否認。向來中國如袁總統等。極利用列國此等傾向。以爲對日本外交之屏障。然日本在東洋地理之位置。及最近歷史之事實。日本國家存在之堅強。使列國無論何時。不得不承認。列強所以輕視日本此特點者。欲擴張自己之利也。爲已國之發展。務須蔑視他國之特點。政策上之原則固當然也。故日本之對華政策。與列強之政策。似時有衝撞者。皆因此實言之。卽由列強輕視日本衝撞乃起也。是以列強不蔑視日本。則衝撞之事。自然可免。列強今無餘暇。顧及中國大陸。故對於正當之舉。只可承認爲正當。舍此別無他法。彼等并非力有不及。遂默認日本不正當之要求。爲是也。

中國對日以列強爲屏障之策。既破。其結果。列強之世界政策。當

益合條理。蓋最近之世界政策。因國民思想之變遷。變其傾向。擴關領土。伸張國權之政策。已經全廢。然列強以爲世界尙有不能。用此新政策之地域。其所指者。以前爲非洲及東洋。近乃專屬於東洋。此思想同不正當。然從前之歷史。實足証此爲是。列強在近東及中東。欲避舊式之領土戰。及外交戰。乃承認俄之極東政策。而極東列強領土接觸之域。尙在不安之狀態。舊式外交政策。較新政策爲適當。加以中國政府。適於列強舊式之爭奪。中國專學土耳其及波斯。欲藉列強重力關係。以自安。遂使列強認東洋爲舊式外交地域。且以日本爲舊理想之國。關於此點。日本固多辨解之地。然列強之作此想。亦非無理。日本武士之精神。軍人派之元老政治。軍閥政府之有力。種種情形。自外觀之。頗疑日本類乎德國。加以日清日俄之戰爭。朝鮮之合併。在日人以爲最微之奮鬥。外人何能解此。此其所以誤解也。故其對華政策。對於日本亦用舊式。今欲救此弊。惟有兩途。一則中國覺悟。二則列強覺悟。兩事相需。然後可成。徒使中國覺悟。列強未覺。仍不能救此弊。即如前次革命。列強以爲中國覺悟。於已不利。故爭效力於袁政府。遂

使中國醒而復睡。今日日本欲強制使中國覺悟耳。日本固不問中國內部之進化。但對外必使其有適當之傾向。此政策中國若覺悟。當必採取中國固無顧及日本存在之必要。然中國若蔑視日本之存在。則東洋平和不能言。不審惟是。若蔑視日本對中國之特別地位。東洋平和亦不可得。日本若蔑視中國亦然。中日密接。乃能使列強棄其舊策。列強果能棄其舊策。然後東洋和平始能保。列強中如英美稍能解此。而中國乃欲英美干涉。殆所謂以己度人者是也。所謂中國覺悟者。在內則國民政治覺悟如日本。在外則中日親和。以求東洋進步。然後東亞大陸。乃免爲國權領土擴張之舞台。列強目下。誠不能施其舊策。然中日關係。若不更新。則事後列強必又用其半野蠻之外交政策。故救除此弊。實今日急務。如袁總統等人。殆未必能思及此。故強制既爲必要。且有利也。

大陸報二十二日。東京訪函云。二十日大隈伯語國民新聞訪員曰。華人遇事疑忌。不了解他人心思。此次交涉中。日本所提出之要求。皆極明晰。毫無意義含混之處。但中國爲德國等奸計所誤。

導以種種託詞延緩交涉。抱不決定之態度。雖然中國除承認全體要求外。別無他法。今所談判之事。皆發生於中日戰爭之時。中日一戰。由於中國愚昧所致。當時日本外務省與中國交涉。大為困難。吾人當猶能憶之。日俄戰後。日本勝利之兵。仍在滿洲。不難直趨北京。乃小村候爵。猶未能解決中日難題。外交之難。已可見矣。目下交涉。不過解決小村候爵所未了之事件耳。今日日本有加藤為外相。中國有陸徵祥曹汝霖為外交總次長。皆第一流外交家。袁總統又為偉大人物。但華人終不脫華人之本色。易為他人奸計所誤導。以致交涉延緩。華人或以吾人要求為過分。但吾人提出此要求。乃為保全東方和平增進中日兩國利益起見。他日交涉辦完。兩國邦交必大進步。俗語雨過地堅。此之謂也。今交涉已至目下地位。無論如何。必須於五月間國會開會之前完全解決云。

讀賣報曰。設中國承認吾人要求。各國對之。將有何言。吾人恐吾政府諸公未曾注意於此。吾人不欲因已往之失敗。責吾政府。惟今日有兩法。為本所可行者。一為用武力強迫中國答覆。一為退

讓若干條件。以完交涉。日政府果用何法乎。吾人願其採用第二法也。華人不盡為愚人。亦非全無愛國心。未必肯輕易聽從外人之指使。而依允其要求。至於日本態度。吾人苟平心言之。誠有傲慢之處。然傲慢本非日人之性質。日人之於弱國。未嘗無主持公道之精神。所可異者。近來報章不復提倡此種精神耳。但若謂日人不歡迎穩健政策。則未免誤矣。

中央報曰。日政府秣馬厲兵。有躍躍欲試之狀。似已欲用猛烈手段。以解決交涉矣。乃中國仍態度堅定。不為所動。英美且以阻力加於日本。事態如山。誠可為吾人外交上之重大事件。吾人願政府勿再延長交涉。蓋要求內容。已陸續為世人所知。吾人之地位。將愈趨而愈下。今關於要求內容之傳達。或真或偽。已佈遍於世界。倘繼此不已。則不獨中國。即全世界亦將更誤會日本矣。日本苟欲免去將來之危局。則唯有設法速了交涉而已。

報知報曰。日政府鑒於中日交涉之重要。已決計於內閣會議後。另採他項方法。此次決議之結果。吾人無庸討論。數日內自可於北京會議中知之。但日本苟非如願以償。則必不甘心。吾人甚惜

中國不了解。日本維持東方和平之真意。一再談判。殊屬無謂。若日政府今採調停態度。則因亟欲維持和平起見。如中政府不明此意。而視此為日本主張不定之結果。則不獨大誤。且將造成危險之時局矣。

國民新聞曰。要來內容。未經當道宣佈。國人不能知之。故日本前所行之方法。與今日所決議施行者。其中有何異點。國人亦不克知其詳。政府守秘密主義。非至所要求之權利已經獲得時。不允將其條件宣告於衆。吾人對於政府之守秘密。不欲有所抨擊。但政府不能阻止要求內容之不洩漏於外。再政府前稱交涉順適。今謂頓挫。前後矛盾。此吾人所引為缺望者也。日政府於開始交涉時。曾否鑄根本上之大錯。吾人竊有所疑。吾人願知日政府果有何根據以辦理交涉。凡辦理國際談判時。必先解決要求大體。而後續議細則。今日日本辦理談判者。如先未解決大體。馴至目下頓挫。則將如逐野兔於平原。雖一再談判。終無益也。

朝日報云。中日會議已歷多次。日本已將其地位告知中國。詎中國仍拒絕日本重要要求。今若繼續談判。何益之有。吾人應再行

日人對我之論調

提出要求條件。如中國再不承認。則吾人當行他種方法以解決之。雖吾人行此方法。或為華人所不悅。然實逼處此。不得不如是也。譬如頑童患病。不肯服藥。則其父母愛子情殷。惟有以強力迫其服藥而已。無他法也。（本社按吾今師其法作一喻曰。子進父母以藥謂出自敬愛心。冀其壯健。而藥係二十餘味毒質合成。實意在乎謀其遺產。而欲其速死。則父母能甘服此藥乎）

日本近頃出版之雜誌有所謂（外交）者。頗足惹吾人之注意。最近之第二期發行。其開篇之社說。題曰（對支外交之心得）。今述其大要。以戒國人。並以為我外交當局者鑒。

（一）支那之尊大心。支那自稱為中國。而呼外國為東夷南蠻西戎北狄。此為其歷史上所遺傳。蓋世界無論何國。其自負自信。自居尊大如支那者。殆為罕觀。苟其尊大之理由。為國力之強大。文明之卓越。猶可言也。（我國民聽者）然支那之妄自尊大。毫無此種之理由。（本社按然則日皇稱天皇為今日全球所無其尊大為何如乎）其士夫之卓卓者。僅於日本。或其他諸國。一二年間之點綴的速成的國際法。或其他法律政治之學習。遂試其杜撰

淺薄之議論。以尊大態度出之。實令人冷笑不止。而又可爲慨歎者也。（本社按學生求學於日。不若直接求學於歐國爲佳。近來固嘗借重彼之教益。第曩時彼之文明實自我輸去也。）

日本之對支論者。有種種之不同。然以支那爲同文舊交之國。當如輔車之相依。則意見殆爲一致。此意見洵屬盡美盡善。然欲實行此種意見。不可忘却支那之先天的尊大心。必對之持適當之威嚴而後可。夫以嚴正之態度。使無常識之妄自尊大者。猛省。無論於個人間。於國家間。皆爲必要之道耳。

振青按日人之言誠可謂能發中國之病根者。過去之陳舊歷史。無論矣。猶憶往歲國會將解散時。甘肅隴東道觀察使王學伊者。電呈大總統文中。有（列強服教而輸誠。五族向風而皇治）等語。牢不可破之自大思想。誠可謂痛哭流涕者也。

（二）支那之恐外病。支那自大之態度。雖如左記。然實堯舜以來之遺傳的恐外病國也。誰謂秦始皇爲雄偉剛健之人哉。彼實恐外患之尤者。萬里長城。非其最大之紀念物乎。（本社按立語不可謂不雄壯。但萬里長城。猶今之礮台也。可謂建礮台。卽係恐

外乎）從孔教之中。亦多可發見恐外病之原則。支那歷代之史蹟。不啻恐外病之臨牀日記也。

支那既自開國以來。卽罹於恐外病。今當列強虎視之中。乃益昂進其病熱。顧對於日本。偶以同文同色之故。非如對於泰西列強之恐怖。每乘機而發揮其尊大之心。是對支外交家心得之關鍵也。

（三）鄭子產一流之外交。支那於外交上有一種特色。可謂爲鄭子產之流風。卽介在列強之間。左顧右盼。巧其辭令。以彌縫於一時。而欲於強國相爭之際。自維持其利益。此實鄭子產之外交也。更進一步。巧於操縱強國。或賴美或依德。或時時誘勸強陵於列強爭利之間。圖自國一時的安康。此支那數千年來。外交上之大弊。近日山東撤廢交戰區域之事。卽上述之明証。於此機會。對支外交之心得。宜抑制其尊大之心。注意其恐外之病。注意其鄭子產一流之外交。

振青按上之所云。然乎否乎。是皆不必深論。惟願我外交當局。引以爲鑒。我國民一致勿蹈其病可矣。雖然彼所云鄭子產之外交。

恐我外交當局尙不足以當之耳。此則記者下筆時所最痛心者也。

日人致神州日報狂妄之函

錄神州日報所載如下 有日人某投函本報肆爲無謂之恫喝其文頗不值一噓原無披露之價值願以日人懷抱此謬想者良不乏人其日爲甘言以餽我者不過外交家之一種假面耳今此投函之日人竟掬其肺腑以示我其言雖妄猶不失爲古之愚直也故節錄之以警告我國人其文曰嗚呼神州報支那之日益不可收拾者是誰之過歟(中略)中日交涉之原因因在汝國之失政大日本欲代汝國治汝民免支那人民如喪家之狗口口(二字潦草不可識)汝報動以民氣自慰噫吾語汝民氣果足自慰耶民氣若無統治之機關適足以亡國試問支那統治民氣之機關何在欲恃民氣必先良其政治今觀支那政治已無民氣之可恃矣支那所謂民氣者水泡也支那欲恃民氣以對外不知幾次矣然卒無成功者何也何良政府爲之援助也譬之栽樹焉欲其樹結果實鮮不賴泥土之栽培民氣者樹也政府泥土也樹豈能

日人對我之論調

離土而獨立乎支那之不國舉世人皆知施恩惠於支那者何止一日本且日本今日出支那人民於水火之中者日本之義舉也嗚呼神州日報以汝之國力不能平內亂盡汝之民氣不能整頓汝之政府猶曰抵制抵制吾恐不久當見汝國真正之抵制出矣(△)函中理論紕繆至多記者於外交吃緊時誠不暇與日人爭閑氣故未一一加以駁結第願吾國人見之真知日人對我之心曲如是如是更一反省吾國之民氣果真不足恃否果真足以亡國否使吾民而能一雪此言以爲快者則寧非吾國之幸事乎嗚呼國民好自爲之毋令人笑汝拙矣

附錄日人笑我傳單我同胞注意注意

我們第一強國 (日本) 那怕支那冷血 (烏龜)
目下抵制我貨 (小民) 定是有頭無尾 (不像)
你輩如此暴動 (抵制) 我差總統壓力 (官場)
青島台灣高麗 (榜樣) 已做我的奴僕 (現在)
并非我來笑你 (可等) 不久就要亡國 (眼前)
日本嗎噠哩全

日人對我之論調

按此傳單日人公然貼諸虹口棋盤街等熱鬧處報章亦曾登載

日人侮我之言論

譯者瑜公

大坂朝日新聞社員胡泉近從中國歸日在大坂開會演說中國情形云今日所言乃報紙不便於登之語毫無客氣請先舉中國人氣質之特色(一)無國家思想即如袁氏取愛新覺羅氏而代之直視爲風馬牛不相聞之舉即作悲憤慷慨等文字之人試與之攀談則不過一種勞動者作文換錢用耳其最甚者如發表血書其血質截路傍乞丐之指爲之(二)狡猾即如地方上大官提出辭職表不過一種手段試中央政府待已之程度如何而已又加東洋車夫對於外路初到之客常常多索車資猶且貪而無厭此等氣質不僅車夫爲然袁總統當由河南初出時屢向清廷誇大革命黨之優勢以留已之地步亦是手段此次中日交涉之際張錫鑾會對余言(袁總統大約又要假裝痛苦之態)加藤外相若能親坐中國之車或可悟得此消息此時交涉事亦不能更評不過連絡中日要件之第五項竟行棄置真憾事耳(三)蔑視日人即如日人家中所用僮僕每每藉口體面不肯服役又中國

政府中某人係日本留學生出身常言中國較日本不過遲五十年無論如何必能趕上可見依然不脫中華思想因此等思想流於彼等國民心中欲求善後之策不可卑辭調和仍須相當之嚴厲青島陷後日本軍即撤退可謂對彼親切之態然此次交涉曠日持久之原因即由此親切態度而生世人對於放蕩之子有遂出不認爲子者日本對於中國亦只好用此等政策使彼他日自悟耳就交涉言既已提出最後通牒而又讓步則是既已逐出其子又時時給以用費豈不可笑大阪乃通中國之要地諸君當先解中國人之氣質以謀對待之策

譯者按譯此舉本擬逐語駁斥繼念此等狂吠何有辯之價值但譯錄於此請吾國民牢記此辱努力奮勉而已

世界之公論

人有恒言。二十世紀之世界。有強權無公理。今觀乎各國對於日本要求條件所發之言論。而知世界公理未盡磨滅也。吾同胞幸毋懾伏於強權。遽忘天賦之責任。務速救世界公理之摧殘。冀達到消弭強權之一日。爰輯茲編。藉資猛省。

編者識

論日本之侵略中國政策

大陸報

前某君於十二月二十四日致書本報。詢問時事。內有如日本果侵略中國。不尊重關於中國土地完全及其主權之條約。英國又不扶助中國。則欲保全開放門戶。及中國完全之兩主義。有何策乎。美國處此地位。將有若何行動乎等語。

世界之公論

自某君問難以來。一月於茲。日本於此時期。對於中國進行其危害之舉動。日新月異。毫無顧忌。始則有陰詭之侵略。繼則有公然之佔據。今則挾其威脅之力。更進而要求特別之權利矣。日本刻方乘此大戰時局之機遇。擴充其在中國之土地佔領權。及其獨有之商業地位。直至遇限制而後已。中國之公平友人。不為才力道德上之無脊骨動物者。皆不能復自欺騙而視若無睹也。日本方逐步進取。以盡其力之所能為。必不自立限制。惟武力強大。足以強迫日本之國。始能以干涉限制日本之侵略。然世界各國有此資格。足以單獨或聯合強迫日本者。果為誰乎。此吾人所欲就今日時局及戰事所發生之將來時局。詳加剖析而討論者也。中國有天賦責任。以拒日本侵略。但勢力薄弱。刻不能單獨行之。若中國稍有武力。則今日之時局。不致發生。是以他國人民。為保全自己安甯自由起見。觀於無良善政治。無充分武力之國。必遭危禍之現象。而不能不為之注意。不置焉。中國有應行之事。以阻止日本。今日或將來他國之扶助中國與否。皆繫於此。凡可使日本藉口以行其嚴厲手腕。而以棘冠加於中國之首者。皆勿行之。

此爲中國所行之事。但中國卽慎重行事。亦不能使日本無隙可乘。中國卽不予以破隙。日本亦必自生託詞。山東事可爲明證。（本社按其心他國人亦能見之）無論中國有何行動。凡抗議及維持權利等事。在日人視之。皆可謂爲不正當。謂爲無理。此爲吾人所敢斷言者也。

觀於日本對於中國取銷山東戰域之舉動。足證吾言之不謬。世間事有較日本態度更爲無禮。更爲厚顏者乎。試回溯始末情形以明之。當日本在山東發難之前。曾有可以確保青島在戰爭時之中立。不須以武力解決之提議。乃日本不允。決計侵犯中國土地以攻青島。其時中國之政治顧問某日人。勸中國自定山東省一部份。以作日軍經過之區域。（本社按日顧問如是可鑑）中國從之。德國起而抗議。謂中國破壞中立。蓋以日軍由此戰域以趨青島。較爲便利也。此舉誠爲中立之破壞。亦雙方之破壞。日本侵入中國土地。先破壞之。中國圈出戰域。繼破壞之。日本此後置中國抗議於不顧。擴充戰域。圈入山東省一大部份。繼續破壞中。國中立。復佔據膠濟鐵道全線。其所推托之理由。明顯可見。足使

持公論者。爲之厭惡。今青島陷矣。德國在遠東之海陸軍力已消滅矣。已無復有戰局之氣象矣。故中國擬取銷無存在必要之戰域。以使日軍佔領地。限於德國前所租借之境。中國此舉。果可視爲無理乎。乃日本竟視爲無理。謂中國應先與日本磋商。云中國撤除戰域。毫無碍於日軍之地位。何爲先應與日本磋商乎。數月前德日兩軍。皆以戰域之存立。利於進攻青島之師。日本尤爭論不有戰域。則不能攻陷青島。今反欲保留戰域。不亦奇乎。日本既得青島。且得德國租界地全域。乃欲視此戰域爲青島防務上之必要。以普通知識言之。青島刻有何等攻擊可慮乎。中國以極合法之行動。欲恢復其被佔據之領土。乃吾聞日本竟指爲藐視凌辱。而欲中國允其要求。予之不獨在山東全省。且在中國各省之鐵路及礦業讓與權。以爲賠償矣。

泰西國籍明白事理之人。久居遠東。熟悉此間情形者。現尙有信日本在山東行動之誠意。及其意思之公正者乎。青島陷落三月於茲。而得英國合力。得法俄同意行事。以保全遠東和平之日本。已全佔其地矣。日本曾宣告世界。日本將管理青島及鐵路。按照

開放門戶商業主義。一如德國昔所行者。（此約言後由日本否認謂爲私人之言）並有他種尊重中國完全之言。試問日本種種約言。迄今有一實行者乎。無有也。他國商人。皆被拒絕於青島之外。或受商業上之阻碍。不能稍有施展。而日本商業利益。則滿佈於青島及山東全省。與日本佔據滿洲時情形無異。並握取特別優先權利。足以使與之競爭者。無施展之餘地。一如日人在滿之所爲。遠東商界。今已洞悉日本之方法。逆知其結果爲何如。日本未嘗不舉其理由以告人。然日本善於穿鑿附會。其所謂理由者。誰復信之乎。在遠東明白事理者觀之。日本雖有在其管理土地內公正貿易之約言。然其履行約言之信用。今已絕對喪失。嬉笑怒罵之聲。現漸加於日本矣。至日本承認尊重中國土地完全及行政主權之言。正與日本商業政策同爲不可信。朝鮮滿洲股鑿猶不遠也。

故吾人欲望日本出於己意。改變對華之態度政策。由強硬而趨於和平。必不可得。苟欲得之。非施強迫不爲功。願中國今無復有餘力可施。能孚輿情之強迫。嚮者中國受外人之侮。惟以抵制商

品。爲其禦侮之利器。今行於此事。無益而有害。蓋仇之者將指爲挑釁。有所藉口。以加重其壓力矣。此外如中國往日借他國外交助力。以拒同此性質之侵迫一策。因歐戰之故。亦不能施於今日。夫日本今日之所爲。固有損於英國。及其他西方各國在華之利益也。英國今已有所束縛。且其意中所能傾動同盟國之能。今亦剝奪無餘。日本利用歐戰之機。以冷靜傲慢強暴之態度。在華牢定基礎。迨根深蒂結後。雖欲破之。必極艱難。且不可得。故日本乃乘鐵熱而加錘。不稍遲疑也。日本果能攘其所欲之物而去乎。抑有以阻之乎。

縱觀時局。其能救中國於生死關頭。並保護之。使其將來不受侵迫。直至其能以自保而後已者。殆無有也。雖然此尙非絕無希望者。今者英法德皆不足爲力。俄國之勢力。在此後數年內。或將趨於消極方面。日俄兩國。似已有約。彼此在範圍中。各不侵擾。日本苟不侵犯于預俄國在北滿之最高地位。則日本雖破壞英國之勢力。及其利益達於極點。俄國惟有袖手旁觀。不作一語而已。今之發展事實中。其最奇者。卽爲受日本侵迫之害者。第一固爲中

國。第二即爲日本之同盟國。英國是也。英國因歐洲戰局似已處於不能抗議之地位。不但不能抗議已也。且明明視日本傷害其在揚子江流域之地位。及攘奪其利益。而猶不能不佯稱對於日本行動頗爲滿意也。東西各國與太平洋均勢。最有密切關係者。首推美國。夫太平洋之均勢。固視東西各國均勢。及中國命運爲轉移者也。此致書本報者。所以有美國處此地位。將有若何行動之問也。

何爲美國所能爲者。乃一問題。何爲美國所欲爲者。乃另一問題。美國所能爲者。及所欲爲者。皆視美國所當爲者而定。凡義理上所應爲者。則美國當爲之。毫無猶豫畏縮也。美國所可爲者。不一其道。其激烈而或不智者。卽於必要時。以武力扶助中國是也。微以外交之觀念。美國從美日等國所立尊重中國之條約上。及美國將來利益上。確有以武力助中國之理由。然吾人確知美國今日握權之政府。決不行此策。是以中國不能依賴美國之扶助。蓋美國苟出而扶助。設遇日本之反對。則將兵戎相見。此非常今美政府所願爲者。此種情形。中國當體察之。若日本則已早知之矣。

故敢弁髦條約。任情直行。日本既藉同盟名義。予英國以戰爭中之扶助。藉以阻止英國。使其不能反對其侵略政策。一面又買弄加里福尼亞殖民問題。以抵制美國。使其不能扶助中國。此乃日本自信。可以牽掣英美者也。

夫武力既不可行。則不得不舍諸而求和平之法。然則吾美可以發端加於日本。而直接或間接以制日本者。果何在乎。曰經濟勢力其一也。外交勢力其二也。造成國際之局面。施行國際之舉動。庶幾可驅日本。不得已而趨於正當之途也。夫日本實行侵略政策。無論其施於中國。或施於他處。若徒恃其本國之財力。而復遇激烈之抗拒。則其奢望必不可償。日本有恃無恐者。惟英日盟約發生之勢力。及其就該約牽強附會之勢力耳。舍此則日本所處之地位。決不能如其報章公然宣布之方法。逞其控制中國之野心。此可斷言者也。英日聯盟果可破壞乎。今非其時也。惟歐洲經此大戰。時局必變。英日聯盟重要之本性。所謂利益均沾者。恐將不復有存立之餘地矣。識時者久。以英國於此盟約所得不償所失。爲言。英國苟明乎此。則聯盟之命運盡矣。美國對於英國。或分

其擔負。或予以報酬。動以情。欲以利。則英國或爲心動。而中國庶幾有望。此須賴美國外交手段成之矣。大戰之後。若干年內。各國瘡痍滿目。需款孔急。必無餘資。可以貸人。日本苟不得他國經濟之助力。復不能告貸於他國。則欲實行足以抵抗反對各國之海陸軍計畫。勢有所不能。然吾敢謂日本必豫料及此。而有所備。蓋日本早於東方安置與俄聯盟之基礎。以爲未雨綢繆之計。日本外交家計畫已定。敗之匪易。無論如何。必與他國合謀。以求達其目的也。

他日戰局告終。各國必召集萬國會議。以理時局之棼絲。於是美國乃得乘機施其壓力。以保全中國爲務。美國應要求派代表與會解決。直接關於美國利益。及世界和平之問題。中國亦有與會之名分。蓋中國於此次戰爭。皆爲他國牽入漩渦也。美國當於會中嚴促各國承認中國之權利。及以公道待遇中國。及其他更弱諸國。更可提議以中國之懸案。交由萬國公斷。或海牙裁判所判決。（本社按海牙裁判廳不可全賴必自奮振乃可昔年該所置我於第三等國此如何耳）日本或他國苟有抗議者。則可爲

彼等挾有陰謀確鑿之證據。英國於此爲道德及利益計。必不能不贊助美國與中國也。德奧兩國亦必樂從。意大利及其他小國之許可。自不待言。法國若非爲俄國之邦交所束縛。無反對之理由。總之。凡自負文明而主持公道之國。斷難反對中國受萬國裁判所公正之裁判。中國果受公正之裁判。吾敢決其必得直也。是故今日凡友愛中國者。一面宜喚起美國之輿情。而導引美國施其權力以達此目的。一面宜運動英人。贊助此見。中國今日幾不能以其國事求世界公意之判斷。其國中報章。受間接之恫嚇。噤若寒蟬。其政府之抗議。雖屬懦弱。而侵略者尙指爲侮辱。故中國之友及世界之愛公道者。當爲中國代鳴不平。他日萬國大會開幕之時。文明各國於強暴狡猾之外交陰謀。既已飽嘗其味。當願爲強弱各國。措國際事務於公正之基礎。可無疑也。果有此機。則中國唯一之希望。皆在此矣。而日本侵略之慾望。亦可受制於此。想萬國大會當能穩立基礎。規定條件。以爲和平解決國際紛爭之根據也。日本之政策。設不以和平方法阻其進行。則勢必吞滅中國而後已。而世界之前途。與夫西方之文明。亦將隨中國而俱

亡矣。否則亦必以歐洲之兵力迫其返也。昔美國國務卿魯特有言曰。無公道則無和平。其此之謂歟。

●論華人對日方法

字林報

北京中外人士對於大隈伯談論。日本要求之言。發生若何效力。已詳見本報今日北京訪函。讀者閱之。大可滿意。來函謂大隈伯之言。吐露和解之意。足令外人疑慮日本意見者。大為愉快。華人對於大隈伯之言。已表示感佩之忱云云。大隈伯所稱日本之所欲者。與外間所傳日本之所欲者。顯不脛合。此層無足驚異。蓋中日英三國官場態度。極為沉默。以致引起極惡劣之推論。外間對於日本遂有種種傳言也。大約日本探東方談判之常法。於開始交涉之時。提出各種要求。遠過於其意中所欲得者。各國駐京代表。未必不間接暗知北京談判情形。吾人竊料近來北京之談判。已有將全體要求。析為可承認與不可承認兩種之勢矣。他不具論。即以榮譽與盟約兩者而言。日本心目中。未必竟以此二者為無庸顧慮之小事。日本為榮譽與盟約起見。不能向中國多所要

求。而中國除討論日本所已通告各國之條件而外。無庸續有退讓。本報前曾申論此意。今大隈伯之言。適與此意若合符節焉。英國商界。因謠談繁興。官場沉默。大為不安。而欲破壞英日盟約者。乃乘此機遇。謂英日盟約。已呈破裂之象。凡此諸事。皆不足令吾人駭異也。日本在中國在滿洲屯集許多軍隊。此為今日日本地位之弱點。日兵在華。既無軍事理由之必要。且不能促北京談判之進行。蓋各國之利益。即足為有力之抵抗。日兵在華一日。則華人一日不去其疑慮日本惡意之念也。吾人對於日本抱最誠摯之友誼。乃作此言。無論官場對於日本要求之態度若何。然中國輿論。反對日人極為深切。此為無待疑問之事。官場雖阻遏公共會議。及排日傳單。辦理極為得宜。然華人今已得較公共會議及排日傳單。更為良好之洩憤方法矣。本報蘇州訪員。謂華人已決用冷靜手段。購買國貨。不用東洋舶來品。此絕非排斥舉動。但利用時局之機會。而發達國貨耳云云。數月來中國報章。提倡國貨之發展。其謀甚善。本報屢載其事。歐戰影響所及。外洋來貨不易。故華人遂有振興本國實業之謀。今專注其意於家常日用品。為

近年來日本所輸入者。其謀極易傳佈。且極難阻遏。事非排斥。效力則同。阻止排日舉動。華官誠優爲之。但若華人悄然不購日貨。則華官與日本。恐亦無可如之何也。再華人此種舉動。與救國儲金團辦法。有間接扶助之關係。中政府顯不能干涉之。儲金團辦理認真。迥非以前團體所可比擬。雖所集之款。未必能多。進取事業。或似稍不近情。然儲金救亡。乃華人愛國之呼號。華人愛國熱忱。已早蘇醒。足以發生一新異不可限量之要素。可爲中國鄰邦所注意者也。吾人從不信日本。今方行將力迫中國以獲取有碍中國國體有傷他國權利之利益。然爲日本自己利益計。日本要求之手段。誠須改良。蓋今日之華人。非三年前之華人矣。

●英人指摘大隈伯之宣言

字林報四月七日北京通訊云。東京電社所傳大隈伯之宣言。此間某報名之爲（過高之評論運動）其語真意。未能了然。殆言凡過高之評論。往往因想像過深而背離事實乎。夫大隈伯向有理想政治家之稱。今觀東京電社所傳之言。多與事實無關。殊足

證明大隈伯之爲人。誠所謂名實相符者也。或者大隈伯未向東京電社記者發表言論。如吾人所信者。然東京電社與日本外交省有密切之關係。日本當局宣言。屢由該社傳出。則吾人不得不信該社今所傳者。確爲大隈伯所發。而未稍失其真也。今將原文關鍵。披露如下。原文曰（談判刻順利進行。不日可得美滿之結束）此誠佳報也。又曰（中政府故意延宕之說實屬不確）此語良足慰人。此二種觀察。若果符事實。則當問日本。何爲藉瓜代之名。遣兵三萬來華乎。又何爲照會中政府。原有戍兵。必俟交涉滿意解決後。始能撤退乎。又曰（日本所提議之事件。英與日盟約及日本與他國所訂保全均等機會中國土地完全之條約。毫不違背）云云。此語之謬。確無疑義。試問滿蒙魯閩之專權。一經中國許可。將不剝奪他國之均等機會乎。夫英日盟約規定。凡關兩國公共利益之事件。應彼此協商進行。今日日本迫令中國承認之要求。是否先行商諸英政府乎。又曰（日本不欲侵害他國之權利）大隈伯之作此言。確忘日本要求中有鐵路讓與權三處矣。三路一由杭州至南昌。則與上年中英公司所獲之讓與權

幾相平行。一由潮州至南昌。則已許英人承造。中國確已與某英公司開議此事矣。一由武昌至九江南昌鐵路間之某點。則妨碍中國所許由東方達武昌之鐵路。應先儘英人承造之約言。歐戰未作以前。英日政府。確曾協商上述數事。日本今安能遽向中國索此讓與權乎。大隈伯之謂日本不欲侵害外國權利。將誰欺乎。又曰（日本未曾要求中國延聘日本顧問除南滿數處外未曾要求合辦警政）余（通信員自稱）嘗檢閱由中日文精確譯出之日本要求全文上。舉二條無限制之要求。固明明臚列於內也。大隈伯於此二事。解釋之言。竟與原文相反。尋譯其旨。殆謂中國既不願承認。日本亦不復要索矣。夫大隈伯之宣言。若重其語氣和平乎。則以上披露各節。似覺無關重要。唯其語氣和平之故。外人之疑慮。日本意志者。爲之大憾矣。中國亦表示其感忱矣。中國某大員嘗告路透社員曰。中政府向來依照所用字句之常義而解釋之。大隈伯對於此種要求。已加以原文以外之解釋。中政府因以安定。蓋信大隈伯之宣言。定能在事實上發生效果云云。足徵其信之之深也。

●美人希望華人對日之政策

美國人自號旁觀者。投函北京英文京報云。尊著論述近日中國大局情形。讀之頗引起吾人之興味。今晨報載有人謂中國滿洲利權。如稍讓步。則於中國全局。並不受損。且較爲有益。貴報謂爲狂囂之言。鄙人與貴報甚表同情。蓋如此退讓。不獨無益於中國。且各處大蒙危險。日本以毫無理由之要求。遽得權利。若此次交涉終了之後。日本不妨更調新兵來華。以更代爲口實。將肆意爲第二次之要求。總之讓步過大。最爲中國莫大之險象也。日本如能獲得一省利益。及其他各種特權。則各國似可尤而效之。以繼日本之後塵。亦屬當然之事。目下各國鑒於中國孱弱情狀。將羣思攘臂而起。同享最惠國之權利。中國處此困難時代。其唯一方法。惟有朝野上下。不動聲色。一面抗議。一面將實在內容。宣布世界。查朝鮮之亡也。世界各國。袖手旁觀。間有爲之太息者。而並無矜恤之人。其故果何在歟。蓋朝鮮亦處於脅迫之境。而其自願簽字讓步。致底於亡。譬之抵禦強盜。爲其所戕。毋寧較之自滅之爲

愈也。現世界各國對於中國頗有代爲殷憂者。如中國自甘簽字毫無抗議。則各國感情恐亦日見消滅。故退讓之極端。不僅無和平餘地。恐將來事無理由之要求。必有接踵而至之一日。南滿山東等地。如果爲強有力者所佔據。則強盜真相終見暴露於世界。不患無伸張公理之一日。否則愈退讓而愈受侵削。是何異開門揖盜乎。此次交涉不殊戰後之結約。一方面力求擴張。一方面力求減少。夫中國固無割讓權利之理由。果使徒手聽從。則全國人民亦將歸咎於政府。其禍將有不可勝言者。如中國土地爲人強奪。尙宜抗議與維持。互相爲用。庶各國知曲直之所在。得有主名。中國如第爲和平計。其可退讓者。則須以對於他國亦可讓與之權利爲限。吾人之所希望者。中國要有英容之決斷。堅持之力量。更宜不懈其抗議。並宣布於世界。此中國今日之無上政策也。

●論日本之要求

大陸報

二十一日北京通訊云。一星期前。美政府同時在華盛頓東京兩處。提出質問日本之文。英俄兩國亦向東京政府質問一切。如日

世界之公論

本向抱幻念。謂世界強國。刻方從事於歐洲戰爭。暫時不能顧及遠東事件。日本正可利用千載一時之機會。在中國徑情直行。償其慾望。則近來美英俄三國之行動。定使日本視爲出人意。外暴烈可驚之舉矣。夫中國行政上土地之完全。與均等機會開放門戶之主義。日本與各國同有保全維持之約。今日日本對於中國之態度。果足令人不疑其所行者。與其迭次之宣言。及條件盡相膾合乎。美英俄三國牒文之內容。雖未發表。然據外間所傳。三國已使日本注意於此。並質問日本通告各國與日本向中國提出之要求條件之異同矣。報章披露三國通牒於日本之消息。此爲日本所最忌者。何則。日本自向中國提出要求後。即施用計謀。務使世人咸信其行動。已得各國之贊助。並以乞助他國無補於事之言。常告中國官場。又用外交種種詭譎方法。使中國官場誤會各國對於中國之命運。果漠不關懷也。日本駐歐美各國之大使。囂囂然告於衆曰。日本不欲侵犯他國條約權利也。日本不欲破壞中國土地完全也。與中國最有關係之各國。聞日使之言。信以爲實。遂不以質問爲必要。否則早當提出矣。歐美報界。前不知要

求之真相。蓋為東京及各國京城所發之措詞巧妙之電信所誤。報界運動非常之大。甚至外國訪員發往本國之電報。多擱置不登。而所登之電報。又輒為路透東京訪員或倫敦路透電社所發之官電。指為不實。此種計畫。欲使世人不信北京訪員之言者。固為精巧。然不能久掩世人耳目。今試讀國會之宣言。及上星期歐美傳來之報紙。而可知歐美人民。固不終受人愚弄也。要求真相。既暴露於天下。縱不能有裨益於中國。然中國見外人輿論之激昂。美英俄三國對於中國時局之關切。正可奮勵。堅其保衛權利之決心焉。二十日中日代表會於外交部討論滿洲問題。日本於上次會議時。要求南滿東內蒙置地權。中國決計不允。嗣為調停計。允將滿洲重要地點。開作商埠。當時日人不從其議。詎二十日會議時。日人不獨不減讓其原有之要求。且將中國提出之調停辦法。加入條件之內。要求開放滿洲內蒙地點二十七處。當時中國代表之驚異。可以想見。雙方辯論良久。中國乃允開放滿洲十七處。但不承認日本在內蒙之利益。故不允開放內蒙。日人猶以為不足。下次會議。當再討論此節。日人旋又提出南滿置地權。

問題。中國代表告以中國已再三研究。如日人服從中國裁判權。則中國可以准日人購置地產。小幡氏代表日使。力持不可。且謂日本無論如何。決不拋棄領事裁判權。如中國定欲如此辦法。則繼續談判。何益之有。於是會議遂輟。中國官場咸以日本所擬南滿置地權之辦法。逼人太甚。直欲奪滿洲千萬產業而已。日人不過中國法律。不繳稅項。不服行政上之規則。所有關於日人之案件。皆由日本法庭訊理。滿洲豈尚為中國所有哉。觀於日人在朝鮮及滿洲一部份。已為日人管理者之措施。而可逆知無識鄉愚。在日人手中。能得幾何公道矣。苟一案發生。原告而為日人。則由華官審判。然華官懼於日人勢力。即明知日人理屈。然亦不敢謂華人理直。否則惡果加其身。此由經驗而知之者也。華人謂此次要求。直接損害中國行政上之完全。日本於未併朝鮮之前。曾以此種手段。對待朝鮮。今又施於中國矣。中國官場。雖力自檢束。感情不現於詞色。然心中不知有多少辛酸也。華人自知國弱。無抵抗強鄰侵略行為之武力。第對於危害中國前途之日本。全國咸漸著憤恨敵愾之狀焉。

●推論日本之失策

字林報

本報今日登載倫敦訪函。詳述英國商界對於日本要求之感情。來函語氣頗強硬。然亦無怪其然。蓋與日本極友愛者。亦不解日本。何爲擇此時機。行此違背英日盟約主義之政策也。若謂日本之所行者。迄未有與英日盟約主義相反之切實證據。則此言誠不免爲人指斥。試引證而明之。吾人於一月中旬。已確知日本欲力迫中國立卽承認其全部要求之大體矣。今已四月中旬。卽日本通告各國之要求條件。尙未談判完畢。而日本目下之態度。顯有躊躇顧慮之狀。至於英政府之所以答覆議員質問。不甚明白者。殆有數故。其最顯著可知者。則爲英政府有責任觀念。不似批評家之可以隨意發揮。且英政府知事實之真相。亦較國人所知者爲詳也。古語有云。世事本無善惡。惟人意定之。日本所欲求諸中國者。當不如外間所傳說者之甚。但惜日本所行之手段。陷日本於不爲人信任之地位耳。吾人對於英國之同盟國。一極不願根據不完全之消息。而遽發躁急之批評。但今就種種傳言觀之。

世界之公論

日本通告各國之要求。與原向中國所提出者。截然不同。已無疑意。此誠可謂爲不幸之事也。本報前曾論日本要求。謂日本不脫東方買賣之舊習。其所要求者。較其真欲得者爲多。故至各國注意於此事時。卽將其心中所欲獲取之種種讓與權。委實告知各國。吾人於此竊謂日本此舉誤矣。以口實授人。使人責其有所隱諱。今無論駐日各國公使。對於未曾宣佈之十條要求。滿意與否。而日本如欲塗刷其罪。使不爲人所指責難矣。再近來談判之要求。內有三三條。皆無充分之理由。此爲吾人所不能不指出者。俄國在外蒙。已得之優勢。與日本在東內蒙欲得之優勢。不能比附而言。日本欲以其所得於滿洲者。贖而充之。展至東內蒙。此種動作。將開極危險之先例。設有如本報北京訪員所云。聞日使會稱。如中國拒絕蒙古問題。則大隈伯之地位。必受危險。爲大隈伯計。此誠爲絕妙之言。奈與中國。毫不相干何。至於杭州南昌等鐵道。與此相同之路權。則早由中國給予他人。至於漢冶萍公司。無論日本以借債而得何等據守他人產業之權。然日本之借債。實於革命時爲之。其時股東私人之利益。全受蹂躪。日本始得乘間而

入。卽此一層亦足爲今日急從改革之阻力矣。故日本自待不義之事。厥有二端。日本要求在日本論點上觀之。或合情理。然日本似未計及在他人論點上觀之。此種要求。果亦合於情理否也。其尤不佳者。則爲日本偏擇目下最易啓人疑慮之時機。苟日本俟諸歐戰既了。萬國問題大都解決之時。則其所欲得者。定可如願以償。絕無衝突。惜乎日本計不出此也。今日日本已有爭虛影實質之危。蓋日本已釀成各國之疑慮。而中國自必利用各國之疑慮。以拒絕種種要求於今日。並以拒絕種種質言於將來也。今日之中國。已非如三年前孤立無友之中國矣。吾人絕對不信日本之不忠於同盟國。然日本政策之不智。進行之冒昧。與其不能設身處地。在他人方面上。考慮其政策之影響。此乃日本所不易卸責者也。今交涉未了。事實之發生於日後者尙多。吾人願交涉未了之前。有一事實發生。其事維何。卽日本將其駐紮滿洲山東漢口之無用軍隊迅速撤回是也。日本如欲寬慰其友人。維持其利益。以解世人斥其不誠之說。則計之善者。無過於此矣。

●京津太晤士報忠告日本

京津太晤士報五月三號北京通信云。自中國政府答覆日本新要求以後。北京仍無驚擾狀態。然問巷間竊竊私議。似不能滿意於政府之迭次退讓。僉謂壇坫之上。中國代表尙之堅決手腕。故日本夢想不得之權利。亦竟輕易與之。此爲中國外交之一大失敗也。實則觀事論事。務求體貼情形。中國方面之會議。雖乏堅決態度。然而無兵力爲之後盾。而專欲倚外交爲進退。誠難乎其爲堅決矣。現對手方之會議者。又在在以武力渲染其議論。設交涉突起之初。中國卽以堅決之態度對付日本。則今日之局面。必又大異。蓋依據條約。要求列強保守中國之均勢。維持中國之完全。是則中國振振有詞之舉動也。日本人今之舉動。固非智者所得而預知。然以理勢論之。日人當無用武之餘地。蓋中國之對於南滿山東東內蒙漢治萍各問題。無所往而不以揖讓爲進取。日本對之。如尙不滿意。則滿意兩字。究以何者爲標準。設其意在獨吞中國。而不屑取此區區者。則何不挺身而言。使退步者。亦得所遵循焉。溯自數月以來。日本之凌侮中國。已臻極點。世人之不平懷抱。發而爲言論者。已不可勝數。然敦睦邦交。英武不屈云云。已不

能使日本減輕其暴戾。設其洶洶湧湧。未與中國宣戰。則吾知非使中國完全爲其附屬不可。非然者而無有所多得也。既不能有所多得。而仍存在在。以宣戰爲恐嚇。宜乎其爲國吞竊竊私議矣。雖然閱卷之竊竊私議。亦足爲日本人當頭之棒喝。蓋中國人心中之疑懼。且隨此竊竊之私議而起矣。殄滅之無方。亦惟有聽之聽之。而日本將來之困難。即緣之以起。豈不自尋煩惱。蓋中日兩國之工商。本有提携之義務。而無離貳之餘地。顧今日者。此提携之義務。已完全打消。雖三辰後提。亦知日本人之不可親也。離貳之惟恐不及。遑論提携。試觀近日所得之報告。謂日本人月計已受三百萬元之損失。而抵制日貨之舉。尙屬無聲無臭也。故日本人若不因風轉帆。行見其貿易之日形減也。究其極則腕力雖強。足已跛矣。日本人在今日。已激起一種民族之反抗力。（此民族指中國人）此一種民族之反抗力。以壓之也過甚。故發之也尤劇。要言之其影響於日本者。非他種民族之反抗力所得而比擬之也。日本須知海陸軍雖強。不能向一民族之全體門戶威嚇。以強逼其購用日本之品物。而日本之品物。固日政府所恃以爲

世界之公論

經濟上之活動者也。搯其喉而扼其吭。所謂自殺政策者。日本入對此。何以異焉。且日本人嘗以英武不屈四字。爲彼國特別之廣告。以昭示於世界。無不知此特別廣告者。日本人果將力踐之否。抑必欲以強硬手段對待中國人。而置此特別廣告於不聞也。是在日本自爲抉擇之耳。

中日交涉之借箸談

大陸報

中國於近二十年來。內訌外患。幾度發生。每經一度。衆皆謂其危如累卵。不能自保。誠哉其危也。然此吾國之國勢。雖每下愈況。而每遭大劫。輒能倖免傾覆。顧就今日之時局觀之。中國遭過之危。實自立國以來所未有也。日本之要求。直制中國之死命。苟中國承認之。或日本以武力獲得。則中國今後在列國中。將降處日本附庸之地位矣。記者甫由北京歸來。故敢云北京外交家。咸具此見。若輩對於北京今所開演之政治巨劇。皆覺大有趣味。而又不免時爲色變焉。各外交家之意。幾完全一致。以爲日本提出要求之態度。及要求之性質。其橫暴求之古今幾無其匹。蓋凡有經驗

之外交家。輒能擺脫政務。擯絕感情。辨別時事。定其是非。此日本近今待華之舉動。所以爲衆抨擊也。然各國政府。似不致因北京代表之意見。而於今日羣起抗日。其獨異者。惟美國耳。

今有一事不可不追紀者。聞去年十二月間。駐京日使。曾面請袁總統。恢復帝制。自發帝位。日本允擔保新帝國之安固。及予以保護。袁以婉詞謝之。蓋不願爲韓皇第二也。孰意一月之後。要求突如而來。日本欲爲中國之宗主國。前法行之。既已無效。故乃以此爲第二法門也。交涉開議至今。已閱兩月。今則已有山窮水盡之勢矣。中國是否將以武力拒日乎。抑仍以空言抗議乎。此重要之問題。恐不得不於今日決之矣。京人士皆信袁總統決能擁護中國主權。且袁嘗切實親言之。願日人於前一兩星期內之行動。確已開始施其武力之壓制。濟南奉天。均已屯駐大軍。乘火車而來者。尙絡繹於途。中國兩重要省城。及兩重要鐵路中心點。今已悉爲日軍占據矣。假使中日因此啓釁。則日人已占有中國北方兩鐵路之大部分。中國陸軍。南北不能相顧。抵禦爲難。今料日本進取之第二步。將由京奉鐵路移軍而至山海關。或將沿津浦鐵路

北進。外交家對於日軍之移動。設詞掩飾。謂爲防衛南滿。及膠濟鐵路起見。日使即以此說答覆中國之質問。日本固知此爲欺人之談。莫或信之。中國亦知日軍之侵入。乃恫嚇之計畫。然則中國將何以對付之乎。北京外交家之意見。共分兩派。一主中國應仍守被動防禦及抗議政策。一主中國不可不戰。

中國進行談判之方針。本報嘗屢言其正當。然有西人某君。素主和平。而其人又爲熟悉中國情形者。毅然主張中國不可不戰。今錄其言論如下。以資世人之研究。

余意日兵侵略。若過某點。中國必須背城一戰。吾人固知中國必敗。日軍經一度之大戰。或將占據北京。然中國無論如何。必背城一戰。蓋中國若任日軍隨意行動。不加禁阻。則余敢謂日本得步進步。終必派軍入京。至是中國將喪失世界良心上之同情。彼不敢施一擊以自保之國。世又誰肯爲其妄費情感哉。吾人試就中國不用武力抗拒。任令日兵紛入北京一點而論之。前數星期內。日人之穿平民服裝入京者。不下數百。若輩何爲而來乎。今經營何事乎。似無人知之也。處此時局。地方上多一日人。即多一衝突

之機。一俟日兵抵京者。足爲後盾時。則作平民裝之日人。將與華人尋事衝突。而日本即可藉端以保護外人利益。維持治安爲題。強占北京警務權之一部。或全部。此爲日本慣行之技。前既施於朝鮮。施於滿洲。施於山東。今機會一至。又將施於北京矣。至是日本一步緊一步。施其蠶食之手段。剝奪中政府之行政權。使中國主權日漸墮落。在實際上失其政府之資格。後乃肆其鯨吞之方法。囊括中國之行政自治權。當歐戰方殷。他國不暇注意於此之際。日本遂可安然成就其滅亡中國之大事業。華人至是而欲合羣而力拒之。不可得矣。今試就反面論之。假使中國果拒日本之侵略。則其結果將如何。曰如是必得文明國之同情。夫比國爲爭存而戰。今已得全世界之欽佩。他日媾和立約時。比國定可大得力者。卽此世人之欽佩也。故袁總統今可正告世界及中國國民。中國被逼而戰之原因。且可鼓起國民荷戈從戎捍衛社稷。此舉固不能保北京之不爲日兵所奪。然可堅各省敵愾之氣。收一致進行之效。日本見此情形。縱欲征服中國。然非若干年不爲功。定必躊躇審顧。而不敢冒昧債事矣。中國與使受強鄰之陰謀。抱不

決之意見。坐而斷送全國土地。曷若奮袂而起。尙可享有較優勝之機會乎。

京中外人。多以此說爲然。卽外交界。亦多贊同。但多數外交家。信中國必續行其現行政策。直至最後極點而後已。今中國退讓又退讓。所謂最後極點者。果在何處。此乃一疑問也。中國所聘之洋顧問員。卽最守舊者。亦多謂日本苟不立止其軍隊之行動。則中國當停止談判。並照會日本。告以中國已恢復一月十八日之舊狀。若日本再用壓力。則中國卽可決定抗議或開戰之一法。北京外國外交界。多數謂日本態度中。頗不乏虛張聲勢之處。日本未必敢強迫中國至開戰地步也。如中國力持不移。不爲威力所懾。不允稍損國體。則已將退步準備妥善之日本。將以享有滿洲讓與權爲心滿意足矣。再北京人士。咸有一種見解。謂日本壓力之真目的。乃欲中國確認其南滿之地位。其所以多所要求者。蓋留作磋商退讓之餘地。並非志在一網打盡也。

今當掬誠正告華人曰。倅日本商埠之玻璃窗。享日人以老拳。此種舉動。與政府毫無裨益。匪特無益。且有有害焉。上述之某君。亦嘗

國 恥

言及此事曰。中國至困難極點。究竟應否開戰。尙可另由他面觀測之。中政府如任令日人占據北京。不加抗拒。則其主權。將逐漸消融於日本武力之中。至是無論政府願戰與否。而全國國民。忍無可忍。必將起而抗之。始則亂事起於數省。繼則蔓延於全國。余深悉中國之民情。故敢斷言之。北京政府。休想不以武力抗拒日本。即足自保。縱欲偷安一時。亦不可得也。日本若再誅求無已。則爲袁世凱計。惟有正當宣戰。與聽令人民自戰之二途而已。若正當宣戰。則尙可圖保全於萬一。卽不爾。雖亡亦榮也。世人深知一月十八日後。中日交涉情形者。堅信袁世凱定能有相當之舉動。不負國民之委託。袁必用其外交術。以期免於戰爭。並信斷國家之主權。而不一決門。非袁氏所忍爲也。

● 日本式之門羅主義

大陸報

北京通訊言日本式門羅主義。使吾人注意於日本所行一種邪說不正之方法。推其用意。蓋欲迷惑美人觀念。使其不解今日日本在中國之行爲。並混淆美人輿論。使其不悟時事結果與美

國主義之處於危境也。日本論辯家。以美國門羅主義。含蓄一種政策。遂謂日本亦可宣佈同一主義。以施之於東方。目下日本對華政策。可以採用此項主義。夫日本之所謂門羅主義。與美國之所謂門羅主義。截然不同。凡有常識者。類能知之。然吾慮美國新聞家。或有仍爲日本對待西方諸國之假面目所惑者。昧然承認日本政治家之宣言也。

欲知美國所實行者。與日本所欲行於遠東者之迥異。當先知門羅主義之真相。日本以爲美國抱收或統治美洲其地共和國之意。所謂門羅主義者。不過爲外交上之虛構。藉以掩人觀聽耳。此言然耶否耶。吾人不可不辯之。當美國門羅總統秉國政時。歐洲正在帝制時代。且締結神聖同盟。以圖擴張帝制於他處。門羅廣美洲共和聯邦。將爲強國所侵。尤慮歐洲帝制。圖將摧殘美洲民國。故發表其主義。以保護美洲民國爲己任。當時之精意如此。至今日而未變此項主義之適。用隨時局變遷而轉移。今美洲民主政體。斷不致受帝制觀念之反動。力。美人固可無庸無慮。然南美中。美難保必不爲歐洲強國所魚肉。美人不能不注視之。

此門羅主義之所以流傳至今而不漸滅也。今日不獨美國人民莫不抱守此主義。即歐洲多數強國亦承認之矣。

日本政治家及報界。以爲國家所宣佈之政策。往往言在此而意在彼。此言確有見地。未可厚非。但門羅主義之發生百年於茲。美國在此政治發展時局屢變之百年中。果如何實行其主義乎。就今日美國現在地位觀之。可無待置辯。而知美國已履行其主義。保護美洲共和弱邦。使其不受歐洲強國之侵略與帝制之輸入矣。證據具在。不勝枚舉。無待吾人贅述焉。

日本又以爲美國之所以拒絕歐國不許其干預南美中美者。蓋欲於時機熟時。獨自吞併之也。吾人請取墨西哥事而一證此言之妄。墨西哥兩年來數易元首。亂事蔓延。美國果以吞併土地爲心。則墨西哥之情形。極可爲美國干預之口實。且世人多以收取墨西哥行政權。乃美國之天職。歐洲數國因美國放棄責任。不爲維持。引以爲憾。英國爲尤甚。然美國竟不干預。惟邀請智利巴西阿根廷三共和國。協同美國爲墨西哥排解爭端而已。餘如古巴巴拿馬斐列濱事。皆可爲美國無吞併土地之心之證。美國在南美

中。美從未以門羅主義禁絕歐洲所享經濟上與商務上之勢力。亦未確固其商務上特別優先地位。試閱世界商務與經濟表冊而可知之。此爲世人所共知共見者也。

由此觀之。美國之門羅主義。乃欲成就下列兩事。(一)保全美洲共和弱國之土地完全與政治主權。(二)保全各國在美洲共和弱國內之開放門戶商務主義。吾人翻閱史籍而見美國自發表門羅主義以來。以至今日。莫不循此方針而行。世人有謂美國已施用或將施用門羅主義於南美商務經濟政策如日本之所行於朝鮮滿洲者乎。若美國果有此種作爲。各國安能承認美國主義而絕不抗議乎。

今日日本對於中國及東方之門羅主義。將依照美國方針而行乎。日本今日所欲行於中國之宗旨。能與美國當時宣佈門羅主義之宗旨相同乎。門羅主義以保護該主義所包括之各國政治主權並保全開放門戶爲務。不見諸實行。實言之。門羅主義在理論上實用上與英國所宣其美國所規定之中國土地完全及開放門戶兩大主義。同爲一物。蓋英於中國者。已有一門羅主義。凡

與中國前途有關係之各國。莫不贊成此主義。且爲此主義所束縛。無一國敢公然駁斥之也。

今日日本欲另造施於中國之門羅主義。是直以萬國目下對待中國之主義。爲不圓滿。必須更改也。然日本在表面上。猶謂日本今所行於中國者。毫不違背美國海約翰前所規定之土地完全開放門戶主義焉。日本之舉動。所謂尊重土地完全政治主權者。所謂保全開放門戶者。已一見於朝鮮。再見於滿洲。故日本所謂對華之門羅主義者。必與真正門羅主義相反可決言也。

▲附北京某西人投函 北京西人某君於三月三十日投書大陸報曰。三月十七日日本通知報。轉載大和報社說。其言極可注意。大和報竟以中國比墨西哥。視爲同等之亂國。謂美國爲文明起見。干預墨西哥亂事。日本不反對之。今日日本干預中國事務。美國亦不應反對之。中國是否爲亂國。等於墨西哥。此事殊無置辯之價值。設中國境內。果有破壞和平之事。吾知必爲外國陰謀詭計煽惑威嚇而成。而非發自於中國也。數百年來。日本之與中國。猶子弟之與師長。(本社按西人竟爲我作此語。閱之快爽何似)

迨至數十年前。日本始轉學西法。獲知物質上科學與戰術。今遂自比美國。並以中國比墨西哥。其妄念殊可哂也。大和報又曰。汝美人以巴拿馬運河。以門羅主義。以統一美洲之思想。而有事於墨西哥中美南美。吾人知之審矣。而吾人對汝之謀。不加反對。今吾人方有事於中國。吾人不欲汝溷乃公事也。又曰。美國軍力在人後。苟有強國以勁旅攻之。定不難破其志願云云。此種侮辱狂傲之詞。美人見之。當亦一笑置之否。日本屢擬宣告亞西亞門羅主義。然日本已知何爲門羅主義乎。門羅總統致國會書謂(一)美洲不能爲歐洲強國之殖民地。(二)歐洲各國不得擴充其政體於美洲。亦不得摧殘美洲之國。佔據美洲土地。以上兩要義。卽世人之所謂門羅主義也。今日日本之地位。可以宣佈此項主義。用之於遠東乎。如他日有復奪青島或干預庫倫會議者。日本能力拒之。如美國之拒絕法國援助墨西哥之謀乎。歐洲各國亦肯聽命於日本乎。此皆最淺顯之問題也。云云

做戒日本之言

字林報

統閱日本各報。對於中日交涉。及派兵至華之論調。似皆憤怒疑忌。未因上海福州排日舉動之消息。而和緩其刺激也。日本派重兵至奉天大連濟南等處。顯有令人不樂之現象。吾人雖欲諱之。亦不可得。第無論其現象若何。吾人不能不三復昨日日本報北京訪員之言。即日本施諸中國類於威脅之行動。將遇最重大之後果。不獨關於中國。且關於日本與他國將來之邦交是也。中國與他國政界之態度。皆始終以爲日本要求。未曾含有爆裂之性質。俄國似抱聽其自然之主義。法國時報謂日本必乞助於歐洲市場。以得施行其計畫之經費。故歐洲可斷其接濟之源。藉以遏其野心。英政府對之。並無驚擾之象。美國則注視此事。且有戒心中。國政府。屢電各省。謂政府能保衛國體。民間無庸驚擾。惟中日兩國輿情。已大掀動。日本輕躁軍人。久受財力支絀之限制。不能有所施展。今與其國民同抱一種妄念。謂日本勢力膨脹於中國及滿洲。即可減輕其國內稅項之擔負。中國國民尙未忘山東戰事所發生之痛苦。今鑒於日本要求。自審武力不足。未能力拒日本。於是惡感愈甚。吾人對於日本在中國之措施。絕不抱駭人聽聞

世界之公論

與真相不符之觀念。蓋日本措施未嘗不受榮譽上及利益上之束縛也。但日本執政家。擇用此種行動。強迫懸案之解決。縱不爲大錯。然必不能免眼光短淺之責。以此事情狀言之。今日絕非可以施行此事之時機。蓋在今日此種行動。未有不爲人所誤會者也。且近來中國性情與數年前迥異。華人開會。抵制之舉動。久爲吾人所熟聞。但新近上海之會議。至少發露一種新異警惕之檢束。今雖無國會。然共和政體民情。尙可以上達。前者華人激忿舉動。僅限於一隅。各省不相聯合。今日反對日本之舉。則異是。大有國民一致之概。抵制之潮流。不獨將蔓延於各處。且其性質之重大。非昔日倏起倏滅之排斥所可同日語也。吾人竊以爲日本當予華人以顯著之證據。即使華人知日本所要求者。日本願從長討論之。不欲強迫中國承認其大體。且不施用壓力。如外間所傳說者是也。中國革命事業。即無他種功效。然已將國家思想灌入華人心。中。此誠未可輕視。中國武力雖弱。然記憶力甚強。日本今受人指摘。斥爲不義也。日人猶未深知與華人交涉中此事之重要也。

●英人眼光中之中日交涉

香港半官性質之英文日報社論曰。日本負責任。大臣曾以日本要求無碍中國獨立之言。確告世界。然華報則謂日本欲以朝鮮之命運。加於中國。即不然亦必欲滅中國為其保護國。華報如此解釋。日本要求。似有恐慌過甚之觀念。然日本要求之性質。確足啓人此種恐慌。吾人不得不承認華報之觀念為非無因也。譬若中國承認日本要求。許其合辦中國境內要處警務。則日本必逐步進取。日後將謂中國警務。非合辦所能整頓。必須日人握有至尊管理權。始能日有進步。中國至是。尙能為國乎。日本強欲中國延聘日人為政治財政軍事顧問。讀者試自問。日本得此權利後。日後肯以中國各事辦理無效。遽自甘引退乎。今日中國之時局。不禁令吾人回溯十年來日本處置朝鮮之歷史。一九〇四年日韓協定書。與現今日本要求之覺書。頗多極可注意相同之點。彼日韓協定書中。不言維持日韓悠久堅固之友誼。確係遠東之和平乎。日本不言以堅固友誼之精神。擔保大韓皇室之安全。擔

保韓國獨立與土地完全。及擔任保護韓國以免第三國侵略乎。協定書中不曾訂明未經雙方首肯。則雙方不得與第三國舉辦妨碍協定書主義之重乎。乃維持大韓獨立之協定書成立未足兩年。而韓國已盡外交事件由日主持之約矣。至一九一〇年。韓國已見併於日本矣。韓國之往跡。世人尙未忘懷。今日日本忽又向中國大肆要求。中外人士。安得不恐慌而疑慮日本之陰謀哉。日本要求必釀成各國在華重大利益上之複雜問題。今姑置不論。即以中國幅員之廣大。民氣之激昂而言。吾恐日本未能擴充其治權也。但為各國計。今日者正各國明白切實一再申明其對華政策之時矣。各國仍決意維持中國獨立與土地完全乎。各國仍守開放門戶均等機會之主義乎。大隈伯曾稱各國皆贊助日本之態度。美國尤贊成其要求。此說果確。則各國非已改變其固有之政策。即茫然不悉日本要求之性質若何範圍若何也。日本又曾確告各國。謂日本要求與中國主權及各國利益。皆不妨礙。然英國議院曾以要求詰問政府矣。英國之中國協會。已上書政府。條陳一切矣。遠東英商疑恨日本者。已寄書國內各報痛陳此事。

矣。是英人解釋日本要求之意義。不與日政府同一見解也。外交部曾在國會宣稱。英國未曾改變其對華政策。外交部副大臣濮里姆洛氏。近在下議院宣稱。英國深知英人在華利益之重大。定竭其能力以保全之云云。然則外交部已知英人在華利益將受日本要求之影響。並借此言以警告。以警醒日本。使其完全取銷若干要求。或大加修改。以符各國在華之政策矣。惟二日前北京訪員電致本報。謂中日刻方開議關於揚子流域之要求。按中國曾向英國擔保不以揚子流域土地給予他國。故揚子流域實為英人勢力範圍。今約言尙在。雖外交部副大臣濮氏曾謂日本在揚子鐵路企圖。不與約言相背。然日本要求中國不得准人開鑿或經營他項事業。以免攘奪中日將合辦之漢冶萍公司事業一條。當非濮氏所能承認者也。日本此項要求。顯與中英約言牴觸。不僅此也。日本他項要求。非與維持中國獨立與完全之主義不合。即與開放門戶均等機會之公共利益相背馳。此吾人之所以希望日本修改其要求也。濮氏在下議院謂中日交涉如至外交方法不能解決時。發生事狀有害中國獨立與完全時。則英

國必商定辦法。以視日本所應得者。果如何可以得之。而不致妨礙中國獨立與完全。蓋維持中國獨立與完全。乃英日盟約目的之一也。濮氏論外交事故。出語頗慎重。然其重視英人利益。昭然若揭。吾人可為之滿意也。特吾人必俟日本已修改其要求。刪去有礙中國完全有礙各國利益之條件。始能更信遠東和平之確能繼續維持也。

●英國對於日本要求之輿論

字林報四月二日倫敦訪函云。此間有種種現象。足徵日本要求已引起一般人民之注意。旅華英人反對日本要求工商業之特別權利。議論極為激昂。國人無一不承認中國英人與論之的當。此外可無待言矣。然日人之在英美者。猶以德人陰謀為言。不知此說已大失效力。今中國所取之方針。乃唯一可行之政策。舍此別無善法。固無庸德人之煽惑誘導。此理甚明。人皆知之。（本社按日謂德人煽惑華人英為日盟國與德為敵。且不信日言日將奈何）再日本派兵至華之說。亦屬駭人聽聞。國人皆以日本解

釋此舉之言。爲極無充足理由。中國協會已一再建議於外部。但迄未確悉。英政府究取何等政策。外部似尙未照會日本。囑其慎勿侵害英人商務利益。窺英國政界之意。似謂日本素以警敏見稱。定知於歐戰未了之際。要求特別權利。將來未必能有裨益。蓋歐戰了時。有商務關係之各國。必將再行解決各種問題也。日本有種種之機會。得英人美感。乃偏擇歐戰時代。提出要求。殊令人百思莫得其故。日本原可施行一種徑情直行悍然不顧之政策。而爲世人所承認。但此種政策。畢竟有無真正利益。將來英國金融場中日本能否借款。此乃另一問題。爲日本所不可不計及者。日本苟爲智者。則當於解決滿洲問題後。即將他項事件概行擱起。以俟歐戰結束後。再行開議。英國國會議員上次開會時。固未悉中日交涉之真相。故無所討論。今已洞悉此事之重要。開國會復召集時。議員質問中日交涉事件者。爲數必甚多也。今各處商會。研究辦法。孟乞斯特商會之舉動。前函已詳言之。今繼起上書於商部者。又有伯拉佛商會。其議決書曰。伯拉佛商會以日本於歐洲大國交戰時。向中國提出外間所傳之種種要求。希圖獲

取特別讓與權一事。與英國大有利害之關係。故願請英政府盡其權力。保全中國各處。開放門戶機會均等之主義云。

●法報述日人之互相牽引政策

策

法文政聞報記載關於中日會議之甲乙答問如下。甲曰。中日會議如何解決之。除日本當道外。無知之者。蓋最後之辦法。其權操於日本。現今和平之討論。將來或有一變。而以干戈相見乎。乙曰。惡是何言也。中日二國。斷不致以干戈相見。觀於當初日本之於中國。並未致哀的美敦書。是可見日人之用意矣。甲曰。非也。日本此種舉動。其宗旨在掩人耳目。目下歐戰方殷。苟列強見彼聯盟之日本。決意經營中國。則必爲不快。日本以前所以不致哀的美敦書於中國者。所以防歐洲各國憂慮之心也。自中日問題發生以來。日之態度。卽不甚明晰。目下仍未改變。今敢爲君詳述之。庶知余言之不虛也。日本之第一步。爲該國公使直接呈遞要求。各條款於大總統。此事千古所未有。且迫總統承認。所不能承認

國 恥

者。第二步。爲宣告各國以十一條之要求。第三步。爲進兵中國。此則最係緊要。足見日人用意。在於一面欺愚列強。而一面實行其竊取中國主權之計畫。君獨不見之乎。彼之派兵。漸漸入中國心腹之地者。果何意耶。目下雙方正在開會。中國且極力表示和平之意旨。豈彼遣兵前來之時期乎。若藉口瓜代。則瓜代之期。在於六月。時尙未至。吾人且靜觀將來彼之軍隊。是否有離開中國者。余則敢斷其不但不離開。且兵額將見增也。日本之出此。非託辭於上海抵制日貨之風潮乎。是何若是急急也。蓋日本政府欲預備一切。以防不虞。中國人民。苟稍露頭角。則彼即乘機干涉以前。中國取消山東戰區之抗議方起。而日本即逞此以遞出其二十一條之要求。今日中國國民。若少有錯謬。日本不難派兵以扶助其外交。用武力以取其不能以和平方法攫取者。而估據中國領土之夢想。竟成事實矣。日本之出此。甚爲敏捷。使列強均驚愕而不知所措。蓋互相牽引之政策也。苟歐戰類仍。則日本可從容分裂中國。使更無一塊腴沃之地。足爲他國染指矣。乙曰。互相牽引之政策。信或有之。然其影響不能見於今日。余之所不信者。日本

既克以便宜之方法得重大之利益。則必不肯開始戰端。君當知日本一貧國也。甲曰。日本不難要求同盟各國。爲之扶助。彼既報告各國。謂其戰爭之理與彼等實相同矣。且於此可得雙方之利益焉。乙曰。果如是。則將來所得利益。必與各國共分之。此正日本之所不願者也。日本欲乘此時機。獨收其益。夫來一不妥之權利。則非常危險。余以日本必不肯變其目下之態度。况又有美國在乎。苟有戰事。誰謂美人之不中國助也。自宮政府對於目下之形勢。已明晰表示不滿足之意旨。若一旦日本迫中國於不得已之地位。彼豈徒作虛言坐視而不救乎。當德之侵犯比利時中立也。英以此事與彼大有關係。毅然起而救之。苟美國見日本之蹂躪門戶。開放主義。亦不難效英之所爲。蓋日本設估據中國。則於美人有不利也。余敢斷言之曰。日本斷不能置此事於度外。則此足以爲中國之保障矣。日本對於目下不甚費力。所得之利益。必已知自足。此種利益。實等於千八百九十五年及千九百零五年兩次戰爭之所獲者也。乙曰。君言誠然。惟日後若何。避此互相牽引之政策。余恐一波即平而一波將又起矣。

●論大隈內閣之於中國 譯大陸報

日本大隈伯爵長修辭學。故彼所著文詞。外人羣無從指摘其非。蓋彼雖未習英文。然其著作之經彼譯員述誦者。外人多聽得而誦之。則其原文。具有雋永之滋味。尤必為其國人所樂誦。無可疑也。然此第就文詞言。若論理想與見識。尤有令人欽仰者。伯爵雖未數歷外洋。然其見解。甚為宏遠而周密。吾人屢於各報譯論中。讀其演說。未嘗不推為彼中名流之傑出也。且其生平。尤有敢言之態度。如宗教政治各問題。他人多不敢輕於論列。彼則雖非基督教。往往厲基督教徒之請。作論以登入該教各報中。若政治問題。則彼之識解。尤為高超。往往度越於政黨競爭國家思想之上。彼又喜哲理。並嘗說經濟商務銀行諸學。對於社會學。尤抱廣義之解釋。且曾為教育會之首領。又為日本平和會之首領。嘗以遠東平和之責任。故彼乃合經驗家理想家幻想家及實行家為一體者。其所構種種極大之想念。並不畏他人之窺其底蘊也。伯爵之文學才調。既如上述之美。若其人格。則尤有可得而言者。

日本人才之著名於歐美者。此二十年中。除伊藤外。要推伯爵為首屈一指。美國多數上流人物。亦敬而慕之。蓋不獨具日本人才之資格。而實具世界人才之資格者。

去年八月二十四日。伯爵曾電紐約自立報。略謂予為日本內閣。並無他種之善意。並不欲侵略他國。以擴張己國之領土。尤不願侵奪中國及華民固有之產業及權利。云十一月伯爵又投論於其國某月報內。有日本好富之志。願深學歐美各國。明瞭而信任之。與各國聯為一氣。以共同保護扶助此最高文明之發達。日本且願盡此職務。而為生命之犧牲。蓋此種主義。列強多不惜犧牲生命以殉之。則日本對於遠東及他處。自亦不惜犧牲生命以殉之。凡有足以阻礙此主義之進行者。日本深願聯合列強。共圖抵抗。英人惟不憚為此主義死。故日本願與之同盟。要之嗣後各國。或為文明尊貴之交涉。或為聯合陸誼之行。或為均勻權利之和平。或為競爭流血之反對。凡為世界普通之善舉。而不拂乎好富之志願者。吾日本皆願於是等是會得參與之。若對於今茲歐洲之戰。殊無他志。惟關於文明極點永久和平之趨勢。日本當

盡其保護維持之責云。

伯爵之學問才識志願品格。其所表示於吾人者如此。吾人今日所最自媿自歎而無以自免於愚魯之誚者。則爲伯爵生平所宣布之政策與志願。合之於日本半載以來所行之事實。不能尋一妙法以使之合符也。夫言行前後之不符。爲各國各人之所不能免。原不獨日本爲然。即彼謂爲保護扶助此最高文明之發達。日本願盡職務而爲生命之犧牲云云。亦不得謂非由衷之言。第彼所目爲最高之文明。願與泰西各國共同保護扶助。至不惜犧牲生命以步各國之後塵者。以事實按之。乃在尙武力講強權之文明。而非爲講法律論道德保和平重仁愛之文明。此固顯然而莫可掩者。吾人於此。故誠不解以爭戰侵奪強取之手段。如何爲能達和平敦睦及友愛之目的也。或者伯爵亦知彼生平所宣布之政策與志願。實與彼國近時之所欲爲者正相反。故於致哀的美敦書於德。提出要求條件於華之前。早已將其和平會會長之職務爲無形之取消乎。

然即就日本好高之志願言。亦自有不可解者。此半年中。日本既

世界之公論

籌餉運兵。繕治戰具。以迫德人於孤立之地。不數月而取之。佈置未定。復突向中國。提出二十一條強項無理之要求。並言明不肯爲絲毫之讓步。是所謂有好高之志願。願與列強共企最高之文明者。乃確爲尙武力講強權之文明。爲上所已述也。夫日本好高之志願。既在於此。則與聯合睦誼之行爲。均勻權利之和平競爭。流血之反對。固爲背道而馳。何以大隈氏又謂是等機會。日本皆願參與之。關於文明極點永久和平之趨勢。日本皆願保護而維持之乎。蓋即就志願言。固亦自相矛盾耳。

要之日本志願。若在武力強權之文明。即不復能參與和平均等之文明。使日本而果好和平均等之文明。則西鄰如中國。亦復何疑何懼。日本即有要求。中國但憑義理利害以應付之。可許則許。不可許則不許耳。又何至如今日之困難而躊躇乎。夫以伯爵之文詞抱負。與日本之好高敏慧。吾人但願各國之終能信以爲實。尤願吾美人之終能信以爲實也。

外報論日內閣手段之誤

譯大
陸報

國

恥

日本英文通告報云。就此次日本總選舉結果觀之。日本一般人民已贊助加藤外相與大隈內閣之外交政策。但旁觀時局。宅必公允者。不能以日本外交為滿意也。日本在中國或可得其所欲。日人之投票者。有鑒於此。故表示其信任。然日本雖可得其所欲。得之利益。而已喪失外人之信任矣。外人之不信任日本。不必在於日本之所為。而實在於日本行事之手段。請以青島事喻之。日本於八月十五日致愛的美敦書於德國。稱日本以歸還膠州於中國為目的。故限德國於九月十五日以前。將膠州租借地無條件無賠償。交與日本當道云云。日本在其時。原可無須聲明交還膠州置之不言。豈不甚善。乃愛的美敦書中既有交還之說。而當道又絕不設法以打銷世人所抱。日本必還膠州之念。愛的美敦書限期滿後。紐約獨立報接日本電。此電與東京國際電社。八月二十五日所傳者同。足堅外人信任。日本必還膠澳之心。電文稱路透社員據最可恃消息。其謂日本無論將來處於何等情形之下。必力照英日盟約。美日協約。與日本給予中國之質言行事。此為日皇元老院樞密院內閣及各領袖公共贊成之。決定政策。日

本當還膠州。當保全中國土地完全。並無論是否以武力奪取青島。當堅守愛的美敦書之言云云。此電乃在愛的美敦書限滿後二日所發者。其時日政府檢閱電報。方異常嚴密。然此電竟非表示官場之意見。蓋十二月九日加藤外相在國會中。會有戰爭後膠州之交還為日本所未思及。亦未為愛的美敦書所言及之言也。種種錯誤。外交省不能不負責任。膠州事為第一大錯。日本如以德人交戰。不欲交還膠州。則當時何必言及交還乎。德人之必出於戰。誰不知之。如謂德人若果開戰。膠州不能交還。則當時愛的美敦書中。何不明白詳言乎。日本既未明白詳言。又何以使足令世人誤信。日本必還膠州之消息。由日本而傳佈於外乎。交還膠澳既已徒託空言。而事後行為。又復不遵正軌。徒足損日本之聲望。而招外人之疑耳。設當時外交省稍稍留意。至有此哉。第二大錯。為提出要求事。此與青島事無異。同為外人所指斥。其指斥之點在於日本所通告各國之要求者。不若在於日本所用提出要求之方法之多也。日本辦理此屬過事秘密。致啓人疑。蓋若日本要求可以昭示大眾。與日本關於中國所立條約。絕無抵觸。

則日本固可無庸若是秘密也。且北京秘密事件。斷不能逃脫以探刺秘密爲事業者之耳目。日本外交家當未必不知之。雖守極端秘密。庸有益乎。要求提出後。不數日而詳細條件已暴露於天下。歐美各報已於許多星期前登錄各項文件。惟日本境內各報。僅因檢查之故。迄未得發表耳。日本允還膠州已生誤會。所前密遞要求復啓猜疑。於後不可謂非一誤而再誤矣。今疑懼日本。不信任日本者。不限於一國。凡與遠東政界有關係者。莫不若是鑄此錯者。誰乎。吾人不能不歸咎於當今內閣之外交手段。

● 加藤氏之外交政策

華德日報曰。中日交涉。變像不測。議論紛逞。若求其事之真像。則殊屬困難。大約目前日本欲藉協議強迫中國。隨其所願。至少亦須允其要求之半。庶免將來列強苟再從事中國之問題時。日本可以實行抗拒。而全其獨霸之志。此觀其舉動可想而知者。北京政府亦深知其志。故凡有侵害中國主權之要求。一概謝絕。至若所謂日本用武力實行其脅迫之輿論。未免去事實過遠。縱令日

本有作戰之舉動。亦勿庸恐懼。據近來京電觀之。亦是有堅持到底。不以日本用武爲懼之意。故吾人深望其能行。惟不知中國政府。能否不爲威武所屈耳。今讀四月十九日漢城日報所載日本外相加藤氏之論。其對華政策。不特頗有深意。且主張緩緩討論。惟該報不以加藤之意爲然。觀下所列加藤氏之論。與該報之批評可知。

加藤曰。外交上之協議。可謂於流水之中。下網捕魚。苟始終足能堅持其態度而不移動。則久後必有所獲。至若政府能否於國會將來開臨時會之際。將協議之成績。造成報告。送交國會。今余則難以豫言。但國會之臨時會。與對華之政策。純非一物。乃截然兩事。其內容絕不相關者也。今與華人協議之際。如果過於匆迫。激出意外之變。則惟有害而已。故余願望國民忍耐而待其局勢漸有良果之進况也。

是此論調。甚形柔順。蓋加藤君除等候二字外。不能多作一言也。然則日本人民。亦可因歷來所得之進步。忍耐等候。至加藤君不能再有等候一言之日乎。若據吾人觀之。此種論調。殆惟圖隱匿

其全然無用。與此種樣式外交術目前之狼狽於該甚難問題會議之後耳。今彼既靜坐於水邊。全反昔日轟轟烈烈之所為。以候其網中能否有所得獲。而明日恐又與櫛皮製造師所有櫛皮盡為水流去者。交換其漁業矣。嗚呼！以此等人辦理外交。吾知其失敗之日。仍惟有點頭告退。爾等其等候哉。

●字林報希望戰局可免

字林報社論曰。星期四日本報曾謂日本對於自己之將來利益。不致毫無顧慮。對於英國之盟約。不致捐棄忠信。而行真正妨害中國主權。與他國權利之舉動。詎日本之哀的美敦書。今已投交於北京。且當本報撰此論時。所接之電音。據謂日本已告中國。以中國必須依允日本要求。否則中國當食其惡果矣。此項新要求。已詳見昨日日本報北京訪員。謂為損中國之國體。傷中國之主權。妨害中國經濟發展之前途。此言頗為確切。日本執政者。當亦知之。奈何竟致訓令於海陸軍。諭其部署一切。準備於奉命一小時內。開始行動耶。吾人聞此消息。誠難以再信日本。屢次所宣稱尊

重中國完全之言矣。懸測日本哀的美敦書之根據。必不在於日本所提出之要求。而必在於中國所答覆之對案。舍此則無可為根據者也。據路透東京電云。中國之對案共分三項。(一)日本應有交還青島之質言。(二)華人於日本用兵山東時所受之損失。應得賠償。(三)中國可為他日歐洲和議會之一份子。聞日本因以激怒者與視為中國不誠懇者皆在此三項對案。其實除第三項對案。非日本權力所能應許者外。吾人不見此項對案。有足以激人之怒。招人之疑之處也。然聞日本竟因此項對案。已為之怒氣勃發。疑心頓作矣。如東京電之言。果屬確實。則吾知日本必以其施用武力之恫嚇方略。為日本尊嚴受侮之結果。而不以為常。此各國多事不能裁制之際。日本野心大作之結果也。以尊榮受辱為用武之藉口。此事向未多觀。况今日之事。更不足為用強力之口實乎。吾不欲謂日本之行動為卑鄙。但不能不謂其操切從事。此特吾人尙未見哀的美敦書之內容。其中或尙留中國可以伸縮之餘地。或注重於中國之取銷對案。或顯露吾人所未知。而與英國對於揚路線問題之態度。有關係者之事。未可

知已。英國對於此事之地位。為吾人所知者。僅為星期三日下午議院中。外相葛雷之宣言。葛雷於答覆種種問題時。謂中國前已給予英人之利益。斷不能未經英國與受此利益者之許可。而遽讓渡與他國之人云云。此言為英國之主義。英日雖互換意見。然必不與此主義相背。苟日本哀的美敦書。竟無轉圜之餘地。但一味以兵力強迫中國承認其全體要求。則英人誠有充分理由。以責其賣友背約矣。

此外吾人尙有一時時在念。不可排去之希望。即日本當不致使吾人目睹海陸軍強盛之國。攻擊不能力拒之弱國。極不尊嚴之慘劇是也。各省當道。如能實行北京之訓令。則雖有可怖之哀的美敦書。中國當不致有流息之慘。吾人無一希望中國作戰者。如中國果戰。則吾人將以中國為誤。中國已提出極有理由之抗議。如日本不依其言。則中國即使退讓。亦不致在世人目中所損失。前日日本市場。忽現跌落之象。若大局不佳。則昨日日本市價。當更低落。乃不獨不低落。大坂市價。且逐漸漲高。苟日本果無足引起樂觀之事。斷不能有此現象。蓋日本縱組織完備。然無阻

過經濟恐慌之能力。日政府縱力守國際危險之秘密。然未能誣騙其重要商人也。北京訪員星期五晚間來電。謂華人並無過分驚慌之象。吾人綜察此二事。竊謂戰局或可免也。

●論履行條約即為中外兩利

策 譯公論西報美博士李佳白著

吾人既屢言日本之對華政策。實大有損於中國之主權與中立。故列強如英法俄德美諸國。自應亟籌防制之法。以保中國之和平。而固已國之權利。換言之。即各國對於今日之中國。允宜以合保中國者。為自保之計。並宜為中國籌補救虧損之法也。茲試根據各國各項條約。而歷數各國對華應負有助中防外之責焉。各國對華。既負有保護其主權獨立之責。是即有時未能徑行直遂。然對於侵損中國主權之事。終不可不力為避免之。以履行其當然之義務。中立者主權內之所有事也。各國前既立約以保比國之永久中立。是不獨比國自負有嚴守中立之責。即各國亦應負互守之責。英法俄日既互立保存中國主權之協約。則不獨中

國應自保其主權。各國亦宜互保其主權。乃自近五閱月。日攻青島以來。無在不侵損中國之主權。與中立。中國雖有和平之請求。抗議。日本亦概置之不顧。致令中國對於各國。乃有無地自容之慙。是日先自違反其協約之義務也。夫英法俄日互保中國主權之協約。並非由中國請求。乃由各國自動。則各國固有自踐其約之必要。即他國若美。雖於此約未嘗與聞。然前既屢以保存中國主權之必要為各國告。則此時亦不宜放棄其職志。况高麗未亡之前。美國亦有合保高麗主權之仁言。未幾而卒為日所併。仁言終歸無效。則對於今日之中國。尤不可不慮後懲。前急籌所以實踐之法矣。至於德國近年之漸向。頗屬望中國之盛強。今雖以戰未暇。東顧。然戰事終非永久。一旦和平恢復。自仍當繼續進行。若夫就主體之中國言。其與各國所立條約之性質。雖與各國互立之盟約協約不同。然國際公法。非有完全自主之權者。不得與他國結何種之約。今中國與各國。既盡有條約。是其主權。本為完全。雖約中並未有保護主權之明文。然正以中國係完全自主。與各國平等。故不便自居於被保護之列。且約文中關於通商傳

教交涉諸大端。亦莫不有不得侵損中國主權之制限。况各國既承認民國。承認袁氏為第一任大總統。則其主權之完全。更無疑義。故但使各國能履行其條約上保護中國主權之明文與宣言。則助中防外之法。此即一也。

英法俄日四國協約中。其為協約所自與。而非由中國請求者。又有機會平等利益均霑一條。此法固最善而亦最智者。蓋以各國互相牽制。而不得由一國單獨行動。固為今日交通之世界。最良之制也。按此項辦法。不僅為四國言。且兼各國言。蓋凡關於工商實業傳教與學諸事。皆與各國以一例之待遇。而畀其比較優劣。自為勝敗。是不獨於中國固大有益。即於四國亦甚有裨。否則一國或得獨享其利。而各國不免均受其害矣。此主義既定。當時若德若美若意比荷奧諸國。靡不贊成。至於近時而首願破壞者。厥惟英。故擬乘勢毀滅德人在華之利。以為己利。焉。然一旦歐戰告終。各國仍在。則此主義。行必復回。蓋與此主義。反對之勢力。範圍主義。如德於山東。俄於東三省。英於揚子江流域。自日俄一戰。而俄之範圍已破。自日德一戰。而德之範圍亦破。若揚子江流域。則

美法德日久已參入其中。英之範圍被破。早已不自今日始矣。若夫一千八百九十八年各國之強佔要口政策。如旅順。如膠澳。如威海九龍。如廣州灣。中國概從各國之要挾而許與之人。或以是爲中國罪。然當時中國即不許。各國亦必徑取之。第各國當時雖逞志。然爲利於本國者小。而賈怨於中國者大。且由今視之。旅順屬日。膠澳又屬日。當日各國所估之局勢。已一變而生危險之情形。有將不免傾側之勢。總不如維持平等均霑之較爲有益也。所謂助中防外之法。此其二也。

保護遠東平和。爲今日各國宣佈之恒言。夫言遠東。則中國自在其內。按此項論調首提之者。卽爲日本。其與英法俄各國所締之協約。亦莫不以此爲言。卽去年之攻青島。亦藉口於是。故使日本而真具誠意以圖之。自於中國有莫大之助力。若陽言保護平和而陰乃爲其戎首。則首當其衝者。卽爲中國。復何能得其提携之益乎。且夫日本欲使中國深信不疑。爲事至易。青島之下。距今已二月。誠使舉而還之於華。或撤回其所駐之兵。取消其交戰之域。恢復中國管理海關之主權。則自足以表親善之意。而生信仰之

心。他如英德俄法美諸國。誠亦能設法使中外之間。永不啓戰。豈非不再見他國之戰禍。延及中國之領土。則非惟完成其條約之義務。且真足以保東亞之和平矣。所謂助中防外之法。此其三也。各國條約之締結。大都以友誼睦誼爲前提。此固爲最善之名詞。而要貴乎實踐者。夫使各國對華。誠能實踐斯旨。則不獨足以保己國之休名。亦自足以爲中國之利賴。第按各國使臣條例。凡於其駐在國之名譽。莫不信加尊重。未敢有輕爲詆議者。若駐在國正當多事之秋。尤多含有體恤之意。如今美使之分駐各交戰國者。要莫不然。此正所以爲友誼之表示也。若各國公使之駐中國者。或異是平時。旣不少抑中揚外。飛短流長之習。至中國處於困難之境。更不勝其冷嘲熱諷之詞。凡此皆足以傷睦誼。而於禮亦未合者。誠使循其正軌。互相尊禮。不加菲薄。肯本國之僑民而一致之。則中外之感情。旣真融洽。於以合營實業。共圖利源。所謂大利所在。必其兩益者。卽於是乎在矣。所謂助中防外之法。此其四也。

要之條約者。國際規定之正路也。率由正路。乃親善之最要者。夫

各國以佔有中國領土故。致華人心理中終有不拔之隱痛。誠使日本今日能踐其宣戰時之言詞。先以青島還之中國。至時而更還旅順。以爲各國倡。由是若威海衛。若九龍。若廣州灣。英法等國亦相繼而則效之。甚或及於香港焉。夫香港卽不復能還。而其餘各口。固皆負有交還之義務者。則吾人之有此希望。亦固爲情理之當然也。當日本之宣言攻青島也。吾美人有生長於德者。厲書於予。謂自聞日攻青島之信。爲之大感。蓋以中國被攫之領土。至此將有歸還之望。云觀於此。而今世界之尚和平。講公理者。其心曲可知矣。夫國際之際。誰非可以容言得者。必實際上實有公平之據。乃可以收親善之效。惟公平之證據愈多。則親善之效果亦愈確。夫是以能爲兩國利也。

美報對於日本行動之研究

大陸報云。日本以出人意料而來之手段。向中國提出重古所未有之要求。中國時局遂頓現危象。美政府於此不能置若罔聞。今美國國務院已行其足以披露日本目的之正式行動矣。就

傳來之消息觀之。似美國之行動。採用實質性質。而非反對抗議之性質。其文大旨當如下。吾人接可恃方面消息。知日本刻向中國有所行動。此種行動一經成就。卽可破壞美政府解釋各國關於中國所訂各條約之真意。並侵犯美日兩國對於中國特定協約之精神。美國以各種條約中所載之主義。與美國利益有極重大之關係。各國苟有侵掠中國主權與土地完全之舉動。則美國不能安然坐視。美政府謹以此意告知日政府。並請日政府詳細解釋日本目下之行動。美國提出此次質問之文。出於對於日本完全友愛之意旨云。

日本通知報訪員。曾因此事往詢日本外交省某君。某君承認美國確有此項通牒。並發揮其意見如下。日本外交省之意見。以爲日本向中國提出要求。並未破壞前美國務卿賂脫與日使高平所訂保護中國領土完全政治獨立及列強在華均等機會開放門戶主義之協約。且因戰事而發生之事件。亦不能謂爲破壞舉動。卽如日本佔據德國在南洋之屬地。或在中國之青島。此皆爲日本與德開戰之結果。凡戰事之結果。應視爲非人事所能爲力。

天然事變之結果。故此種結果。不得稱爲破壞美日協約之舉動也。美日協約之精神。乃在維持太平洋各地之現狀。惟立約國若與第三國開戰。則約內所指各地之現狀。自當因以變動。蓋約內所稱維持現狀者。乃維持除購戰外之現狀也。就此意義而言。路脫高平之協約。固仍然有效云云。

讀者試就下列諸點而一研究之。(一)歐洲各大國皆在戰局中。以致在戰事未畢時。未能抗拒日本在遠東之行爲。(二)日本在戰局外藉端插入攻擊中國境內租界與一交戰國之口岸而容易佔據之。(三)日本藉口於軍事上之必要。而施行其預先謀定侵略土地之計畫。遂侵據交戰國租借地界外之中國土地。(四)中國並未附罪於日本。日本亦未通告各國。(除非其同盟國深知其陰謀) 據得步進步。向中國提出許多要求。此種要求。苟中國依允之。日本實行之。足以破壞中國之主權而代有之。(五)日本欲掩蔽其舉動。而於力迫中國承認其全體要求時。威嚇中國。禁其聲張。(六)事實既洩露於外。北京各國公使知之。報章載之。世人亦漸知之。日本於是時擇其要求條件之較輕者。佈告各國使

臣。以答覆外交界之詢問。至於要求條件之更嚴酷者。皆漏去而不發表。(七)日本檢查日本發行之報紙。並利用一傳佈隱匿日本電報。爲日本政府所吸收之電社。以關係日本要求與中日交涉之虛偽混惑情形。佈於全世界。(八)日本之謀。終難永久收效。事實真相。逐漸傳佈於外。(九)戰局中與日本同盟之各國政府。於日本要求發生前。既不先事預防。於日本要求發生後。亦無糾正方法。不得已。在表面上。佯稱日本所作爲者。極可贊成。然吾人可決其陰則通告日本。謂各國不願日本有此作爲。(十)世界更強大之國。未陷入歐洲戰局者。厥惟美國。今日本對於美國之質問。竟公然提出辯論之理由。直以日本插入戰局。(此事與日本風馬牛不相及。且或爲其同盟國所不歡迎) 遂可棄絕與一中立國(美國)所訂關於一無辜中立國(中國)之條約。而在道德上。法律上。遂可自由乘時勢之利便。以劍鋒加諸中國。據奪中國之主權。

研究上述諸點。可以了然於胸。然則日本竟能如願以償乎。日本若能予取予求。償其大慾。則世界可盡取直道公正之主義。與夫

關於萬國交際之條約。投諸大海。而練習今日似有效力之唯一方法矣。此方法維何。即外交詭術與武力是也。

●中日交涉與美國之關係

德文新報曰。中日交涉。已陷於危境。惟有用日本是否用武力以實行其要求。抑或以其將來在東亞列強下之位置爲慮。而轉爲較和平之態度。尙未一定。此誠目前日本不可不從長計議以辨顏色者也。至若中國則決定始終如一。未嘗有改變其態度之說。然前星期北京美使與袁總統討論日本之要求一說。殊有注意之價值。當此時機。美國是否出頭維持。尙未見明文。但亞東政界。亦屢有出人意外之舉。與不期而至之事也。

▲言行相違 庚子拳匪肇亂以前。列強之中。大半決定瓜分中國。泰西各國歷史學者。亦均贊成其議。而迄今中國得保其殘喘者。賴有德美兩國偕同進行之力也。當拳匪肇亂之前。美國國務卿約翰海君。與其時德國外交總長畢洛伯爵交換意見之書。已有數月。即聲言凡與中國經濟有利害關係之各國。當藉雙方協

約保證。維持中國開放門戶之主義。惟列強之中。有一部分不概於懷。蓋彼時各國志在蠶食中華之領土也。然以此項政本關係重大。亦未能冒冒然拒絕。比及拳匪肇亂以後。一千九百零一年。列強之中。如英法俄三國。拓殖領土之念。又未去諸懷焉。彼時英報如倫敦日戴里麥爾者。謂東亞政策。不得仍循舊軌。以開放門戶爲主義。而必須設一新根基。以立英國控制揚子江之優先權。至於法俄之報紙中。亦有類似之陰謀議論。幸彼歐洲三鄰邦。注重中國之利害。未爲浮言所惑。已早在中國承認維持開放門戶之政策。遵守協約不侵犯中國疆土。自是以還。列強在中國之政策。遂決按彼時舉世共認之主義而規定焉。故迄今列強各用其銳利之眼光。監視他國有無違反此主義之舉動。非泰西唯一之強國。惟有日本。然據協約而論。日本亦有維持中國開放門戶及保全領土之責。而尤不得有違反此項主義之企圖焉。蓋日本與列強皆訂有協約。以維持此項政本爲主也。他且不論。今姑將日本與列強所訂之協約。而與中國有關者擇錄數條於下。以供衆鑒。

一千九百零二年英日兩國締結同盟條約。自此以還。復革新爾次。而照約日本則始終有擔負下列一條之責任。

維持列強在華共同之利益。即保證中國之獨立。(本社按中國獨立而欲他人保證。苟我亦以此保證爲然。是我有依賴心。依賴他人。則我之獨立根基搖矣。危哉保證也。吾曷忍聞之) 不侵犯中國之領土。及各國在華工商實業均利之主義。

一千九百零七年俄日協約之第二款如下所列

締結協約之兩大國同意承認中國之獨立。維持中國之領土。不得減少與各國在華工商實業之均利主義。並同擔任防衛舊序之維持。及用種種和平手段。以保其主義。

日本對於美國於其十一月三十日之協約中有下列之宣言以期共悉。

兩國政府之政策。不得爲進攻之勢所影響。當以維持在中國工商實業之均利爲主。

又有言曰

再者兩政府決定保證列強在華共同之利益。即用其所應用

之和平手段。以保中國獨立領土完全。及各國在華工商實業之均利主義。

此外尚有外交書二件。於今亞東千鈞一髮之危際。亦甚關重要。即專論日美兩國在東亞及太平洋一帶利害之共同者也。但日本於其書中。亦已承認隸屬開放門戶政策之黨。且爲中國領土完全無損之保證人焉。一千九百零八年華盛頓日本大使高平男爵與美國國務卿李胡路時君交換美日兩國關於東亞政策之意見書如左。

日使致美國國務卿書

日美兩國所有在太平洋關係重要之島嶼領土。兩國政府有相同之目的。相同之政策。及與其範圍內有相同之意見。此僕與君承交換意見之機。屢次所討論者也。今姑假定明認彼項目的。彼項政策。及彼項意見。不特於鞏固日美兩國間。自有人類理想以來之良友善鄰等情誼。深有裨益。且亦保證一切和平之維持。故僕奉帝國政府委任。草定下列各款。以爲共同目的政策意見等項之本。恭呈尊鑒。

(一) 促進日美在太平洋之商業自由和平發展爲兩政府之希望。

(二) 維持所言各地之秩序及防衛在華工商實業均利之主義。不爲一種進攻之傾勢所影響。爲兩國政府之政策。

(三) 以此兩國決定互相尊重其境內所屬之領土。

(四) 並亦決定保證列強在華共同之利益。卽用其所應用之和平手段。補助中國獨立。及各國在華工商實業均利之主義。

(五) 倘有威脅及於以上所述之秩序及商業等均利之主義者。無論其事實如何。日美兩國政府。應互相聯合進行。對待一切自私自利者。

以上所列五款。倘合美國政府之意見。而得執事允准。則僕將深感焉。此敬請助安。一千九百零八年十一月三十日高平具

英報望我保有領事裁判權

英文北京日報云。英國某詩人之言曰。同類相憐之感。足使吾

人去惡而向善。此言今實未必盡然。當十九世紀中葉。日本之出於閉關時代也。與歐美各國締結條約。因此條約之訂定。歐美各國對於其國人民之在日本者。皆得保有領事裁判權。日人以此爲辱。曾極力設種種方法。以期取消此項特別制度。泊夫一千八百七十二年。曾派專使前往歐美運動修正前訂之條約。而未成功。其後每換一政府。必設法以期滿意解決此問題。而國內之輿論對於此事。亦甚激昂。一千八百八十九年時。今總理大隈伯方爲外相。爲刺客所狙。擊傷其左股。當時大隈之所以不容於衆者。卽其對於各國願承認將此領事裁判權逐漸取消也。此事遷延日久。直至一千八百九十四年。郗當中日戰爭之前。英國承認修正條約。并於一千八百九十九年實行。此外與日本有條約關係之歐美各國。皆允照英國之例。於是日本始恢復其領土內之裁判權矣。設使同類相憐之感。果可以啓迪人類博愛之心。則懼惶惜懼。日本當竭其力。以助中國脫領事裁判權之羈勒。本社按己所不欲勿施於人。彼背道義之徒。不足語此。歐人有爲戰俘而囚。數載者。釋歸見有籠鳥。而放之。憐其似己之。皆遭厄運。

也。日人竟以其會脫之痛苦以痛苦我且加厲焉。此卽示其詞文同種之盛誼乎。但日本從未本其博愛之宗旨。而有此等同病相憐之表示。不審惟是方且極力使此項羈勒加之中國。而緊扼之。蓋昨日在日本使館會議條件之中。類多關於南滿東內蒙。此項條件。卽規定日本人民在南滿東內蒙。不論何地方。皆得受該國領事裁判權之保障。設使中國承認此事。則日本各種社會。必遍設於所謂日本勢力範圍之地。此苟日本人民將來既不服從中國之法律。又可拒絕繳納本地各種捐稅。且將來日本法院必遍設於重要地方。以審理日本人民之訴訟事件。而將來中日人民之糾葛。必靡有底止矣。據聞中國外交當局已表示。設使日本人民能承認不得受日本領事裁判權之保障。中國願承認准與日人在該處得有居住游歷之權。本報接此消息。殊深疑竇。同一國人。決不能自剝奪其條約所與之權利。明甚。卽使日人能棄其政府。從條約上所得之權利。則其他各國之人民。照最惠國條約。皆有居住游歷之權者。勢必致亦得受該各國領事裁判權之保障。故承認日本此項要求。不啻開南滿東內蒙領事裁判權

之先聲。設使俄國在其勢力範圍內。亦要求同等之權利。則中國將喪失其東三省一切之實權。又可知日本從前設種種方法。以脫各國領事裁判權之壓力者。至此而施之於中國。必更加緊密。故甚望中國政府拒絕此等條件也。

●英報以思想自衛勗我

英文北京日報云。昔者愛爾蘭之兵士。一日以某事告其長官。其長官斥之。謂爲不敬。該兵士卽問曰。倘彼心中有如是思想。卽爲不敬否。該長官答曰。否。於是該兵士卽曰。然則余心中作如是思想耳云云。此節傳聞。可用以譬喻今日中國人之態度。中國因貧弱之故。實力不足。副其意旨。於是一言一動。皆見罪於某國。然中國人言語動作。雖不自由。然其思想之自由。則非其傲然命爲賢士之某國。人所能干涉也。中國不能以武力抗拒某國之要求。無庸諱言。且中國亦不容有何種顯明舉動。以損害某國之利益。惟中國可運用其腦力。用無形無跡之思想。以爲自衛之具。阻止外人之侵襲。此種自衛之具。絕非強霸之外人之力所能奪。而中國

人藉此爲保障。即可從容自治其事也。今橫濱正金銀行之外。中國人之鵠候。提取存款者甚衆。記者見之。有感於中。乃著此論。北京之此等舉動。恐是受上海漢口及香港各商埠之影響。然而此事可表示中國人之思想也。蓋此輩華人。羣以存款於中國自辦之銀行。或移存別家外國銀行爲便利。誰可有權干涉之耶。其被影響之銀行。雖屬不幸。然是固尋常競爭之事。如在某處之英國商務。爲德人所替奪。然德人得受其利者。轉而爲日人所勝。故若日人轉而爲華之所替奪。亦在理之事也。競爭之事。無友誼可言。常言曰。公事是公事。故商務當照公事辦理。各逞其競爭。公事之外。始可言友誼。此例在中國不當有異也。中國人之自由思想。他國將必有知其真價值之一日也。

中國地位果無望乎

大陸報

北京傳來之函電。詳敘中日交涉進行者。字裏行間。輒流露失望之意。有數方面聞中國已割棄滿洲權利。遂謂大事已去。日本今將以宗主權加諸中國。欲求倖免不可得矣。日本所要求於滿洲

者。苟中國已承認若干。果如本報北京訪員所云。則滿洲之門戶已爲日本所閉塞。可決言無疑。中國雖不願意。然已許之。而中國在滿洲之主權與行政上管理權。已深入漸爲日本吸收之境矣。雖然。中國縱已割讓其滿洲主權一部份。而僅有獨立行政之虛名。吾人於此不可遽謂大事已去。或終必去也。本報數日前曾申明此意。推測時事之進行。不出於下列兩途。(一)歐美人民。刻方仇視痛斥日本對華政策。日本或因外人輿論。而有所警惕。以所得之利益爲滿足。不復肆行要求。(二)日本或將繼續力迫中國。依允其全體要求。如中國堅執不肯退讓。則日本將威脅索取。或以軍力侵入華境。而強取之。若日本行動出於第一途。則中國尙可有較爲安靖之時代。歐戰未了之前。當不致有所變遷。若日本行動出於第二途。則中日兵禍。將不可免。或由於正式之宣戰。或由於華人之義憤。中國境內擾亂之期。或較歐戰爲更久遠。中日如果開戰。則孰爲戎首。世界自能辨別。此爲他日談判和局中。所必研究之點也。

世界文明。苟未隨戰事而消滅。則無論日本若何行動。中國終有

陳訴於世界文明法庭之一日。縱世界文明經此戰局。或稍有退步。然必不喪失其精神。不久即可恢復。此記者所可斷言者也。英國哈爾丹爵士。似亦抱此觀念。謂此番戰事。定可使秘密外交術不發生。於將來凡國家之不行正大光明之政策者。他日定不能在世界上重要之地位及權力云云。（本社按是說之見地至深遠。且爲公道結果之當然。）記者請更進一言。以爲世人告。如各國欲彼此安處。則不獨秘密外交術。即齟齬外交術。亦應絕跡於將來也。日本向中國要求時。所用之外交術。純屬秘密。但爲世人所覺。並知其外交術不僅秘密。且屬齟齬。中國苟因日本要求之結果。從此分裂。則次於日本擔負分裂中國之罪者。必爲與日本同盟之數國。而各中立國。在條約上有保全中國土地完全與其政治主權之義務者。亦須負若干間接之責任。此固顯然可見也。日本在中國行其秘密齟齬外交術。以期欺騙西方諸國。然終未能掩盡世人耳目。吾人可於各方面徵實之。美國報界。雖政治態度各不相同。而對於日本行爲。則咸有懇切嚴厲之討論。美人之不爲日本所愚弄。尤爲顯著。蓋文明國人民之輿論。雖爲大

戰局之複雜原因。綜錯位置所迷惑。然對於國際大事。尙不完全模糊也。

記者推論至此。敢謂中國尙不致於滅亡。但吸引西方諸國之贊助。以保全中國之主權。端賴中國有自救之道。世界文明不恢復公道主義。（本社按自救之道。著重在一自字。日日自造其能力。至能爲救國之自動他國見此方有爲之樂助者。）則已如恢復之。則必以保全中國生命。滋養中國氣力爲念。雖然。苟國家已無立國之滋養料。委靡而死。則雖有極端博愛之文明。恐亦不肯消耗其光陰。以使已死之國家而復生也。此中國對於日本要求。足以在中國心坎。破壞中國主權者。所以不可不竭其全力以拒絕之也。

●京津太晤士報之不平聲

▲會議困難之情形 京津太晤士報北京通信云。昨日日本使館。中日代表之會議。其情形實使中日問題更加困難。換言之。即中國存亡之樞。已現於目前。而歷使上所未有之大禍。亦已臨頭。

國

恥

大隈內閣之僥倖於選舉。此實使中國之命脈。更難久持。夫日本人之處心積慮。欲擴充其土地於中國。已非伊夕朝。今日因大隈內閣之得勝。而使遽變其態度於壇坫之上。嗚呼。是明欲促中國於漩渦之中。迫使東方有莫大之戰禍也。譬諸鳥。鳥然向在卵翼含育之中。所以未遽露而者。不過爲卵壳所蔽耳。卵壳者何。曰和平之假面具也。本社按譬喻之狀。亦至難堪。不知受之者如何。而浸長浸盛。至於今日。已有破壳一躍之勢。故向之忽隱忽現。忽陰忽陽之舉動。在今日。已無繼續進行之必要。向之藉口。德人橫暴以爲進身之階者。在今日。亦不必斷斷於此。而不欲摧殘棄亞和平。侵略中國土地之宣告。在今日。豈尙能張振有詞乎。一言以蔽之。日本之所謂開放門戶機會均等者。其真價之價值。已彰明較著於今日。此固無可諱言者。亦不必諱言者也。

今日之日本人。一手執聖經。一手執利刃。中國人能承受二十一條之要求。則亦已耳。非然者。亦惟有以戰爭爲最後之解決而已。若所謂折衷之意見者。是中國人之害單相思也。蓋日本者。方幸中國之積弱。而不振。方樂歐洲之酣戰。而不休。和平解決云者。非

伊所喜。其所喜之事。固在趁火打劫。乘人於危。且此千載一時之機會。真可攫奪其壇坫上之所不能攫奪者。此其所以提出二十一條死命之要求。以脅迫中國。至中國之必難承認此死命之要求。亦日本人所洞悉而深明者也。兩月以來。中國代表之格外通融過分。遷就其醉心和平之聲名。已昭昭在世人耳目。而世人亦靡不企踵引領以望談判之進行。而孰知人事之變遷。有非意料所能及者。願爲世人再言之。昨日會議。日本代表所堅執之點。不啻爲大隈內閣真相之發露。而與大隈內閣前此和平之真論。與協助中國之僞詞。適成一反比例。蓋現在日本對華之方針。實已決定。中國若能承認日本爲其統治者。則不必言。如其不然。彼亦不憚冒天下之大不韙。以實行其強盜手段。而劫奪此否運之中國行見。日人在高麗所演之齣劇。將重行出現於大地之上。而橫行不法。肆無忌憚之態度。曩之從前。必有過之而無不及。昨日會議時。日本代表之告中國政府。一則曰。日本原有之要求。務必完全承認。再則曰。曉曉不休。再四談判。必無效力。蓋會議已經多次。若中國固願承認。則早有結果。何必待至今日。待至今日而

尙無結果。是日後亦無談判之必要也明矣。中國代表聆及斯言。即起而答辯。謂日本要求。勢難完全承認。且謂以世界公道言之。要求既如此其酷矣。則自應有相當之時日。以便討論云云。後日置氏似稍稍讓步。允再以明日（即四月一號）爲討論之期。惟日本方面則大有非完全承認不肯于休之概。嗚呼。綜觀上述情形。而有以知日本人之真相矣。其原有之條件。又何等其苛刻也。焉有不損及吾英人條約上應得之權利乎。而今而後。吾英人之商業。亦將爲之摧殘淨盡。蓋口人之在今日。已以德意志視吾英人。故所有大不列顛帝國之權利。彼亦不惜伸手而攫奪之也。

遠東之戰雲

大陸報

中日友好禮讓之邦交。刻漸有決裂之象。殆無可疑。吾人深望兩國邦交。不致決裂。而中國亦不致處於日本踐踏之下。蓋日本原有要求。若一一承認。即足陷中國於此危境也。中日邦交果能免於決裂乎。此爲不可必之事。吾人今姑就或有之決裂。而研究之。邦交既斷。戰事必作。但此時中日之戰爭。爲另一新戰局乎。抑爲

歐洲大戰局之附合物與繼續物乎。中國危機。乃大戰局直接之結果。日本已自認之。日本以參列大戰局。維持遠東和平之必要。爲向中國提出要求條件。向各國解脫條約義務之根據。日本既徇其同盟國不列顛之請。加入大戰局。履行英日盟約之責任。在遠東贊助實行。英日公共之目的。今遂悍然自認有得其所應得。戰勝結果之權矣。予以戰勝結果者爲中國。然與中國同遭損失者。首爲英國。次爲美國。英國刻在戰局中。苟能獲勝。則失之於遠東者。猶可收之於歐洲。中美兩邦。固大戰局外之中立國也。今就現象觀之。似交戰國偏擇局外之中立國。使其受因戰事發生之最大損失。其武力不足之中立國。呼籲無門。乃不得不受飛來之損失。此即今日中國所處之地位也。

中日戰爭之來。不出於下列二途之一。苟不出於兩國政府雙方或一方之行動。則必出於華人。因政府服從日本要求。而發生之排日舉動。記者之意。以爲中政府即不附條件。依從日本亦無以保全中國之和平。蓋國內排日之暴動。必隨政府退讓而發作。其足以擾亂全國。無異於正式宣佈之戰爭。且恐有過之無不及焉。

若中日政府雙方或一面宣戰而成戰局。則萬國在遠東之情形將何如乎。日本獨與中國戰乎。抑日本之同盟國助日本而與中國戰乎。英俄法果立於何處乎。據日本對於同盟關係之解釋而言。苟中日果有戰爭。日本之同盟國。自當爲中國之仇敵。而與日本聯合。共攻中國。再英法俄加入日本方面。非無理也。蓋既預聞戰事。即可預聞他日關於中國之善後辦法也。於是此西方數國亦將因日本所已行者。與將行者。同爲華人唾罵不置矣。

外交詭譎。變化不測。令人無從捉摸。英法俄當向德奧開戰時。未嘗願日本插入戰局。然日本知其責任所在。自爲不速之客。竟插入戰局。其結果若何。今已暴露於世界。不出熟知遠東時事者之所料也。今日本移其戰氛於中國。以獨吞戰利品爲目的。或將謝絕其同盟國。而獨自處置中國。未可知也。故中日如有戰爭。與中國交戰者。僅爲日本。抑爲日英法俄比等國。乃令人迷惑之問題。旅居中國之外人。對於中國和平或戰爭之問題。或有個人關係。設戰禍一開。則外人之地位。將因以改變。且將不能安穩。吾人懸料租界當道。今已研究中日決裂後發生之情形。將籌畫方法以

保全租界及其他商埠。俾免陷入戰事漩渦。若日英法俄比皆與中國爲仇。而在中國方面者。僅有德奧。則上海與其他商埠之情形。誠有不可思議者。其爲危險無待疑也。際此時局。其能保全上海與其他商埠之萬國中立性質者。唯有美利堅一國而已。美國爲時勢所驅迫。定必爲之。否則將喪失其文明事業原動力之名譽。吾人於此而知中立國有危險。有責任。至若中立國之遇危險。多因其不盡責任。則今日大戰局所發生之事實。固已昭示吾人矣。

●英報述中國不亡理由

▲消去省界意見

▲增進公共道德

▲策羣力以救亡

斯密斯博士傳教中國數十年。著書甚富。其華人特性論一書。尤膾炙人口。各國爭逐譯焉。日者在星期六日俱樂部。演說中國之將來。大旨謂余於三十七年。投稿於字林報。論中國之位置。遲早

必與世界各國並駕齊驅。余今日仍抱此意見。但中國必須有數種大改革。始能達此目的。第一中國各處須去省界意見。屏絕私心。而一心一德。致力於國事。以得更大之團結力。第二中國當增進其公共道德心。中國道德之程度極高。足與基督教相抗衡。但惜公共生活中華人之所行者。不能與其古聖賢所倡說者相表裏耳。余謂中國不亡。實有數種理由。第一中國有人民三百餘兆。此為世界所不可不注意者。無論其政府如何。此繁庶之國人。誠不可輕忽視之。第二中國雖素稱散漫。然鐵路交通便利。後書籍報章演說學校。足以開化風氣。輸入智識。則一盤散沙。未始不可變為固結團體。第三中國縱可為強大兵力國。所蹂躪。然華人非外人所能駕駛。無論何國。苟攫取中國土地而有之。後必棄中國而去。否則徒遭經濟上之失敗而已云云。字林報從而論之曰。中國之散漫。終必消滅。吾人亦深信之。但中國能及時消滅其散漫。而鞏策羣力以救滅亡乎。此乃一問題也。斯密斯末段之議論。在今日誠可注意。今有人視日本之態度。遂相顧驚愕。深抱杞憂。華人尤甚。以為中國苟不承認其要求。日本必將施用武力矣。斯

博士乃以措詞簡賅。寓意深遠之數語。評論以武力佔據中國者之必不能獲取善果於將來。夫中國乃一弱國。苟以武力取之。其事至易。即武力遠不若日本者。亦不難蹂躪中國。但中國土地如是之廣。人民如是之衆。苟欲撫有其民。開闢其地。而使有利可圖。則雖世界最富之國。猶病不能。况日本乎。日本財盡民困。其國人方呻吟於重稅之下。若再加徵捐稅。則必召起國內之騷動。今日本激烈派。所以奔走呼號。主張武力解決者。未嘗不是民間怨苦之現象。蓋以為獲取中國之讓與權。即足減輕其國人之擔負。而不知事之真相。與若輩之所希望者適相反也。日本秉國鈞者。其亦有鑒於斯乎。如知之。則當聽令中國自發表其前途。正不必為之越俎代謀也。

中日間之懸案何在

譯大陸報美博士李佳白著

各國人士。間隔重洋。對於日本此次交涉之理由。多為浮論。所惑。即在遠東中外人士。亦或狃於日本不變宗旨之宣言。信為真

國

恥

有解決懸案之理由。然以吾人視之。覺彼所提二十一條之原案。殊不知所謂懸案之何在也。且即使其中果有一二懸案。亦不必於此歐戰未了時。急求解決。而况并一。二而無之乎。東京訪函二十日大隈伯語國民新聞訪員有曰。中國除承認全體要求外。別無他法。今所談判之事。皆發生於中日戰爭之時。中日一戰。實由於中國愚昧所致云。味其言詞。約有二義。其一即吾人前數日著論。謂日本待華。祇准服從。不准抗議。祇准屈膝。不准發言也。日本近來之態度。較前數月。益為橫厲。其所交付之文牒。實已為變象之哀的美敦。一言以蔽之曰。中國能戰則戰。不能戰則降而已。然吾人以爲中國。萬不能戰。亦不必即戰。藉曰戰也。亦須讓彼先開之。其二大隈以今日之交涉。皆爲中日戰爭所留遺。夫中日一八九四年之戰。距今未遠。高年如大隈。固親見之。豈至忘却。若余年齒較少。當日情事。回憶且猶在目前也。戰事方始之時。予正在英。因即返華。尙賢堂之創始。即原因於是者。時予對於日本之搆毀。深惡痛嫉。以爲毫無真理之可言。因即中日戰爭之原委。逐電倫敦泰晤士報。故於當時之事跡。調查最爲詳確。其在中國方面。

實毫無妄動。如彼所謂愚昧所致者。其致戰唯一之原因。在日本始欲發展其勢力耳。以欲發展勢力故。乃始爲侵略之嘗試。因爲侵略之嘗試。而因以開中日之爭端。夫日本自中日戰爭以來。二十年間。實未嘗稍變其仇敵遇華之態度。今則乘時得勢。忽又求結二次之冤仇矣。

大隈氏不獨以此次之交涉。誘謂二十年前中日戰爭之懸案。且誘謂十年前俄日戰爭之懸案。如謂日俄戰後。日本勝利之兵。仍在滿洲。不難直趨北京。乃小村候爵。猶未能解決中日難題。外交之難。已可概見。目下交涉。不過解決小村候爵所未了之事件云。此段語意。似較前略勝。要亦可分作二解。其一曰俄之戰。以得美總統羅斯福之排解。未及分最後之勝負。而止。謂爲勝利固已。未實。乃謂戰後日兵。仍在滿洲。不難直趨北京。則其言尤謬。夫旅順之役。日固交戰於俄。非交戰於中。且日本又嘗假保全東亞。扶助中國爲宣戰之美名。則所謂直趨北京者。意欲何爲。事隔十年。當時不聞有此意。今大隈忽發前人所未發。此種虛架之言詞。大隈又欲何爲乎。意在以俄日之戰。例德日之戰。而以滿洲日兵之

不難趨京。例膠州日兵之不難趨京。令中國知言外之意。以知所自警乎。其大隈以目下交涉。為不過解決小村候爵所未了之事。夫俄日戰爭後。中日間所有關於旅順南滿鐵路嶺山諸條約。皆有一定之年限。至今猶未滿期。不得以此為懸案。並不得於今時求解決。此其不能附會者一。前二年中日中俄間曾新締關於滿蒙鐵路之約。自為一案。並非俄日戰後所留遺。且尤不得以二年前中國讓與之美情。據為今日要求擴張之張本。此其不能附會者二。他如此次要求之條件。如山東問題。滿蒙之工業商業農業居住。滿蒙之鑛務。滿蒙之借款。自由警察管理。中國中部暨福建之鐵路。中國之沿海土地及島嶼。顧問教練之僱聘。學校醫院寺宇之設立。製造局之合辦。軍火之訂購。暨關於中國之領土主權。行政特權等。要無一為一千九百零五年俄日戰後所未了之問題。證據確鑿。世界共睹。此其尤不能附會者三。

由此以觀。日本前提之二十一條。與近日改提之二十四條。要無一為舊時未了之懸案。實無一非目前突來之要求。中國若據理以爭。全不承認。世界人苟平心衡斷。亦斷不能以此為中國罪。而

彼必號於衆曰。解決懸案。解決懸案。猶思以此一語掩天下人之耳目。迷天下人之心思。歸其罪于中國之不甘屈伏。天下人何愚大隈氏何智哉。世界人不終可欺。戰禍若起。必有主之者。喋喋者果胡為乎。

●論對付哀的美敦書之究竟

譯大陸報美博士李佳白著

日本之哀的美敦書。既向中國提出。是為其最後一著之表示。嗣後中國或為承認之答覆。或為不承認之答覆。終不能不於各方面所抱之意見中。擇一適當可由之路。茲試舉各方意見。分述如下。

(一)或以為宜請提交海牙和平會公斷也。此項策略於旬日前。予亦早經論及。未見施行。方歐戰未啓以前。俄皇對德。塞王對奧。亦皆有此項之提議。而德奧不許。故英今猶以此為憾。主張茲策者。以為有可行之道。二。一該會本以保守和平。維持公道為標幟。日本既猶以親愛為口蜜。則中國苟有提交該會之請願。恐彼亦

國

恥

未便明爲反對。以貽厭棄和平公道之議。二主持該會者。多爲歐美中立國。明習法律。素有公正開明之士。則其所主張。尤必中正和平。足當世界公斷之目。而無可推翻。然反對者於茲亦有二說。一以爲該會自歐戰後。已全失其能力。不啻爲無形之撤除也。然其團體。實未嘗破裂。仍爲一種公認之機關。其勢力固猶有存者。一以爲中國現所拒絕之條件。皆爲不能提交該會代議之條件。因按公法。凡關國家主權者。概不能交他人代議。今中國所不允者。無一不關主權也。然以爲正惟中國願以有關主權者。交出代議。更足以示竭誠於日本。而使其無反對之理由耳。本社按以不提交該會代議。爲佳。恐判斷而不公允。則此一懼。追悔何及。二或以爲宜請歐美列強調處也。此項策略。英文京報曾數載之主張。此說者。其意亦不越乎二。一以列強對於中日兩國交涉最久。其間若英使朱邇典氏。在華三十年。尤與中國有特別之感情。即美使亦爲公法大家。素爲和平會之人物。故對於調處此次之交涉。必皆深表同情。近今各報。固已載及此項之風聞矣。二以爲茲項交涉之重大。調解之責。非各小國所能任。故非具有強大

之資格。實不足以辦困難和平。然雖之者。則以爲歐陸列強。如英法俄。其於日本。非同盟。即協約。既有此種之關係。何肯破除情。而迫日本以遵守公理。此其不可者一。日德之戰。英啓之。俄法贊成之。既假其助力於先。何顏反拒於後。且中日交涉之發生。其近因。仍在於青島之役。英既爲前日導火之線。乃復爲今日解鈴之人。恐亦無術以自嘲耳。此其不可者二。中國之外交史。得一次他方之援助。必失一次權利。以爲報。今若請列強以解決此爭案。則後日之索。醜恐有更甚於今日者。此其不可者三。二或以爲宜竟聯日本爲真實之同盟也。中國以處此困難危迫之境。竟無一可恃之與國。故因轉而與日本爲真實之同盟。以共消強要抵抗之隙。由是彼此出實力以互相爲助。而合力以擯歐美之強權。則此次締結之條文。適足爲同盟之保證。此所以主張者一。日本此次要求之嚴酷。雖非爲友誼所應出。然各國以前所得於中國之權利。何一非由嚴酷而來。且中國與其受制列強。何若受制一國。其發展較爲自由。此所以主張者二。同洲同種同文之聲。發於中日人之口者。不自今日始。今同盟之基礎。若由是

確立。則辱齒之威誼。即由是完成。此所以主張者三。而反對者亦自有說。一以爲中國縱以犧牲其偌大之權利。故而換取中日之同盟。此項同盟之內容。恐仍翹日而抑華。不得獲平等均之益。二以爲中國既與世界各國訂有條約。且已各有其勢力範圍。至於今而始謀合兩國以擠他方。時機早失。何能爲功。三以爲中國廣土衆民。欲求其國勢之速展。與其專恃一國以爲提挈。不如保存均勢之尤易爲力。四以爲中國今雖陷於孤立之地位。對於各國未免失望。然以天然之接近。如日本且思乘機以制我之。死命則其爲惡更無倫比。尙何有於他國之坐視。故中日即有同盟。亦不過爲秘密之締結。而未便爲明白之宣布也。

(四)或以爲中日當道實已締有密約也。此項風傳見諸西報。得諸東京黨魁。致美之私牘。謂其主因專爲防制黨人而起。吾人亦無暇究其虛實。第既有此項風傳。可見中國近時之交涉。外表雖尙鎮定。內部實有未安。則將來之隨時爆裂。更未可知耳。

英報論日本得不償失

京津太晤士報五月五號中夜北京通信云記者(該報記者)當作書之際尙未知日本公使之已否通告中國。惟據可靠消息。東京政府訓令實已到京。專俟最後電報一至。即須呈遞。連日所得日本電訊。俱足以證實。日本政府實已用其刻薄不仁之計劃。即日本人鬼鬼祟祟。乘人於不備。其證據昭著。亦無容諱言。奉天一帶傳來之消息。均謂日本人服務軍隊者。已有枕戈待旦之勢。即東三省鐵路界綫以內之日人。亦無不奔走相告。以爲大戰將臨。北京及他處日本當道。亦紛紛知照僑民。速即離去中國。自此信傳播後。一切必須之手續。均已整備。在今日。日人非不謂謂自得。以爲斬將塞旗。必操左券。實則道德上之失敗。已不言可喻。夫忘情背義。以殉一般武夫之侵略主義。記者不敏。誠不知其可也。日本與列強亦嘗訂立條約。以保持中國之完全爲言。顧今日者。食言反汗。背盟敗約所許。彼之所醉心者。惟以干戈迫使中國犧牲。其一切而已。同盟國尙且不能阻止其暴行。遑論協約國。至中國將承認其條件。或將作困獸之鬪。雖尙未可知。而日本之肆行無忌。據軍上。已莫可隱飾。在中日交涉未臻水深火熱之時。一般

人之心理。猶質貿然。以爲日本有保持東亞和平之真情。遵守條約之實力。及至晚近。而始恍然於日本之欺詐。此不特僑居中國之人民爲然。即歐美人之心理。亦靡不如是。試問此時此境。日本駐外之使臣。尙能掉其三寸不爛之舌。以顛倒黑白否。實則其前此之喋喋置辯。亦適爲他人所竊笑於今日耳。日本人盍捫心自思。今日其力之所能攫奪者。究能償其所失否。中國之權利有限。而日本之道德名譽。已淪滅於萬劫不復之地位。此智者所不爲也。夫列強權利之在中國者。在今日果不難鏟除淨盡。因勢利導。以建一無上之基業於中國。而列強於死生角逐之際。或亦不暇置隊。獨日本人。此舉亦不得謂之智也。蓋數年以來。日本凡有擴張勢力之計劃。無不賴騰挪他國之金融。以爲活動之地步。英國與他國皆助日本以一臂之力。以成其計劃矣。而今日之日本。乃反用此計劃。以屏棄我英人於中國之市場。銜環結草。果非所望。而倒施逆行。則又出於意料也。雖然。中國一旦承認其條件之後。此無上之基業。既須有金錢爲之輔佐。而其鐵路之竊之於他人之手者。亦須金錢以建築之。顧此金錢者。非恐嚇所能飛來。若再

求助於英國。則英國已鑒於往昔之非計。而不爲之援矣。行見世界列強。有經濟上抵制日本之舉。而日本於此時此境。亦自能了然於砲火之外。尙有他物足以致人於死地也。

自署中國摯友之忠告

某西人自署爲中國摯友者。致北京英文日報函云。北京英文日報大主筆鑒。逕啓者。中國大局。當際危迫之秋。每一變動。外人咸爲注意。而鄙人亦爲其中之一人。且自信鄙人之觀念。實足以代表全世人之觀念。故作是文。以登貴報。夫中國對於無理之要求。所讓步者。不過較小之條件。且竭力約束其人民。使侵凌者無所藉口。以掩飾其開釁之非。而爲欺瞞世人眼光之計。自外人觀之。中國應付此事之政策。極可稱佩。尙關於喪棄中國統治權。或關於背棄與他國信約之條件。一旦讓步。是但求解目前之危急。而擲至寶貴之物於不顧。在吾人觀之。實爲下策矣。中國若任其統治權之銷亡。則世界各國。將曰中國作孽自敵。喪失其尊榮。厄運必侵尋矣。其人民則頹弱如鼠。無禦侮之力。羣吏則貪黷縱欲。不

違國計。居上位者既乏表率之資。復無統馭之力。惟泄香疲軟如水母之無脊。然則中國已無奮興恢復之能力。宜其滅亡云云。此世界各國將以責中國者也。夫兵凶戰危。儼如地獄之可怖。而人命至貴。罔不知重。洵然矣。然當國家亟待維護之際。則人民自不得不出入地獄之險境。而置死生於不顧。比王阿爾伯近以若弗將軍固守法強。特賜寶星以獎忠勇。余知若弗將軍必以受獎於無國之君爲榮也。哀爾文所著外迫爾斯戰紀一書。華人應人人觀覽。是書所紀事實極可寶重。曾登三月四日倫敦日報。庶知扶助國家。保全其自由之價值。爲何如也。凡屬英人。皆以外迫爾斯一役而見重。蓋其忠勇奮發。急公好義之氣。洵可貴也。日本之末日審判已至矣。凡人民祇知國家主義。視國家如神聖。而祇知崇拜者。於國家強盛勢力問題而外。亦不能有更高之道德。其所以致強盛之道。殊非正當。安望得人心乎。日本已甘居不正之名。爲世界所共見。質言之。此次妄啓兵端。不顧一切信義。已將其甘居不正之狀。自行揭示於世人。日本現已吞嚙中國。如魚肉之在喉。夫彼既因求饜欲。而犧牲其榮譽。中國豈亦欲求息戰而讓

世界之公論

步。以犧牲其榮譽乎。總之凡一國不能自助者。則他國雖欲助之。亦有所不能。目下之問題。不在抵禦之有效與否。而在全國人之有抵禦之氣概與否。如全國人有此氣概。則各友邦或因不得已之故。而遲於協助者。亦得於適當之時會。以充足之理由。從而參與其事。總之此種不正之行爲。必有排斥之者。而發生於何方面。則未可定。或中國外交當局。否認日本此後之要求。否則中國政府。否認其外交家之所爲。否則中國人民。否認其政府之所爲。否則世界各國。否認中國。此數者之中。將何所出耶。中國之藝友忠告。


英報述日本之帝國夢

十七日京津泰晤士報云。自中日會議以來。日本之於中國。不啻以戰勝國自居。即中國果爲日本所敗。日本態度。亦恐不能再較強硬也。中日二國。邦交素稱輯睦。日本竟置諸不顧。不惜招惹中國之恨。旁人殊難索解。數日來日本之行動。已使中國人人心中國懷一仇。視日本之心。不易消解。凡洞悉日本經濟內情者。知日本

國 恥

必須經營海外之發展。而其所經營之地。惟一中國而已。今日日本不謀商業之發展。以濟其窮。乃欲爲領土之拓張。建帝國於大陸。以雄據中國全部。而驅逐外人於域外。甚者且謂日本懷帝國大夢。欲將遠東歐美人勢力掃除淨盡。聞日本官史。曾有謂此次向中國所提出要求。其意不在破壞中國。乃借此以限制外人之足者。則日本之有上種夢想。已得確證。又聞日本某官。曾謂歐美人不許日本人及中國人入美洲澳洲及坎拿大諸地。不過以二國人爲亞洲人而已。以中國人民之衆。財產之富。若受日本管轄。則日本不獨能保全中國。且可吞併附近各地。上述各人之說。雖不完全。然卽此可徵日本有建立一空前絕後東方大帝國之夢想。日本得有今日地位。雖重受西邦各國之賜。而日本今且以破壞各國爲其職志也。

●美人之注意 萬國改良分會遠東事務所總長威盧姆司致華盛頓萬國改良總會會長加爾富斯函云。歐洲戰事起後。美國已宣告中立。去年日本攻奪青島。美國亦嚴守中立。維時我美旅華人士。如丁君義華等。對於日本在山東發行軍用手票諸事。頗

用非難。中日交涉起後。我美旅華人士。義憤填膺。議論風發。似於美國中立。不無抵觸云云。此函去後。總會會長乃將威君之意敘述。一函遞寄丁義華氏。末後陳彼個人意見。略謂日本此次對於中國之要求。凡屬美人中之稍有知識者。無不痛心疾首。而於侵奪各國在華之權利。尤爲大不滿意。故中立二字。對於戰是。尙有保守之餘地。今則仗義建言。余亦具有同情。威君所言。恐難見諸事實。再我美人於世界上。以維持公理爲責任。中國孱弱如此。宜有以表示我之意思。而謀所以扶助之。嗣後關於遠東問題。如中日交涉者。所有在中國發揮議論。代表本會者。悉聽君（指丁義華）之主張。再望上書中國大總統。以剖白對於過東之趨向云云。昨有人晤丁氏。談及此事。丁氏謂上總統書稿。已擬就。不日卽將呈遞矣。

▲不許通英語者列席 京津太晤士報四月二十九日北京通信云。日本人於會議之先。卽不許有中國外交顧問之列席。其間而又阻止精通英語之官吏預聞此事。其不欲以會議務形譯成英文。而公布世界也。明矣。日本此次談判。悞解中文字義之事。不

一而足。雖然此誤解者。亦所以利己也。以利己而誤解字義。其爲誤解也亦宜。且日本國際條件。及合同之用英文者。實居其大半。而中日會議竟反對精通英文之官吏列席其間。此誠奇之又奇矣。

▲外人研究日本新案 京津太晤士報四月二十九日北京通信云。數日以來。北京人士。咸謂日本修正後之要求。中國雖不能完全允洽。然而答復中之必有忍氣吞聲。勉強退讓之點。固可斷言者。至退讓後之能否使日人心滿意足。此亦頗足研究之一大問題。雖然以個人之理想度之。中國之土地有限。而日本之貪慾無厭。以有限逐無厭。吾知日本之終必有以哀的美敦書致中國之一日。特不知其所持之理由。究何在耳。原日本人之一言一行。所以痛恨切齒於中國者無他。以其所有之物。已盡入他人之手。而無可染指也。實則中國至於今日。土地權利之爲所剗奪者。已不知凡幾。譬之人身。齒血已盡爲吸。若再欲迫之使死。亦惟有抽筋剝皮而已。嗚呼抽筋剝皮。誰樂就之。此中國之所以於無力反抗之中。而又竭力反抗之。此勢之所必然也。抑尤有進者。中日之

會議實一單方面之會議也。會議而名爲單方面。其爲會議也可知矣。夫會議云者。有斟酌之餘地。有交換之利益。顧今日之會議。日本人既恐嚇之不已。而又繼之以強迫。中國人之不平。置若罔聞。又何所謂會議。又何所爲談判。實則不啻無數之哀的美敦書。紛至沓來。使中國人無自白之餘地。苟欲自白者。則日本即誣之爲侵侮鄰國。指之爲無誠意對待友邦。甚矣弱國之不易爲也。雖然其會議之詳細情形。如能刊布天下。則日本之外之真相。亦不難暴露於世界也。

●李佳白論日本之致哀的美

敦書

譯大陸報李佳白著

吾人昨論中日交涉之行動。已及於中國答覆新案之一步。謂惟待觀日本下最後之一著。今則哀的美敦書之下。已將成爲事實矣。夫吾人對於日本人民。未嘗無敬心。亦未嘗無友誼。第觀於日本政府。近數月來所抱之政策。與對華之要求。覺在日者靡不暴橫在華者。莫不當理殊令吾人對日不能表同情。而弭惡感也。日

本新近之策略與行動論理固爲大背即論勢亦復大謬假使日本自攻下青島後即慨舉以還之中國而令該處稅關仍由英稅司代華主持復中國當日之舊則不第足以表大度大信於世界增威望於亞東且大足以喚起四百兆華人之感情悉祛舊日之猜忌由是而結中日眞摯之同盟實意計中事蓋日本苟以平等友誼之道遇中國中國未有不加厚以爲報施者故使由此而以和平友愛之態度請中國爲增進兩國利益之協商而絕不取強劫逼迫勢力恫嚇之行徑則二十一條原案之要求其大多數之利益未始不蒙中國之樂許而各國行且詭羨而欽佩之不此之圖而乃有近時之舉動所以不能令吾人無憾也

若彼內閣大隈氏吾人對之今亦不復能爲滿意之表示夫大隈之主持和平學識深遠本爲吾人夙所信仰彼在野二十年日從事於教育公益社會諸事業不慕權位歐美人士亦靡不崇拜而揄揚之日本前內閣既以主張增益陸軍擴充海軍案爲國會所反對而倒大隈受彼皇之命以出中外之人以爲彼固將與國會同意撤消增師藉以舒國家之度支而輕人民之負擔者不料受

任後數月以來乃大變其平時之志行惟與武力派作合一惟恃勢力爲進取既以國會之反對增師而解散之重行選舉乃以對華要求之貫徹爲足以增國譽而擴權利藉以歛動一般之心志彼黨之人因是得佔大多數之選額而彼之地位以固是不可謂非彼之幸也然以對華要求之太過因以來堅忍之抗拒退則激成肘腋之變進亦未能掉臂游行寢假而哀的美敦書下寢假而中日之戰以開無論變態風雲終難逆料而各國之不終緘默聲名之因以墮地固已在意料中矣此進退兩難之局勢亦惟彼自造之耳

按日本此次威迫中國之舉其事前之謀劃實至深且久（一）日本與英聯盟與俄法協約與美訂立條件陽以保持東亞和平爲名陰實爲聯合與國消滅反抗之計雖輕重不同而爲用則一（二）歐洲之戰日本聯英法俄以敵德奧足以買盟國之歡心本爲彼所自愿然必俟英國請助而後出師乃愈以顯爲交誼之重且愈以使聯軍方面不能不徇情以聽其所爲（三）權利之衝突本以日俄爲最大近三年中中國經兩之次革命滿族遜位蒙古

獨立日本乃利用此機與俄協定南北滿內外蒙之權限而最接近之反抗以消(四)不僅惟此歐戰發生俄軍西去日本更與訂斷不乘虛侵犯之約且復遣軍士醫生以協助之出售軍火以接濟之凡可以結其心而杜其口者爲之已不遺餘力更無慮有梗阻之發生(五)英法俄既安置妥帖所不能熨貼者惟美近乃竭其騰挪之術專於輿論游說上致力俾其一般人民知與日爲敵之必無佳果更使其朝野政客深信其對華政策之不第無害於美且無損於華以造成一種有勢力之言論而美人向日之顏面遂亦不易倏轉而向華(六)歐陸列強作戰未遑更無東顧之餘力日本乃卽以是爲千載一時之機會而求償其大欲於中華且懼戰局之久暫未定也乃更憑其勢力以迫促之而中日之國交遂瀕於破裂矣

要之日本今日之地位實處於至危險之境其履行不外兩途一爲和平一爲爭戰一爲敦睦一爲仇讎一爲公義一爲橫暴一爲聲望之優隆而一爲孤注之一擲也使彼之哀的美敦書既發而必出於戰之一途焉此後文明國中當不再能列日本之名號而

惡聲既著指摘必叢將何以自立於世界乎

●美國茂特之對日意見如此

(美國茂特述)(某國□□譯錄時報)

譯者友人茂特君爲紐約極大鐵工廠主人之獨子家有千萬之富實爲美國富豪中之顯著者在阿奎爾特大學卒業後從事文學著有小說十餘種廣行於英美各國且其充紐約新聞記者爲日已久該新聞爲美國政界巨報殆與英之泰晤士相匹敵至其親友多在英美如現任英國海軍大臣乃其表兄足見其政界交際之一班也兼之週游世界三次久住中華日本其對國際交涉東方問題必有經驗一日屬□□將其對日意見譯或漢文□□見其文激烈然却富膽識言人所不敢言述人之所未述急以一日一夜短時間草草譯之兼爲抄寫印刷不免粗率錯誤然茂特君固在中華人民之會其意而可置文於不責也請原諒之譯者附誌

今日日華交涉問題非僅二國解決已也美國有莫大之關係焉蓋日本牛馬中華強奪利權結局美國受其影響實足爲華美二

國

恥

大共和國互相提携之阻力。彼此利益之障礙。豈可忽哉。夫日本之嫉妬美國也久矣。故凡關於美國在華行動。日本政府雖不公表意見。然余久住此邦。知其政府也。人民也。報紙也。議院也。除反對中華開放門戶。而中傷美國。無他宗旨。然美國焉能讓步。苟日本固執已見。發用手段。必釀成太平洋上之大戰爭。決無疑矣。日本人嫉妬之心。固爲性成。祇其現欲。併吞支那。而美國仗義出抗。於是此種劣性。彰明如夜觀火矣。蓋日本之意欲獨占中華利權。苟有觸其狡計者。則受之攻擊。卽如華美合辦山西油礦一例。日本報章先則反對。繼則侮辱。至言美國煤油公司。陰受其政府之奧援。且云。該公司對華美兩國總統。暗投巨賂。而袁威兩君。亦利用此機而掠巨款。此以小人之腹度君子之心。無可辨駁之價值。更言。兩國總統。互有秘約。苟關此問題。日本敢爲抗拒。則美國當以武力。以防禦中國領土。密約固無。然日本若久不改此種行爲。則美國海軍。恐終不能不一爲出陣。日本侮辱美國之聲。盈盈全國。此不過舉其最近最切之一端而言耳。然日本果爲何種之國。何種之民乎。今且據其千餘年歷史觀之。(中略)

證明日本國民於心神生理二方面。而成就一種淪落不道之風俗。日趨月下。不知底止。回視百年。可慨今日。日本國者。其烈日酷暑之下。一片肉也。(中略)政府其自知之否。人民亦醒覺否。日本人者。上自天皇陛下。下至龜頭床下。無非詐欺。焉知信義。余固美國新聞記者。初到之時。常聞全國雄辯。滔滔。誇張其武士道。鼓揚其大和魂。幾至頭痛心嘔。蓋其實不過自私自利。口口行爲。其名不過自號自吹。口口地位而已耳。前者對於中華民國之乘虛要迫。單刀直入。可以證明。後者據其本國報告。而知今日之日本爲世界古今最大之口口國也。中華國民其知之否耶。

日本娼妓之入中華。雖由於日本人之性質風俗有以致之。實則其政府暗中援助。而加鼓勵。以爲偵探中華內情之用。其數之多。至達一萬七千人。日本政府不費一錢。而能養成衆多之女軍。探爲國是圖。亦盡力矣。雖稍下賤。豈可以小污捐大謀。不特對於中華爲然。卽南北美亦輸入千二百四十餘名之娼妓。若合計萬法俄澳洲南非非立濱布哇等處言之。則娼妓之遠征。共達二萬

二千六百二人比較二個師團爲多足敷用矣。大隈加藤公司何提議更增二個師團而終解散。議院以陷於四面楚歌之中耶。最可笑者娼妓營業爲政府之所公認。日本當政者之謀國。可謂無空不入矣。以上娼妓統計爲日本救世軍本營之報告。救世軍者爲日本獨一外國團體。以救娼妓之脫苦海。然日本人淫逸性質。不可救藥。政府亦冷眼視大同盟國之慈善團體。故其收效幾無足道者也。日本全國大不及中華之一大省。美國之一大國。然據昨年官家報告。共有游廓（花街也）聚娼於一隅不得散處各街）五百八十六所。娼婦九萬八千五百五十人。噫日本非特爲武士道大和魂之一等軍國。且爲娼妓頭等國也。國家繁昌。而面皆然。殊爲可賀也。然質而言之。娼婦果何物歟。以白人眼光觀之。其大洋中之汚濁狂濫。日本男子陷於此中而不自覺。噫日本固海軍國也。一戰而撲滅俄國艦隊。再戰而又將取非立濱布哇。國家隆盛。海運色波。同時渤興。尤爲可賀。娼妓之勢力高。而及於貴人之頂。低而下至車夫之脚。所謂維新偉人。亦無非娼妓之玩物。放蕩淫亂而已。夫日本維新事業固偉大矣。獨此一點

道德。死後難免萬世唾罵。日本人之最蠢最可捧腹。莫若所謂相撲者（力士）身肥如豬。大如象。當其相撲而爭勝負。固無角力之可言。不過橫推而已。然日本婦人最崇拜之。蓋以其體大而能久於支持。最合日婦之嗜好歟。現在日本政界人物中之最足令人注目者。其大隈伯乎。余嘗與之會面。然皆由譯官間接傳達。蓋大隈伯不特不能外國語言。雖 ABC 亦不能書之。惟其心醉外國記者之代其揚名。故接待外人最爲恭敬。然其言談之間。亦向余言日本之武士道。兵刀之強壯。其意若曰日本者東方之主人也。對中華而言。尤必代居主人也。當山本內閣未倒之先。大隈伯總理早稻田大學。借各教授之底稿。而非自己之雄辨。其被舉充當廓清會。長演說有如懸河。幾欲將本國十餘萬娼妓軍。一舉而撲滅之。一日當政身爲總理。兼掌內務。實權在握。對於娼妓問題。口若寒蟬。不辦一事。雖然大隈伯固東亞雄辯家也。觀其議院失言對華演說。不亦更可信乎。客歲大正天皇博覽會。東京吉原游廓（日本最大花街亦爲人類動物園）爲發揚娼威而舉行三十年來不准與辦之所謂花魁道中（娼婦游街）即娼

妓古裝。其服前後隨以龜頭龜腳慢步徐行。以供外人觀覽。當日東京全市爲此搖動。晝則觀看。夜則傳之電影。(中略)娼妓榮耀尙且如此。何況一國宰相乎。余於當日前往參觀。則見人山人海。男女老少。湊集吉原。夜則入電影場中。衆皆鼓掌相迎。而於婦女中尤爲最甚。噫。日本殆世界文明人中之最文明者乎。間有以此責問大隈伯者。其對之曰。適逢大博覽會。令此美人古裝闊步。行於大道之中。蓋爲日本古來風俗。外國人觀之。亦又何損。余至此猶不得不服大隈伯之善辯矣。

日本者世界知爲一至小至貧之國。然其國民拚命增加軍力也。自客歲歐洲戰爭開始。日本知德終必敗北。乘虛而奪取其領土。於無力防禦之頃。現欲對待者。尙有一美國。見其力助中華。自利心而難。以嫉妬心。其勢必至與美開戰而後已。然則增加軍備。其專在此。

余住日本稍久。其國實情不難知之。蓋日本人固長於偵探性質。然多一貧如洗。家徒四壁。一見黃金。則所抱之武士道大和魂。如水泡消散而難久持。日本每家必有神供。日夜焚香所求者。唯黃

金而已。海軍收賄。其明証矣。故賣收日本人而反探言實情。實爲外人對日本人最良偵探之法矣。

日本之貧。必欲致富。其急之時。則置道德觀念於九霄之外。據昨年官家報告。東京游廓嫖客用費。共約五百萬元。政府對於此種人肉生意。大加徵稅。並守秘密而不得知實數。然僅對娼婦而論。至於藝妓富翁。蕩子素所崇拜。幾若大和魂武士道之不可須臾離。熱心國民。面面皆然。可不令人嘆服。

嫖客對於藝妓用費。官家無此報告。蓋實於情而不便爲之。雖然據余從旁推之。得嫖客大約用費如下。

東京約有藝妓三千五百人。每人每月平均收入二百五十元。共計每月嫖客用費八七五〇〇元。每年共千萬零五十萬元。至於其他大市。如大阪京都神戶長崎。可以類推。據東京一市而論。每年已達千萬以上。投日本政府又乘風打劫。而徵收藝妓重稅。凡三種名目。卽市稅郡稅區稅。每月每人納至十二元以上之多。誠一大收入。此乃日本政府人民歡迎藝妓之理。蓋以此種人肉生業而得極大收入。以充增加軍備之用。日本人之愛國。得不

謂爲達於極點。藝妓之在日本。所謂闊派生活者。故其日常用品皆爲華麗之物。而多由歐美輸入者。政府又從而徵稅。如外國煙草酒類香水首飾自動座車。皆照原價百分以上而納重稅。是政府又得加增小艦十餘艘。然爲日本人民計亦云得矣。蓋娼妓用費一則可以飽其色慾。再則可以藉加軍備。此非大和魂武士道焉能出此。政府謀國。人民愛國。無微不至矣。

以如此之國家。如此之人民。而猶要求美國准其有歸化之權。令其淫童與美國淑女同學。且與其他各種之要求。而已則一毛不拔。亦可謂不知羞恥之國民矣。

日本之家庭之關係。余亦略知之。直爲亂倫之極。蓋父子女同寢一席。幾至欲行密事之際。而子女可默然觀之。至於兄弟姊妹。彼此之關係。更無論矣。

論及嫁娶一節。情薄如紙。夫不樂其妻。致害妻之父母。充易休之實。則或僅爲移愛於娼妓也。故日本爲世界第一離婚最多之國也。日本爲妻之運命。亦悲慘之極。蓋夫囊苟有餘裕。則弄妓嫖娼。公然對妻行之。使其本妻爲娼妓之婢奴者亦常有之。故夫對其

妻權力之大。莫與比倫。打之可也。餓之寒之可也。牛馬相待亦無不可也。然則妻惟視爲一產子女之器具。苟或不幸女多而無子。又遭虐待。甚則或更產雙生大爲不祥。以日本怪俗視此爲牛馬同類也。此單對於十之八九普通社會而言。至若高等社會稍受歐美文化。則成爲一種不西不日之態度。蓋此輩表明既欲仿照歐美。而心嫉妬之。如身穿美國式衣服。而心中却不服美國。然自美國人觀之。殆如沐猴而冠。外觀奇怪。而日人不知不覺得意揚揚。殊可捧腹。日本人詳怪種也。華美共和國爲人母者。宜知日本有養女制度。爲法律所公認。至其用意。不過爲黃金色慾而出此也。以養女自幼而漸成人。或留以飽其淫行。或以轉飽他人。而換黃金。甚至而親生父母亦有同樣待其親女者。不倫不類之事。日本高出各國萬倍。此蓋亦如武士道大和魂而爲日本之特產也。日本人之輕薄不愛堅固。實其不信不德之性質。有以造成之。試觀其日用物品。居處衣服。莫不見之。雖有骨無皮。亦若不甚緊寒。常爲震動。絕似大地不受此污辱人種之日人。託足其上。而常欲推之於水火之中。猶牛馬身震而驚脫其附體之虫蠅也。

日本人之不知文明禮節。亦殊可笑。余常見婦女當街溺便。其不知廉恥如此。在西班牙義大利鄉間亦常見之。然此種人民固不如日本之自尊自大也。

今日歐洲大戰。其曲直姑不論。結果亦難豫料。然爲吾人之所深知者。乃爲最慘之活劇。故各國人民爲之送金贈物以作慰問。惟日本人不道德之性質。處處宜見。故饋贈品以娼妓相片爲軍隊之所最歡迎。則寄贈者亦以此爲多數娼妓相片。商人大獲其利。日俄戰爭如此。青島小戰亦莫不然。日俄戰爭後軍士榮歸。各商人中之得大利者。以吉原游廊爲首。蓋軍士在外揮霍也。至於滿洲一隅。當日兵未到之先。幾無娼妓之可言。及日俄戰後。花街林立。處處皆是。余以謂日本兵爲殖民先鋒。娼妓爲兵士後擁。前者則爲無生產之令品。後者乃有大利之娘子軍。獨嘆其金錢由肉皮上生出。似不雅觀也。

余見日本電影場中最歡迎之傑作。爲日本一妓賣弄一俄國武官。在座男女老幼。無不鼓掌歡迎之。然細省之。蓋一欺詐手段。以此而教訓少年。欲其能婦於正軌。不亦難乎。

日本四十年前以往。無一而不仿效中華制度。自其最淺者如字母。以及最深哲學美術始元政治組織貨物製造。至細至微。雖門窗戶席。無不來自中華。故日本人之受中華文化膏澤。凡千餘年。尾奴華士爲亡國兒。此種無良心無感激之國民。非大懲戒而打服之。則無痛改前非之日矣。

此不特對於華人爲然。予爲新聞記者。有時觸武士道之與正高。而受無理痛打。請爲讀者一言之。今年新年元旦。余伴愚妻出遊。以觀此邦風俗。而日人一見西洋婦人上車。齊相譏笑。然此輩固無教育。余等不爲注意。惟其結局抹擦愚妻皮衣。以爲調笑。余強將其手排開。及下車而入公園。僅受二人途中要擊。急喚巡查。見其正在熟睡。畢竟將該二犯人拘至分廳。巡查與犯人交換煙捲。互相談笑。及余親向大隈伯加藤男大加責斥。亦不過虛言賠禮。而無實在處罰。而遂敷衍了結。日本政府大吹牛鼻。寬待敵人。蓋爲詐言。烏足可信。蓋欲以一手掩天下。而飾其醜態。其恨外人實如荼毒行路之人。尙受苦打。而無理可伸雪。况敵人乎。

上海租界選舉日本人落第。余問一富而受教育之日人（姑不言姓名）其對答如下。

日人言上海選舉英人欺弄日本。其不公無信。不料亦至於此。予問之曰。英國爲日本大同盟國。去年八月與德國宣戰之時。報章如何鋪張揚耀。以爲必履同盟國之條約。而取青島。方足以忠於強國。何以言論之變。若風之速耶。

日人答曰。同盟之約可以守之。然無必要。惟取青島則非藉同盟之約不能爲之。况吾人對於中華抱最大之侵略野心。監督支那。舍吾人其誰屬。此目的之所以遲遲而未達者。因美國從中阻止之故。然現形勢與前不同。以吾人終始與英國履攻守之約。無論對於何國皆然。美國想不輕視英國之海軍力也。

予言惟日英同盟最後附條。言美國不在此例。足見日美開戰。英國必中立。此節日本人無知之者。其何故耶。蓋現在選舉之時。不使人民得知。三月末選舉畢後。對於增師問題。而後易得議院通過。苟日本人民皆知日美開戰。而英國不參加於內。則日本人心致如此志高氣揚。而有退志。於是政府無戰爭問題。以激動民心。

而問國防大局。天皇尊榮是視。則內政必致大起爭端矣。此大隈加藤公司之愚弄人民之妙法也。

日本人自私自利主義。達於最高之點。雖由其國貧而無道德之使然而政府報章。授意鼓吹。亦一大主因。報紙既已大揚日美開戰。人民必大歡迎。人民方面雖不喜英人。而可乘機而利用之也。至對美國恨入骨髓。蓋美國之在中華。對於教育實業方面。提携並進。日人旁觀垂涎。而大嫉妬。日本有求無償。唯收無還。在華在美如出一轍。試問日本人欲強奪中華利權。果有財力人員以開拓之否耶。無有也。己既不能。反嫉他人。日本人非傷心病狂。而欲強奪中華反噬美國者耶。

日本人者。殆如孩童。不給與食物而怒。坐於房角。吸食指頭而號哭。且以爲美國甚畏之。否則日人奪取布哇及非立濱。如反掌也。余友貿易遠東。凡十五年。渠言日本人之與外國公司定貨。往往用欺詐手段。廉價購得之。其法蓋俟定貨到日之時。特別措詞。却之。而外國公司勢不能將貨運回本國。以用費甚大。又不能向日本法庭以爭曲直。緣十之八九必爲失敗。於是不得不將其貨在

日拍賣。而原買主別嚇他人出買之。給價必較定價廉省多矣。日本大半如此。日本政府不加入萬國版權發明美術等聯合保護團者。正欲竊取外人之發明耳。

日本工程師之到歐美抄人發明之圖繪。如不能抄。則僅買一貨歸國分拆而仿造之。其精細照製。有時真假不能判明。至於日本自誇之飛艇。乃為美國法爾登式。自動座車為得藤式。皆由美國偷竊而自造之。日人公然以己之名姓。而向其政府請專利憑證。實不知恥。至其他電燈電機亦多仿照德國歐洲開戰之先。有一德商向余言曰。本國最良機器。不敢賣與日本。以其仿造之後。不特行消日本。且轉賣於東方各國。價值較廉。無可如何。蓋日本法廷之判曲直。為日甚久。用費已多。且十之八九。必袒護日人。是日本法廷。與人民通為一氣耳。以此詐而無德之人民。終必致潰敗而不可救藥。何顏更辱侮美國。強劫中華。

日本人之無賴漢。在國中亦大占勢力。去年海軍收賄之事發露。有所謂無賴漢組織之對支聯合會。竟將山本內閣推到。此會日見強盛。而頗可畏。大隈伯接任以後。加藤男心焉懼之。遂以二萬

金私其頭目。僅成無形解散。而將此種無賴送入滿洲。侵略中華。某某白髮長鬚首領。現在山東一角創設漢字日報。實暗屬陸軍省之直轄。大隈加藤公司。計亦良矣。其如中華之被此種無賴漢橫行掠奪何。

日人狡詐之性。非特對於外人為然。即同國商人政客之間。亦欺詐相誣。而無信義之可言。故余信非洲黑人之言。而不信日人千託萬囑也。余旅行全球凡三次。猶之英國王立麥克爾德立用所執騰牌之面書有句云。無所私。無所畏。此余對於日本意見之所發表也。

日本人狡詐之心。無處不然。即限今年新金山巴拿馬運河賽會。日人之肯赴會。亦在借此機會。輸入無限國人而隱匿各地。以備開戰以後。而充偵探之用。是以日本工人之中。常有武官改裝而雜其中。以窺竊美國國家艦隊建造廠。并各沿岸砲台。即近來不准日人之在沿海漁業。在防此事耳。日本人終不見美國造艦廠及各砲台。心中怒不堪言。乘此賽會。以希望達其窺竊之手段。余問日本商人。何以出此巨費。而作賽會。豈非愈貧其國。

商人答曰君誤矣。吾人今日所費。他日數倍償還。蓋美國將承認日本之要求權利。現在所往之人。先爲研究。爲將來利用之豫備。利亦巨矣。自利之心。無事不然。

日本之野心。蓋欲一俟歐洲戰局結完之後。而儼然成一大國。擁其取得權利。以滿其無厭之求。對於中華。自此可附屬滿獲得鐵路。永讓青島。中華民國。其注意哉。

欲達此野心。於是大倡歐洲出兵之說。惜乎白人看破日本狡詐。政府鼓吹雖力。終如夢囈。日本之短於熟思。大半如此。

日本人乘人之虛。而攻無援孤島。已爲不義。更大誇張其用費。欲舉英國戰費爲之比較。又足見其虛言大語也。

余聞日本人言。白人終非爭鬪好手。若戰事方開之時。日本即爲應援。則戰局早已決定。日本不至歐洲。恐戰局將續連從事。永無絕局。或聯軍更終敗北。白人其無用矣。

英國大將克勤爾。殆不知戰術如何作法。蓋與其他一般英人相同。愚而不靈。法國大將熱夫爾。亦屬無謀。英法聯軍。相爲牽制。進退失措。不知所爲。若日本兵足踏歐土。戰局立可一刀兩斷。日本

一日不出兵歐洲。一日而爲世界之大憾事。又謂英國印度之兵。雖尚勇猛。然終係無神無敵蠻野黑人。

德國之兵。亦無何用。不過可爲大個降將。讀者至此其注意日本人之最無良心。而不知恩惠之爲何物。今日疾視德國爲仇敵。豈知開戰之先。日本之憲法軍事教育實業。皆仿學德國乎。大學之中。聘德國教員給豐薪。授與榮譽。一日一反目。辱侮怒罵。與牛馬等。此又見日本人不信不義之性質。

予現處中立地位。戰爭之曲直。予不評之。戰爭之結局。予不豫察其如何。

開戰各國正式公文。余皆讀之。余處中立地位。以後當有正論。且予之表兄。卽爲英國海軍大臣溫可特恩。爾其尤不便言此爭端之曲直。惟日本對於德國。忘恩負義。不能不一言之。

世界名言。有云。〈飲水問源〉。日本受中華文化最深。至於近世文明。則皆稟比西仿。而取法於德美。今日皆反目噬之。美諺有云。〈欲失朋友借與之金〉。其中華美德之對於日本之謂乎。

至於同盟英國亦稍稍悟覺日本真意。青島陷落後之競爭。上海

選舉落第之攻擊。其可為鑒。

今日日本一方面。則掠奪中華。他方面。則力排德美。日本殆忘其養之食之之主也。

中華人民。亦慮及防禦之策乎。日本之強奪利權。皆以武力。中華人民。不能以武力相抗。然有他法。較武力收效尤大者。其為排除日貨之良策乎。苟中華人民能協力為之。則日本將失貨物市場。恐必餓倒。日本財力。大半握之商人手中。政府財源專在徵收商人或貨物之稅。若美國亦起排日貨。兩岸夾攻。日本殆將貧死。蓋夫致富之源。非強奪支那。則要求美國。舍此之外。無他途也。中華之排日貨。不特於本國無損。反可致富。且同時得與英美交親。日本必將窮其詐計。

中華民國。如必要外國之貨。美國及其他別國。皆可供之。且美國非吸血鬼用意。不過排除此不信不義不德之人民。於文明國外已耳。日本以為美國終不敢與爭。其愚不可及也。如日本繼續其強掠行為。而逼中華。美國當以武力防之。故美國為維持支那領土。主張中華放開。出兵以攻日本。非所辭也。

排除貨物。非為戰事之因。世人公認。蓋中華人民。與何國貿易自由。可以自主。而他國不得強迫之。

最後一言。忠告中華民國。其竭力排去日貨。而與我美相携而進。蓋美國之在中華之無領土之希望。不過同舟相濟。以防海賊而已。美國自今以後。大開學校。以迎中華人民。前贈賠款。其小焉者也。

歐美獄內犯人。惟給其麵包與飲水。華美之對待不信不義不德之日人亦當如此。

(錄四月八日時報)

中日談判之光景

(呪頑譯)

頃東京朝日新聞載有日本政府派赴中國密探此次交涉新從中國歸來之某高官談話一篇。極足以供我國人之研究。以豫防其危險。故譯出之。並附以按語。以當呼籲。

縹緲的支那委員

公使之令媛接待

目下為問題中心之日支交涉談判。究竟在何處。所有何光景。昨

有派赴支那密探外交情形。新自彼國歸來之一高官語曰：一月十八日午後，日置公使忽接本國政府一重要訓電，即乘馬車往外交部訪孫總長。是夜北京政界乃紛紛驚擾，其間消息，事屬外交之機密，不可漏洩。姑且不言，及數日之後，平素目爲親德派之孫總長，調任審計院長，而繼其後者，則以爲袁總統之心腹著名之陸徵祥。次長則曾久居我國之曹汝霖。兩國委員於二月二日初次會面於外交部內之迎賓館，自後定以每週火木土（每禮拜二四六）三日爲交涉日，按步進行。至於談判之地，所謂外交部內之迎賓館者，係外交部內一堂堂洋式房子，距前門內公使館區域僅一小里。每次談判，大概自午後二時開始，兩方委員，日本則公使與小幡書記官及通譯高尾書記官，支那則陸總長，曹次長及秘書一人，中置一大桌，兩方委員，左右分列並坐，其會話本以支那語爲主，然公使與陸總長，間用法語，曹次長頗嫺日語，間用日語交談，其談話之內容，雖極守秘密，然亦不如外間所想像之尊嚴，時作笑談，時涉閒話，飲茶啖果，優游自若。如談判稍長時間過遲，則饗以晚餐，而席上珍羞，東西雜陳，然要以番菜爲多。

此次因支那人素有一極妙之癖性，會議時，用飯時，往往有無數雜人附壁竊聽，隔窗鑽窺，既不雅觀，亦失體面。故嚴局一室，窗帷俱蔽，絕不許人窺探。自公使墮馬負傷以來，談判之地，遂遷於日使館內。由支那委員來就會議，而支那各委員無不服洋裝，乘自動車而來者，誠哉標緻。至於會議之所，以使館樓上大廳接室充之，而以豪宕俊敏之小幡書記官代理折衝。日置公使之傷，初本損骨，不能步履。然日來漸能動作，故又改於公使私室之內開議，以便公使親自談判。中間休息之時，公使之女公子輩出而親自點綴茶果，交涉自交涉，交際自交際，迥非如世人之所揣測。現在交涉正圓滿進行，大部分已經了結，但不久有一最有趣味之事發表耳。

譯者按外交大事也，樽俎折衝之際，一舉足，一啓口，咸關於國家之體面，與外交之機宜，匪小。此次日使之墮馬負傷，其輕重不可得知，而以一私人之行爲，要求變更談判之地於該使館，反客爲主，其無理無禮，莫可形容。乃吾外交當局居然允許，澤就，已足爲外交史上留一萬死不可復之污點矣。復不數日，又

更進而就議於日使私室之內。日使之玩弄。有一於前。自必可

再於後。獨我外交當局循循聽命。如孝子之於父母。其別有將欲必故之苦心耶。吾不敢知。然吾亦終不敢以為非。茲閱日人所語。述中國委員之遷就。則揚揚有得意口吻。述中國委員之舉止。則倖倖有嘲弄口吻。而一曰不如外間所想像之尊嚴。再則曰非如世人之所揣測。迨述及日使之女公子輩出而應酬。而終謂有一最有趣味之事發表。如諧如謔。如詼如笑。譯者讀此。其秘詭巧幻之情形。不思而汗流浹背矣。夫婦女子出而應酬。私人交際之間。論日本式則尤為常事。至於交涉談判之場。而亦行之。其有意而為之耶。吾雖不敢斷。吾惟願吾外交當局時時以國家人民之生命財產置諸腦而記之。時時以子孫之禍福生死置諸懷而思之。毋為子女所述。誤吾尤願吾國人毋苛責當局。亦毋過賢當局。而監之防之。昨英字某新聞罵為床前會議。羞哉。床前會議。危哉。床前會議。吾書至此。吾不知涕之從何出也。

四月十六日時報

新約到東後之交涉因果譚

(六月六日申報)

▲新約已到東京。中日條約簽字之後。由外交部將條約簽字各情形。呈請總統核鑒。並請批准蓋璽。以便訂期交換。昨日總統已將條約批准。交由外交部查照辦理。當由該部將批准公文寄往東京。交由駐日陸公使。訂期與日本交換。聞此種公文。已由郵便局如緊遞寄矣。此次交換條約。曾經載在條約正文第九條。以日本東京為換約之地點。前日日本小幡書記官又赴外交部接洽交換手續。而日本政府亦於三十一日已開會議。并經日皇批准。是日外交部將批准公文。自日本郵局發送交我駐日陸公使。其交換日期。確在初六云。

▲滿蒙今後命運。自日人在南滿獲得雜居權之後。識者早以將來必有紛擾。引為深憂。即日本人中亦有以此項權利。指為火中之物者。近閱某日報載。譏評彼國政府之語。略謂就中日新約表面觀之。雖有居住往來之自由。雖有農工商業之可營。然軍民政治中心之省城。近旁尚且馬賊橫行。匪類出沒。肆無忌憚。況如滿蒙內地之野蠻者。試問何人敢行使此權利乎。此何異語人曰。

火中之物。不妨與汝。汝其來取之也。火中之物。誠貴重。滿蒙之居住營業權。誠緊要。然既欲實行此權利。取此貴重物。何故不要求地方治安之保持。何故不保留干預警察之權。而徒以獲得不能實行之空權。誇示於人乎云云。此等口吻。足見日人始終耽耽於警察權之獲得也。至其論奉天省城附近匪類充斥。雖未必盡屬真確。然有地方之責者。不可不特別注意也。

政府以東蒙之地位。因此次中日新條約之訂結。已大更變。而以前整頓東蒙之方針。勢不能不隨之而為變化。所有東蒙全部之政治的組織。決意伴於情勢。量為改革。確籌畫改革之入手。以洞悉該地方之現況。最為必要。籌議之結果。除分電奉天巡按使。及熱河都統。逐項報告外。並決定即日選派適當人員。分赴各地方。詳細調查。以為將來規畫之根據。此項人員。政府正在遴選之中。聞參政姚某。及諮議張某。均有選派之希望。

▲日本預備傳教 聞中日交涉中。日本所要求之傳教權。雖經我國拒絕。彼邦佛教徒。倚以信教自由文明原則之口頭禪。冀燃已死之灰。初佛教徒於四月杪。曾假日比谷松本樓開佛教徒有

志大會。後即有實行委員齋該會之決議。歷訪內務大臣外務大臣文部大臣等。一面訪各宗教務所。約同提携運動。其後該案件隨第五項諸條共歸容日協商之列。近日為貫徹要求起見。督促政府實行。恰值臨時會議開會。乃提出宣言書。並傳教權之說明。大略交貴衆兩院求議員一一示贊否之答復。諒今可建議於議會矣。目下尚有宗教徒多人。正在極力運動。再各宗管長。不日將以議院協議中之建議。更提交外務大臣。

五月二十九日北京新聞云。日本擬於東京設立僧侶布教師範學校。養成宗教人才。以備前來中國傳布佛教。自此種議論發後。頗得東京政府及各實業團代表經濟上與無形上之扶助。現已設立中央傳教會二所。一在大連。一在膠州。任大連者經營南滿一帶。在膠州者經營濟南府膠州一帶。司其事者。係昔同文館學生。以其嫻於中國語言也。

▲西報主筆被控之辯論 上海公論西報主筆李治(英人)曾著論說一篇。刊於五月十五日該報。大致謂英國於中日交涉之際。不能仗義執言。致使數萬萬華人信託英政府之意。歸諸泡影。

英國可謂失信於華人云云。英國皇家律師威金生。因此文傷害中英邦交。遂提出訴訟。昨日由英按察使開訊。威律師申訴前情。並宣讀五月十五日該報論文。被告李治。謂一九零四年至華充當上海華童公學總教。兩年後投身報界。在文匯報。上海泰晤士報。任編輯事。一九零八年為公論西報館主筆。該報向為中外人士合開。一九一四年後改為華人獨辦。余著此文。乃表示華人合理之觀念。余初獨負責任。惟余僅謂英國辜負華人之信託。並不謂英國欺誣中國。此中大有分別。余不以此文為不忠於本國。亦不預料今日之被控。余意英國必用其勢力以和緩同盟之日本。乃英國終無此舉。故著此論。以表示余與多數華人之憤慨耳。云云。是日伍廷芳。王寵惠（皆英國法學士）及新聞家王君（倫敦大學畢業生）皆來作證。謂此文若譯成華文。與中英邦交無絲毫惡影響。且可有益。云云。至是辯論中止。定明日午前十時覆審。

六月十五日申報

▲誌公論西報致控之原論 本埠公論西報主筆英人李治君。以五月十五日。該報有論失信一篇。致遭控告。定於星期一（即

六月十四日）在英按察使署審判。是為外報以公論受干涉之初次。其攸關於中外輿論界者甚重。茲特將原告所憑以起訴之原論一篇。照譯如下。

▲節譯公論西報原文（五月十五日）公論西報云。中國人知親貴之不可恃。於是改專制而為共和。今乃知所謂國際條約。保護弱小之國。以抗禦強敵者。亦曾不足恃。日英兩國既皆正。式担保。復一再為明白之宣言。以維持中國之獨立。完全為己任。至其間接之聲明。則更不可以次數計也。然除二三外交家之宣言外。世之確信日本有絲毫維持中國獨立或完全之意者。殊居少數。若朝鮮之合併。南滿之吸收。與夫暗助黨人陰謀。擾亂中國之治安。凡此數端。無不足為日本無意踐言之明証。蓋日本之視其宣言。初無異於工廠中傭役之婦孺。僅思利用以經營事業。而初不足勞其一盼也。顧日雖如此。而世人猶希冀英國能強遏其貪得無厭之心。至於今而始知其無望。此數萬萬之華人。固嘗信託二國以為信誓。而二國今竟失信。自今以後。彼於二國之約言。惟視之為一無價值之謬語而已。願英

國 恥

方有戰爭。不暇東顧。或可藉此以自解。然英固可呼美國爲助。以援中國。而莫不然。故論棄絕中國之辜。美猶在英國之下。當下議院某議員質問英政府。英美兩國間曾否有關於中日交涉之文件往來時。英外相格雷答以無有。謂惟僅有一簡短非正式之談話而已。夫日本所開之強要條件。凡先於最後通牒。或即在最後通牒之內者。其於中國之自立與領土之主權。皆有重要之危險。固爲公衆所承認。乃英國對斯二者。雖嘗有切實之担保。佈告天下。今竟漠然置之。其他若門戶開放主義。今雖以東蒙之條約而廢棄。已成封閉之域。英美二國間。且并上三者不過爲一非正式之談話。中國於此當可不再望外交之援助。而欲求諸滿口大言。毅然以維持中國獨立爲完全已任之國。則更不足深恃矣。要之。日本哀的美敦書之成功。凡日英美法俄德諸國皆應各負其責。其中除日本爲茲罪戾之實犯者外。其負有可恥之罪責者。尤當以英爲首。夫法語之言。其味最苦。然以爲苦而秘之。必於人無若何之裨益。是乃所以爲真理也。

六月十五日時報

世紀之公論

▲判決西報主筆被控案 公論西報主筆英人李治君被控一案。昨晨覆訊。被告辯護人愛理斯律師聲辯良久。其扼要處。謂報館言論自由。素爲英國所重視。苟無叛國之言。卽不應過於束縛。云云。按察使稱陪審員應細讀此篇文字。決其是否由各華報譯成華文傳佈中國各處。後足以激動華人發生擾亂秩序之行為。此爲判決此案能否成立之要點。云云。陪審員退座會商數小時之久。終不能解決。直至午後三時半始議定。判決被告無罪。遂將控案註銷。

六月十六日申報



六七

國恥紀念

(天徒)

戴天不共憤無窮。底事危機起亞東。二十四條千古辱。誰人能去腦筋中。

和作

(劍虹)

億兆同胞力未窮。肯教屈伏亞洲東。貯財救國心何壯。誓掃烟塵一戰中。

和作

(杞人)

決裂和平計兩窮。盲人瞎馬路西東。千年古國黃炎冑。自此真醒大夢中。

和作

(蓮如)

莫嗟水盡與山窮。誓斬長鯨東海東。三戶尙存堪教訓。報吳當在十年中。

和作

(慕拐)

剝復循環數不窮。旗飄五色亞之東。他年牛耳終須執。詎肯低頭島國中。

五月九日紀念

(一鷄)

盟約由來恃甲兵。鑄成大錯是和平。紛紛餘子暗殘局。袞袞羣公誤衆生。
國恥終須心上記。自強不在口頭爭。廿年嘗膽臥薪後。誓把膾腥一掃清。



對日人暗算我之預算表

日本全國學者與政治家對中國意見經對支聯合會及國民外交同盟會研究解決而黑龍會依其秘本遍地演說茲將其所擬之十條件錄後讀者可知此爲其二十四條件之最初胚胎也

第一 日本乘支那內亂或與外國宣戰之際宜以日本軍應援且任領土之防衛及秩序之維持事

第二 支那宜承認日本在南滿州及內蒙古之優越權將其統治權委任於日本使確立國防之基礎事

第三 日本宜於膠州灣占領之後應占有從來德國原有鐵道礦山及其他一切之權利又青島平和克復之後還付支那開放爲世界之貿易市場事

第四 支那因應于日支海防之必要將福建省沿岸要港租借于日本爲海軍根據地并以鐵道布設權與礦山探掘權與日本事

第五 支那因謀陸軍之改革應舉軍隊之教練委任於日本事

第六 支那因保兵器之統一應採用日本之兵器同時設置兵器製造所於各樞要之地事

第七 支那因漸次圖海軍之復興海軍之建設應舉海軍之教練委任於日本事

第八 支那將財政之整理稅制之改革委任於日本日本宜選拔適當之財政家使爲支那政府之最高等顧問事

第九 支那招聘日本之教育家任爲教育顧問又於各地遍設日本語學校圖人文之啟發事

第十 支那與外國締結契約借款或租借及割讓土壤時必先與日本協議得其同意事

家庭教育必要廣告

發行

戈朋雲先生著。此爲人生立本之教育。人人當講求而萬不容忽者。無論其身將入何界。其世係屬何時。皆不得謂此非最初之第一重要教育。苟非以此培植兒童之德性。及預造其大忠大義之氣節。雖提倡軍國民。亦未必能成世界高美之軍國民。以其之最初之根基教育也。今日之圖強。當爲治病之標本兼治。講求家庭教育。實是治本耳。美國已有萬國家庭教育聯合會。美總統得議院之同意。邀各國與會。其重已可知。戈君爲著名抱嚴正宗旨之宣講大家。以世界識見。費數載心血。始出刊。其重又可知。售價大洋兩角五分。無折扣。外埠函購。另加費五分。發行處。上海老靶子路西。鐵路醫院對面。來安里一街。四明周寓內。戈朋雲寄寓。代售處。上海大馬路望平街口。陳一鶚紙莊。又棋盤街商務印書館。

神州醫藥學報廣告

街一號

本報出版已兩易寒暑。刻已出至第三年第二期。體例內容迭經改良。本年報內刊有莫枚士先生遺著研經言一種。闡靈蘭之精義。爲後學之津梁。實爲本報一大特色。第二期起更承何廉臣先生所藏之葉香巖先生著藥學指南一書。刊入此書。名山大久藏絕未流傳。而葉氏學識尤爲人所崇拜。今得公諸於世。研究醫藥學者。定以先覩爲快也。全年報費計洋一元五角。另加郵費一角二分。總發行所。上海老靶子橋北。延吉里神州醫藥書報社。